

ՄԱՏԵՆԱԳՐՈՒԹՒՆԻ

Ն Ա Խ Ն Ե Ա Ց

ՅՈՎՏԱՆ ՄԱՆԳԱԿՈՒՆԻ

ՍՏՈՒԳՎԱԾ Է 1881 թ

17
285

ՏԵԱՌՆ

ՅՈՎ. ՀԱՆՆՈՒ


ՄԱՆԴԱԿՈՒՆԻՈՅ

ՀԱՅՈՅ ՀԱՅՐԱՊԵՏԻ

ՂԵՌԻ

103


~~7227~~



Ի ՎԵՆԵՏԻԿ

Ի ՏՊԱՐԱՆԻ ՄՐԲՈՅՆ ՂԱԶԱՐՈՒ

ՅԱՄԻ 1836 ՌՄՁԵ



U. S. DEPARTMENT OF THE INTERIOR

UNITED STATES GEOLOGICAL SURVEY

WASHINGTON, D. C.


1893



PLATE 1

SECTION THROUGH THE ...

1893



103
~~103~~

ՅԵՌԵՄՅԱՆ

() Կնողասէր որդւոց գովելի բարբ էն արդեօք արձան անմոռաց յիշատակի հաստատել զկնեացն առհասարակ արժանաւոր փառաց գնացելոյն եւ սիրոյ մնացելոցն : Արախտապարտ որդիքս ցանկացեալ դարուց ժամանակաց թողուլ անմոռաց զյիշատակ աւնուան զմեծի հօրս : Յովհաննու մանդակունուոյ քան զամինչ պատշաճական անուան նորա եւ հայրագործով սիրոյս դատեցաք ածել 'ի լոյս 'ի բազմաժամանակեայ փոշեաց զքաղցր եւ զհոգեբուխ բանից նորա զշարս , որով նշուլազարդ փայլեն յայտ ամենեցուն փառք նորա եւ անսոգիւտ վարք : Հայր կացեալ սորա եկեղեցւոյս հայաստանեայց զկնի սրբոցն Սահակեանց եւ Սեսրովպեանց ճոխացոյց զեկեղեցի անձային պաշտամամբք , օրհնութիւնաբեր կարգօք եւ կանոնական սահմանօք , եւ ըստ այն անտեսութեամբ առաջնորդելոյն հօտին իւրոյ . ինդակից եւ պարագլուխ նոցա գտեալ առ Մատուած ցնծութեան յամենայն փառաւորութիւնս առաքինացելոցն , եւ անաչառ կշտամբիչ թերացելոցն յանրատերիւր վարուց , որպէս զայլ ոմն Սկեբերան երեւեցաւ 'ի Հայաստան աշխարհիս , քարոզ բանին ճմարտութեան սքանչելի պերճախօսութեամբն :

Ի քսան եւ վեց ճառից աստի Հայրատետիս առաջինքն մեծաւ մասամբ յանուն Արիւմի մակագրեալ են 'ի ճառնարի ուրեք . որպէս եւ 'ի փարիզացւոց քաղաքին կայ այլ օրինակ մի ամբողջ բոլո-

րագիր անթուական նովին մակագրով : Այլ առ
 մեզ նոյն ճառք 'ի նորագիր մատենի միջ ամենայնս
 յանուն Սանդակունւոյ մակագրին : Իսկ 'ի հնա-
 գոյն պատուական օրինակն երկաթագիր զոր ունիմք
 եւ զոր կալաք մեզ առաջնորդ 'ի տպագրութեան , խան-
 գարեալ էր անուն մատենագրին առ հնութեանն : Այն
 'ի ճառից աստի եւ ոմանք յայլ եւ այլ գրչագիրս միոյն
 անուամբ վարեցեալ եւ այլոց յայլում . յորմէ եւ ոչ
 վայրապար երկբայեսցի հնախոյզ ուսումնասէրն եթէ
 զոր 'ի նոցանէ որոյ մատենագրի սեփականեւ արժան
 իցէ . զայս եւեթ յայտնի գիտեմք , զի 'ի յոյն եւ յա-
 սորի բնագիրս մատենագրութեանցն Ափրեմի չիք եւ
 ոչ մի 'ի ճառից աստի : Այլ եթէ նորին Սանդակունւոյ
 իցեն թարգմանութիւնք յԱփրեմայ որոց բնագիրն
 կորուսեալ իցէ , կամ եթէ 'ի բանից նորին Ափրեմի եւ
 Սկեբերանի ծաղկաքաղ արարեալ եւ յանձնէ յայլ
 կերպարան ածեալ իցէ զնոսին ըստ ժամուն պիտոյից
 'ի բեմբասացութիւն ժողովրդեան , յորմէ յոմանս 'ի
 նոցանէ երեւի անուն Ափրեմի եւ ուրեք եւս Սկե-
 բերանի , չիշխեմք առ ժամս դատաստան առնել հա-
 մարձակ : Այլ եթէ այսպէս եւ եթէ այն , կարծեմք
 եթէ չիցեմք վրիպակ ինչ գործեալ եթէ Սանդա-
 կունւոյ զնոսին ընծայեցաք ցորչափ օրինակ յանուն
 նորին 'ի ձեռին ունիմք , եւ 'ի հակառակէն ոչ զօրա-
 ւոր ինչ հաւաստիք : Այն զի ոչ ինչ երկբայիմք եթէ
 ընթերցասիրացն ջան եւ փոյթ 'ի լուսաւոր եւ յանս-
 տերիւր վարդապետութեանց աստի ոչ սակաւ հրա-
 հանգեսցի 'ի կիրթս առաքինութեանց . որով եւ մա-
 տենագրին , ո ոք եւ իցէ , եւ աշխատողացս լի կա-
 տարեալ պսակին իղձք :

Լ՝ մենայն վերաւորք մարմնով . . . ար ա-
նեն զվերս ցաւոցն և հնարագէտ ըստ
ցաւացուածին և ըստ վիրին շարութեանն դեղ յօրինեն այնմ
անդամոց ուր վէրն կայցէ . և ոչ եթէ վէր յականն և դեղ յուն-
կանն որ առնիցէ : Նոյնպէս և յորժամ մեղաց հլւանդուի որ
ունիցի , և առ բժիշկն որ հոգւոց մերձենայցէ , զոր ինչ վէրս մե-
ղաց ցուցանիցէ վիրաւորն , մօտ է բժշկին զնոյն շարութիւնն
ծանուցանել , և վասն նորին խրատել և յանդիմանել և միւր-
թարութի կատարել զխրատ բանի վարդապետութեանն . զի
թանձրագունիցն լսելիք զիւրալուր բանիցն հանդիպել կարաս-
ցեն , և զչարուի վիրին ծանուցանել , և զդեղոցն հանգամանն :
Սոյն և բանից թղթոյս շարագրութի ոչ խառն ՚ի խուռն զամ
անօրէնութի առաջի արկեալ ցուցանեն , և կամ զայլ և այլ
յանցանաց ինչ պատմեն , այլ ըստ խնդրոյ խնդրողին զնորին
անօրէնութի շարութեն ծանուցանեն , զի լսելիքն օգտել կա-
րասցեն . ոչ չ բանից և կամ ց փոյթ արարա
. զիւրալուր ցուց նչ պատմել , որ ՚ի իցն ,
զիւրաւ և քաջ ՚ի միտ տան առնուլ . զի ոչ եթէ ճարտարասա-
նութի բանից ՚ի խնդիր է վիրաւորն , այլ որ զիւրալուր բանիւ
զհանգամանս առողջացուցիս դեղոցն ոգոյն վիրացն ցուցանի-
ցէ , և զախտս մեղացն փարատիցէ անձային վարդապետու-
թէն . ոչ ինչ աւելի ձևացուցանել քան որ Հոգւոյն սրբոյ են
հրամանք : Զի թէպէտ և զիրք բաղում գրեցան , սակայն մի
և նոյն են պատգամք : Այսպիսի ինչ է զոր ասէան : Ընկալաւ
Մովսէս տասնպատգամեան օրէնս ՚ի Հոգւոյն , որ ունէր զամ
կամն այ . նմին վկայ և մարգարէքն գրեցին , և զնոյն զիւրա-
պատում արարին . նովին Հոգւով զնոյն և առաքեալքն գրե-
ցին , և ևս առաւել յայտնագոյնս ծանուցին . նովին Հոգւով
զնոյն վարդապետքն թարգմանեցին . և մի ըստ միոջէ զիւրա-
լուր ևս արարին ՚ի լրումն . . . ? ջերմեռանդն արտասուօք պարտ
է կալ առաջի այ . և որպիսի աղօթք են անընդունելի և զինչ
վարձք նորա , և կամ որ ընդունելիք և որպիսի . . . նորա . և թէ
որպիսի մ ք ջանայ սատանայ խափանել զաղօթս աղօ-
թականին : Ծանուցանէ և զդառն դատաւորն ծուլացելոյն և
զան մահկենացն վայելչութիս :

1 Եօրինակին խանդարեալ է . 2 Բուղթ մի անկեալ է յօրի-
որպէս և զկնի :

Ե. Վասն ողորմութեւն և անողորմութեւն, և թէ որպէս շահաւոր է քան զամ առաքինութիւն. և թէ որ օգուտ հըօրին է և որպիսի ինչ աղբատին 'ի տրոցն ողորմութէ : Ուսուցանէ և զանազան կարգս ողորմութեւն հանգամանս և զկեղծաւորացն պատիժս : Պատմէ և վնեղելոցն նեղութիւնս և զանողորմիցն զթշնամանս : Յիշեցուցանէ և զանողորմիցն դատաստանն անողորմ, և զողորմածացն ողորմութիւն յաշեղ աւուրն յեանումն :

Զ. Վասն պտղոց և պատարագաց և ողորմութեւն աղբատաց. և եթէ կերպարանօք բարւոյ գործ անօրէն կատարէ սատանայ. և թէ պարտ է զոր ինչ ոգւոցն սերմանեա՝ երկիրդինն այ կատարել և ոչ 'ի ցոյցս մարդկան, զի մի զխոտանն մատուցանելով յանդիմանեացուք իբրև զկայէն : Եւ ապա 'ի խրատ մատուցեալ յայտնէ զբարութի հնարից սատանայի, և ցուցանէ թէ որպէս պարտ է զերժանել 'ի նմանէ :

Է. Վասն փոխոց և վաշխիցն չարաց. և թէ որպէս անօրինադոյն են քան զամ անօրէնութիւն փոխոցն տոկոսիքն, և անթիւ հոյս ամբարշտութեւն ծնանի. և թէ պիղծ : Են պատարագք և ողորմութիւնք զոր 'ի վաշխիցն որ առնիցէ : Սպառնայ և ահիւ զեհնին թէ յայնմ աւուր շուրջ զնովաւ տեսանելոց է զբարեացն զպատկերս զըրկեալս և զկոփեալսն :

Ը. Վասն յանդիմանութեւն տրտնջողացն և մխիթարութեւն աղբատացն գոհացողացն. և թէ որչափ շար է տրտունջ, և հաւասար հայհոյութեւն. և որպիսի շահք են յաղբատացն գոհութէ, որք և զպսակս իսկ զմարտիրոսութեւն ստանան : Եւ ուսուցանէ թէ որ են պտուղք և պատարագք և ողորմութիւն աղբատին, որ առանց ոսկոյ և արծաթոյ է բաշխումն : Պատմէ և զհոյս տրտումն մեծատանցն և զաղբատացն անհոգութիւն. յիշէ և զտանջանացն արհաւիրս, և ապա 'ի խրատ խոնարհի :

Թ. Վասն քահանայիցն տեսչուն 'ի վերայ ժողովրդեանն. և թէ որպէս ահիւ և զողութիւն պարտ է առաջնորդել, զի և անգ . . . ժողովրդեանն. զի բաղում բնութ նէն. և եթէ ահեղա ին ոչ զգուշացուցանեն բանիւ վարդապետութիւն :

Ժ. Վասն բամբաստողաց և չդատելոյ զվարդապետս. և թէ մեծ անօրէնութիւն է բամբաստողաց շարութիւն, և ընդ պոռնիկս և ընդ յափշտակողս դատապարտին. և առաւել ևս որք վրահանայն և զվարդապետն և զառաջնորդս բամբասիցեն. և թէ որչափ ապաշխարութիւն է քահանային վասն հօրին տեսչուն : Պատմէ և զահեղ տանջանացն, և ցուցանէ զճանապարհ կենացն յախտենից :

ԺԱ. Վասն սիրոյ և յանդիմանութեւն և մախանաց և նախանձու. և եթէ որ է սէքն անձակամ, և կամ որ ըստ մարմնոյ. և եթէ որպիսի անօրէնութիւն է նախանձն և ատելութիւն զոր զունն.

լին սատանայի նմանեցուցանէ և նորուն տանջանացն տանջանակից: Ապա 'ի խրատ խոնարհի, և սպեղանիս 'ի վերայ հրամայէ ըստ ախտին չարութեն:

ԺԻ. Ասան բարկացողաց բարուց և անհաշտ թշնամութեն մտաց. և թէ որչափ անհամբոյրք են և վայրենաբարոյք, և ըզթոյնս թշնամութեն են հանապազ ցուցանէ զհաշտելն ընկերին ի ասեղ խորհրդո յիշեցուցանէ զթշնամանս Քնի զոր առ 'ի մէնջ և համբեր. և զպսակս համբերողացն և զանհնազանդիցն զտանջանս:

ԺԻ. Ասան ռխապահաց և քինահանաց. որ ծանուցանէ եթէ քանի չարութիք նախանձոտացն ռխութիք, որ իբրև ըզհուր բորբոքեալ այրէր զնոսին. և եթէ ոչ է պարտ զայնպիսիս մարդ անուանել, այլ օձս և իժս դառնաթոյն՝ որ հանապազորդս 'ի տուէ և 'ի դիշերի սպանութիս գործեն: Ապա և զպատիժս դատաստանին յիշեցուցանէ. և 'ի խրատ յորդորէ հանդերձելոց բարեացն ցանկութի:

ԺԻ. Ասան սակաւ ինչ գողութեց որ ոչն ապաշխարեն. և այն է զոր ասէն՝ եթէ «Աժ անօրէնութիք մեղք են. և են մեղք՝ որ մահուչափ են»: Յայտնէ և զպատրանս սատանայի թէ որպէս փոքր կարծեցուցանէ զմեծամեծ անօրէնութիս. զի ոչ եթէ ըստ չափոյ ընչիցն դատի, այլ զլրէժ պատուիրանսհատունն պահանջէ: Յիշէ և զահ հաշեղ դատաստանին, և զանմահ կենացն ւնս:

ԺԵ. Ասան չար սովորութեն երդմանցն օրինադոյնք են քան զ արդեալ է ամենևին 'ի պատուիրանաց զերդմունս սատանայականս. զի անհաւատից են երդմունք և ոչ հաւատացելոց: Ապա խրատէ և զճմարտութի ուսուցանէ. և յիշեցուցանէ զանբաւ բարութեն զվայելելութիս:

ԺԶ. Ասան արբեցողացն անօրէնուէ, և թէ ընդ պոռնիկս և ընդ յափշտակողս դատապարտին. պատմէ և զզանազան չարեացն որ անտի են ոգւոց և մարմնոց. եղկելի գիմարութիս արբեցողացն լինի, որ 'ի միոյ սրոյն երկնչին և նմանեաւն սատակին. 'ի հնոցէ պոռնկութեն սարսեն և բոցով արբեցունն այրին և խորովին. որոց պարտ էր յերկոցունցն հեռանալ: Ապա խրատէ և յիշեցուցանէ զարբեցողացն տանջանսն և զպատուիրանացն պարզանս:

ԺԷ. Ասան անօրէնութեն թատերացն դիւականաց՝ եթէ սատանայական է ժողովն և մայր անձ մեղաց. յորմէ ծնանին անթիւ ախտիցն բազմութիք, և առաւել ևս 'ի կատականացն և 'ի դուսանացն ելանիցեն հայհոյութիք և զաղբալի հոյք անօրէնութեանն: Եւ եթէ հայհոյիք են պատուիրանաց որ 'ի թատերս մտանեն, և 'ի շնորհաց Հոգւոյն մերկանան: Ապա խրատէ հեռանալ 'ի բազմաչար ախտից և առ անձ մերձենալ:

ԺԸ. Ասան կնաթողաց, որ փասն անպատշաճ ինչ բանից եթէ լուաւ, ռխս բազմօրեայս ունիցի. և գործ մահու գոր.

ծեաց որ վկինն իւր եթող. այնպիսին անձնասպան է որ հե-
ռացաւ յայ, և աններելի տանջանացն մատնիցի: Այլ վասն
չբաւորութե որ որդւոց առնիցէ զատելութի ընդ ամուսնոյ,
չար է առաջի անձ որ սպառնայ ահիւ գեհնին: Ապա ՚ի խրատ
խոնարհի և զդուշացուցանէ վարդապետութիւն:

ԺԹ. Վասն անասնամուլացն և իրացելոցն և անօրէն ա-
բուազիտացն՝ եթէ յորպիսի անգունդս անօրէնութե իջուցա-
նէ զմարդիկ սատանայ. որ քան զհեթանոսութիս ևս պղծա-
դոյն է, և չէ իսկ ՚ի մարդկան համարի: Չարմանամ և ընդ նե-
րողութիս անձ, թէ կենդանոյն իսկ փայլատակմամբ ՚ի յերկ-
նից պարտ էր սատակել զայնպիսին: Յայտնէ և զամպղծու-
թիսն. և ապա ՚ի խրատ խոնարհի և յոյս ապաշխարութեան
ցուցանէ:

Ի. Վասն չունելոյ սէր բարեկամութե ընդ թշնամիս անձ. և
փախել յագահաց և յափշտակողաց և յարբեցողաց սեղանոյ,
զի պեղծ են ագահացն և յափշտակողացն կերակուրք, և պրդ-
ծեն զայնոսիկ որ մերձենան ՚ի նոսա, և նորին բարեկամութե
առնեն ընդ թշնամիս անձ: Եւ եթէ պարտ է ՚ի նքս յարիւ և
զանձասէրս սիրել, զի և յերանութիս երանեսցին:

ԻԼ. Վասն մխիթարութե կարկտին հարուածոց, եթէ վասն
որպիսի ինչ իրաց նեղեն զմարդիկ ցասմունք ազգի ազգի. և ե-
թէ զոր անձն գործէ, զամբի բարի մատակարարէ մեզ: Յայտնէ
և այլ զլուխս բաղում անօրէնութեանց. և ապա մխիթարէ և
գոհանալ չբամայէ զողորմութե անձ անձ, որ անցաւ որօքս խրատ
և ոչ յաւիտենական ասնջանօքն:

ԻԿ. Վասն զգուշութե ՚ի նքս խորհուրդն մերձենալոյ. և
թէ որպէս պարտ է ահիւ և զողորմութե և բաղում երկիրդիւ
ընդունել ՚ի մարմնոյ և յարենէ ան մերոյ Յնի Քնի. և եթէ
յոյժ աններելի դատապարտի քահանայն՝ որ զվիղճ մեղաց ու-
րուք գիտիցէ, և ՚ի նքս խորհուրդն մերձենայ, և ոչ սաստիցէ
նմա. և եթէ որպիսի սրբութե արժանացցին ՚ի նքս մարմինն
և յարիւնն տէրունական մերձենալ:

ԻԶ. Վասն սգաւորաց մխիթարութե ՚ի վերայ վախճանե-
լոց. և թէ հեթանոսական և սատանայական է սուգ մեռե-
լոց. և լինին . . . վանք չար դիւին խորհրդոց: Եւ եթէ լաւ է
մահ և օգտակար, թէպէտ և մեղք որ իցէ վախճանեալ, սա-
կայն յառաջակայիցն դադարեաց: Պատմէ և զանառակութե
կոծողացն և փետողացն և զմերկափիկ արիւնասհանացն, և
զճշողսն և զկառանչողսն յանդիմանէ, և առ սգաւորսն ՚ի մխի-
թարութի խոնարհի:

ԻԷ. Եւ ապա ողբն. և նորին աղօթքն:

ԻԸ. Եւ խրատ հարցն յաղագս առաքինութեց երիտասար-
դի. և վասն ամբարտաւանութե, որ յետ ելանելոյն Ազամայ
նախահօրն մեր ՚ի զբախտէն ՚ի վերայ ծննդոց նորա հաստա-
տեցան:

Ի Զ. Վասն հմայից և անօրէն զիւականաց որք թիւրեցան յաշխարհի՝ ՚ի Ճշմարիտ և յուզիղ պատուիրանաց, և գնացին զինի սատանայի առ կախարդս և առ թովիչս և առ վհուկս և առ ձեռնածուս. և թողու զկաթողիկէ եկեղեցի և զխաչն անձրնկալ, զնոսս յանդիմանէ և լուծանէ՝ ՚ի քրիստովնէական հաւատոց. և առ Ճշմարիտ պատուիրանապահսն՝ ՚ի խրատ խոնարհի և յաւիտենից բարութեցն ժառանգորդս կացուցանէ :

Եւ արդ զայս անձ փոքր ՚ի շատէ ծաղկաբաղ արարաք. բայց են և այլ անթիւ հոյլք խորհրդոց և բաղումօրինակք չարեաց և առաքինութեց, և որք կարևոր են առաջնորդաց եկեղեցւոյ ՚ի խրատ և ՚ի յանդիմանութի և յերկիւղ և ՚ի զգուշութի անձ ժողովրդոց. զի որ ինչ միանգամ պակասուի է մեղաց, և յանցանք վարուց եղեալ են ՚ի սմա. և անձ խրատք վարդապետուն որ պիտոյ են եկեղեցւոյ, ՚ի սմա գտանին յայտնապէս և ոչ ծածկաբար : Յայտնէ և զմեղացն չարութիս և զբժշկութեն զհանգամանս. որով պահէ անարատ և առանց զայթազղութե զողիտագունիցն զեղուս, որք փոյթ են յուսանել վասն երկիւղին ան և պակասն բանիւ և կամ գիտութի : Անաշխատ խրատէ զեկեղեցին թղթոյս վարդապետութի : Յուցանէ և զանազան մեղացն չարութիս և զահաղ տանջանացն զարհաւիրան : Ծանուցանէ և զսոստովանութե հանգամանս և զապաշխարութե զղջումն. զգորգորումն ողորմութե և զփոյթ աղօթից և զպնդուի պահոց : Ուսուցանէ և զխոնարհուի մեծամեծաց և զհնազանդութի նուաստագունիցն. ասէ և զփոյթ խրատութե քահանայից և զգուշութի պատուիրանապահուե ժողովրդոց. զպղծուի գործոց, զանպարկեշտուի մարմնոյ, և զգայթազղուի լեղուաց և զսորամանկութեցն աներևոյթ փասուցն, և զանհոյս ազգի ազգի անօրէնութեան յայտնէ և յանդիմանէ, և ուսուցանէ զգանազանութի վարուցն առաքինութե ըստ հաճոյից կամացն ան. և անձ իսկ չարաչար ախտից և վիրացն և մեղաց բժշկութե որում ցանկայ և խնդրէ անձն ապաշխարողի զհնարս զեղոց բժշկութե՝ ՚ի սմա գտանէ, որ են այսոքիկ :

ՏԵԱՌԻՆ

Յ Ո Վ Հ Ա Ն Ն Ո Ւ

ՄԱՆԴԱԿՈՒՆԻՈՅ

ՄԱՏԵՆԱԳՐՈՒԹԻՒՆԿ

Ա

ԹՈՒՂԹ ՎԱՍՆ ԽՈՍՏՈՎԱՆՈՒԹԵԱՆ

ՎԱՐՈՒՑ ՅԱՆՑԱՆԱՑ*

Որք սուրբ Հոգւոյն են ցանկացողք, և անձային սիրոյն են բաղձացեալք, դալստեան Որդւոյն անյ սպասեն, և անմահ փառացն փափագեն. միշտ 'ի վերինն խորհին, և հանապազ անդուրախութիսն փափագեն. զառօրեայս արհամարհեն ուրանան, և օր ըստ օրէ 'ի վեր ելանեն՝ ոչ միայն հաւատոցն ճշմարտութիւն, այլ և վարուցն առաքինութիւնք. միշտ սկեն սրտին սրբութիւն, և հանապազ պատրաստ են ոգոցն անարատութե. վարին և կեան յաշխարհի և ոչ ըստ աշխարհիս հաճոյից, այլ իբրև զօտարս և զթափառնականս և զմանկունս այլոց աշխարհի նեղին և մաշին 'ի բազում պիտոյից. յուսովն զօրանան այնու՝ եթէ «Ուր ենն եմ, անդ և պաշտօնեայն իմ եղիցի», Այսպիսի են հոգևորացն պատիւք և անձասիրացն պարգևք:

* Յերկուս օրինակս յանուն Նփրեմի մակագրի ճառս:

Եւս լես 'ի բազում նետից չարին վիրաւորեցայ, և յաղթեալ պարտաւորեցայ . զպարտութի խոստովանիմ, և զամբարշտութիս իմ ծանուցանեմ . զանթիւ զմեզս իմ պատմեմ, և զահեղ անօրէնութիս իմ պաղատիմ : Զի ցաւք վիրաց իմոց բռնադատեն զիս պատմել, և վարանք աղէտից իմոց հարկեցուցանեն զիս պաղատել, դեղ վիրիս իմոյ որոնել, և վտակս արտասուաց ինդրել հանապազ . որով զմեզս իմ լացից, և զվերս իմ բժշկեցից : Զոր բազում բաղձանօք ցանկամ հանապազ, և ըղձալի տենչանօք հայցեմ յարաժամ զմարգարէականն զայն ողբալ . զի ընդ նմա ձայնակցելով ողբայի, և արտասուելով զաղերսալի զձայն գորովոյ բարբառէի միշտ՝ ասելով թէ առնէր որ զգլուխ իմ շտեմարանս ջուրց բազմաց, և զաչս իմ յորդ¹ աղբիւր արտասուաց, և միշտ 'ի տուէ և 'ի գիշերի լայի անդագար՝ դառնապէս զամբարշտութիս իմ արտասուել, և զչարիս իմ վարանել, զբազմուի աւնօրէնութեց իմոց լալ, և միշտ զմեզս իմ ողբալ, և զանբաւ զյանցանս իմ հեծել, և զանթիւ զպղծութիս իմ հառաչեցից, և զահեղ զկործանումն իմ կոծել, և վասն աղէտիցն տանջանաց ողբալ դառնապէս : Զի խիղճ² յանցանաց իմոց հեղձուցանէ զիս հանապազ, և չարիք իմ չարչարեն զիս յարաժամ, հայելով յանթիւ մեղաց իմոց բազմութի, և յահեղ ախտից իմոց անօրէնութի . որ միշտ զմարմինս իմ մաշէ, և զոսկերս իմ խարշատէ, և զսիրտ իմ գելու, և զորովայն իմ գալարէ, և անձն իմ դողայ երկիւղիւ, և զամ անդամս իմ հալէ հանապազ : Զի առ ցաւս վիրաց իմոց վարանիմ, և միտք իմ ափշեալ յամառին . զի գիտեմ զբարին³, և առնեմ զչար . իմանամ զարդարութի, և գործեմ զանօրէնութի . խօսիմ զուղղութիւն, և խորհիմ զանիրաւութի . երևիմ սրբութի, և մերձենամ յապտեղութի . ճանաչեմ զճշմարտութի, և յարիմ 'ի մոլորութի . տեսանեմ զլոյսն, և խաւարին փափագեմ :

Եւ արդ ո՛վ զիս լացցէ, և կամ ո՛վ զիս ողբասցէ

1 Յայլում օրին . յորդանան :

3 Յօրին . զբարի էրեւի

2 Յօր . ինչճ . եգաք ըստ այլոց :

բբաւի . եգաք ըստ այլում :

զմեռեալս մեղօք և զկործանեալս անօրէնութիւնք, զանկեալս 'ի խորս խաւարի և յանդունդս՝ ամբարըշտութեամբ. զի չարիք իմ չարչարեն զիս, և պղծութիւնք իմ սպանանեն: Եւ արդ որպիսի՞ ինչ լացից, և կամ որպիսի ողբացից զանթիւ մեղաց իմոց զբազմութիւն, որ 'ի յանցանացս եմ հիւանդացեալ, և ծուլութիւնք իմով ցաւագնեալ: Զի անմահութիւն ինձ խոստացաւ, և ես մնամ 'ի մահուս. 'ի վեր յերկինս հրաւիրեաց, և ես յանդունդս դժոխոց իջանեմ. զփափագելի զդրախտոն պատրաստեաց, և ես՝ ըզփուշս խոցոտիչս ընտրեցի. և կեանս և փառս մշտընջենաւորս, և զիս մեղօք իմովք սպանի: Եւ արդ այսր անմի ո՞ր սուգ բաւական իցէ, կամ ո՞ր ողբք ողբալոյ. որպիսի՞ լալումն արտասուեաց, կամ որպիսի՞ հառաչանք պաղատանաց. ո՞ր ինչ աշխատութիւք, և կամ ո՞ր վաստակք՝ առաքինութիւն զվերս իմ բժշկեսցեն, զի անթիւք են և անհամարք: Եւ անձն իմ հեղգայ ծուլութիւք, յահեղ մեղաց բազմութիւնք լքեալ թուլանայ, և յանշնջ հրոյն գեհէնին սարսեալ սարսափէ. զի յիշելով զմեծ օր ահեղ դատաստանին և զսոսկալի բեմբին արհաւիրս՝ անձն իմ դողայ երկիւղիւ, և միտք իմ ահիւ հիանայ. սիրտ իմ ողբալ պահանջէ, և աչք իմ բաղձան արտասուեաց. ահ ահեղ ատենին փութացուցանէ զիս յապաշխարուի, և պատրանք չարին ծուլացուցանեն զիս հանապազ: Եւ ահա նեղեալ եմ յերկուցունց և տագնապեալ եմ ամենայնիւ, զի միշտ 'ի մեղս զաւուրս իմ անցուցի, և յանօրէնութիւն զկեանս իմ ծախեցի, և ումեք զբարիս չարարի, և զարդարութիւն երբէք ոչ ստացայ. այլ զիմ անդամս իմ ապականեալ կորուսի 'ի յանցանս բազմադիմիս: Զբերան իմ բամբասանօք պղծեցի, և զլէզու իմ դատարկ բանիւք աղտեղացուցի. զունկն իմ 'ի լուր չարութիւն, և զակն իմ 'ի տեսս աղտեղիս. զսիրտ իմ զազիր խորհրդովք, և զանձն իմ անպարկեշտ գնացիւք վարեցի հանապազ. և ա-

1 Եօրինակին եղծեալ էին երկու տողք. յայլմէ լրացաւ յանդունդս . . . և այլն:

2 Եօրին. չիք էս, եգաք ըստ այլ.

լում օրինակի:

3 Եօրին. չտգտի . . . եգաք ըստ այլում օրինակի:

մենեւին ոչ պահեցի զմարմին իմ առողջ, և զսիրտ իմ ճշմարիտ . զի մեղօք 'ի ցաւս, և յանցանօք 'ի հիււանդութիս : Կամիմ զղջանալ խոտտովանել, և թըշնաւին յապաղեցուցանէ . կամիմ մտանել 'ի վարս ապաշխարութե, և թշնամին ծուլացուցանէ . կամիմ անկանել առաջի անյ, և թշնամին հեռացուցանէ . կամիմ պաղատել և մաղթել և աղաչել, և թշնամին կարծրացուցանէ . կամիմ ողբալ և լալ արտասուօք, և թշնամին ցամաքեցուցանէ . կամիմ ողորմել աղքատին, և թշնամին ' զաղքատութիս իմ յիշեցուցանէ . կամիմ պահօք զիս մաշել, և թշնամին զտկարանալս մարմնով ինձ յիշեցուցանէ . կամիմ խոնարհել և եղբօրն հնազանդել, և սիրտ իմ սնդի ամբարհաւաճուի . զի որով մարթիմ զմեղս իմ քաւել, զչարութեան որոգայթ թշնամւոյն առաջի եդեալ գտանեմ :

Այլ արդ նեղեալ եմ ամենայնիւ, և անձն իմ հեծէ հանապաղ . յիշելով զմեղաց իմոց զբազմութիւն դողամ երկիւղիւ, և ընդ զազրուի խորհրդոց իմոց վարանիմ . զանսրբութիս իմ հայելով ողբամ հանապաղ, և զանօրէնութիս զմտաւ ածելով արհաւիրք տարակուսանաց 'ի վերայ իմ անկանին, և ցաւք երկանց ինձ հարկանեն : Զի միշտ զահ հեղատենին տեսանեմ, և զարհաւիրս մեծի բեմբի և ահաւորի, և զահեղ հնչիւն փողոյն, և զահագին բարբառ հըրեշտակապետին . զծովածաւալ հրոյն բորբոքումնն, և ընդ անմ երկիր ծաւալումն . զվերանալն արդարոյն, և զմնալն մեղաւորացն . զգումարելն անմեղաւորաց, և տալ համարս բանից և գործոց . զսոսկալի դէմն դատաւորին, և զաններելի օր դատաստանին . զչարամօթն մեղաւորաց, և զդառն ² անմահ տանջանսն յաւիտենականս : Եւ վասն այսր անմի հեծեմ և լամ դառնապէս՝ անդադար զմեղս իմ ողբալով, զի յոյժահեղ տեսանեմ զարհաւիրս գեհէնին, և զսոսկալի աղէտիցն զտեսչութիւն . ուր ոչ ինչք և ոչ աղաչանք ինչ օգնեն . ոչ լալումն և ոչ արտասուք են օգուտ . ոչ հեծութիք և ոչ հառաչանք են պիտոյ . ոչ ար-

1 Յօր. մերում չեք թշնամի . եղաք ըստ սյուլում : 2 Մի օր. Դառնաճահ

դարբն մաղթեն, և սուրբքն բարեխօսեն ընդ գնացել լոյն մեղօք: Անծանօթ ես 'ի ծանօթից, և հեռաւոր 'ի մերձաւորաց. ատելի ես սիրելեաց, և թշնամի բարեկամաց. ամայի ես ամենեւին, և օտար ես յամենեցունց: Ոչ զոք կարես աղաչել, և ոչ ոք զքեզ ճանաչէ. ողբաս և լաս ողորմով, և ոչ ոք 'ի քեզ խոնարհի. պասքեալ ծարաւով տապակիս, և ոչ զթայ ոք 'ի քեզ. այլիս հանապազ, և հնարս խորովմանն ոչ գտանես ամենեւին. միգապատեալ կաս 'ի հուր հնոցացն, և աղջամղջիւ յաննշոյլ գեհէնին, 'ի դուրբըս խաւարայինս և 'ի տարտարոսս ներքինս 'ի ժահահոտս և յորդնեռացս. հուր բորբոքեալ 'ի ներքոյ, և հրահոսանք ահեղ 'ի վերուստ՝ որ յորդեալ իջանեն յորդահոս գետոցն հրեղինաց, ուր խաւարն է շօշափելի: Եւ ամենեւին զոք ոչ կարես տեսանել, զի սեւաթոյր միգոփն մթապատեալ և արկեալ՝ 'ի մէջ կայծականց՝ լաս և ողբաս անդադար, և զքո միայն վարանն կոծիս, զի յահեղ աղէտիցն ցաւոց զքեզ միայն համարիս 'ի տանջանս չարչարանացն: Հեծես հանապազ և լաս դառնապէս, անհանգիստ և անմխիթար. վիշտք և նեղութիք և մշտնջենաւոր տառապանք. անդադար տանջանք, և աններելի տագնապումն. անպատում ցաւք, և աննման կսկիծք. ամենայնիւ վարանք, և ամենեւին տարակուսեալք: Զի անդ ճշումն և վայումն միայն է բարբառ. ողբանք և խանդաղատանք՝ անդ՝ զհաչելն և զհառաչելն միայն լսես, զհեծելն և զտագնապելն. լալ և ողբալ անդադար, և ողորմուի ոչ գտանել. այլ միշտ 'ի վիշտս խաշիս, և հանապազ 'ի կարօտութիս մաշիս հանդերձ արտասուօք և պաղատանօք զոր ոչ ոք լսէ, և ոչ զպաղատանսն ընդունին, քանզի անժամ է ժամանակն: Այլ աստ է լալ և աստ է ողբալ. աստ է հաչել և աստէն հառաչել. աստ է աղաչել և մաղթել և խնդրել թողութիւն. զի աստ է շահ արտասուացն և օգուտ աղօթից, սերմանք ողորմութեան և պտուղ ապաշխարութեան, ժամանակ հառաչելոյ

1 Գորնակին Պաղատեալ և աւիւտ. եղաք ըստ այլոց:

2 Մի օր. Լիսեբաղաբանի. անդ զհաչելն:

և ողորմութիւն խնդրելոյ :

Այլ արդ աստէն փոխանակեսցուք զսուղ նեղութի մարմնոյս ընդ անսպառ տանջանացն ցաւոց . զի ընդ սակաւ պահոց աշխարհիս աշխատութե ապրեսցուք 'ի բորբոքեալ բոյոյն և յահեղ կայծականց գեհէնոյն . ընդ փոքր ինչ տքնութե աղօթիցն ապրեսցուք 'ի յորդահոս գետոցն հրեղինաց . ընդ սուղ ինչ տրտմունե ապրեսցուք յահեղ հնոցացն և 'ի չարաժանի որդանցն խածանողաց . ընդ հաչելոյն և ընդ հառաչելոյն աստ, անդ ապրեսցուք 'ի դառն տանջանացն և յաննչոյլ խաւարէն . ընդ սուղ մի լալոյ և արտատուելոյ աստ, անդ ապրեսցուք 'ի միշտ լալոյն և 'ի հանապազ ողբալոյն . և փոխանակ միոյ անպաշխարելոյ աստ, անդ ապրեսցուք 'ի միգապատ խաւարէն, 'ի դառն մահուանէն և յաւիտենական ամօթոյն :

Այլ արդ զայս ամ գմտաւ ածելով, ով անձն իմ բազմամեղ, մի հեղգար 'ի պահոց, և մի ծուլանար յաղօթից . մի դադարեր 'ի զղջանալոյ, և մի յապաղեր 'ի խոստովանութէ, և մի վհատիր յապաշխարութէ, և մի վաստակիր յողորմութէ . մի դադարիր 'ի լալոյ, և մի հանգչիր յողբալոյ . մի մնար վախճանին, և մի յուսար 'ի վաստակ ծերութե, և մի համարիր զքեզ ամս բազումս յաշխարհիս, և մի կարծեր եթէ յապա ինչ ապաշխարեմ . գող է թշնամին և խաբող, խաբէ ըզքեզ և կորուսանէ յապսղեցուցանելով այնպէս : Այժմ գործեցից ասես, ապա ապաշխարեցից . 'ի մանկութեանս հանգեայց ասես, և 'ի ծերութեանն ապաշխարեցից . կեցից այսօր վայելեցից ասես, և 'ի վաղիւն պահեցից . այժմ փափկացայց ասես, և ապա պարկեշտացայց . այժմ ժողովեցից ասես, ապա սփռեցից աղքատաց . . .¹ : Այսպիսիք են պատրանք թշնամոյն, որովք խաբէ և կորուսանէ զմեզ ամ յամառնելով, և ժամ 'ի ժամ սահմանելով գործել ըզբարին :

Այլ արդ մի խաբեսցուք յայսպիսի պատրանաց . անյայտ է օր վախճանին, աներևոյթք են ելք յաշխարհէս . իբրև երկունք 'ի վերայ անկանին, և ոչ

¹ Բառ մի եղծեալ է յօրինակին . որ և յայլս պակասէ :

ժամանեա զղջանալ և ապաշխարել . իբրև ¹ գող 'ի գիշերի հասանէ , և ոչ տայ կոծել և ապաշխարել . իբրև վարմ հաւորսաց վաղվաղակի ըմբռնէ , և ոչ տայ լալ և հեծել և ողորմութիս թողուլ . իբրև զառիւծ յարձակի , գոչէ և յափշտակէ , և ամենեին ոչ ժամանեա : Եւ արդ անձն իմ զի՞նչ արասցես , և կամ զի՞նչ գործեսցես , որ խորհիսդ զբարին , և ոչ առնես . կամիս ողորմել , և յապաղես . ասես զղջանալ , և ոչ որպէս Գաւիթ արտասուօք զմահիճս թանաս . այլ և ² զմոխիր , ասէ , որպէս հաց կերայ , և զըմպելին իմ արտասուօք խառնեցի . և զիմ գիշերս հեծեծէր և լայր դառնապէս անդադար : Յօժար ես 'ի պահել , և ոչ որպէս զնինուէացիսն 'ի խորգ և 'ի մոխիր իջանես . այլ և դարձան ևս , ասէ , յիւրաքանչիւր ճանապարհաց և յանօրէն գնացից , զոր և առնէին : Ախորժես արտասուել և լալ , և ոչ որպէս պոռնիկն խանդաղատագին ողբաս . կամիս ողորմել նեղելոց , և ոչ որպէս կինն այրի՝ որ զամենայնն ծախեաց :

Արդ այսպիսի է ապաշխարութե ջերմութի՝ որ ոչ յինչ ³ և ոչ 'ի մարմնոյ աշխատութի խնայէ . այլ նեղէ և մաշէ և տառապեցուցանէ , և խնդրէ միայն զմեղացն թողութի , և զախտից ոգւոցն զբժշկութի . որով և մեր զմեղս մեր քաւեսցուք , և զվերս ոգւոց մերոց բժշկեսցուք : Զի է և պահօք և ծումաջան տըրնութ զմեղս քաւել . է և աղօթիւք և խնդրուածովք և գորովագին պաղատանօք զմեղս քաւել . է խորգով և մոխրով և գետնախշտի անկողնօք զմեղս քաւել . է և լալով և ողբալով և գթով տնանկաց զմեղս քաւել . է և հաչելով և հառաչելով և անդադար հեծեծանօք զմեղս քաւել . է և հեղութք և խոնարհութք և հնազանդութեամբ զմեղս քաւել . է և աղքատութք և անընչութք և մերկութք զմեղս քաւել . է և բարի բարիւք ⁴ և ամենեցունց բարերարութք զմեղս քաւել . է և եղբայրսիրութք և երկիւղիւնն այ զմեղս քաւել . է և ուղիղ խրատու և վարդապետութք զմեղս քաւել , ըստ այնմ եթէ “Որ դարձուցանէ 'ի չար ճա-

1 Յօրին . էբբ . եգաք ըստ այլոց օրինակաց :

2 Յօրին . չիբ և . եգաք ըստ այլ :

3 Յօրին . 'ի իբբ . եգաք ըստ այլոց :

4 Այսպէս յօրինակին :

նապարհէն, ապրեցուցանէ զողի իւր 'ի մահուանէ, և ծածկեցցէ զբազմութիւն մեղաց իւրոց ։ Այլ և ճշմարիտ դարձն միայն և ուղիղ խոստովանութիւնն բաւական են 'ի փրկութիւն և յարդարութիւն, ըստ այնմ եթէ "Ասա դու նախ զանօրէնութիւնս քո, զի արդարացիս ։"

Եւ արդ դու զի՞նչ ունիս ասել, ով անձն իմ բազմամեղ, եթէ այսքան դեղօք ոչ բժշկիս . այլ փութա մի յապաղէր, զարթիր 'ի դառնանի՛հր 'ի քնոյդ, դարձիր 'ի կորստական 'ի ճանապարհէդ . փարատեա ըզխաւարն անգիտութե . սթափեցիր յանսգայ մոլորութե՛դ, և եկ 'ի քեզ . ընկեա 'ի քէն զմեղացդ սաստկութի . թեթևացո զծանրութի բեռանցդ անօրէնութե . քաւեա զանթիւ յանցանացդ բազմութիւն . բժշկեա զչարաչար վիրացդ զխոցոտումն, և լուա զժահահոտութի տղմոյդ ամբարշտութե . զի սրբեալ և մաքրեալ ոգւով, լուսազարդեալ և մեծապայծառ մարմնով՝ համարձակադէմ՝ և զուարթերես անցանիցես ընդ բազմութի տիեզերական ահեղ և անթիւ բանակացն, լինել յանդիման ահաւորի և մեծի բեմին այ, և լսել 'ի նմանէ զքաղցրալուր բարբառն երանութե և աշխարհատես հրապարակին՝ եթէ եկայք, օրհնեալք շօր իմոյ, և մտէք ժառանգեցէք զերկնից բարութեցն զվայելութի ընդ շօր և ընդ Որդւոյ և ընդ Հոգւոյն սրբոյ . որում փառք և պատիւ յաւիտեանս յաւիտենից . ամէն ։

1 Աստանօր թերատ թուի բանն քալանութի . ըօք այն՝ յարմարեցաւ յօրինակին, որ ունէր այսպէս . և ըստ այլ օրինակաց :
 Դճւմբիք դարձն հիան և օղիւ իս .

ԹՈՒՂԹ ՎԱՍՆ ԱՊԱԸԽԱՐՈՒԹԵԱՆ*

ԼՐԱՄԱՏՔ դեղոց բժշկաց զցաւս մարմնոյն առողջացուցանեն, և հոսումն արտասուաց ապաշխարութե զվեղացն զվէրսն ոգոցն բժշկեն. և մանաւանդ որ հանդերձ ողորմութիւն և գթով տնանկացն ապաշխարիցեն: Քանզի բազում արմատք են ախտիցն որ դարեցուցանեն, որք խառն են ՚ի դեղս բժշկաց. բայց է որ առաւել ևս ազգոյ է առ ՚ի ցաւոցն փարատումն: Նոյնպէս և ՚ի դեղս սորա բազում ճգնութիւնք ապաշխարութե են ՚ի մաքրումն մեղաց. բայց ողորմութիւն է կարևոր և ազգոյ քան զնամ առաքինութիւն առ ՚ի զմեղս քաւելոյ և զվէրսն բժշկելոյ հանդերձ ողբովք և հառաչանօք և գթագին արտասուօք. յորմէ մի յապաղեսցուք և վաղուենէ ՚ի վաղիւ արասցուք զդարձն մեղացն ապաշխարութե, և մի աւուր վախճանին մնասցուք՝ առնել զընչիցն ողորմութիւն: Զի գող է օրն այն, յափշտակող է օր վախճանին. աներևոյթք են եւք յաշխարհէս, յանկարծահաս է և ստիպող, և ոչ դողացուցանէ ազաչել և մաղթել, լալ և ողբալ, ողորմել և ապաշխարել: Ըմբռնէ իբրև զօրոգայթ, յափշտակէ իբրև զառիւծ և իբրև զգերի գերիվարաց վարեալ անողորմ. հառաչես արտասուել, և հեծես ողբալով, և օգուտ ինչ ոչ գտանես: Զի ժամէ ՚ի ժամ առնելով զժամանակ ապաշխարութեն, կորուսեր. որով կարող էիր զբեւինս մեղաց թեթևացուցանել, և զտիղմ անօրէնութեցն մաքրել: Ընել արդարոցն երամակից, որդի չօրն երկնաւորի, և ժառանգորդ անանց բարութեցն:

Եւ արդ կամ փափականօք ըզձափափկութեցն և կամ սպառնալեաց ահեղ տանջանացն փութացուք յապաշխարութիւն, և մի բեռն ՚ի վերայ բեռին կապեսցուք, և ցաւ ՚ի ցաւս յաւելուցուք: Եւ մի խաբեսցէ

սատանայ՝ թէ բազմաժամանակեայ են կեանքս, և մի պատրեացէ զմեզ մանկուծքս՝ եթէ ՚ի ծերութեն ասպաշխարեմք: Մի մնացուք աններելի վախճանին և անողորմ պահանջողացն. մի անվաստակ ծուլացուք, և անվարձ դնացուք: Այլ զյանցանս քաւեսցուք և զմեղան ասպաշխարեսցուք, և նախանձաւոր լերուք քաջայն քաջութե և առաքինութե առաքինեացն. որոց սիրտքն սրբեալք և միտքն լուսաւորեալք, անմեղ ՚ի մեղաց և անարատք յանօրէնութեց. որ միշտ զվերինն խորհին, և ՚ի վերինսն հոգան հանապաղ. որք զմարմինս ունին հողեղէնս և հրեշտակակրօնս. որք ոչ են կարօտ զրոց վարդապետութե և տարացոյց օրինակաց. զի աւաւել քան զգիրն երևեցուցին զմտացն ուղղութի և զվարուցն առաքինութիս: Հեռի եմք յուղիղ գնացից, և օտար

1 Ի նօտրագիր օրինակին գտանի առաջնկայս յաւելուած համանման այն՝ որ ընթերցեալ լինի ՚ի Սարգսի մեկն. Վաթողիկեայց, և սկսանիւն շարք համեմատեսցուք ընդ միմեանս զայժմու գործս մեր և զնախնի երանելեացն. և տեսանեմք զվասթարութիս մեր, և զառաջին սրբոցն զքաջութիսն: Նոքա զանձինս մատնեցին վասն սիրոյն Քրիստի. նոքա զինչս և զհայրենիս արհամարհեցին: Նոքա զճոզս և զկին և զորդիս թողին վասն անպաշտութե, միայն զեյայ մի զորկեացին: Իսկ մեք որք թուիմքս թէ եմք ինչ, ոչ այսպէս. այլ զամենայն հնարս վասն հանգստեան մարմնոյ հնարիմք, և զընչիւք գամք, և զսիրելիս մեծարու համարիմք քան զպատուիրանս ւայ: Եւ զինչ ասեմք զսիրելիս. ուր զորթ այգու և զպարտեզ բանջարոյ և ծառս գրախօթի և զկարաս գինւոյ և զանօթս չնչինս յարգոյ և պատուական համարիմք քան զսէրն ւայ: Նոքա վասն Քրիստի հալածէին և քարշէին և նախատէին, ՚ի բանտ և ՚ի կապանս մատնէին: Իսկ մեք վասն Քրիստի ոչ նախատանաց անգամ տանիմք, և ոչ թշնամանաց

բանից համբերեմք, և ոչ զդարացումն եղբօրն քաղցրութե շիւղանեմք. այլ ևս առաւել գազանանամք ընդդէմ նորա: Դարձեալ և մեք վասն Քրիստի ինչ ՚ի մարմնական ցանկութեց ոչ կասեմք ՚ի մեզ ժուժիպալութեն կասեմք, և ոչ բանտարդել լինիմք ՚ի տունս մեր զօր մի ողջոյն վասն Քրիստի, և ոչ արտասուօք զրոց մեզացն շիւղանեմք, և ոչ ժուժկալութեամբն իբր երկաթի եղբօգամբք բերեմք ՚ի մենջ զթարախն անօրէնութե: Նոքա զթշնամիսն սիրելին, մեք և զբարեկամն ասեմք. նոքա զհալածիչն օրհնէին, և մեք զբարեբարսն մեր բամբասեմք. նոքա զինչսն զոր ՚ի հայրենեացն անտի ունէին՝ ցրուէին, իսկ մեք զոր ոչն ունիմք՝ ստանալ ջանամք: Նոքա յերկրաւորացս յերկինս փոխեցան հրեշտակական կրօնաւորութե քաղաքավարեալք. իսկ մեք յերկնաւոր քաղաքակալութե յերկիր կործանեցաք, և սանգարամետական եղաք: Նոքա զնո յինքեանս բնակեցուցին՝ ըզպատուիրանս Քրիստի կատարելով, իսկ մեք անցանելով ընդ պատուիրանս նորա՝ տեղի եզսք բանսար-

'ի վարուց առաքինութեան . շեղեալք յորոգայթից
 թշնամոյն , և շաղախեալ տղմով յանցանաց . կարօտք
 եմք խրատուց և վարդապետութե և տարացոյց ինչ
 օրինակաց . և թերևս ահից սաստիցն յահեղ հրոյն
 երկիցուք , և տարացոյց օրինակացն աղէտիցն իմաս-
 ցուք : Մարմնովս զոգոցն ծանիցուք , և երևելեալս
 զաներևոյթն գիտացուք . ահիւ ահեղ տանջանացն
 զղջացուք , և փափագանօք անանց ' բարութեանցն ,
 Ապաշխարութի պարտ է առնուլ զօրինակս վիրաց
 ոգոցն ցաւոցն զցաւ ախտիցն մարմնոյ , թէ որպէս
 միշտ ողբայ անձն ցաւագին զվարանս ցաւոցն մար-
 մնոյ , և հանապազ լայ դառնապէս զառժամանա-
 կեայ ախտիցն զայրացումն , և 'ի տարակուսանաց
 ահեղ աղէտիցն հառաչէ և հեծէ անդադար , և
 ձայնք պաղատանաց և վայից և զանողորման խանդա-
 զատեն : Զի 'ի սաստկուէ աշխատիցն ² ցաւոց ոչ 'ի
 սէր սիրելեացն բերկրի , և ոչ 'ի թշնամանս ատե-
 լեացն զայրանայ . ոչ զփափկութի կենացն յիշէ , և
 ոչ զվայելութիւն գեղոյն ածէ զմտաւ . և զամ
 իսկ զպատիւս և զպայծառութի աշխարհիս անփոյթ
 արարեալուրանայ 'ի տարակուսանաց ցաւոյն : Այլկայ
 միշտ սգով և արտասուօք և ողբագին խանդաղատա-
 նօք . զվիշտս վտանգին միայն պաղատի , ընդ որ բա-
 զումք 'ի մերձաւորաց արտասուէն ողորմելով , և փու-
 թան լինել 'ի խնդիր բժշկաց և դեղոց առ զառժա-
 մանակեայ զցաւսն փարատելով , և վարձս ևս բժբշ-
 կացն խոստանան , և գինս դեղոց վասն տագնապի
 ցաւոց փարատելոյ :

Այս ամ վասն ապականացու մարմնոյս լինին
 նեղութի . որ թէպէտ և բժշկի , սակայն մեռանել
 ունի : Իսկ զի՞նչ արասցուք զմշտնջենաւոր ցաւս ա-
 հեղ հրոյ գեհէնին՝ որ պատրաստեալ պահի բազմա-

կուին սատանայի : Քանզի ամենեկն
 սանձակոտորք եղաք 'ի դաշտի , և
 զքապք լուծն 'ի բաց ընկեցաք 'ի
 պարանոցաց մերոց , և զփորրոգի
 բեռն սասանեցուցաք 'ի թիկանց
 մերոց , և ամհաբար յերկրի շքիմք :
 Ո՛վ մեծի աղէտիս , և վշտալի սա-

րակուսիս : Վասն զի :
 1 Այլ օրինակ այսպէս ունի .
 զանանց Բարուխիսն թառակեցաւ
 ազաւխարհի : Եւ արդ ապա է
 թէ զառնուլ օրինակ :
 2 Յայլում օրինակի արտիցն :

վէր ոգոց մերոց, որ միշտ 'ի մեզս է աստացեալ, և 'ի մահիճս յանցանաց անկեալ զնի անբժկապէս . և հանապազ խոցոտեն, և միշտ վիրաւորեն մեղացն¹ անօրէնութիւնք, և առաւել չարաչար չարչարեն ըզքեզ վարանք աղէտիցն ցաւոց: Եւ ոչ հառաչեմք և հեծեմք և հանապազ պաղատիմք առ ւնճ. ոչ ողբամք զցաւս մեղաց, և ոչ զվէրս յանցանաց մերոց լուանամք. ոչ անդադար լալով արտասուեմք զանօրէնութիւս մեր, և զմշտնջենաւոր տանջանացն արհաւիրսն. այլ վէրս 'ի վերայ յաւելումք հանապազ, և սպեղանեօք ապաշխարութեան ոչ դարմանեմք. ոչ բժիշկս խնդրեմք, և ոչ դեղս որոնեմք. ոչ ինչս ծախեմք, և ոչ վարձս խոստանամք ընդ կարևոր վիրացս բժշկութեան, և ընդ անհնարին աստիցս անօրէնութեան. որ ոչ միայն աղեօք և որովայնիւք եմք 'ի ցաւս, այլ ւնճ մարմնովս եմք 'ի վէրս մեղաց: Քանզի աչք մեր յաժողք յարատ հայեցուածովք են 'ի վէրս. լսելիք² մեր առ 'ի զանդէպսն աստորժելոյ են 'ի ցաւս. լեզուք մեր բամբասանօք և երգմամբք են 'ի ցաւս. սիրտք մեր չար ցանկութիւնք և պիղծ խորհրդովք են 'ի ցաւս. ձեռք մեր յափրչտակութիւնք և 'ի զրկանաց են 'ի ցաւս. ոտք մեր 'ի թատերացն խաղուց և յանպարկեշտ զնացից են 'ի ցաւս. և ւնճ մարմինք մեր ջրգողեալք մեղօք, և այտուցեալ անօրէնութիւնք: Եւ այսպէս ւնճ անդամօք եմք 'ի ցաւս և 'ի վիրտս մեղաց. և առ բժիշկս ոգոցն ոչ մերձենամք, և դեղոյ ապաշխարուէն չեմք 'ի խնդիր. աստիւ մեղացն չարչարիմք, և արտասուօք ապաշխարութե ոչ բժշկիմք: Ոչ ողբովք սրբեմք զգաւն թաւախն մեղաց, և ոչ արտասուօք լուանամք զչար նետութեցն փտութիւնք. զոր եթէ աստ դք ոչ բժշկէ աղօթիւք, պահօք և ողորմութիւնք, անդ ահեղ հուրն առաջի կայ, և բորբոքումն անչէջ բոցոյ գեհենին. պատրաստ են և սպասեն հրահոսանք³ գետոցն հրեղինաց և տարտարոսքն աղջամղջինք լի խաւարաւ. դառն դա-

1 Յօրին. եղծեալ էր բառդ. . . . 'ի ցաւս առաւ յայլ օրինակէ: Եզաք ըստ այլում օրինակի: 3 Յօրին. հրահոսակ. Եզաք

2 Յօրինակին թերատ էր, Ե՛լէ՛ք ըստ այլ օր:

հիշք և անողորմ չարչարանք . բազում վարանք ազէտից , և ահագին արհաւիրք աններելի տանջանաց , որ մնան և պահին յօր մեծի ահեղ դատաստանին :

Եւ արդ այս ամ առաջի կայ , և մեք զրգիմք և փափկանամք և մեղանչեմք աներկիւղ , և ամենեւին յերկրաւորս յորդեալք ¹ զամ ինչ անհոգաբար կատարեմք . ուտեմք և ըմպեմք , և ՚ի քուն լինիմք անհոգաբար , և բազում աւելաստացուածութիւն մթերս ժողովեմք իրրե զանմահս և զմշտնջենաւորս . և զօրն երբէք չածեմք ² զմտաւ , ³ ոչ զարհաւիրս դատաստանին , և զգառն ամօթն յաւիտենականս եւ ոչ յիշեմք իսկ ամենեւին եթէ զինչ ունիցիմք կրել յետ մահու , և ոչ զամենահար պատերազմն սատանայի ածեմք զմտաւ բազում զգուշութիւն և երկիւղիւ հանապազ , որ միշտ ՚ի գաղտնիս մարտնչի անդադար , և աներեւոյթ վիրաւորէ յարաժամ . և չօգամք և չզգուշանամք ՚ի չար նետից նորա , և խտապէք հարուածոցն . այլ յամ ՚ի ցանկութիւն վայելեմք անհոգաբար , և հանդչիմք անակնածելի : Եւ այնպէս ծուլութիւն և անհոգութիւն վարիմք , որպէս թէ չիցեն իսկ տանջանք , և ոչ դեհեն , և ոչ դատաւոր ահաւոր , և ոչ դատաստանք անողորմ . ոչ քննութիւն զօրծոց , և ոչ խրնդիրք խորհրդոց . ոչ վարուց համարք , և ոչ դատարկ բանից պահանջումն :

Եւ այս ամ ծուլութիւն ՚ի չար հնարից սատանայի են որ յամ վարս մեր ընթանայ , և գնէ անդ զօրս գայթն մահու . քանզի ոչ եթէ չարեօքն միայն չարչարէ սատանայ , այլ զուղիղ վարսն ՚ի չարութիւն դարձուցանէ . և բարի արուեստիցն զոր ՚ի մարդ տեսանէ , գնէ նմին որոգայթ մահու : Զոր սակաւն համարիս , և ոչ փութաս ապաշխարել , նովին կորուսանէ . քանզի կորուսանէ զպահողն կեղծաւորութիւն և ՚ի ցոյցս ձգնելով . զաղօթականն արհամարհանօք կալ առաջի այ , և զմիտսն յածեցուցանելով արտաքոյ . զողորմածն ՚ի տեսս հիւանդաց ոչ գնալ : Կորուսանէ և զվարդապետսն կեղծաւորութիւն ուսուցանելովն , որ

1 Յայլում օրին . յորդեալ :

2 Յօրին . ածեմք :

3 Այլ օրինակ ունի յաւելուած . և զլարաւոր էլս յաշտարէն :

ոչ բազում երկիրդիւ զկամսն ւնյ ուսուցանիցէ : Կորուսանէ և զսաղմոսերգողն սատանայ, եթէ ոչ զգուշանայցէ չար ախտիւ մնափառութիւն, այլ 'ի ցոյց և 'ի գով¹ լսելեացն ասիցեն, և ոչ զպատգամսն ւնյ պատմեսցեն, և զօրհնուիս նորա երգեսցեն, որք ոչ իբրև զփառաւորիչս պատուեն : Կորուսանէ և զսողմն սատանայ վասն ծուլութիւն և արհամարհանօք լսելոյ պատգամացն ւնյ, և բանին վարդապետութիւն : Կորուսանէ և զվաստակս վաստակաւորաց սատանայ տրտըն ջելոյն, և մեծ 'ի վերայ հեղգագունիցն երևելով, և 'ի հաշիւ և 'ի համար զգործ սպասաւորութիւն իւրոյ բերելով, և յայտնելով ամենեցուն զջան վաստակոյն իւրոյ . որ ոչ իբրև զվաստակաւորսն հանգիստ գտանէ, այլ իբրև զտրտնջողսն² և զդատապարտեալն յանգիմանի³ : Կորուսանէ և զընչաւորս սատանայ որք 'ի ժողովէն⁴ միայն են ժրացեալք, և ոչ 'ի բաշխելն տնանկաց . որ և ոչ ընչիւքն ապրել մարթացեն . այլ իբրև զանողորմս և զազահս դատապարտեսցին : Կորուսանէ և զաղքատս սատանայ հեծեծանօք և տրտնջելոյն, և ոչ գոհանալով զւնյ որ կամի 'ի մշտնջենաւորսն մեծացուցանել զնոսա : Կորուսանէ և զարուեստաւորսն սատանայ, եթէ վարձ աւելի առնուցուն քան զգործն, և կամ նախանձու և չարակնուք զտաղանդ արուեստին արգելուցուն⁵ յայնցանէ՝ որ ուսանելն խնդրեն, որ իբրև զտաղանդապարտս պարտաւորեսցին : Կորուսանէ և զիշխանս սատանայ՝ որ ծանր իշխանութիւն լինիցի, և գազանացեալ սրտիւ զւամիկսն ահաբեկիցէ, և կամ վասն շքեղ երեսաց ինչ և կաշառուց զիրաւունսն արդարոցն գողանայցէ : Կորուսանէ և զայնոսիկ որ ընդ իշխանութիւն են, եթէ ոչ իբրև սպասաւորի ւնյ հնազանդեն, և երկիրդիւ զպատիւն հատուցանիցեն⁶ : Կորուսանէ և զհարկապահանջսն հարկահանաց, եթէ աւելի քան զհրամանս արքունի պահանջիցեն

1 Եօրին . 'ի գոյ . այլ օրինակ ըստ այլ օր :
 'ի գովութիւն : 4 Եօրին . 'ի ժողովէսն :
 2 Եօրին . տրտնջող : 5 Եօրին . արգելուցում :
 3 Եօրին . զք յանդիմանի . եղաք 6 Եօրին . հարկապահիցէ :

և զնեղեալսն նեղիցեն...¹ և զբոց գեհենին վառիցեն

Եւ արդ այսպէս ամենեցուն կազմէ սատանայ որոգայթս մահու, և յուղիղ կարգաց և 'ի վարուցն նոյ հանէ. պտուղ չար և վարձ անօրէն՝ որով կարծեան զարքայութիւնն ընդունել, նովին զտանջանսն ունին ժառանգել: Եւ յայնչափ յափշտակութի յի մարեցոյց սատանայ, մինչև յաղօթելն և 'ի սահեւն և յողորմութիւնս առնելն տայ մեղանչել: Եւ ոչ ջանամք թափել 'ի մէնջ զթմբիր² սատանայի, և պաղատանօք ապաշխարութի զտէր հաշտեցուցանեմք. զի կարող է ապաշխարութի զսեւցեալս մեղօք սպիտակացուցանել, և զգեռաթաթախսն մաքրել, զխաւարեալսն մեղօք լուսաւորել, և զթմբրս անօրէնութեցն փարատել: Եւ զայս գիտելով սատանայի մծտի առ այն՝ որ ապաշխարելն կամիցի, և ծանրացուցանէ զմիտս նորա չյօժարել 'ի սկիզբն ապաշխարութեն: Քանզի գիտէ՝ եթէ սկիզբն ուղղիցի, ապա և վաստակ ապաշխարութեն քաղցրանայ. և վասն այնորիկ ամենայն հնարիւք յսկիզբն ապաշխարութեանն զգուշանայ ծուլացուցանելովն, և օր 'ի յօր առնելով:

Եւ մեր զայս գիտելով փութով փութասցուք սկիզբն առնելով ապաշխարութե. զի միայն յսկսանելն³ թուի եթէ ծանր իցէ, և անդէն գործն հեշտանայ, և երթայ քաղցր և ցանկալի: Արպէս և ազփափետացն զառաջինն և դարոյն զանուանս անգամ գրոյն չհամարձակի երկրորդել որ ուսանելն կամիցի. այլ խեցխեղափօք կիսանուն և բեկբեկելով, և ապա գիր զգրոյ կախելով անաշխատ բերելով զհեգեանայն: Նոյնպէս և ապաշխարութի եթէ յսկզբանն միայն համբերիցէ, խոստովանութի չնորհս ընդունին, և չնորհօքն միտքն լուսաւորին. զերկիւղ տանջանայն իմանան, և երկիւղիւն արտասուս և սուգ ստանայ. սուգն պահս ուսուցանէ, և պահքն⁴ աղօթս բերեն. աղօթքն յողորմութիւնս յօժարեցուցանեն, և սակաւ սակաւ յաստիճանէ յաստիճան

1 Յօրինակին տող մի անըն. այլ օր. շէբէշն:
 Թեռնի է. որ և յայլս չկը: 3 Յայլում օրին. սխալ է:
 2 Յայլում օրինակի շէբէր. 4 Յօրին. պահք:

եւրանէ, և ¹ դիւրաւ յերկինս վերանաս : Այլ և կարող ես միով միով 'ի սոցանէ արդարանալ եթէ կամիցիս . զի բազումք ուղիղ խոստովանու թեամբ միայն ապրեցան ² . ոմանք սգով և տրտմութիւն փրկեցան . ոմանք խորգով և մոխրով միայն ապաշխարեցին . ոմանք լալով և արտասուօք զտէրն հաշտեցուցին . ոմանք պահօք և աղօթիւք ապաշխարեցին . ոմանք սողորմութիւն զողորմութիւնն նոյ ընկալան . ոմանք մարդասիրութիւն և տկարագունիցն ծառայելով գտին ապաշխարութիւն . ոմանք խոնարհութիւն և հնազանդութիւն թողութիւն մեղաց ընկալան : Զի որպէս ազգի աղգի են մեղացն ճանապարհք, նոյնպէս և զանազան են գեղք ապաշխարութեն, որով կարող ես բժշկել զամ հիւանդութիւնս մեղաց, ոչ թուովք ամաց և բազում ինչ ժամանակօք, այլ միայն ուղիղ դարձիւ և սրտիւ 'ի չարեացն հեռանալով կարող ես արդարանալ :

Աւարդ զայս ամ գիտելով ապաշխարութիւն ըզմեղս մեր քաւեսցուք . քանզի պղծութիւնք մեղաց ոչ միայն յահեղ աւուրն դատապարտեն, այլ և աստէն իսկ չարեօքն չարչարեն մտացն խղճիւ, և դաղտագողին շրջելով ակնածութիւնք 'ի մարդկանէ, կասկածանօք 'ի ծանօթից, ամօթով 'ի սիրելեաց, նախատանօք 'ի թշնամեաց, սպառնալեօք դատաւորաց, երկիւղիւ բանդից և պատուհասից, յանդիմանութեամբ պատուիրանացն նոյ, և ահիւ ահեղ տանջանացն : Եւ անդր երթեալ ³ ո՞վ կարասցէ պատմել զմտնջենաւոր աններելի աղէտիցն նեղութիւնս, ուր այրինն և մաշին ամօթով և նախատանօք : Իսկ զապաշխարութե պտուղս ոչ միայն յերկինս վայելես, այլ և ⁴ աստէն իսկ հարիւրսպատիկ ընդունիս խնդութիւնս, անհոգութիւնս, գովութիւն պատուիրանաց, անխիղճ մտացն ուրախութիւն, անակնածելի 'ի մարդկանէ, անկասկած 'ի ծանօթից, անպարտաւ 'ի թշնամեաց, առանց ամօթոյ առ սիրելիսն, համարձակ 'ի հրապարակս, աներկիւղ առ դատաւորացն, աղաս 'ի պատուհասից, կեանք

1 ԅօրին . չեք և :
 2 ԅօրին . անընթեռնելի են բառքսս Թեյն ազգէնցոն . և զսքովստ ալ
 օրին :
 3 ԅօրին . անդ էլիւս :
 4 ԅօրին . չեք և . ե գոյք բոստ այլ :

խաղաղականք, մահ հեշտական, ակնկալուի մշտըն-
ջենաւոր և փափագելի փափկութեցն : Իսկ անդու-
րախութեցն որ բերան բաւական իցէ պատմել զան-
բաւ բարութեցն զվայելութիսն :

Եւ որ այս է վարձ արդարութեանն . այս պտուղ
սպաշխարուէն : Վասն որոյ մի երկնչիւր 'ի մեղաց բազ-
մութէ մտանել յասպաշխարութի . միայն անկիր առ-
ւած . չէ դատաւոր, այլ բժիշկ . չէ դահիճ սպանող ,
այլ հայր գորովագին : Ընդ առաջ քո ելանէ որպէս
անառակ որդւոյն . զպարանոցաւ քո անկանի որ դար-
ձարդ յասպաշխարութի . յաչ առ բերան ' համբուրէ
զքեզ Հայրն երկնաւոր, զպատմուճան առաջինն ան-
մեղութե հրամայէ զգեցուցանել քեզ . կոչկան 'ի
միւսանգամ թիւնիցն թնամւոյն ամրացուցանէ
զքեզ : Պատարագաւն 'ի մարմնոյ Որդւոյն այ կերա-
կրիս . ընդ քեզ վայելէն ընտիր ծառայքն 'ի պատա-
րագէն, և սրբ ամ երգէն և պարէն 'ի դառնալ յա-
նառակութէդ քումմէ : Ընդ որ հիացեալ նախանձի²
փոքր մի առաջին ժողովուրդն թլվիատութեամբ՝ ոչ
մտանել յուրախութի զենման Որդւոյն այ . առ որս
ել և եկն էականն ւծ մարմնով՝ աղաչել զհրեայն
հաւատացեալ 'ի Հայր՝ կոչել 'ի հաւատս հեթանոսին
սպաշխարողի, և ուրախ լինել³ 'ի դարձի եղբօրն իւ-
րոյ անառակի, և 'ի միասին վայելել 'ի զենմանէ
Որդւոյն այ, և ժառանգել զանանց բարութեցն զվայ-
ելութիսն ընդ Հօր և ընդ Որդւոյ և ընդ սրբ Հո-
գւոյն . որում փառք և պատիւ յաւիտեանս յաւի-
տենից :


103
102

1 Երկու օրին . յալ և 'ի Բերան :

3 Յօրին . Էնի . . . Էյելեւ .

2 Յօրին . չիբ նախանձի . եղաք եղաք Ը այլ օրին :

Ը այլ օրին :



ԹՈՒՂԹ ՎԼՍԵ ՊԵՏՈՅ ՊԵՏՈՒԹԵԱՆ *

ԼՊՊՈՅ և օգտակար և կարևոր են պահոց պընդուծիք և յորկորստուծեց ժուժկալուծիք . և մանաւանդ որ ընտրողական գիտուծքն մերձենան առնա , և ճշմարտիւ ճանաչեն թէ որպէս շահաւոր է պահոցն պնդուծի : Իսկ որք ոչ զգուշանայցեն այնմ , աստէն իսկ յերևելեացս պարտ է իմանալ զպարկեշտուծէն մաքրուծի , և զինասակար լցումնն զորովայնին : Եւ գիտեն՝ թէ որպէս տեղիք երաշտացեալք բանջարս ազգի ազգի ոչ բուսուցանեն , նոյնպէս և որովայնք ցամաքեալք խորհուրդս պղծուծէ ոչ ծնանին : Եւ որպէս երկիր աղբուտ բանջարս խառնամանս բուսուցանեն և աճեցուցանեն , նոյնպէս և որովայնք աղբով կերակրոցն փափկացեալք խորհուրդս աղտեղիս բերեն ՚ի վեր հանապազ . զի զորդունս գէջ երկիր պարարէ , և զախտս պղծուծէ գիջացեալ որովայն : Քանզի որ համահամօք¹ փափկանան, նա և զխորհուրդ ազգի ազգի իմանան . և որ սուղինչ կերակրովն շատանայ , նա զտագնապ քաղցին ածէ զմտաւ . զի որովայնք թանձրացեալք խորհուրդս քրս ոչ ծնանին , այլ պահէլ պատեն ընդ պատրուակաւ սգայուծիս մարմնոյն : Եւ որք որովայնին ծառայեն , անհնար է² լինել հաւատարիմ ծառայ ւնյ : Զի որ պահօք նրբին և³ սրբին , ոչ միայն զպղծուծի անօրէնուծեանցն⁴ սրբեն , այլ և զսուրբն⁵ անձ յինքեանս բնակեցուցանեն :

Եւ արդ այսպէս մեծ է պահոցն պնդուծիւն և պարկեշտուծէ առաքինուի , որ պարաւանդեալ դադարեցուցանէ զամ անդամս մարմնոյն յանդէպ ցանկուծեանց և յաղտեղի խորհրդոց , և ստէպ ստէպ

* Եփրեմի ընծայի ճառս յերկուս օրինակս :

1 Յայլուծօրինակի համարմոք :

2 Յայլ . օրին . անհնար է նոյնն :

3 Նբբն և վք ՚ի մեր օրինակին :

4 Յօրին . անօրէնուծէն :

5 Յօրին . սուրբն :

Հալածէ՛ ՚ի մտացն խորհրդոց զյարձակումն դիւաց՝
 որք կամին պղտորել և պղծել զսիրտս մաքրեցելոյն։
 Զի պահոցն պնդուծի՛ իբրև ջղաք երկաթեօք՝ պըն-
 դեալ պահէ զամենայն վարուցն առաքինուծիւնս,
 և զհաւատոցն հաստատուծիւնս . քանզի աշտա-
 րակ հզօր է՝² ընդդէմ թշնամոյն, և պարիսպ ամ-
 բուծեան յամենայն նետից սատանայի։ Եւ քանզի
 կարի կարևոր է պահոցն առաքինուծի՛ ընուծեա
 մերոյ, և բազում թերուիք՝³ ՚ի խոնարհուէ պահո-
 ցըն յարդարին, անդէն իսկ ընդ ստեղծանել մար-
 դոյն՝ պահոցն՝⁴ պնդուք պարսպեաց զընուծիս մեր,
 և եդ առաջին մարդոյն առաջին պատուիրան ըզ-
 պահոցն պնդուծիւն՝ չճաշակել ՚ի ծառոյն։ Զի թէ
 էր պահեալ զպահոցն պատուիրանն, անախտ և ան-
 մահ և անմեղ կեանս էր ժառանգեալ, և յերկինս
 զերկնից բարուծիանս զի բազումք որք պահեցին զպա-
 հոցն պնդուծիս, ՚ի բազում վշտաց ապրեցան։

Սովին պահոցն պնդուծք և մեծն Դանիէլ ՚ի ժա-
 նեաց առիւծուցն ապրեցաւ, զի և զազանական ընու-
 թիւնն պատկառէր մերձենալ ՚ի սուրբ մարմինն պա-
 հոզին . և քանզի արդել զինքն չմերձենալ ՚ի սեղան
 թագաւորին որ ՚ի պիղծ զոհիցն էր աղտեղեալ, ար-
 դելան և զազանքն չմերձենալ ՚ի սուրբ մարմին
 պահոզին։ Սովին պահոցն պնդուծեամբ և երեք
 մանկուսքն ապրեցան ՚ի բորբոքեալ բոցոյն, և շիջու-
 ցին զմոլուի կերակրոցն ցանկուծեց, և սակաւ ինչ
 սսպամբ շատացան . շիջուցին զբարձրացեալ ահեղ
 հուր հոցին . զի անդ ՚ի ներքս ցօղ զովացուցիչ ըզ-
 պահոզսն մխիթարէր, և արտաքոյ բոցն բորբոքեալ
 զզեղխեցելօքն սաստկանայր, և քառասուն և ինն՝⁵
 կանգուն տարածեալ զամենեան սատակէր։ Սովին պա-
 հոց պնդուծք և բազմամբօս քաղաքն նինուէացւոց
 ապրեցան, զի դարձան յամ անօրէնուծէ և ՚ի գնա-
 ցից չարեաց . խորգով և մոխրով դարձուցին զխրս-

1 Եօր. երախօ . եդաք լը այլոց . 4 Եօրին. սակաւք դանոյն . . .
 2 Եօր. պակասեր է . յաւելաւ 5 Եօրինակին սակաւք և ինն .
 լը այլ օրինակաց : 6 Եօրաք լը այլոց :
 3 Եօրում օրինակի սաստկան . եդաք լը այլոց :
 ԻՒՆԿ :

տացեալ բարկութիւնն ինչ . և զի ոչ խնայեցին նեղել զանձինս իւրեանց պահօք և պաղատանօք , ողբալ և լալ հեծեծանօք , խնայեաց իձ 'ի հոգիս' և 'ի մարմինս նոցա : Սովին պահօց պնդութիւն և Մովսէս ընկալաւ զօրէնսն իձադիր , զի քառանօրեայ պահօց մաքրութիւն արժանացաւ 'ի մաքուրն մերձենալ , և բերան 'ի բերան խօսէր ընդ նմա իբրև ընդ բարեկամի : Սովին պահօց պնդութիւն սրբեցաւ եղիա թեօբացի , և բանիւ բերանոյ իւրոյ զերկինս բանայր և փակէր , հուր 'ի յերկիր իջուցանէր :

Եւ զի՛նչ ևս ասացից զպահօցն զպնդութիւն , որ և տերունական ևս մարմնոյն պէտք եղէն պահօցն պընուիք՝ անմեղին և անարատին վասն մերոյ օրինակի . որով և հարբն առաջինք առաքինացան , և զվարս անմարմնոցն հրէշտակաց 'ի մարմինս մարդկան երևեցուցին . մեռուցին յերկրի զերկրաւոր զցանկութիւնս , և զոգիս 'ի յերկինս կենդանացուցին . մերժեցան 'ի յանցաւոր հեշտութեցս , զի ընկալցին զանանց բարութիւնս . հեռացեալք 'ի տանց և 'ի ստացուածոց . չարչարեցան բազում փորձանօք , և նեղեալ ամենեւին մեռուցին ³ զանձինս քաղցիւ և ծարաւով և զձուձ հանգերձիւ : Զի ոմանք 'ի նոցանէ խոտաբուտ ճարակօքն ⁴ և եթ շատացան , և ոմանք ճաշակօք ⁵ մրգոց միայն վարեցան : Ոմանք զծայրս ծառոցն և զարմատըս խոտոց միայն ուտէին . ոմանք սակաւ ինչ ընդօվք ժուժկալէին . ոմանք երեք նուկի հացիւ ժամէ 'ի ժամ . ոմանք զչորրորդ մասն նկանակի , և այլք զվեցերորդն . ոմանք զթեփ ցորենոյ արարին կերակուր . ոմանք խոզաբուտ ⁶ եղչերաւն միայն զտազնապ բաղցին դադարեցուցանէին : Ոմանք զհաղորդութիւն հոգևոր կերակրոյն աւուրն բաւական համարէին 'ի պէտս մարմնոյն . բայց այլ փափկութիւն ինչ կերակրոց ամենեւին մեռեալ էր 'ի նոցանէ : Զի ոմանք ժամէ

1 Եօր. 1-4-ի . եղաք լի այլոց :
 2 Եօրին. չկայր և 'ի . եղաք ըստ այլոց :
 3 Եօրին. բառ մի անընթեան ի , յարմարեցաւ ըստ այլ օրինակաց :
 4 Մի օրինակ ճաշակի :

5 Եօրին. ճաշակոց յոգոց փակ . եղաք ըստ այլոց օրինակաց :
 6 Եօրին . խոտաբուտ . եղաք ըստ այլոց :

'ի ժամ ճաշակէին . ոմանք յետ երկուց աւուրց . ոմանք յետ երից . ոմանք յետ եօթն աւուր՝ և որ ևս աւելի՛ յիշէին զպէտս կերակրոյն , և զայն կըռով ճաշակէին , և ջուր չափով ըմպէին , և անդադար հեծուք յաղօթս և 'ի պաշտօնն պարապէին , և զգիշերն ամ յարտասուս և յողբս անցուցանէին , և աղերսալի մաղթանօք և հառաչանօք զամ հաշտեցուցանէին : Ոմանք զլարիւք անկեալ ննջէին . ոմանք ստանաւոր տքնու թէ զգիշերն անցուցանէին . ոմանք սակաւ ինչ նստելով՝ . ոմանք մինչև ցառաւօտն զձեռս 'ի վեր ամբարձեալ ունէին . ոմանց զպարանոցն խոնարհեցուցեալ մինչև 'ի լուսանալն ժուժկալէին . ոմանք աղօթս հարիւրաւորս² նկարէին : Ոմանք անխօսք լինէին , միայն խօսէին զսաղմոսս . ոմանք առանց հարցմանց ուրուք ոչ բարբառէին . ոմանք ընտրու թէ յօգուտ ընկերին միայն խօսէին , և մշտաջան վաստակօք և պաղատանօք զօրն անցուցանէին , և վասն հոգևոր ինչ խրատու 'ի տար աշխարհս անցանէին , և զթչնամիսն իբրև զբարեկամս սիրէին , և խոնարհու թէ զընկերն լաւ քան զանձինս համարէին , և վասն հնազանդու թէ 'ի հուր ևս մատնէին , և 'ի գազանս դիմէին , և զանձինս 'ի ծառայութի ընկերին մատուցանէին , և յարդար վաստակոց զանկն և զտնանկն և զհիւանդըն կերակրէին : Չափօք զմարմինս իւրեանց վարէին , և սանձս խորհրդոց արկանէին . և այնպէս զանազան և բազում նեղուք զսնդուի պահոցն յօրինէին : Չի այս ամէ դուռն նեղ և անձուկ ճանապարհ՝ որ տանի 'ի կեանսն յաւիտենից . որով և բազում նշանս և սքանչելիս առնէին , զգևս հանէին , զհիւանդս բժշկէին , զմեռեալս յարուցանէին . 'ի վերայ ջուրց գնային , և զընթացս արեգականն դադարեցուցանէին ուղիղ պահոցն մաքրու թէ . և քան զայս և առաւել ևս զօրութի գործէին պահոցն պնդուիք : Չի սբքն առաջինք յորժամ կամէին մերձենալ առ ամ , յառաջ պահօքն մաքրէին , և ապա առ մաքուրն մերձենային և ամատեսք լինէին . իսկ³ որք հեռացան 'ի պահոցն ,

1 Այլ օրինակ ունի նախելով ըստ այլում :
 2 Յօրին :
 3 Յօրին . եւ եղաք ըստ այլում :

2 Յօրին . հարիւրաւոր . և դաք

հեռացան 'ի չնորհացն նյ, և բազում չարեօք չարչարեցան: Ահա Ադամ հեռացաւ 'ի պահոցն պնդուէ, և ել 'ի դրախտէն յերկիր փշարեր: Ճնունդքն նոյական ազգին հեռացան 'ի պահոցն պնդուէ, և համաջունջ ջրհեղեղաւն սատակեցան և հեղձան: Ժողովուրդն երբայեցոց հեռացան 'ի պահոցն պնդու[թէն], և ընտիր ընտիրքն սատակեցան: Բնակիչքն սողոմայեցոցն հեռացան 'ի պահոցն, և հրացան անձրևք՝ կայծականց տեղեաց 'ի նն: Եւ նմ որք արհամարհեցին զպահս, արհամարհեցան յնյ, և յողորմու[թէ նորա հեռացան:

Բայց պահողքն պարտին լինել ընտրողական զիտու[թեամբ. քանզի կորուսանէ սատանայ զպահողսն՝² և զպահս պահողին՝ ե[թէ]³ զանպարկեշտագոյնսն բամբասիցէ, և կամ զինքն գեր 'ի վերոյ այլոցն ցուցանիցէ, և կամ պիղծ զկերակուրսն համարեսցի. և կամ ե[թէ կեղծաւորու[թի պահիցէ, որպէս ե[թէ ինքն յաչ այլոցն ծածկեսցէ զպահոյն պնդու[թիս՝ զի մի սնապարծ և կեղծաւոր երեւեսցի, բայց կամի [թէ յայլոցն հաւաչակէր ժուժկալու[թի նորա. և ե[թէ ոչ որ իմասցի, ապա և ինքն կամի կարծրացուցանել ընդ պատրուակաւ զպահոցն պնդու[թի, զի իմասցին և զարմասցին ընդ համբերու[թի նորա: Չի այսպիսի պահքն ոչ սրբէն և արդարացուցանեն, այլ պղծեն և կորուսանեն: Բայց ե[թէ կերակրու[թի սկ պարկեշտանայցէ, և այլովք անդամօքն ոչ պահիցէ, 'ի զուր և ընդվայր ջանայ՝⁴ Այս է զոր ասեմս. ե[թէ զլեզուն ոչ պարկեշտացուցանիցէ, և ական և ունկան և խորհրդոց և մտաց՝⁵ ոչ զգուշանայցէ, և ռխուի ընդ ընկերին պահիցէ, և ատելուի ընդ եղբօրն ունիցի, և կամ սէր կեղծաւորու[թի ումբ ցուցանիցէ, և կամ խոնարհու[թեամբ ընկերին ոչ ծառայիցէ, և պատուի և իշխանու[թե ցանկանայցէ, և զանձն 'ի պահս կարծիցէ, յոյժ ամիշու[թե իցէ ամսպիսին 'ի սատանայական խորհրդոց: Չի այն ոչ են պահք խոնար-

1 Յօրին. անյբևօ. Եզաբ ըստ այլոց օրինակաց:

2 Յայլմէ օրինակէ յաւելաւ զպահողսն և:

3 Յօր. Բէ. Եզաբ ըստ այլոց:

4 Մի օրին. ընդվայրուի:

5 Յօրին. Եզեալ էին բառքք և խորհրդոց և մտաց:

հուլիս, այլ խաբէութիւն և կեղծաւորութեան, զրաջան և անվաստակ՝ որ ՚ի հուր այրի¹, և ՚ի ջուր աղայ հանապազ. զոր ցեցն ապականեաց, և գողք հատին և տարան, և ոչ ինչ օգտեցաւ յայնպիսի պահոց մրցանաց, այլ յոյժ պատժի և պատուհասի: Քանզի աստ կեղծաւորական պահօքն պատժի, և անդ յարգար դատաստանէն դատապարտեալ² ՚ի հուր հնոցացն չարչարի, և քան զորկորեայսն և զարբեցողսն առաւել ևս պարտաւորի. զի³ զամենագէտն անգէտ համարեցաւ չարաչար կրօնիցն կեղծաւորութիւն:

Այլ և են ոմանք որ յորժամ կամին մտանել ՚ի պահս, փութան ՚ի լուանալ և յօժանել, և խճողէն ըզպորտ և զորովայնս, և բազում որկորստուք և արբեցուք շուայտանան⁴, ապա մտանեն ՚ի պահոցն պնդութիւնս: Եւ արդ զինչ կոչեսցուք զայնպիսիան, պահոցս եթէ արբեցողս, պարկէշտս եթէ որկորեայս, ճգնաւորս եթէ զեղիսեցեալս. զի անհնար է պղծութիւն սրբուհի գտանել, և մեղօք յարգարութիւն ելանել. և ոչ որ պոռնկութիւն կուսուլթի ստանայ, և ոչ զեղխութիւն և արբեցուք զսրբուհի պահոց ընդունել: Զի անհնար է այսմ լինել՝ եթէ նախ պոռնկիմ, ապա կուսանամ. և կամ զեղխիմ և շուայտիմ արբեցուլթեամբ, և ապա մտանեմ ՚ի սրբութիւնս պահոցն. զի անմարթէ պոռնկին կուսանալ, զեղխելոյն արբեցուլթի՝ պահոց և ճգնող: Զի կուսանն կուսուլթի ստանայ ըզկուսուլթեանն պսակ, և ոչ պոռնկութիւն. և պահոցն ժուժկալութիւն ընդունի զվարձս պահոցն, և ոչ արբեցուլթի, զեղխութիւն և որկորստուէն շուայտանօք:

Այլ են ոմանք որ զպահս քառասնորդաց ապաղաս ստեն, զկէս ինչ ՚ի շաբաթուցն կարևոր անուանեն, և պնդին և ճգնին սրբութիւն, և զայլն ապաղաս անուանեն, և թուլացուցանեն զպնդութիւն պահոցն, և անակնունելի իմն ճաշակեն ՚ի փափուկ կերակրոց, և⁵ որկորստուք զսուրբ և զերևելի պահս⁶

| | |
|--------------------------------|--------------------------|
| 1 Երկու օր. 4 և . այլ 7 և 1 : | 4 Երկնակին շաբաթն . եզաւ |
| 2 Երկն . 7 փոքր փոքր . եզաւ | ըստ այլոց : |
| 3 Երկն . չիք և 1 . առաւ յայլոց | 5 Չիք յօրին և : |
| օրինակաց : | 6 Երկն . դանդն : |

քառասներորդացն լուծանեն : Ձի զայս կարևոր
 պահս քառասներորդաց և Որդին այ վասն մեր պա-
 հեաց 'ի մեր օրինակի . և անդ ոչ անուանէր ապա-
 ղաս : Չնոյն քառասունս և Մովսէս 'ի լերիննս պա-
 հեաց . և անդ ոչ անուանէր ապաղաս : Չնոյն քառա-
 սունս յանապատինս պահեաց 'ի լերիննս Եղիաս . և անդ
 ոչ անուանեաց ապաղաս : Չնոյն քառասունս և մեք
 մերով տկարուքս օր ըստ օրէ պահօք կատարեմք . և
 ոչ վայել է մեզ քառասնօրեայ պահոցն անուանել
 ապաղաս . և լուծանել զոք պահոցնս սնդուին . զի 'ի
 սկսանիլ պահոցն մինչև ցկատարումն նորուն՝ պահք
 են 'ի փափկութէ , եթէ կամիցիս ճգնել և պահել .
 ապա եթէ որկորստութեամբ լուծանել կամիցիս ,
 ոչ եթէ զթեթև ապաղաս լուծեր , այլ պահս կա-
 րևորս : Ձի ապաղաս 'ի ծուլից . և յանկատարից ա-
 նուանի , և ոչ 'ի պարկեշտից և 'ի պահողաց :

ՄԱ պահք ոչ եթէ 'ի կերակրոցն միայն անուանի ,
 այլ և կարճել յամ մեղաց . զի պահք են և լուռիք
 բերանոյ , և ոչ պուանց հարկի և հարցանելոյ ուրուք
 խօսել : Պահք են և անընչութի և աղքատութիք ,
 և ոչ զաւելորդացն հոգալ . այլ զպէտս աւուրն որո-
 նել , և զնոյնն խնդրել յայ : Պահք են և 'ի տեղուոջն
 նստել ցածուք¹ , և ոչ վայրապար ուրուք շրջել ցո-
 փութի 'ի զուսանս և 'ի զօշաքաղութիս : Պահք են
 և զրգուաղելն² և զձձելն առանց լուանալոյ և օծա-
 նելոյ . պահք են և խարաղն ինչ հանդերձիւք զպէտս
 մերկութեան և ցրտոյն միայն վճարել : Պահք են և
 ցածուցանել զաչս յարատութենէ , և զլսելիսն յան-
 դէպ լսելոյ , և զսիրտն 'ի պիղծ խորհրդոց : Պահք
 են չհանգանակելն պատուի և իշխանուէ , չբարկա-
 նալն , չաղաղակելն , չնախանձելն , չխնդրել վրէժ ան-
 ձինն , և ոչ ջանալ զանձն առ ընկերին արդարացու-
 ցանել : Պահք են չագահելն³ , և չմարդահաճոյա-
 նալն , և ոչ հանդերձիւք ինչ սնապարծել : Պահք են
 խոնարհուի և հնազանդուի , և ոք սրտիւ զամ որ սի-
 րել : Պահք են և յորժամ զպէտս քնոյ բնուեն և եթ

1 Եօրին . ցծուք . և գաւ ըստ
 այլոց :

2 Մի օրին . քգուել :

3 Եօր . լագանել . և գաք ըստ այլոց :

վճարիցէ, և քուն ցանկուէ ոչ ունիցի . այլ զառաջինն միայն, և ապա յարուցեալ գործիցէ և կամ աղօթիցէ :

Եւ արդ այս անձ էն պահէք ճշմարիտք, և առւել քան զկերակրոցն կարճումնն . և զայս և որ սոցին նման են՝ պարտ է կարճել 'ի ժամ պահոցն, և ապա լինի ընդունելի և կերակրոցն կարճումնն : Այլ և կերակրոցն կարճումնն ոչ միայն, այլ ըստ իւրաքանչիւր կարողութե . ոմանք միօրէ՛ 1 . ոմանք երկպահէք . ոմանք երեքօրեայ, և ոմանք եօթներրորդ 2, պարկեշտութի կատարեն ըստ իւրաքանչիւր անձանց զօրութե : Ոմանք լոկով բանջարով, ոմանք ընդով միայն շատացան . ոմանք սակաւ ինչ հացիւ, ոմանք յօլովագունօք, և զանպաճուճ թանիկն ևս յաւելուն . և ոմանք գինեհատք միայն, և ոմանք թանահատք, այլ և ոմանք հացահատք լինին, և զփափուկ ինչ կերակուրս և զհամանդամ 3 բացէ 'ի բաց հալածեն և ուրանան . բայց միով ինչ կերակրովն և ոգեպահոյն և եթ շատանան, որ միայն զկենդանութիւն պահէ, և ոչ 4 'ի մարմինն և 'ի յարիւնն յաւելու 5 որ զցանկութի ախտիցն յուզեն . և զայն սակաւ ուտել, սակաւ ըմբել, սակաւ 'ի քուն լինել, և աղօթք անդադար : Այլ պարտ է մանաւանդ յաւուրս պահոցն զոր յորովայնէդ արգելուս, աղքատաց ընձեռել զայն, զի դու քաղցիցես, և քաղցեալն յագեսցի, և մեղք քո քաւեսցի : Այս էն պահէք սքք և անձակամք, և սքքք լինին ընդունելի անձ վշտամբերութեցն ճգնութիք, որ բժշկեն զվիրաւորեալս մեղօք, փրկեն զգերեալսն 'ի սատանայէ, կանգնեն զկործանեալսն անօրէնութիք, յարուցանեն զջիւանդացեալսն ամբարշտութիք 6, սրբեն զաղտեղեալսն պղծութիք, լուսաւորեն զխաւարեալսն մոլորութիք, և մարբեն և արդարացուցանեն զպահողսն յանձնաց, և կացուցանեն մեծապայծառ լուսով առաջի ահաւորի և լուսաւոր բեմբին ան . և ընդ նմին ժառանգեն զանանց բարութեցն զվայելուցիսն 'ի Քսն 'ի տէր մեր . սրում փառք յաւիտեանս :

1 Երկու օրինակք միօրէայ :

4 Յօրին . զայր շէգաք լն այլոց :

2 Յայլումօրին . էօնն սոսրէք :

5 Յօրին . յաւել . եդաք լն այլոց :

3 Յօրին . սոսրէք . եդաք լն այլում :

6 Յօրին . սոսրէք . եդաք լն այլում :

ՎԱՍՆ ԸՆԴՈՒՆԵԼԻ ԵՒ ԱՆԸՆԴՈՒՆԵԼԻ ԱՂՕԹԻՑ *

ԼՄՓՈՓԵԱԼ զմիտս մեր իմաստցուք զբանս ճառիս, և երևելեալս զաներևոյլծն ծանխցուք, և գիտացուք թէ որպիսի դողումն և ահեղ արհաւիրք են յանցաւորացն յորժամ առաջի դատաւորին կայցեն ամօթով մեղացն. զիարդ վատնին և այլադուռնին դէմք նոցա. զիարդ սոսկան և սարսափեն. և զի ըզդողիւ հարկանին երկիւղիւ յահեղ դիմաց դատաւորին, և գլխակորեալք և ահն ՚ի խոնարհ լեզուա կապք կան առաջի: Եւ եթէ աղաչել և մաղթել ինչ յանդգնիցին, երկիւղիւ սրտիւ, և անհամարձակ լեզուա հիւանդաձայնս բարբառին. և բազում աղերսանօք ցաւագին պաղատանս մատուցանեն. արտասուեն, աղաչեն, մաղթեն, զի ՚ի դուժ և յողորմ զդատաւորն ածիցեն՝ ապրել յանցանաց պատուհասից. ոչ այլ ուրեք¹ զբօսանին միտք նոցա, և ոչ այլուր աչք նոցա, և այլուր լսելիք: Եւ յորժամ դատաւորն առ նոսա բարբառի, ոչ իշխեն զերեսս դարձուցանել, կամ խօսել ընդ ումեք ՚ի ծառայակցացն², այլ միայն ՚ի դատաւորն նային բազում պատկառանօք աղաչել և հայցել զյանցաւոր տանջանացն զթողութի: Իսկ որչափ ևս առաւել կարի կարեւոր է մեզ բազում պատկառանօք կալ առաջի ահաւորի մեծի դատաւորին, ահեղ ահիւ և սոսկալի դողութի մտանել և կալ յանդիման երեսացն նյ, և ցաւագին ողբովք՝ և յորդահոս արտասուօք ժտել և խնդրել զթողութի: Ոչ այլուր զմիտս, և այլուր զխորհուրդան պարտիմք առաքել. այլուր զլսելիս, և այլուր զտեսանելիս յաճեցուցանել, յորժամ վասն յանցանացն մեղացն կամիցի ոք աղաչել և մաղթել յնյ. զի հե-

* Եփրեմի ընծայի ճառս ՚ի ճառընտրի ուրեք:

2 Զօրին. եղծեալ էր ՚ի Ժառն. 117-րդ. . . . զԲողութիս. եգապ ըստ

1 Զօրին. սորոս. եգաւ ըստ այլում:

այլում:

ծեծանօք և հառաչանօք զտէրն՝ հաշտեցուցուք , և 'ի գուժ պաղատանաց խոնարհեացուք . որով զմեզս մեր քաւեսցէ , և զանօրէնութիւն մեր սրբեսցէ , և փրկեսցէ յահեղ աղէտիցն տանջանաց և յաւիտէնական ամօթոյն 'ի ձեռն աղօթիցն մաղթանաց և գթագին սրտին ջերմութեան : Քանզի բազումք բազում բարութիւնս 'ի ձեռն աղօթիցն ընկալան և եղեն հաճոյք ան , որով գտին մեղաց թողութիւն , և ուրոյ փրկութիւն . և մանաւանդ ¹ որք հանդերձ արտասուօք և գթով տնանկաց աղօթեցին , ոչ եթէ միայն զմեղաց թողութիւն գտանեն , այլ և զինդիրս մարմնոյ ընդունին , և զերկնից բարութիւնսն : Զի ձեռք են աղօթք աղօթականին , և բուռն հարեալ ունի զոտիցն ան , և վաղվաղակի խոնարհեցուցանեն յաղաչանս մաղթողին . քանզի յոյժ կամի և ախորժէ անձ զժտել աղաչողին . « Խնդրեցէք և տացի ձեզ , հայցեցէք և գտջիք » :

Եւ արդ պարտ է ամենայն ծանրացելոց մեղօք և նեղելոցն վշտօք և վտանկելոցն 'ի թշնամեաց և աշխատելոցն ցաւօք միշտ աղաչել և ժտել և խնդրել հանապազ անդադար 'ի ձեռն աղօթից և պաղատանաց . զի որք միամիտ մտօք և աննենկ հաւատովք աղօթեն առ անձ , և խնդրեն զբարին , ընդունին զինդիրս ամենայն , որպէս ընկալան հարքն մեր առաջինք : Իսկ եթէ ասիցէ որ՝ եթէ խնդրեցի և ոչ առի , աղօթեցի և ոչ ընկալայ , չե և ս ժտութեամբ խնդրեցեր , որպէս կինն այրի յանիրաւ դատաւորէն , և իբրև զբարեկամն որ 'ի մէջ գիշերին հայցէր զնկանաւ կացն խնդիրն . զոր ոչ վասն բարեկամութեանն , այլ վասն ժտութեանն ընկալաւ . նոյնպէս և Աննա ցաւագին անձամբ արտասուօքն և աղօթիցն ժտութեամբն ընկալաւ զՍամուէլ . սոյնպէս և ժողովուրդըն 'ի հովիտս տրտմութեան լային առ անձ , և վասն ջերմագութ աղօթիցն և պաղատանացն յարոյց նոցա զԳեղէոյն , և փրկեաց զԽորայէլ . և վասն արտասուագին աղօթիցն Եղեկիայի այլ և ս հնգետասան ամ յաւելլաւ 'ի կեանն : Եւ դու եթէ այսպիսի ար-

¹ Եօրին . եղծեալ էին ճանապարհ և եփեռվ փանկաց . երան ը այլ որ :

տասուօք և բոլորով սրտիւ աղօթես առ անձ և ոչ երկմտիցես, ընդունի զխնդրուածս քո :

Չէ ինչ պիտոյ յօգունն բազում բանից աղօթականին . մաքսաւորն մի բարբառ արձակեաց, և ընդունելիեղէն աղօթքնորա, և զբազմաբանքար բեռինս մեղացն թէթեւացոյց . և Մովսէս անշունչ բերանով իսկ աղաղակէր, և զծովն յատակաբար բարձանէր : Եւ դու եթէ բոլորով սրտիւ մաղթես՝ զծով մեղաց միայն ցամաքեցուցանես, և զայիս բարկութեն դադարեցուցանես : Զի չառնուին յայ ՚ի չժտութի՛ն՝ է, և ՚ի չաղաչելոյ բոլորով սրտիւ, և կամ եթէ վնասակարագոյն ինչ խնդրիցէք, իսկ եթէ անդադար աղօթիւք զօգտակարն հոգւոց խնդրիցէք, անհնար է չառնուլ յայ : Ահա աղօթք եղիայի զերկինս փակեցին և բացին . աղօթքն Դաւթի զսուր հրեշտակին դադարեցուցին . աղօթքն Յունանու զնա ՚ի փորոյ կիտին հանին կենդանի . աղօթք քանանացոյն ըզդէն ՚ի դստերէն հալածեցին . աղօթք զպոռնիկս սրբեցին, զհիւանդս բժշկեցին, զբորոտս մաքրեցին, զկոյրս լուսաւորեցին, զմեղաւորս արդարացուցին :

Եւ արդ այս անձ օրինակք ընդունելի աղօթից առաջի կան . որում եթէ կամիս՝ կարող ես նմանել, և հանել զբեզ ՚ի բանտէն մեղաց, և ՚ի սատանայական կապանացն արձակիլ : Միայն արտասուալից պաղատանօք աղօթեա առ անձ, և յախտից ամբարըտութեն թէթեւանաս, զցաւս անօրէնութեն առողջացուցանես, և զհիւանդուի յանցանացն բժշկես : Միայն բոլորով սրտիւ աղօթեա առ անձ, և յորոգալթից սատանայի ապրիս, ՚ի չարաժանի վիշապէն փրկիս, և ՚ի ² թիւնաւոր թնամոյն ապրիս ողջանդամ : Միայն անդադար աղօթիւք ժտեա առ անձ, և զխաւար մուրրութեանն լուսաւորէ . զաղտեղութի պղծութեն մեղաց և զտիղմ ցանկութեն ցամաքեցուցանէ : Զի յորժամ աններկ հաւատով յամսրբտէ աղօթես առ անձ, ընդունիս մեղաց թողութի և յանցանաց քաւութիւն . ընդունիս զերկնից զար-

1 Եօրին . ՚ի սփռութե . եղաւ ըստ
այլ օր :

2 Եօրին . չկայ նախդիրս ՚ի :

քայուծին և զանբաւ բարուծինն . ընդունիս մարմնոյ առողջուծի և հոգւոյ փրկուծի . ընդունիս աւուրս բարիս և կեանս խաղաղականս յամենայն զրպարտողաց : Այլ և զալիս բարկուծի բռնաւորաց աղօծքն դագարեցուցանեն . զցասումն սրտմտուծենն այ դարձուցանեն . աղօծք զաղքատս մեծացուցանեն , և զտկարս զօրացուցանեն . աղօծք զհիւանդացեալն բժշկեն , և զխտս մոլեկանս հալածեն . աղօծք զամուլն ծննդական առնեն , զանորդին բազմորդի . ՚ի ծիսանաց ծովու զերծուցանեն , ՚ի յորձանաց գետոյ ապրեցուցանեն . զքաղցեալս կերակրեն , զմերկս զգեցուցանեն , զմահս տարաժամս արդելուն . զամ ինդրուածս հաւատով ժառղացն լցուցանեն :

Այս է զօրուծի ճշմարիտ աղօծից որ կամին մերձենալ առ նա . այս է պատարագ բանաւոր անարիւն . զի իւրաքանչիւր ուրուք աղօծքն են պատարագ այ . և եծէ ոչ հաճեսցիս սիրով ընդ ընկերին , աղօծքն քո ոչ են ընդունելի պատարագ , զի առ ամ ոչ ելանէ . զի որ քէն ընդ ընկերին ունիցի , անհնար է աղօծից նորա ելանել առ ամ . իսկ եծէ սիրով սրտիւ աղօծեաց նա առ նա , մինչ և քողաղակեալ իցէ , ասացից՝ Ե՛կ ահա հասեալ եմ : Զի աղօծք անարատք արտասուօք և ողորմուծիք ընդ աղօծելն աղօծականին բանան դրունք երկնից , և ՚ի լսելիս այ ելանեն . և եծէ միայն անթերանալի կարդայցեն առ նա :

Այլ զայս ամենայն գիտենալով սատանայի՝ Ե՛կ մեծամեծ զօրուծիւնք և անբաւ բարուծիք յաղօծիցն գործին , երթեալ մերձենայ առ այն՝ որ աղօծելն կամիցի . և նախ առաջի ՚ի մահիճսն պատմերազմիցի ընդ նմա , զանկողինսն հեշտացուցանելով , զքունն քաղցրացուցանելով , զմարմինն ծանրացուցանելով . այսր այնր յեղյեղու , և քոչքոտեցուցանէ : Եւ ուր ուրեմն յարուցեալ գնայ յեկեղեցին բեկբեկելով , և մտեալ ՚ի ներքս՝ լինի յանդիման այ . և անդ ևս զմիտսն պատրուակէ սատանայ առ ՚ի չիլչել զբազմուծի յանցանաց իւրոց . և ոչ իմանայ եծէ այ կայ առաջի . ոչ զօրհնուծին լսէ , և ոչ զփառաբանու .

1 Այսպէս յօրինակին :

Թիմն իմանայ, և ոչ 'ի սիրտս նորա մտանէն ընթեր-
ցուածոցն վարդապետութիւնք: Ոչ հեծէ և ոչ հա-
ւաչէ զմեղացն անօրէնութիմն. ոչ լայ և ոչ ողբայ
զհոգւոյն վիրաւորութիմն. ոչ աղաչէ և ոչ մաղթէ
յոյ, և ոչ արտասուելից պաղատանօք զտէրն հաշ-
տեցուցանէ. ոչ խօստովանեալ զչարեացն զբաղմու-
թիս, և յայտնելով զծածկեալ մթերս անօրէնուէ,
զի ապրեցի յահեղ տանջանացն, և յաննչոյլ խա-
ւարէն: Այլ փոխանակ լալոյ և պաղատանաց բա-
զում աներկիւղութք և արհամարհանօք կամք ա-
ռաջիւնց. և ոչ պատկառանօք ահիւ և դողութք իբրև
զգատապարտեալս առաջի դատաւորացն, և կամ իբ-
րև զծառայս մեղււցեալս՝ որք առ ոտս տերանց ա-
ղաչիցեն, և բազում երկիւղիւ և պաղատանօք ա-
ղաչիցեն և պաղատիցին: Եւ ոչ հեծեծանօք և հա-
ւաչանօք և ողորմագին ողբովք արտասուեմք իբրև
զմահապարտան՝ զոր ձգեալ տանիցին 'ի տեղի չարչա-
րանաց. և ոչ խորզով և մխրով և մեծաւ սգով
անկանիցիմք առաջի նոյ, զի փրկեսցէ զմեզ 'ի բոքբու-
քեալ զեհէնոյն, և 'ի սաստիկ տանջանացն. յորդան-
ցրն չարաթիւնից, և յաննչոյլ խաւարէն:

Այլ արդ ոչ ահիւ և խանդաղատագին մաղթանօք
կամք առաջի նոյ՝ աղաչել և մաղթել զվիրացն բժըլ-
կուի. այլ 'ի ժամ աղօթիցն և պաղատանացն և թո-
ղութի մեղացն խնդրելով՝ լուանամք և օծանիմք և
զհանդերձան պաճուճեմք, որպէս թէ 'ի բողոնոցս
կազմիցիմք՝ կամ 'ի թատերս խաղուց. և մտեալ յեկե-
ղեցին սնափառ պերճանօք և մոլեկան հպարտանօք՝
կանայք բողից կերպարանօք կան առաջի նոյ, և արք
բողահամանեաց, և ցոփոգի մեղկութեամբն իգանան
պիղծ ցանկուքն, և յափրացեալ վաւառոտին նման այ-
ծից քաղաց և ձիոց մատակախաղից². և անդէն իսկ
յեկեղեցւոջն և յանդիման սրբուէցն գործեն զպղծու-
թիս, և զպոռնկուիս և զշուիս կատարեն. թէպէտ և
մարմնով ոչ գործեն, սակայն մտօք զնոյնս կատարեն
ակնարկելովն և յարատ հայեցուածովքն և կնձա-
ձայն բարբառովն, որպէս և Թորն իսկ ասէ՝ թէ որ ցան

1 Յայլում օրինակի եւելեիէ:

2 Յօր. գրեալ էր Երեմիայի:

կու թի՛ նայի, շնացող է կատարեալ : Որք արժանի են փայլատականց և կայծականց և շանթից հրոյ 'ի վերուստ իջանելոյ, և այրելոյ և սատակելոյ զնոսա անդէն . և յետ այնորիկ յաւիտենական հրոյն , ահեղ խաւարի : և աններելի տանջանացն . փոխանակ զի 'ի ժամ աղօթիցն ցանկու թի՛ պղծու թէցն 'ի սիրտ արկանիցէ :

Օ ի եկիր, ուլ թշուառական, հեծել և պաղատել առ անձ, արտասուս արկանել և ողբալ մաղթանօք, հայցել հառաչել և խնդրել թողու թի՛, և արդ այդ են կերպարանք խնդրուածոց, պաճուճելդ և օծանելդ և լուանալդ 'ի տեսս տեսողաց . այդ են կերպարանք հայցելոյ և թողու թի՛ մեղաց խնդրելոյ, այրատանալդ և շոգմոգելդ և պիղծ ցանկու թի՛ ակնարկելդ . այդ են կերպարանք 'ի վերայ չարեաց քոց զտրն հաշտեցուցանելոյ՝ ախիւ ցանկու թի՛ զննել զգեղդ և զհասակդ բողահոմանեաց : Զքեզ ինքնին սատանայացուցանես, և 'ի սատանայէ ասրել աղաչես . դու կամք դիւահարիս, և խնդրես փրկիլ 'ի դիւաց : Զիւարդ կարես հեծել առաջի ան այդ պիսի կերպարանօք, և կամ որպէս հառաչել այդ պիսի խորհրդուլք . այլ և իշխեցեր և ս առաջի ան զազրալի մտօք և սատանայական կերպարանօք մտանել, և առնել պոռնկոց զեկեղեցի ան . և ոչ սոսկաս և դողաս 'ի սրբոյն սրբու թէց և յահեղ դիմացն ան : Ոչ գիտես եթէ սրտագէտն քննէ զխորհուրդս քո և գիտէ զամենայն . ոչ լուար եթէ մտածու թէց է դատումն, և յարատ աչաց պահանջումն :

Ալ արդ եկ 'ի քեզ, և զկեղծաւորական զխարեու թի՛ մտաց և պաճուճանաց ընկես 'ի քէն . սոպա մուտ առաջի ան և լսես : Մահապարտքն յորժամ մտանեն առաջի թագաւորաց՝ չառնեն ինչ պաճուճանս, այլ մաղթանս և պաղատանս . վիրաւորք յորժամ 'ի բժշկանոցս մտանեն, չեն պէտք այլ և այլ խորհրդոց, բայց միայն դեղ վիրին սրոնել, և զցաւսն բժշկել : Աոյնպէս և վիրաւորին մեղօք և ցաւագնելոյն անօրէնութիւն չեն ինչ պէտք պաճուճանաց և պիղծ խորհրդոց յորժամ յեկեղեցին մտանէ, և ոչ օծանելոյ և հերսն հիւսելոյ 'ի ժամ աղօթիցն պա-

դատելոյ առաջի անց . այլ զմարմինն նեղել , և զխորհուրդն մաքրել . և զձուձ ձեռով , բեկեալ սրտիւ , խոնարհ անձամբ մտանել կալ առաջի անց , և բազում պաղատանօք ողբալ և լալ դառնապէս . աղաչել և մաղթել անդադար հեծութի . զկուրծս բախել , զձեռս տարածել , զարտասուս հոսեցուցանել , զչարիսն խոստովանել նեղեալ սրտիւ , անհամարձակ լեզուաւ , ամօթալից երեսօք , ողբալի ձայնիւ , և խանդաղատելի բարբառով հաշտեցուցանել զի՛ծ , և առնուլ թողութի մեղաց :

Եւս էն կերպարանք աղօթից և ինդրուածոց՝ յոր անիսն խոնարհի և լսէ . որով զյանցանսն շնորհէ , և զանօրէնութիւնս քաւէ . որով մաքրիմք և սրբիմք՝ ՚ի չարախտից պղծութեց և ՚ի սատանայական խորհրդոց . որով ընդունիմք զարքայութիւն և զանմահ կենացն զփափկութիւն : Իսկ մեր զայս անձ յիշելով բազում արհամարհանօք մտանեմք առ անձ , և կամք ընդ սատանայի՝ որ շիւթեալ խառնակէ զմիտս մեր ազգի ազգի մտածութիւն , և ցրուեալ հոսէ զխորհուրդս մեր ՚ի հոգս և ՚ի զբօսանս աշխարհիս . և գերեալք յօղնութիւն աղօթիցն շահից՝ դրաւիմք ՚ի չար խորհուրդս չարին . ՚ի ներքս ծունր խոնարհեցուցեալ յաղօթան , և միտքն արտաքոյ բազում բանդագուշանօք յածեալ շրջին : Քանզի յաղօթան խորհիմք զհոգս տանց և զանդաստանայն . յաղօթան համարեմք զարդիւնս անդոցն և զպտուղս այգեացն , եթէ քանի կապի՞՞ հաց լինիցի իմ , և կամ քանի մար գինի . և զխաչինսն և զանդեայնս յաղօթան ածեմք զմտալ եթէ քանի արջառ իցէ , կամ քանի ոչխար . անդէն և զգործն և զվարձս վարձկանացն յիշեմք , թէ վայ որ ելանէ այս ՚ի տանէ իմն : Եւ զգաւտաստանս ևս զընկերին յիշեմք յաղօթան , և անդէն դատիմք առաջի անց . և մինչ դեռ յաղօթան կայցեմք , տակաւին խորհիմք ևս ամբաստանութի զեղբօրէն . և չեյեկեղեցւոյն արձակեալ՝ անդէն սկսանիմք ամբաստանել զստիսէն , և որպէս լեղեաւ զբաղցրութի աղօթիցն դառնացուցանեմք : Եւ այնպէ յափշտակ զմիտս մեր սատանայ , մինչև զխորհուրդս ևս աղտեղիս յաղօթան յիշեցուցանէ . և զվաշխս փողոցն և

տոկոսեացն յաղօթսն համարեմք . յաղօթսն յի-
շեմք զնախանձն և զթնամանս ընկերին : Եւ ոչ միայն
այսպիսի չար խորհրդովք դատապարտիմք , այլ ընդ-
վայրած լեզուօք և շատխօսուածք փնասեալ յաղօթսն
վիրաւորիմք . զի բազմաց ոգւոցն փնասեմք , զորոց
զմիտսն գերեմք , և մերժեալ հանեմք յաղօթիցն և
'ի փառատրուածէն . դարձուցանեմք 'ի խօսս խաւա-
րինս , և 'ի խորխորատս կորստեան իջուցանեմք : Եւ
այս ամ չիցէ՝ ահեղ բարկուածէցն արժանի , և բորբո-
քեալ բոցոյն գեհէնուոյ . բազում տանջանաց , և ան-
նշոյլ խաւարին . որ այսչափ անօրինիմք առաջի ւնյ ,
և պատուհասեալք դատապարտուածք ելանեմք յա-
ղօթիցն . և ոչ իբրև զաղօթականս պատուիմք , այլ
իբրև զհայհոյիչս և զարհամարհողս պարտաւորիմք
և պատժիմք :

Իսկ եթէ յաղօթսն և 'ի բարեգործելն մեղանշեմք ,
որչափ և ս 'ի չար գործելն պարտաւորիմք . որ 'ի ներքս
'ի նաւահանգստիս ընկղմիմք 'ի խորս չարեաց , զինչ
գործեսցուք յորժամ արտաքս ելեալ 'ի ծով մեղացն
մտանիցեմք , 'ի հրապարակս , 'ի վաճառս , յերդմունս ,
'ի հայհոյուիս , 'ի զրկանս , 'ի սնափառութիս , 'ի բամ-
բասանս , 'ի նախանձ , 'ի բարկուածիս , 'ի զոչաբաղու-
ածիս , յարբեցուածիս , յորկորստուիս , 'ի հպարտու-
ածիս՝ 'ի յամ՝ ախտից բազմուածիս . որ առաւել քան
զծովածուփ ալէկոծուածիս հեղձուցեալ ընկղմէ , և
խորասուզեալ սատակէ բազմահոյլ յանցանօք : Եւ
արդ իւ կամ որով մարթացուք ապրել յանթիւ և
'ի չարչար գործոց մերոց և 'ի բազում հնարից
սատանայի . որ ոչ միայն դառն չարեօքն չարչարէ և
սպանանէ , այլ հնարի և զքաղցրուի սուրբ աղօթիցն
դարձուցանել 'ի դժնգակ լեղւոյն դառնութի . չկա-
րեմք և ոչ այլ իւիք զերծանել 'ի չար իւէն և 'ի դառն
բարբէն , քայց եթէ հանապազ պատրաստիցիմք 'ի
մեքենայից սատանայի , և զգուշանայցեմք յանե-
րևոյթ նետից նորա :

Իւ եթէ զօրն վախճանին մերոյ միշտ զմտաւ ա-
ծիցեմք երկիւղիւ վտանկին այնորիկ , կարող եմք ա-
պրել . յորժամ զոգիսն աններելի տազնապովն 'ի
մարմնոյն 'ի բաց պահանջիցիմք , և բռնավարեալ

տանիցի խաւարային միգովն մթապատեալ . և ցանկ զսոսկալի մեծի բեմբին զարհաւիրոն յիշեմք , և զահագին օր դատաստանին . եթէ յարաժամ զամօթն զայն հոգայցեմք որ լինելոց է առաջի տիեզերական հրապարակին . զբազմութի տանջանացն , զգառնուի որդանցն թիւնաւորաց , զշոշափելի խաւարն աղջամրղջին , զժահահոտ տարտարոսաց զխորուհսն , ըզբորբորումն կայծականց հրոյ գեհննին , զգոչումն բարձրաձայն հնոցացն , զարհաւիրս յորդահոս գետոցն հրեղինաց , զհանապազորդ այրումն և զխորովումն մեղաւորաց , և զանհնարին կսկիծս աղէտիցն և ցաւոցն :

Եթէ զայս ան միշտ զմտաւ ածիցես , կարող ես զերծանել յորոգայթից սատանայի . կարող ես երկիւղիւ կալ յանդիման երեսացն ան . կարող ես սուրբ աղօթս մատուցանել . կարող ես սգալ , լալ և ողբալ դառնապէս . կարող ես և զգէմն դատաւորին քաղցրացուցանել , յողորմ և ՚ի գութ խոնարհեցուցանել , և ընդունել թողութի մեղաց և քաւութիւն յանցանաց , ժառանգութի լուսեղէն խորանացն , և զփափագելի դրախտին փափկութին , և զյաւիտենաւ կան ուրախութեցն զհեշտութիւնսն , զանմահ կենացն ցանկութիւնսն , և զանբաւ բարութեցն վայելչութիւնսն ընդ շօր և ընդ Որդւոյ և ընդ սբ Հոգւոյն . որում փառք պատիւ և գոհութի յաւիտեանս յաւիտենից . ամէն :

Մ' որ տղայաբար բարութ և անընտրողական ինչ մտօք ժպրհիցի 'ի մատակարարութի բանին այլ արյլ միշտ 'ի միտս լտղացն նայել, և բազում զգուշութի սերմանել զբանն վարդապետութի 'ի խոսպանացեալ լսելիս . և մի յսկզբանն միանգամայն զծանրալուր և զգժուարակիր վարուցն 'ի վերայ ամայելոցն՝ հասուցանել : Զի որք կամիցին զտրմուղ յաւանակն հնազանդեցուցանել, եթէ զառաջինն բեռինս ծանուեն և գժուարակիրս կախիցեն, կամ ինքեանք բեկանին, կամ զհակս բեռինն բացել 'ի բաց ընկենուն . այլ թեթևօք ընտանեցուցանեն, և 'ի կատարեալն հասուցանեն : Կոյնպէս և հժուտք 'ի մշակաց որք զանգս երկրի գործեն, ոչ վայրապար 'ի խուսանն և յանտառացեալս փշօք սերմանս պատուականս սերմանիցեն, որ կամ 'ի խուսանէն կորնի, կամ թրուչունք յափշտակեն . այլ նախ զփուշն կտրեն, և զերկիրն կակղեն, և ապա ցանեն զսերմանինս պատուականս և զշահաւէտս : Ըստ նմին օրինակի և որք ըզբանաւոր անգս գործել կամիցին, պարտ է յառաջ խոստովանութի զփուշ մեղացն խլել, և պահօք և աղօթիւք զխոսպանացեալն և զխոտացեալն՝ կակղել վասն կուսութե և անընչութե և ողորմութեան և մահուչափ չարչարանաց : Զի թեպէտ և մահուչափ ծանրագոյն են ընչասիրացն ողորմութեն հրամանք, այլ առաւել շահաւոր են և օգտակար քան զամ վարձուց առաքինութիս . և այնչափ 'ի վեր է քան զամ ճգնութիս պարկեշտութեց, որպէս թէ չերևել խկ նամ վարձուց առաքինութե առաւել⁴

* Եփրեմի ընծայի և այս ճառ զարօսողեալն :
 յօրինակս ինչ : 3 Յօրին . ուղէ . եղաք բոս եր .
 1 Յայլում օրին . ափէնցելոցն : կուց օրինակաց :
 2 Յերկուս նօսրագիր օրինակս 4 Յայլում օր . առ լստաւորութի :

լուսաւորութեամբ ողորմութեանցն ստղոց :

Կը զինչ ասացից զայլ առաքինութեցն, որ և սրբութի կուսուէ 'ի հնումն և 'ի նորումն է պատուեալ. այլ առանց ողորմութեան գտաւ արհամարհեալ, և արտաքոյ առաջաստին արգելաւ : Եւ ոչ էթէ չարաբին ողորմութի, այլ սակաւ և ոչ բաւական. զի 'ի մէջ գիշերին պակասեալ շիջաւ նոցայն : Այնպէս և որ ունիցին ինչս բազումն, և սուղ ինչ ողորմութիւն առնիցեն, ոչ կարէ բաւական լինել փրկութե նոցա. զի ողորմութիւն ըստ գոյին է ընդունելի : Որք ինչս բազումն ունին, 'ի նոցանէ ողորմութի բազում պահանջէ. և որոյ ինչքն սակաւք են, ընդունելի են և ողորմութիք սակաւք : Որպէս և 'ի նիւթ խորանին պիտոյ էր ռակի, պիտոյ էր և մազ. և որք ռակի ունէին, և մազ բերէին, անընդունելի էր և պիղծ : Իսկ որ անինչք էին, և մազ միայն մատուցանէին, ընդունելի էր և հաճոյ նոյ, և օրհնութի ընդունելին : Զի ոչ էթէ 'ի չափս ընչիցն, այլ 'ի կամս տալեացն նայի նա՞ծ. ընդունի 'ի մեծէն զմեծս իբրև զմեծ. ընդունի և 'ի սակաւէն զսակաւն իբրև զմեծ. զի որ ունիցի տասն դահէկան, և դահէկան մի ողորմութի ծախիցէ¹, և աղքատն տասն լումայ միայն ունիցի, և զմինն աղքատագունին ևս տացէ, ընդ նմին² համարեալ է առաջի նոյ : Այլ չքաւորին առաւել ևս զարմանալի է : զի 'ի չքաւորութեան զընչեղեացն չափ ծախեաց : Ընդ այս և Յո զարմացաւ, յորժամ այրին որ զերկուս լումայն միայն ունէր, և զնոյնս յողորմութիւն ծախեաց. ասէ Յո. մեծամեծքն զաւելորդս ընչիցն բերին, բայց այրին տառապեալ զամ ինչս իւր բաշխեաց աղքատաց. զի երկու լումայքն միայն էին ինչք նորա : Եւ արդ այսու խաբէ սատանայ զընչեղն և զմեծատունն յորժամ ոչ տացեն ըստ մեծութեն, և զողորմութիւն մեծամեծս բաշխեացէ. այլ սղեղ ինչ և սակաւ իբրև զսակաւաւորսն. կարծեցուցանելով էթէ այն բաւական իցէ փրկութե : Իսկ ոմանք զամ ինչս բաշխեցին աղքատաց, և զանձինս աղքատ

¹ Յօրին. Ժ-Է. եղաք ըստ այլում օրին :

² Երկու օրինակք Ը-Դ Գ :

տացուցին, քանզի անանց մեծութեցն փափագեցին. և ոմանք զկէս ընչիցն ետուն տնանկաց, և զհասարակ՝ ոգւոցն և մարմնոցն բարժանեցին իբրև եղբարց: Իսկ առաջինքն հանէին տասանորդս, տային և պտուղս, մատուցանէին պատարագս, տանէին և զողջակէզս, և տային զլամն մեղացն՝ զանդրանիկս մարդոյ և անասնոյ, և զառաջաւորս կալոյ և հնձանի, և զամպտղոց: Այլ և տօնս բազումն այ կատարէին տարեկանս, և շաբաթս, և ամսադլուխս նուիրէին հանդերձ ընծայիւք. յայսր վերայ և զաղքատս կարօտեալս լցուցանէին, զանթիւ զորքս և զայրիս կերակրէին, զհոյլս կուօնացն տեսանէին, զհիւանդս դարմանէին, զհիւրս ընդունէին, զնեղեալն մխթարէին, և զամկարօտութիս տկարացն բառնային: Իսկ արդ եթէ 'ի թերակատար հնումն խնդրէր անձ զայս ամբարեգործութիս արդարութե՛, որչափ առաւել ևս 'ի նորումս և 'ի կատարելումս առաւել ևս արդարութիս և ողորմութիս պահանջիցէ՞ 2 քան զայս ամբ. զի թէ ոչ առաւելուցու արդարութի ձեր քան զդպրաց և զփարիսեցւոց, ոչ մտանէք 3 յարքայուն այ: Ապա զօր ներեալ թողուէ ունիցիմք 4, եթէ ոչ աւելի ողորմութիս առնիցեմք քան զթերակատար հնոցն և հրէին ողորմութիւնս մեք քրիստոնեայքս որ 'ի նորոյն և 'ի կատարելոյս 5, որ 'ի Քսէ վարդապետեալքս: Զի թէ զհրէին արդարութիւնս միայն կատարիցեմք, ապա ընդունայն է մեզ զալուստն Քսի, եթէ ոչ առաւել քան զհրէայն առաւելուցումք սրբութք, պտղօք և պատարագօք, և սիրոյն պատուիրանաւն: Քանզի 'ի նորումս աղքատք և մեծատունք ամենեքեան մի մարմին եմք 'ի Քս, և անգամք միմեանց: Եթէ ծառայ ես Քսի և պահես զպատուիրանս նորա, պարտ է իբրև քոյոյ անդամոյ խնամունել ընկերին, զի եթէ վշտանայ ինչ մի անդամն, ասէ, վշտանան ամ անգամք ընդ նմա:

Եւ արդ եթէ զլուխ է Քս, և մեք մարմին եմք

1 Երկու օրին. հասարակ: 4 Բօրին. անիցի. եղաք ըստ
 2 Բօրին. դահանջ. եղաք ըստ այլում օրինակի:
 այլոց: 5 Այլ օրինակ ունի 'ի երեսնս
 3 Եայլում օրին. յոսնիցի: և 'ի խորեւումս:

Քսի, և անդամք յանդամոց նորա, պարտ է հասարակ անդամոցս համարել¹ զամ ինչ Քրիստոսի՝ զոր ետ ՚ի ձեռս մեծատանցն, և կացոյց հազարապետս և մատակարարս, զի գիտուածք մատակարարեսցեն՝ գիտել թէ որում շատ, և որում սակաւ պիտոյ իցէ. որպէս և առաքելոցն հասարակաց էին ինչք, և ամ հաւատացելոցն իբրև միոյ անձին անդամոյ. և ոչ որ իշխեր ասել զընչից թէ իւր իցէ. այլ բերէին և բաշխէին, և տային զայն ինչն որով կարօտն էր անձն ինչբողին: Այն էր սրտիւ ողորմուածիւն, այն էր անձպաշտուածի և կատարեալ մարդասիրուածի, որք այնպիսի զթովքն բաշխէին՝ որ մինչև զկարօտին և ս հարցանէին: Եւ այնչափ կարի կարևոր էր² տեսուածին աղքատաց առ³ առաքելովքն, մինչև ընդ քարոզուածէն Քրիստոսի հանգոյն զողորմուածիւնսն ուսուցանէին. բերէին և կուտէին առ ոտս նոցա զընչիցն բազմուածինս, յորոց վերայ զստեփաննոսեանսն կացուցին մատակարարս: Եւ որք ոչ զթով տնանկացն բերէին զողորմուածիւն⁴, սատակեցան՝ Անանիայն և Սափիրայն: Եւ Տաբիթայն՝ որ զթով և ինամոնիս կերակրէր և զգեցուցանէր զորքս և զայրիս, յաղածից նոցունց յարեալ ՚ի մեռելոց, Եւ Պաւղոս ասէ՝ թէ այս հրամայեցաւ մեզ՝ զի զայն աղքատաց յիշեսցուք, զոր և ես փուածացայ զնոյն առնել. զի այս պատուիրան է կատարումն ամ զրոց ան, որպէս ցովեծատունն ասաց Քս. «Եթէ կամիս կատարեալ լինել, երթ վաճառեա զամ ինչքս քո, և տուր աղքատաց, և գտցես գանձս յերկինս», և ազահայն ասէ. «Գիւրիս է մալխոյ ընդ ծակ ասղան անցանել, քան մեծատանն յարքայուին ան մտանել», Զի որք աստ ինչս բազումն ժողովին, և զողորմուածիս ոչ սերմանեն, սոսկ և ունայն, զնան յաշխարհէս, և յանողորմ և յաններելի հունն առաքին: Եւ զայն ծանուցեալ տեառն՝ ասէ. «Արարէք ձեզ բարեկամս ՚ի մամոնայէ անիրաւուէ, որ ընկալցի զձեզ ՚ի յարկան յաւիտենից», Զայս և Պաւ-

1 Յօրինակին չեք համարել. եղաք ըստ այլ օրինակաց:

2 Յօրինակին չկայր էր. եղաք ըստ այլում օրինակի:

3 Յօրին. չկայր սո. եղաք ըստ այլում օրինակի:

4 Երկու օրին. կայր յաւելուած ոչ իբրև ՚ի հարկէ ին:

դոս ասէ՛ եթէ « Չհետ երթայք սիրոյ, և նախանձաւոր լերուք աղքատացն ողորմուածէ, զի և դուք ողորմուածիւն ընկալջիք 'ի Քսէ՛ » : Եւ այլուք ասէ. « Սիրուեաց և ետ տնանկաց . արդարուծի նորա մնայ յաւիտեանս յաւիտենից » : Եւ ոչ միայն 'ի կամս ապաստան արարեալ Պաւղոսի, այլ և պատուէր ևս զնէր 'ի վերայ մեծատանցն ասելով . « Ձեր ընչիցդ առաւելուծի եղիցի աղքատացն կարօտուածէն . և յաղքատացն աղօթիցն առաւելուծի արասցէ ձերոց մեղաց թողուծի » : Զի ոչ ինչ թեթեացանէ զմեղացն ծանրուի իբրև զողորմուածիւն և զգուծ տնանկաց . որպէս և նքն Գանիէլ՝ Նաբուգոդոնոսորայ ուսուցանէր, յորժամ հիւանդացեալ էր 'ի մեղաց . հարցանէր ցմարգարէն՝ թէ զի՞նչ հնարք իցեն ցաւոյս այսորիկ . և մատուցեալ Գանիէլ որպէս բժիշկ՝ արբայ, ասէ, ոչ պահք և ոչ հսկումն և ոչ քուրձ և ոչ միայնուծիւն քեզ օգնել կարեն . բայց երթ զմեղս քո ողորմուծք քաւեա, և զանօրէնուծիս քո գթով տնանկաց . և այն կաշառ է՝ որ արդարացուցանէ զքեզ, և ճանապարհ՝ որ տանի 'ի կեանսն յաւիտենից :

Տեսանէս որպիսի՛ զօրուծի է ողորմուածէ, և որչափ համարձակ երեսօք զողորմածն կացուցանէ առաջի նյ . և մանաւանդ որ սրտի մտօք զքաղցեալն կերակրէն, որպէս և Եսայի ասէ . « Բրդեա քաղցելոց սրտի մտօք, և զաղքատս անյարկս տար 'ի տուն քո . և եթէ տեսանիցես զմերկն՝ զգեցուցանի՞լիր, և 'ի տառապելոյ ազգի քո զերեսս մի դարձուցաներ . յայնժամ կարդայցես, և անձ լսէ քեզ . և մինչ չև քո աղաղակեալ իցէ՝ ասէ, հասեալ եմ » : Եւ այսպիսի արագած և ողորմուծին ևս ելանէ 'ի լսելիս նյ, և փուծապէս խոնարհեցուցանէ յօգնականուծիւն ողորմածին : Եւ ոչ եթէ աստ միայն օգնէ և փրկէ անձ զողորմածն, այլ և՛ յորժամ պակասիցէ այս, և 'ի հանդերձեալն փոխիցիմք, բազմապատիկ առատուծք դարձուցանէ ողորմածին զողորմուծիւնս նորա : Քանզի ինքն տէրն ասէ՛ եթէ ընդ ողորմուծէ աղքատացն ես եմ պարտական, և ընդ փոխոցն նոցա

1 Երկրորդին չիք և . եղաք ըստ այլում օրինակի :

ես եմ փոխատու¹ : Զի որ ողորմի աղքատացն , փոխ տայ ան . և զմինն հարիւրապատիկ դարձուցանէ : անանց բարու թիւ . այլ և զմեզս քաւէ , և փրկէ յահեղ տանջանացն : « Երանի որ խորհի զաղքատն և զանանկն . յաւուր չարին փրկէ զնա տէր » :

Այլ զինչ իցէ խորհէն զաղքատն և զտնանկն , խորհէն այն է , յորժամ զտառապանս նորա զմտաւ ածիցես՝ եթէ եղբայր իմ է , և անդամ և մարմին , և պէտս ունի որպէս զիս , և կարօտ է ամենայնիւ՝ ընչիւք և յարկաւ , և առ վտանգս քաղցոյն բռնու թիւ յածի և շրջի անհանդիստ . 'ի տօթոյ տապանայ , 'ի ցրտոյ դողայ , որովայնն սին , և մարմինն մերկանդամ , հերքն թաղկեալք , գէմքն գեղնեալ և թռչովեալք , և անմարմինքն գգուաղեալք և երիթացեալք . թափառի , վարանի , և 'ի դուրս դուրս երերեալ և դադարեալ կառանչէ , և խանդաղատելի ողորմուկս արկանէ առ աղէտս վշտին . և զանագորոյն զմիտս մեր գիտելով՝ զխեղանդամս ամօթոյ անակնածելի ցուցանէ , զի զանողորմուիս մեր 'ի դու թխոնարհեցուցանէ . յանդգնի , լրբի , և սուղ ինչ կերակուր բազում աշխատու թիւ գտանէ . երկիւղիւ 'ի դրունս , երկիւղիւ 'ի գաւիթս , երկիւղիւ 'ի տուննս մտանէ . զի 'ի տուննս անմարմին շանցն դողայ , յանասնոցն եզմինս . զի ձիքն կիցք հանեն , եզմինքն եղջիւր ածեն , շունքն վերաւորեն , և մարդք չարք և անողորմք բամբասեն և թշնամանեն , և իբրև նեախ խոցոտեն . և մանաւանդ եթէ խեղք և կոյրք իցեն և ցաւազնոտք . և վանս քաղցոյն վարանի , և յայնպիսի ալէկոծութիս գիմէ , յերեսս անողորմիցն իբրև 'ի գէմս գաղանաց գիմեալ երթայ հասանէ . յորոց յառաջ թշնամանին ասպա եթէ կարիցեն ինչ առնուլ բազում բամբասանօք : Արդ այս է խորհել զաղքատն և զտնանկն , յորժամ զայս անմտաւ ածիցէ , և քաղցրաբարբառ բանիւք և զթապին ողորմով զկարօտեալնս մխիթարեսցէ , և հեծեծիցէ և յողւոց² հանիցէ 'ի վերայ նորա : Այնպիսեացն ետ երանուի մարդարէն , որք այնպիսի գթով և ողորմով զաղքատս ընդունին , և յաւուրն չարէն փրկին :

¹ Յալում օրինակի Գեորգի :

² Յօրին . հեծիցէ և հողոց :

Իսկ օրն չար սր իցէ անողորմիցն և մեղաւորացն :
 Օր ահեղ դատաստանին է յորժամ երկիրնք սասանին ,
 և երկիր գղորդի . յորժամ արեգակն խաւարի , լու-
 սին և աստեղք կորնչին . յորժամ արհաւիրքն հար-
 կանիցին , և ահագին սոսկումն սաստկանայցէ . յոր-
 ժամ հնչումն փողոյն սաստկանայցէ և զարհուրեցու-
 ցանիցէ , և բարբառք հրեշտակացն հիացուցանիցեն .
 յորժամ զօրութիւք և իշխանութիւք և պետութիւք
 շարժեսցին , և գունդք հրեշտակաց յերկիր ծաւա-
 լեսցին . յորժամ ավազ անկանին , և զարքայն Քն
 իջեալ տեսանիցեմք . յորժամ յահէ փառաց դատաւ-
 ւորին սերովբէքն և քերովբէքն սարսափեն . յորժամ
 վէմք պատառին , և գերեզմանք բանայցեն , և բազ-
 մահոյլ ննջեցեալք յարիցեն , և անթիւ կենդանիքն
 նորոգեսցին , դասք սրբոյն ցնծացեն , և ժողովք
 արդարոցն սայծառասցին . աշխարհս նմ գումա-
 րեալ կայցէ , և հուրն ընթհանուր ընթանայցէ և
 ընդ տիեզերս տարածեսցի . յայնժամ զկապեալն
 մեղօք զմեղաւորսն և զպարաւանդեալն անօրէնութե
 ածիցեն , և խաւարային միգով մթապատեալ յաշ-
 խարհատես հրասարակին ցուցանիցեն առակ և ծա-
 նակ անտանելի ամօթով , և առաջի սոսկալի բեմբին
 կացուցանիցեն յանդիման դատաւորին մեծի և ա-
 հաւորի , որոյ հուրն վառեալ տօչորիցէ և բորբո-
 քեալ բարձրանայցէ , և հնոցն կայծականց և հրա-
 հոսանք ¹ գետոցն հրեղինաց . ուր հուրն վառեալ ՚ի
 վայր իջանիցէ , և հրատիկք վառեալ ՚ի ներքս տա-
 րածիցեն . ուր գուրք խաւարայինք , և տարտա-
 րոսք աղջամղջինք . գեհէն չարատանջ , և որդունք
 դառնաթոյնք , որք սպառնան և պատրաստեալ են նմ
 մեղաւորաց ² առնուլ վրէժս յահեղ աւուրն յետնում :

Արդ այս է չար օրն մեղաւորաց , յորմէ փրկէ զո-
 ղորմածն ողորմութի աղքատաց և զթութի տնան-
 կաց . զոր և ինքն իսկ փրկիչն երանէ ասելով թէ
 « Երանի ողորմածացն , զի նոքա ողորմուի գտցեն » .
 և « Յոյժ բարձր ՚ի գլուխ պարծի ողորմուին առ դա-
 տաստանաւ » , և « Չար և անողորմ դատաստան լինելոց

1 Յօրին . կրտսեանս . եղաք ըստ այլում օրինակի :

է այնմ, որ ոչ արարին ողորմութիւն, և Անողորմ դատախազք են նորա, և անողորմ տանջանարանք. անողորմ այրումն հրոյն հնոցին, անողորմ խորովումն տապոյն. և ամենեկին անանց և աններելի են ասէղ աղէտիցն չարչարանք: Այս է անողորմիցն անողորմ դատաստան և տանջանք աններելիք, զոր և անողորմ մեծատունն ընկալաւ՝ զասէղ հրոյն զխորովումն, և զաններելի տապակին. վասն զի ոչ արարողորմութիւն քաղցելոց և մերկոց և հիւանդաց, ընդ որոց և հասուցումն անողորմ ընկալաւ:

Այլ արդ զայս ամ լսելով մի յապաղեսցուք ողորմել աղքատաց նեղելոց, և առաւել ևս խեղանդամոյն և հիւանդացելոց, որբոց և այրեաց և վշտացելոց, օտարաց, հիւրոց և ծերոց, և ամ կարօտելոց ՚ի կարևոր պիտոյիցն, որով՝ նոցա յաջողին վաստակքն և կեանք աշխարհիս: Եթէ իցես անձապաշտ, նոցա լեր հողէբարձող և վերակացու. եթէ կամիս զմեղսքս փարատել, նոցա լեր կերակրիչ և զգեցուցիչ. եթէ կամիս համարձակ երեսօք զՔս տեսանել, զերեսս նեղելոցն և կարօտելոցն մի տրտմեցուցաներ. եթէ կամիս ՚ի խորանս և յօթեանս սրբոցն մտանել, և զանբաւ բարութիւն ժառանգել, օթեան և ասպրն ջական լեր օտարաց, կարօտելոց, հիւանդաց և վրչտացելոց. զնոսա հանգո և միտիթարեա երկրաւոր պիտոյիւքս, զի և դու հանգիցես և վայելեսցես հոգևոր կերակրոյն և անանց փափկութիւն: Քանզի այն է անձապաշտութիւն որ միով առատ ողորմութիւն զնեղեալս և զվշտացեալսն տեսանիցէ. զի այնպիսին ոչ եթէ՞ առնէ ողորմութիւն, այլ առնու զանանց բարութիւնն զվայելումն, և աստ բազում բարիս գտանէ յօթեան զբարին առնիցէ: Եւ եթէ աղքատք ոչ էին յերկրի, ո՞վ որ կարէր զբազմութիւն բեռինս մեղաց թեթեւացուցանել, և կամ յալէկոծեալ և ՚ի ծովաւ ծով անօրէնութեցս ասպրել: Այլ ողորմութիւնք աղքատացն անցուցանեն զմեզ ընդ սահելի և ընդ ծփելի կեանս աշխարհիս, և հասուցանեն ՚ի նաւահան-

1 Երբն. «բոց» եղաք ըստ այլումն օրինակի:

2 Երբնակին «էլն» եղաք ըստ այլումն օրինակի:

զիտան խաղաղուէի Եւ աղօթք վշտագնելոցն խլեալ
 հանեն զփուշ մեղացն . մաքրեն և սրբեն զթարախ
 մեղաց պղծութիւն . բժշկեն և առողջացուցանեն զվերս
 սատանայի . ցրեն և թեթեւացուցանեն զծանրութի
 անօրէնութեց , և քաւեալս և արդարացեալս յեր-
 կինս առաքեն : Այսպիսի են ողորմութեցն զօրու-
 թիւնք , որ 'ի դառն կապանէն , և 'ի խորոց յանցա-
 նաց հանեն 'ի ձեռն սակաւ ինչ արծաթոյ զոր կա-
 բօտելոցն ծախեն :

Վու մի տրամիցիս ընդ պակասիլ ընչիցն , զի ընդ
 նմին և մեղքդ պակասին . և յորժամ հաներ 'ի քէն
 զարծաթն , հաներ ընդ նմին և զմեղսդ , և զաղտե-
 ղութի պիղծ գործոց քոց սրբեցեր . որպէս և ասէ .
 «Տուք ողորմուի , և ամ ինչ ձեր սք եղիցի» : Զի ողոր-
 մութեամբ սրբի մարմին ողորմածին . սրբի և հոգին .
 օրհնին ինչքն , և յաջողին վաստակք նորա . առաւե-
 լուն անդեայքն : Եւ բազմանան խաչինքն , և պողա-
 բերին անդաստանք նորա՝ եթէ միայն անձական կա-
 մօք ողորմութի առնիցէ . զի զողորմութի տնանկացն
 փոխ տայ ան . և ոչ այս միայն փոխօրէն ¹ զոր վերա-
 գոյնդ ասացեալ է , այլ շնորհ և զարբայութիւն , փրկէ
 և յորդայթից թշնամոյն , և 'ի ձեռաց դժօխտոցն
 ապրեցուցանէ զողորմածն : Զի թէպէտ և մեծ սրբ-
 բութի է կուսութիւն , այլ առաւել և պատուական է
 ողորմածն . թէպէտ և մեծ է պահոց պնդութի , և
 առաքինութիւնք բազումք և մեծամեծք , այլ ևս մեծա-
 գոյն է ողորմութի , և կարեոր և ընդունելի ան .
 Սեծ է և պատուական այր ողորմած : Եւ որ ոչ առնէ
 ողորմութի , զայնպիսին և մարդ ² ոչ անուանեն գիրք
 անձաշունչք , այլ շունս և խոզ , և գազանս միայնա-
 կերս կուէ : Զի այնպիսիքն ճրագ են առանց լուսոյ , և
 աչք առանց տեսանելոյ , աղբիւր առանց ջրոց , և
 ծառք գօսացեալք՝ որք զանուանակոչութիւնն միայն
 ունին , և ոչ զօգտակարութիւն :

Այլ արդ իւ գիտասցուք զանողորմն թէ մարդ իցէ .
 քանզի աղբիւր 'ի ջրոյ անուանի աղբիւր , և ճրագ
 'ի լուսոյ ասի ճրագ . նոյնպէս և մարդ յողորմութեան

1 Յայլում օրինակի Գիտութի :

2 Յօր. Գրեթէ . եգաք և այլոց :

Ճանաչի թէ մարդ իցէ, որ հանապազ զսիրտն 'ի սէր
 և 'ի գուժ աղքատին խոնարհեցուցանէ, և զձեռս
 յողորմութի կարօտելոցն դիցէ, և 'ի ձեռն աղքա-
 տացն քաղցելոցն զՔս կերակրէ. քանզի և Քրիստոս
 իւր իսկ համարի զաղքատաց ընդունելու թիւն. «Քաղ-
 ցեալ էի, ասէ, և կերակրեցէք զիս. ծարաւի էի, և
 արբուցէք զիս. օտար էի, և ընկալայք զիս. հիւանդ
 էի և 'ի բանտի, և ինձ այց արարէք», Եւ արդ եթէ
 հաւատաս անսուտ բանին այ, 'ի միտ առ ճամբատ-
 պէս, զի յորժամ զքաղցեալն կերակրես, զՔս կե-
 րակրես. եթէ զջուր ծարաւոցն արբուցանես, զՔս
 արբուցանես. եթէ զհիւրս ընդունիս, զՔս ընդու-
 նիս. և թէ օտարին լինիս վանատու, Քսի էս աս-
 պընջական. եթէ 'ի տեսս երթաս հիւանդին, առ
 Քս երթաս տեսանել. եթէ վնեղեալն սիրօրիցես,
 զՔս մխիթարես. եթէ անօգնականին օգնեսցես,
 Քսի լինիս օգնական. եթէ տկարացն սպասաւորե-
 ցես, Քսի էս սպասաւոր. և զամ զոր քաղցելոցն մա-
 տուցանես, տաս 'ի ձեռս Քսի, և բազմապատիկ հա-
 տուցանէ յաւուրն յետնում. ուր ոչ ինչք կան համբա-
 րեալք, և ոչ սիրելիք և ծանօթք. ուր ոչ սքք կարեն
 օգնել, և ոչ արդարքն կարեն փրկել. ուր ոչ հարք
 գթան, և ոչ եղբարք ողորմին, բայց միայն օգնեն ո-
 ղորմութիք աղքատաց և վարք բարիք :

Մրդ մի մնացուք վախճանին, և մի ինչ ազահե-
 ցուք, մի զաղքատս կարօտեցուցուք, մի զՔս տրտմե-
 ցուցուք. այլ զորքս սնուցուք, զայրիս յանձանձե-
 ցուք, զպանդուխտս ժողովեսցուք, զքաղցեալս կերա-
 կրեսցուք, զՔս մխիթարեսցուք. յերկրիս առատա-
 տուր մարդասիրութի սերմանեսցուք, և յերկինս
 զողորմութիս հնձեսցուք. 'ի վերնախորանն վերաս-
 ցուք, և յանանց ուրախութիսն վայելեսցուք մեծա-
 պայծառ ինգուրէ 'ի Քս Յս 'ի տէր մեր. որում փառք
 և պատիւ յաւիտեանս յաւիտենից. ամէն :

ՎԱՍՆ ՊՏՂՈՅ ԵՒ ՊԱՏԱՐԱԳԱՅ
ԵՒ ՈՂՈՐՄՈՒԹԵԱՆ *

Ի ԱԶՈՒՄ գաղտածիգ¹ նետիւք վիրաւորէ զմեզ սատանայ, և զվէրն չերեւեցուցանէ. զսկիզբն իրացն երեւեցուցանէ որպէս թէ առաքինի ինչ վարուք, և կատարէ յահեղ անօրէնութիւն. և փոխանակ վարձուցն վաստակոցն արկանէ ընդ մեզօք անօրէնութիւն. և որպէս ընծայիւք Վայենի, և ընծայիւքն Յեփթայէտայ, որ կերպարանօք բարւոյ զգործս անօրէնութիւն կատարէր: Զոր և այժմ առ բազումս կատարէ սատանայ, և առնէ զրաջան և սնավաստակ յեկեղեցական 'ի պողոց և պատարագաց ընծայից: Եւ ոչ միայն զրավաստակ և զրաջան 'ի վաստակոցն տեսանեմք, այլ և թշնամանօք 'ի յանդիմանութիւն. և անէծս պատուհասից յայ ընդունին, որպէս և Մաղաքիա մարգարէն ասէ թէ՝ «Անիծեալ լիցի մարդ որ կարող իցէ, և կայցէ 'ի հօտի նորա որձ, և մատուցանիցէ տեառն զանօգուտն և զարատաւորն և զվտիտն պատարագ»: Եւ զբահանայս ևս որք և զխոտանս 'ի ժողովրդոցն ընդունիցին, պատուհասէ և ասէ. «Դուք քահանայք էք՝ որ բամբասէք զանուն իմ, և մատուցանէք 'ի սեղան իմ հաց պղծութիւն, զխոտանն և զյափշտակեալն և զանօգուտն, այսինքն զնիհարն², և թէ ընկալայց զայն 'ի ձեռաց ձերոց. այլ առաքեցից 'ի վերայ ձեր անէծս, և նզովեցից զօրհնութիւն ձեր, և բարձից զձեզ հանդերձ նոքօք. փոխանակ զի դուք ոչ եղիք 'ի սիրտս ձեր երկնչել յինէն»:

Ըրդ եթէ որք 'ի հնումն զխոտանն մատուցին, այսպիսի պատուհասիւք պատժեցան, զինչ գործեցեն որք 'ի նորումն զխոտանն կալոյ և հնձանի նոյնու իրեացեն, և զվտիտն և զանօգուտն 'ի հօտիցն՝

* Վայ և այս ճառ 'ի ճառընտրի առանց անուան մատենագրի:

1 Մի օրին. գաղտածիգի-:

2 Յօրին. զնիհարն:

կոչնոց աղքատացն մատուցեն, որով և Կայեն կորեաւ խոտան և անընդունելի պատարագան . քանզի ոչ ուղիղ բարժանեցեր՝ ասէ, և այդ ևս առ քեզ դարձցի : Արդ պարտ է մեզ երկնչել ՚ի բանէս յայսմանէ . զի եթէ որք առանց օրինացն մեղան՝ այնպէս պատժեցան, որչափ ևս առաւել մեք եթէ հանդերձ օրինօքն մեղիցուք . զի որ ՚ի շնորհացն որ ՚ի հնումն էին՝ ոչ էին վայելեալք, և այնպիսի ուղղութիւն խնդրէին, որչափ ևս առաւել բազում հաւաստեալ ուղղութիւն ՚ի նորումս պահանջիցէ, թէ և սակաւ ինչ գթիցեմք . որք յօրինաց խրատեցաք, և ՚ի շնորհացն վայելեցաք, և զօրինակսն տեսաք : Եւ արդ եթէ զխոտանն այն նուիրիցեմք, մեզ որ ներեալ թողութե՛ կայցէ . զի ասէ՝ թէ զառաջաւորս կալոյ քո և զհնձանի, և զընտիր ընտիրս խաշանց՝ այն քում մատուցանիջիր . և պատուեա զոր ՚ի քոց արդար վաստակոց, և հան նմա պտուղ ՚ի քոց արդարութե՛ արմտեաց : Այս է ընդունելի առաջի այն : Այլ ՚ի յափրշտակութե՛, կամ ՚ի գողութե՛, կամ ՚ի զրպարտութե՛, կամ ՚ի վաշխից ինչ տոկոսեաց, կամ ՚ի բրնձնութե՛ վաճառոց, կամ ՚ի յառապելոց զրկանաց եթէ՛ մատուցանիցէ ինչ պատարագ՝ եզն կամ ոչ խար կամ քօշ, պիղծ է ինձ որպէն թէ զայն՝ որ շուն որ մորթիցէ, և կամ եթէ հարկանիցէ որ զկառափն մարդոյ, և կամ հեղուցու որ զարին խողի :

Եւ արդ ընդէր որ ժտիցի զայսպիսի պատարագս զազրալիս մատուցանել, որ գեհննին առ թէ . և կամ զընդունելութի աղքատացն կոչնոց՝ կարողօքն և անկարօտիցն պատուօքն կորուսանել . զոր և քնարգել ասելով, եթէ «Յորժամ առնիցես ճաշ կամ ընդունելութի աղքատաց, մի կոչեր զեղբարս քո և մի զդրացիս քո և մի զսիրելիս քո և մի զմեծատունս, զի մի և նոքա զքեզ կոչեսցեն, և այն լիցի քեզ փոխորէն . այլ յորժամ առնիցես ընդունելութի յաղագրս ոգւոյ քոյ փրկութե՛, կոչեա զաղքատս և զխեղըս և զկոյրս և զկաղս, և երանի է քեզ՝ զի ոչ ունին փոխորէն հատուցանել քեզ . և լիցի քեզ փո-

խորէն յարքայութեն արդարոց», Ո՛յր են խօսքս և հրամանքս. ո՛չ ապաքէն Յսի Որդւոյն նոյ: Եւ արդ ընդէր արհամարհես զհրամանսն Քսի: Եթէ կամիս զմեծամեծս քո պատուել՝ պատուեա. ունիս աւուրս երեք հարիւր վաթսուն և հինգ տալ մարմնոյդ, և զմի օր՝ ի նոցանէ հոգւոյդ նուիրեա: Արդ ահա զմի օրն չարկանես տալ հոգևորացն և հոգւոյդ կոչու նրս: Եթէ բժիշկ վիրաւորեալ ոգւոյ քոյ զաղքատն արարեր, և ժողովեցեր զնոսա բարեխօս և աղաչողս առ անձ, և մեղաց քոց քաւարան զնոսա կոչեցեր ի տուն քո. ապա յայնմ աւուր ընդունելութեան աղքատաց և ոգւոյ քոյ, յորում աւուր քաւին մեղք, դադարեցո զխորհուրդս քոյ զմարմնաւորս, ընդ նմին և զսիրելիս քո զմարմնաւորս. և մի զոք ի կարողաց և կամ ի մարմնաւոր սիրելեաց քոց մուծանիցես ի տուն քո, զի մի ի թողութէ մեղաց քոց վրիպիցիս՝ նոյ սպասաւորելով, նոյն աչառելովն զնոյ, զնոքօք շրջելովն, զնոսա ի վեր մատուցանելովն, և կերակուր և գինի ոչ վերանայ ի նոցանէ: Եւ քո քաւարան մեղաց՝ աղքատացն ժողովք ի ներքուսա ի վեր նային, և սեղանք նոցա դատարկ՝ յոգոց հանիցեն. և ումանք ի նոցանէն արտաքս իսկ մնան իբրև զարհամարհեալս, և միայն զձայնն լսեն զբազմականացն, և ի սիրտս իւրեանց զարհամարհանսն իւրեանց վարանին, զօլեալք և ակնկորեալք նստին: Արդ մի ինչ այսպիսի կոչունս յաւուր պատարագին ընդունելութեան արասցես, յորոց ծախիցն անվարձ լինիցիս:

Վսլ Եթէ կամիցիս մեղաց քոց թողութի խնդրել, կոչեա զորքս և զայրիս, զնեղեալս և զտառապեալս, զխեղս և զկոյրս և զկաղս, զկարօտեալսն և զգերիսն, և զամբաղցեալս և զանմխիթարօն. զնոսա մխիթարեա, զնոսա սփոփեա, զնոսա կերակրեա, նոցա միայն սպասաւորեա, զնոքօք շրջեա, զնոսա յարմարեա, և քաղցր բանիւք պաշտեա, զի թողութի մեղաց և փրկութի տան քո եղիցի: Եւ արդ այսպէս յօրինեա զընդունելութե կոչունս զպատարագացն, և մի զգոյաւորս և զմեծամեծս յընդունելութիւն թշուառացելոցն և աղքատացն մուծաներ. այլ նոքա

եղիցին դահերէցք, և նոքին բարձրագլուխք. նոքա
 'ի վերուստ, և նոքին 'ի ներքուստ. զնոսա միայն մոյծ
 աղաչանօք, և զնոսա միայն յլարկեա՝ աղերսանօք,
 Եւ եթէ այսպէս ընդունիցիս, ոչ եթէ ետուր, այլ
 առեր. ոչ եթէ ծախեցեր, այլ մեծամեծ շահս ժո-
 ղովեցեր, և թողու թի ընկալար: Վասն այսր ամի ա-
 սէր Քս՝ եթէ յորժամ առնիցես ընդունելու թի, մի
 կոչեր զմեծամեծս, զի մի զբաղմամբք նոցա աղքատքն
 արհամարհիցին. և դու վասն աչառանաց իբրև զօ-
 րինազանց դատիցիս, ըստ այնմ որ ասէ՝ եթէ որ ըզ-
 հանդերձս պայծառս ունիցի, ասիցէք եթէ դու նիստ
 աստ պատուով. և ցողքատն ասիցէք եթէ երթ
 նիստ առ պատուանդանին. և զայս առնելով, ասէ,
 ոչ խղձիցէք յանձինս ձեր, և լինիցիք դատաւորք չա-
 րեացն խորհրդոց. զի 'ի մեծամեծացն աչառելով
 մեզս գործէք՝ յանդիմանեալք յօրինացն իբրև օրի-
 նազանցք:

Այւ արդ մի ինչ այսպիսի դատապարտութիք 'ի
 կոչունս աղքատացն ունիցիս, զաղքատսն և զմեծա-
 մեծսն 'ի միասին՝ ժողովելով. զի մեծամեծքն մտեալ՝
 բարձ և պատիւ խնդրեն և գահերիցու թիս և սնա-
 փառութիս և յարգանս և սուտակասպասու թիւնս
 'ի քէն պահանջեն. և աղքատքն նստին 'ի ներքս շօ-
 ւելալք և խոնարհեալք լուծիք: Այ է բարւօք կոչ
 ընդունելի. ոչ որ որոմն ընդ ցորենոյն սերմանէ, և
 փուշ ընդ որթով սնկեն. և ոչ քեզ պարտ է սուտա-
 կասպասու թի և սնափառութի ընդ խոնարհութի և
 ընդ ապաշխարութի մեղաց քոց խառնել. խափա-
 նիւք են միմեանց և ապականիւք. անհնար է քեզ
 միով ահամբ յերկինս հայել, և միովք յերկիր. և
 յայնմ աուր միանգամայն մարմնաւորացն և հոգևո-
 րացն հաճոյանալ, Հոգևորքն աղաչեն և մաղթեն
 զքեզ յերկինս տանել, և մարմնաւորքն սուտակաս-
 պասու թի և սնափառութի և բազում ստաբանու-
 թիք և սուտ յարգանօք յանդունդս քարչեն. հոգև-
 որքն 'ի լոյս հրաւիրեն, և մարմնաւորքն 'ի խաւարն

1 Յօրին. յլարկէ. եզարբ ըստ
 այլու մ օրինակի:

2 Յօրին. 'ի Բեանս ժողովն.
 եզարբ ըստ այլ կրկին օրինակաց:

առաքէն: Ահա այսպիսի խափանիչք քեզ փնասակարք էն յաւուր ընդունելու թի՛ք աղքատաց զմեծամեծսն կոչելով: Այլ զաղքատս սփոփեա, զաղքատսն հանգուցանել, զաղքատսն աղաչել, հաց քաղցելոցն բերդել, զմերկսն սգեցուցանել, զանյարկսն ընդ յարկաւ մուծանել: Եւ յայնժամ կարդասցես, և անձ լուիցէ քեզ. և մինչև խօսեալ իցես, ասացի էթէ ահաւասիկ հասեալ եմ:

Այսպիսի շահաւոր էն ընդունելու թի՛ք աղքատաց, և մերձ առ անձ աղօթք նոցա. զոր և մարգարէն ասէ. «Երանի որ խորհի զաղքատն և զտնանկն. յաւուր չարէ փրկէ զնա անոր. երանելի առնէ զնա ՚ի վերայ երկրի, և ոչ մատնէ զնա ՚ի ձեռս թշնամեաց իւրոց»:
Արդ այս էն երանու թի՛ք վասն կերակրելոյ կարօտելոցն. զոր և Քս իւր համարի: Իսկ ընդ անկարօտիցն կոչնոց զինչ շահիցիս, և կամ որ օգուտ գործիցի, զի ընդունելու թի՛ք քաղցելոցն է շահաւոր, և ոչ յագեցոցն. և Քս ոչ ասէ՝ էթէ զյագեալսն կերակրեցէք. և ոչ ասաց էթէ զարբեալսն արբուցէք. այլ զծարաւեալսն տեսէք և արբուցէք, զմերկսն տեսէք և սգեցուցէք, և օտարատեսու թի՛ք արարէք: Այսպիսիքն էն վարձուց և երանու է արժանի, և ոչ յագեցոց և անկարօտից զմայլու թի՛ք. զի որ զաղքատսն և զկարօտեալսն կերակրէ, զօտարսն և զհիւանդսն, ոչ զմարդ՝ այլ զՔս ընդունի, զՔս կերակրէ, զՔս սգեցուցանէ, զՔս սփոփէ, զՔս մխիթարէ, զՔս հանգուցանէ, և Քս յապասաւորէ. զի անսուտ է բանն տէրունական:

Եթէ Քս է զոր ընդունիս, ոչ է քեզ պարտ և արժան ՚ի Քսի ընդունելու թի՛քն զժողովս զեղխեցելոցն ժողովել, զնոսա ՚ի ներքս մուծանել, և զՔս թողուլ արտաքոյ գաւ թի՛քն: Նոքա մեծարանօք ՚ի վերոյ, և Քս արհամարհանօք ՚ի խոնարհ. նոքա պատուով ՚ի բազմականի, և Քս արհամարհանօք առ պատուանդանի. նոքա անդ ՚ի վեր սփոփանօք սպասաւորին, և Քս աստ ՚ի վայր նստի գլխարկեալ: Ոչ է պարտ այսպիսի արհամարհանօք ընդունել զՔս, զի ՚ի սրբամտու լի և ՚ի բարկու լի զարթուցանես, և ոչ յողորմու լի և ՚ի թողու լի մեղաց, Զի էթէ ողորմու թի՛ք է ընդու

նեւուծիւնդ, զի կոչես տեսողս բազումս, և հատուցումն 'ի մարդկանէ ընդունիս: Ահա ուսուցանէ զքեզ Քս. « Զգոյշ լեր, ասէ, ողորմուէ՛ մի առնել առաջի մարդկան. զի որ յաչս մարդկան լինի, և հատուցումն 'ի մարդկանէ ընդունի. այլ եղիցի ողորմուծին քո 'ի ծածուկ. և հայրն քո որ տեսանէ 'ի ծածուկ, հատուցե՛ քեզ յայտնապէս »:

Արդ մի զրկիք յայդպիսի վարձուց, և մի տեսողս ողորմուծէ քում ժողովել. այլ զգուշուծի՞ մատակարարեա՛ 'ի ծածուկ, զի 'ի մօտ է գողն, գողանայ զվարձս քո. դարանակալէ աւազակն, յախշտակէ զողորմուծին քո. մերձ կան նենկիչք նենկել, և հանել զբարին քո 'ի քէն. շրջանակաւ՝ ամբարիշտքն շրջին, և ջանան զրաջան առնել զքեզ և սնավաստակ 'ի վաստակոցն: Այլ յամենեցունց պատրաստեա երկիւղիւ, պատրաստեա իմաստուծի՞. և զգոյշ լեր յախտէն մարդահաճուծէ և 'ի դիւէն սնտիառուծէ, զի մի դարձուցանիցեն զբարիքն քո 'ի չար, և մի զլոյսն քո 'ի խաւար. զի եթէ լոյսդ որ 'ի քեզ ասի՛ խաւար իցէ, իսկ խաւարն ո՞րչափ ևս իցէ. զի եթէ ողորմուծիւնդ քո չարիք եղեն, չարիքն ո՞րչափ ևս ինչ լինիցին: Արդ վասն այսորիկ ծածկեա յամենեցունց զողորմուծիւնս քո. և որպէս ոչ կամիս զպղծուծի մեղաց քոց ցուցանել, և մի զողորմուծի ապաշխարուծէդ տալ գիտել. այլ ծածկեա զառաքինուծի ապաշխարուծէ իբրև զմեղայն զազրուծի. և յամ ժամ ընդունելի լինին ապաշխարուծիք քո, և գտանես մեղաց քոց թողուծի: Մի առ հաճոյ սնտիառուծէ զկոչունս ընդունելուէ արասցես, և մի 'ի ցոյցս մարդկան զտուրս ողորմուծէ արասցես աղքատացն, և մի զմեծամեծս և ըզգոյաւորս յընդունելուծէ կարօտելոց աղքատաց բաշխեսցուք և կոչեսցուք. և մի զխոտանան կալոյ կամ հնծանի այնուիրեսցուք, և զամ տուրս պտոց եկեղեցւոյ կի՛քահանայից մի չարակնեսցուք, որով Ապեն յանդիմանեցաւ. և զգէրն և զուղիղն 'ի հօտից անձանց մերոց մի թողուցումք, և զանօգուտն և զվտի

1 Յայլում որին. պարկեարբէս: 2 Յայլում որինակի շարձանակի:

տրն ընդունելու թի աղքատացն արասցուք և կարօտելոցն զենցուք . և մի յագահու թի և յափշտակու թի և յանիրաւու թի ընչից ժողովելոց յանձային ընծայան մատուցուք . զի պիղծ են ան զըկողք և ինչք նոցա առաջի ան : Բայց զայս ան ըստ հաճոյիցն ան արասցուք, որով ան հաճեսցի և ընկալցի, և թողու թի մեղաց արասցէ : Սրբու թի և անմեղու թի կացցուք, և իառօք և պատուօք զերկինս ժառանգեսցուք, և խոստացելոց բարեացն արժանաւորեսցուք հասանել 'ի Բս Զս 'ի ան մեր . որում վայելէ իառք և պատիւ այժմ և միշտ և յաւիտեանս յաւիտենից . ամէն :

ՎԱՍՆ ՓՈԽՈՅ ԵՒ ՎԱՇԽՈՅ *

ՅՈՅԺ չար են ատաք ընչասիրութե, և անհնարին չար են քան զամ փոխոցն տոկոսիք, որ հանապաղ հայհոյեալ բամբասի 'ի հին և 'ի նոր կտակարանս . և պատուհասեալք պատժին չարապէս խնդրողք ' վաշխիցն և փոխոցն՝ որ ընդդէմ պատուիրանացն ւնյ զարծաթս իւրեանց 'ի վաշխու տան, և տոկոսեօք անդէն պահանջեն, և անակնածելի ուտեն զմարմինս տնանկաց, և ըմբեն զարիւն նոցա անողորմ . և ոչ ունկնդիր լինին Եզեկիէլի հոգելից մարգարէին՝ որ ընդ մեծամեծ չարեօք դնէ զփոխոցն տոկոսիսն, և ընդ կռապաշտիցն համեմատե պղծութիւնս ասելով թէ 'ի կուռս տունն Խորայէլի պղծեցաւ, և վաշխ ու տոկոսիս պահանջեաց: Եւ Մովսէս ասէ՝ թէ մի տացես վաշխ ընկերի բում, զի անօրէնութի է առաջի ւնյ . զոր և արտաքս կացուցանէ յերկնային խորանացն՝ որք վաշխ և տոկոսիս պահանջեն: Իսկ որ զարծաթ իւր 'ի վաշխու ոչ տացէ, և կաշառ 'ի վերայ իրաւանց ոչ առնու, նա մի սասանեսցի յաւիտեան: Եւ միւս մարգարէն ասէ . որ 'ի վերայ լերանց զօհեալն ոչ եկեր, և զգրաւ պարտապանին դարձոյց, և վաշխ և տոկոսիս ոչ պահանջեաց, արգար է նա, և կելով կեցցէ . իսկ որ զվաշխ և զտոկոսիս պահանջեն, դիմագարձ են պատուիրանացն ւնյ, և հակառակ Հոգւոյն հրամանացն . զի զարգելեալսն 'ի Հոգւոյն հրամանացն չարաչար 'ի կիր արկանեն անօրէնութիք:

Այլ այնչափ անօրէն են ատա փոխոց տոկոսեաց, մինչև յամուլ արգանդէ խնդրէ որդի բռնութիք, և յապառաժ քարանց պտուղ որոնէ, և առանց սերման կամի արգիւնս ժողովել, և յարուաց ծնունդս պահանջել, և 'ի քարէ կաթն կլթել, և 'ի վիմաց ասր

* Եփրեմի ընծայի և այս ճառ 'ի ճառնորի:

1 Եփրեմ . Խնդրողաց . եղաք լն այլում օրինակի:

ստանալ. զթիւ արծաթոյն զոր տուեալն է՝ լիով ընդունի, և առանց սերման ժտի արդիւնս ժողովել, և խուլ զտուն իւր անօրէն ստացուածովք: Ապա նստի խորհի նախ բազմացուցանել զընչիցն առաւելութի, և ապա ընդ անօրէնութեցն առնել ողորմութիս տնանկաց և պատարագս հաշտութե, զոր յանդիմանէ Եսայի ասելով՝ թէ «Որ մատուցանէ ինձ ըզյափշտակեալն պատարագ, այնպէս զազրալի է՝ որպէս թէ շուն որ մորթիցէ, և կամ թէ հարկանիցէ որ զկառափն մարդոյ: Զի լաւ է աղքատաց անտես լինել յողորմութե, քան թէ յափշտակութե ընդունել ինչ: Լաւ է քահանայից ՚ի սովոյ մեռանել, քան թէ յանարժանիցն կերակրել: Ոյր ուրուք, ասէ, զայլոյ առեալ և այլուր բաշխիցէ, ոչ է թէ վարձս ընկալցի, այլ պատիժս և տանջանս սաստիկս. զի հուր այրիչ և սուր սատակիչ են ծնունդք փոխոց: Եւ որ յընչիցն անիրաւութեց զանձ պաշտել համարիցին, առաւել բարկացուցանէ. «Պատուեա, ասէ, զոր ՚ի բոց արդար վաստակոց, և հան նմա պտուղ ՚ի բոց արդարութե արմտեաց»:

Սի խորհիր զյափշտակութիւն ժողովել, և ապա առնել ողորմութիս վասն մեղաց թողութե. զի ոչ երբէք հրով հուր շիջանի, և ոչ վիրօք վէրք բժշկին, և ոչ մեղօք մեղք սրբին, և կամ անօրէնութե անօրէնութիք քաւին. քանզի յոյժ չար են վաշխիցն անօրէնութիք, և որպէս երկունք յոյ են ժամագրուիք նոցա: Եւ է թէ աղքատ և սիցէ փոխապարտն, ՚ի ծուփս և ՚ի հոգս մաշի հանապազ. անբուն և դառնաբուն ՚ի զիշերի ննջիւն նորա. տխուր և տրտում և մտայոյզ ՚ի տուրնջեան շրջի, և ոչ գիտէ յո երթայ: Երբեմն սուղ ինչ զպախրէն կամի վաճառել, զի հատուցէ զվաշխիցն տոկոսիս. և երբեմն զանօրէն գողանալն ախորժէ՝ զոգիսն կորուսանել, և դիմադարձ լինել նոյ վասն պահանջողի վաշխի փոխիցն. և երբեմն խորհի գաղտագնաց լինել ՚ի տար աշխարհ: Շրջի թափառական յաղագս պարտուցն բռնութե, և ՚ի բազում խորհրդոցն վարանիցի, և մտացն շիթթելոց զաղութսն առ անձ մոռանայ. և յորժամ ձայն ոտիցն հարկանի, նա ՚ի ներքս սրտաբեկ լինի յերկիւղէն. և

Թէ արտաքոյ տեսանէ փոխառուն զփոխատուն, փախչի և թաքչի իբրև 'ի տարակուսանաց աղէտիցն, և սիրան թափեալ զգողի հարկանի, և կայ զլխարկեալ և լեզուակապ. և ամենևինմը յերեսս նորա նայել ոչ իշխէ և ոչ համարձակի, զի տոկոսիքն վաշխիցն բազմացան 'ի վերայ նորա, և ոչ ինչ ունի հատուցանել և հաճել զփոխատունս :

Եւ արդ տես, ով պահանջողդ վաշխից, եթէ քանի տարակուսանօք և ընդ վշտօք զեղբայրն արկանես, և քեզ քանի կողկողանաց և աղէտից ետ պատճառք՝ դիմադարձդ նոյ և բազում մեղաց պարտապան, արկանելով 'ի վերայ փոխոցն վաշխ, և վաշխիցն վաշխ. չար ծննդոց չար թողունս ծնուցանես. և այս են օձք՝ ծնունդք իժից, Իժից ծնունդք զորովայն մօրն ծակեն ելանեն, և փոխոցն ծնունդք զոգիս՝ վաշխաժողովացն պատառեն և սպանանեն, և դառն տանջանացն և ահեղ հրոցն պատրաստեն. զի դառն արուեստ և անօրէն մշակութի ստացաւ, որ առանց երկրի տընկեալ յանդգնի և առանց սերման հնծել. որոյ սերմն ժանդ է, և հունձք չարաչարք, և մշակք անօրէնք, և սատանայ սատարիչ, վարիչ և յորդորիչ անօրէն հնձողաց զչար փոխոցն տոկոսիս : Ար վառէ իբրև հրով անօրէն վաշխիցն ցանկուէ, և հանապազ սուր և հուր ժողովէ յշտեմարանս, և չարաթոյն սատակիչս քան զօձս և զիժս և զծնունդս քարբից ժողովէ 'ի տունս փոխոցն և տոկոսացն : Եւ ոչ լուաւ զողջումն մարգարէին՝ որ թևս որպէս զազանոյ ըղձանայր հեռանալ 'ի քաղաքաց, վասն զի ոչ պակասեաց 'ի հրա պարակաց նոցա վաշխ և նենկութի. և ոչ զազանս նորուն առ անձ, զի 'ի վաշխէ չարէ փրկեսցէ զանձինս նոցա. այլ զաչս խցեալս և զականջս կախուցեալս անդադար ժողովէ զվաշխիցն տոկոսիս :

Ա՛վ չար ախաի անօրէն ստացող. յորմէ պարտ էր երկիրղիւ հեռանալ 'ի տոկոսեաց գթով, նա բազում ցանկուք ընդ շահից վաշխիցն ընդանենայ, որ զուշն ապշեցուցանէ չհայել 'ի պատուիրանս նոյ. զսիրան յիմարեցուցանէ չիշէլ զօր ահեղ դատաստանին .

զմիտան քարացուցանէ 'ի գուժ կողկողեալ եղբօրն խոնարհէլ . խնու զլեւիս և զտեսանելիս . յամօթոյ տեսողացն չամայէ . այլ յանդգնեալ հողանեալ ժողովէ և գանձէ հուր յաւիտենական՝ ոգւոյն թշուառացելոյ : Եւ որպէս երկրագործքն յաղաղս անձրևաց աղաչեն և մաղթեն յնյ վասն սերմանցն և լիութեց աշխարհի , իսկ վաշխաժողովն կարօտութի և տարակուսանս և սովս սաստիկս և հարկապահանջս աշխարհի ըղձանայ , զի 'ի գործ և 'ի շահ վաշխիցն ինչքն անկանիցին : Ի ժամ՝ փոխոցն տալու՝ զուարթերես կեղծաւորի . և յորժամ ժամագրութի վաշխիցն հասանիցէ , տեսանելով զքաւորութի և զտարակուսութի պարտապանին՝ ոչ ողորմի , և ոչ երգմանն հաւատայ մաղթողին , ոչ խոնարհի յաղաչանս վարանեցելոյն . այլ դժոխեալ անխոնարհէլի և անհաշտ . և իւր ծառայ զփոխառուն համարի փոխատունս Քննէ եթէ զինչ ինչքնորա իցեն նմա արժանի . հետազօտէ՝ թէ ուր տարեալ թագուցանէ . արտաքոյ զգուրս պահէ , 'ի մէջ բազմութեն թշնամանէ , 'ի սիրելիսն ամաչեցուցանէ , 'ի հրապարակն խեղդէ :

Չար պատահումն 'ի տուն , 'ի կեանս չար քան զմահ տեսանէ փոխապարան . ատէ զաւուրն ժամագրութիս , երկնչի յամօթոյն . երեսքն խոնարհի տեսանել 'ի պահանջողն . աչքն պատրուակին իբրև շուն ըմբռնեալ 'ի տեղիս , ամօթովն աղափարի : Տեսէք զողորմելի տեսումն . տեսէք զչար մեքենայսն սատանայի . տեսէք զանօրէն շահսն նզովից . զի մոլար ախտին անամօթացեալք զընչաւէտն աղքատացուցանեն , զաղքատն մերկացուցանեն , զմերկն խեղդեն , և յարտասուաց արծաթ ժողովեն և բերկրին ընդանօրէն շահիցն յաճախութեցն : Ո՛վ անօրէն վաշխիցն չարեաց՝ որ է որոգայթ մահու ստացողաց , և ոչ իմանան . խեղդ է անձանց , կապանք հողւոյն , առիթ գեհնին , առաջնորդ խաւարի , և պատրաստող ամենայն տանջանաց և յաւիտենական ամօթոյն :

Վասն որոյ բազում զգուշութի փախիցուք յընչից

1 Յօրին . արխիէյէ . եղաք է

2 Այսպէս օրինակին :

այլում օրինակի :

տենչանաց . փախիցուք 'ի չար ախտէն յայնմանէ .
 փախիցուք 'ի չարաժանի գազանէն . փախիցուք 'ի սա-
 տանայական մեքենայէն : Զի վաչխ չար օձին է վար-
 դապետութիւն . վաչխ դիւտք են դիւական . վաչխ
 թշնամոյն են սերմանք . վաչխ աւհաւատչեայ է տան-
 ջանացն . վաչխ խափանիչ է բարեպաշտութեան .
 վաչխ ճանապարհ է գեհէնին . վաչխ զրկումն է ար-
 քայութեան . վաչխ ամբոխումն է մարմնոյ և սա-
 տակիչ հոգւոյ և մերժումն ամենայն արդարութեանց :
 Արդ փախիցուք յստամարտ յախտէդ յայդմանէ ,
 'ի վարդապետէ խաւարէ , 'ի մարդաստղան մօրէ : Ա-
 դաչեմ՝ մի ախտասցուք զհիւանդութիւն զայն . և ե-
 թէ 'ի ներքս անկեալ իցեմք յախան , արտաքս փա-
 խիցուք : Իսկ որ նորօքն վարին չարաչար , արժանի
 են սգոյ և ողբալի արտասուաց . զի զոր օրինակ սուր
 առեալ՝ և զինքն խոցոտիցէ , այսպիսի է չարութիւն
 ախտին , և բազում գլուխ ստացեալ ունի . ազահ է՝
 սոյն և կռակալտ առնէ . անամօթ է՝ սոյն և գազա-
 նամիտ առնէ . անազօրոն է՝ սոյն և անողորմ առնէ .
 անիրաւ է՝ սոյն և յափշտակող առնէ . անճնասէր է՝
 սոյն և քծատեաց առնէ հակառակ կամացն այ :

Ալ արդ զինչ ասացից . չէ մարդն այն քրիստո-
 նեայ՝ որ վաչխս ժողովէ անիրաւուք . այլ բազին է
 այնպիսին սատանայի լի մարդազոհիւք , և գերեզման
 լի նեխեալ մեռելովք , և նմանեալ բորբոքեալ հրոյ
 գեհէնոյն՝ որ զամենայն ինչ ծախէ , և երբէք ոչ
 յազենայ : Զարհուրեացուք , սիրելիք , եթէ սուր եր-
 թեալ տարաւ զմեզ ընչիցն ցանկութի . զարհուրես-
 ցուք , և բազում զգուշութիւն զարմատն խլեսցուք ,
 զի մի զարգացեալ ծայրիցն՝ զմեզ 'ի վայր դարահոսեա-
 ցեն յանդուռս 'ի հուր գեհէնին :

Ալ արդ զինչ արասցուք , և կամ որով օրինակաւ
 զչար արմատն խլեսցուք . զի իբրև ընդ օձս և ընդ
 գազանս խօսիմք , և ոչ ընդ քրիստոնեայս և ընդ
 քծասէրս՝ որ հնազանդին հրամանացն այ : Պատե-
 րազմին բարբառեալ ասելով . եթէ ոչ դառնայ առ-
 մեզ արծաթն վաչխաւ , ապա և 'ի տալոյ իսկ ար-
 գելումք զփոխն , և ոչ ողորմիմք եղբօրն կողկողե-
 լոյ : Այդ բարբառ անօրէն և հակառակ կա-

մայն անյ . այդ բարբառ ծնունդ է սատանայական
կամաց՝ որ յայ հեռացուցանէ . այդ բարբառ չար
թշնամոյն է սերմանք , զի զձեզ 'ի ճշմարտութենէն
մոլորեցուցէ . քանզի այդ իսկ են խորհուրդք չարին
վարդապետութե ընդդէմ պատուիրանայն անյ : Զի
Քս ասաց . թէ տացէք փոխ այնմիկ՝ ուստի ակն ունիք
անդրէն առնուլ զկշիւն , զայդ և մեղաւորքն առնեն .
իսկ դուք , ասէ , տուք փոխ այնոցիկ՝ ուստի ակն ոչ ու
նիք առնուլ . յորժամ զմիմեանց բեռն բառնայցեմք ,
և կատարեմք զօրէնսն Քսի՝ որ ասէն , թէ ձեր առա
ւելու թիղ եղիցի չքաւորայն կարօտութի . զի եղիցի
հաւասարութի երկոցունց : Եւ արդ 'ի միտ առ , զի
ոչ եթէ չափով ինչ հրամայէ ողորմել քեզ աղքա
տին , այլ քում ընչաւէտութեանդ հաւասարել
զքաւորութի նորա . զի անձ եղբայր քո անուանեաց
զաղքատն չքաւորն , և անդամ յանդամոյ քոց . և
քեզ չէ օրէն զանդամն քո մերկ տեսանել և անտես
առնել , և կամ զրկել 'ի բաժնէ ընչիցն . զի եղբայր
քո կոչեցաւ :

Աւ արդ թէ եղբայր քո համարիս , մի հեթանո
սաբար անկուշներ 'ի պատուիրանայ անյ . այլ կալ
քրիստոնէաբար զհրամանն տեսուն՝ որ ոչ զպակա
սութիւն աղքատին հրամայեաց ընուլ , այլ և առա
ւել և ս բազմաց : Արդ զայս հրաման ունիս յայ , և
դու զփոխն և ս կամ տաս չարաչար վաշխիւ , և կամ
փակես անօրէն և անանձաբար : Այլ անամօթիս և ս
ասել՝ եթէ փոխ առնուս . զայն քաջ սիրես , եթէ
տամ մին՝ և երկուս առնում , քան եթէ ոչ տամ :
Իսկ նա զժամուն վարանն կամի փարատել , և առ
նեղութեն յակամոյ առնու . բայց դու եթէ անձա
պաշտ ես՝ հայեաց 'ի պատուիրանս անյ , զի ձրի իսկ
հրամայեցաւ տալ տարակուսելոյն , և թափել 'ի
պահանջողաց բռնութեն . զի և դու 'ի թշնամոյն
զերծանիցիս , որ հանապազ յաշխատութե պահէ
զքեզ՝ ժողովել և ապուել² և գանձել զայլոյ ինչս³ ,

1 Երկնակին խանգարեալ էր
բառդ կալ :

2 Յայլում օրին . պահել :

3 Երկն . այլ : Ինչ . եղաք թ
այլում օրինակի :

և վայելել¹ և ոչ երբէք. զի ոչ ակն տեսանելով յազի, և ոչ արծաթասերն ժողովելով և առնելով զայլոց: Դժոխք են անձինք ադաճաց, և ոչ երբէք շատանայ, և ոչ երբէք ասեն շատ:

Ինգէր տարածանիս. յազագս էր անօրինիս, ով թըշուառական. զի՞ ժողովես զանպտղուծի արծաթոյն առիթ յաւիտենական գեհէնին: Դիր դու առաջի աչացդ զՔնի դատաստանն. զի՞նչ պատասխանի տայցես՝ յորժամ զքե և շուրջ գայցեն զրկեալքն՝ ի վաշխից ամբաստանելով զքէն առ դատաւորին. զի՞նչ առնիցես, ով թշուառականդ, իւ աղաչեսցես: Անդ ոչ ազօթք, ոչ ինչք, ոչ մեծուծիւնք. անապատ ես ի սիրելեաց, հեռի յօգնականաց. առանց խօսնակի, առանց պատասխանոյ. ամաչեսցեալ, տրտում, տխուր, միայնացեալ, առանց համարձակուէ. զի ո՛ւր և իշուրջ ածիցես զակն՝ յայտնապէս տեսցես զչարեացն զպատկերս՝ զոր գործեալ իցես. աստի տեսանես զորբոցն արտասուան, անտի զայրոյն հառաջանան, այլուր զկրօփեալն ի քէն զաղքատն, զծառայան զոր չարչարեցեր, զդրացիսն զոր բարկացուցեր. ամենքեան քեզ ի վերայ յարիցեն, և դժնդակ ի վերայ չարեաց քոց ըզհետքօ շրջիցին հանապազ. զի զոր օրինակ շուք իւր անմեկնելի է՝ ի մարդոյն, նոյնպէս և մեղքն անմեկնելի զհետ երթան զոգւոյն. յայտնապէս զկերպարանս բազմուծեան մեղացն ցուցանէ ամենայն հրապարակին: Վասն այնորիկ ոչ որ կարէ ուրանալ անդ զչար գործոցն զպղծութիւնն. այլ կապի լեզու չարախօս, կարկի բերան անօրէն. դուայ մարմին յանցաւոր, զի իւրաքանչիւր ուրուք մեղք վկայեն զգործելեացն, ոչ բարբառ ինչ արձակելով. այլ որպէս ի մէջ օդեացն երևի այժեացն սևութիւնն, նոյնպէս և մեղաւորացն անձինք խաւարասդեցեալք և պատեալք ի մէջ լուսազարդեալ հրապարակացն երևեսցյին: Եւ արդ ընդէր ծփական կենցաղոյս և կորստական արծաթոյդ մասնիս աններելի տանջանաց և յաւիտենական ամօթոյն. ընդէր ոչ ուրանաս ի չար ախտէն ընչասիրութե. ընդէր ոչ հեռանաս ի գթոց վաշխի շահիցն՝

1 Յօրին. յաւելել. եգսք ըստ այլում օրինակի:

որ զքեզ առաւել քան զանօրէն դատապարտէ 'ի հօւր ահեղ հնոցացն :

ՄԺԼ ասիցես . եթէ ցրեցից զընչիցն առաւելու թիւնն՝ արհամարհիմ՝, աղքատանամ և կարօտիմ . ոչ լուար մարգարէին որ ասէ, եթէ «Սլտեօի զարդաբըն արհամարհեալ, և ոչ զգաւակ նորա թէ մուրանայ հաց» : ՄԺԼ թէ և յաղքատանալն հասեր, քեզ լաւ է կողկողել և թափառել, շրջել և մուրանալ յողորմածաց, քան եթէ 'ի դառնութիւն անօրէն վաշխիցն կերակրել : ՄԺԼ ունիս ձեռս, ունիս ոտս, ունիս արուեստ . գործեա, վարձեա, սպասաւորեա, և ուտես : Յօրով հնարք են մարմնոյդ դարմանոյդ, եթէ կամիս վաստակել : Ձի եթէ մըջիմն չնչին ինչ զեռուն է՝ զինքն կարէ կերակրել, և մեղուքն զնչխարս իւրեանց կերակուր թագաւորաց ընձեռեն, որք ոչ ձեռս և ոչ գործիս արուեստից ունին ստացեալ . իսկ քեզ ետ նձ ձեռս և գործիս և միտս ամենահնարս, անմեղութիւն հաւասարեա զանունդ կենցաղոյս : Եւ արդ զոր գիտես պատասխանատուութի յաղագս քոյ ուղղութեդ, որում հրամայեցաւ գործել և տալ ում պիտոյ իցէ . դու և անձին քում ոչ ես բաւական : Եւ մատնիս ահեղ աղէտիցն յաղագս փոխոյն վաշխիցն՝ որ հանդերձ մարմնով և հոգևով զքեզ արկանեն 'ի հրացան 'ի հնոց տանջանաց, ուր՝ է լալ անդադար և կրճատել զատամունս, յորմէ զմեզ փրկեսցէ չնորհք և ողորմութիւն Հոգւոյն սրբոյ . որում փառք և զօրութի յաւիտեանս յաւիտենից . ամէն :

ՅԱՂԱԳՍ ՄԻՒԹԱՐՈՒԹԵԱՆ ԱՂՔԱՏԱՑ *

(Օ) Ո՞ր ասացից, և կամ զոր պատմեցից, և կամ զոր թողեալ արհամարհեցից. և զոր ոչն կարծեմ կարևոր՝ այն զլեզու իմ շարժէ, և զհոյս ՚ի խորհուրդս իմ ժողովէ: Եւ քանզի կարևոր տեսանեմ զմիտս ճառիս, կամաւ և ես խօսեցայց և պատմեցից զնեղելոցն զվհատութիս, զչքաւորացն զչարչարանս յիմարութի անօրէնութե, մինչև առ յոյժ անմտութե յանձ ևս հայհոյուի առնել. և կոչեն զնա աչառող և ակնառու մեծատանց ընչասիրաց: Ասեն. անձ զմեծատունս սիրէ, և նոցուն աչառի, և զվատակս նոցա յաջողէ, և ոչ հայի ՚ի զրկանս տառապելոցն, այլ արհամարհեալ անտես առնէ: Այսպիսի անօրէն բարբառովն ուրանան զճշմարտութիս և զարդարութիսն նոյ, և զտուգադործութի նորա կարծեցուցանեն անօրէնութե գործակից. և այսու առաքեն հայհոյութի ՚ի բարձունս, և խօսին զայն անիրաւութի. այսու ՚ի ճշմարտութիսն նոյ ուրանան, և յանդունդս հերձուածողացն ընկզմին: Զի զճշմարտութի արդարութեան նոյ ոչ հրեայն կարէ ուրանալ և ոչ հեթանոսն, զոր հայհոյողն ամպարչտեալ ուրանայ, և զարթուցանէ զաստիկ սրտմտութիսն նոյ ՚ի վերայ ոգւոցն կորուսելոց:

Այլ արդ. էր խօսիս զայն անիրաւութի, ով չքաւորդ և աղքատացեալդ. մի թէ զքեզ զրկեաց ինչ անձ յիւրոցն. ոչ ապաքեն մեծատանց և աղքատաց միապէս բարձանեաց իբրև եղբարց՝ աչս ամենեցուն զնոյն, ձեռս և ոտս զնոյն. յարեգակնէ և յօդոյ և յանձրեաց ասհասարակ վայելեմք. ամենեքեան յերկրէ և յԱզգամայ. ամենեցուն մի մկրտութիւն և մի ճորհք և մի մարմին և մի արիւն Բ՛ժի. ամենեցուն մի երկիր

* Եկրեմի ընծայի և այս ճառ յանուն Յովհաննու մանգակու ՚ի ճառքարի. իսկ յերկուս նորա նւոյ, զի օրինակս որ առ մեզ՝ մակագրի

և մի երկինք և մի հիւթ ամ: Ահա այս են աստու-
ծոյքն զոր շնորհեաց հասարակաց՝ աղքատաց և հը-
զորաց: Արդ ին զրկեաց զքեզ, և եղև աչառող
մեծատանց: Այլ գիտեմ եթէ ոչ ինչ ունիս ասել
առ այս. բայց ասես, իսկ ուստի է սմա մեծուի: Ի
միտ առ. ոչ եթէ զնա տարաւ ամ, և եցոյց ինչա բա-
զումն և ետնմա, և զքեզ զրկեաց. այլ ոմանց յազա-
հուէ և յափշտակուէ է մեծուի, և ոմանց յանդոյլ
վաստակոց, և ոմանց ՚ի հայրենի ժառանգութենէ:

Իսկ ընդ այն զի՞ ես տրտմեալ դու, որ յանընդու-
թեղ ես և յանհոգութե, ՚ի հանգարտութե և ՚ի
խաղաղուէ, գիւրաւ և սակաւու վարես՝ զկարևոր
պէտս մարմնոյդ: Իսկ մեծատանցն դժուարաւ յօրի-
նին ճաշք և ընթրիք, և լի բազում հոգովք են վայ-
ելք նոցա. և մանաւանդ եթէ ՚ի սպանուէ և ՚ի զրկա-
նաց և ս իցեն կերակուրքն՝ խղճին հանապազ հաշին
և մաշին, և վասն բազում աղբոյ որովայնին՝ բազում
մրրիկք երկիրդիւ պատեն զմիտս նոցա. և կարա-
ձմեռն՝ յամ կողմանց կայ ՚ի վերայ նոցա, կասկած
՚ի գողոց, և երկիրդ յաւազակաց. արհաւիրք ՚ի զբը-
պարտողաց, տազնապ ՚ի հարկահանաց. մախանք ՚ի
նախանձողաց, չարախօսութիք ՚ի թշնամեաց. նեն-
կուիք և վարանք յամ կողմանց. զի ամենեցուն ՚ի նա
բացեալ են զբերանս իբրև զվիշապաց, և կամին կլա-
նել: Ահա առաւել են մեծատանց հոգք և տրտմու-
թիք քան զհանգիստ և զուրախուի: Եւ ուր իսկ է
մեծատանց ուրախութին յորժամ հանապազ զերկ-
նից անձրևս խնդրեն, զգառնաշունչ ձմերուեսս հո-
գան, զգաշտաց դարմանս հոգան, զգազանաբեկ հօ-
տիցն հոգան, ՚ի հինիցն գողան, ընդ խաշնամահն
տրտմին, վասն գանձուցն սկեն, ՚ի պակասելն հալին.
ուր և ցեց իսկ տիրէ ՚ի վերայ մեծատանց, և երկե-
ղուկս արկանէ: Զինչ և ս ասացից վասն ահեղ ա-
ւուրն զարհաւիրս և զգառն ողբումն տանջանացն,
որ և աստէն իսկ յահէ պատուիրանացն սարսափէ և
սոսկայ հանապազ՝ յորժամ ընթերցուածք մարգա-

1 Յայլում օրինակի վճարէս: ըստ այլում օրինակի:
2 Յօրինակին որովայնիցն. եղաք 3 Յայլում օրինակի կարէյթոն:

րէիցն և առաքելոցն յանդիմանեալ կշտամբիցեն զան
ողորմ և զազա՛հ մեծատունս :

Վրդ ո՛ւր է խնդու թիւն մեծատանց , և կամ ո՛ւր
մխիթարու թի՛ որում չքաւորդ բաղձաս և ցանկաս ,
և ընդ հեշտական և ընդ խաղաղական կեանսդ քո
տրտմիս , և եղկելի և թշուառական զքեզ համարիս ,
և զբազմապատիկ իմաստու թի՛դ քո արհամարհես :
Զի ոչ երկիւղ ՚ի գողոց է քեզ , և ոչ կասկած յաւա-
զակաց . ոչ հոգաս վասն դաշտաց դալարոյ , և ոչ վասն
լերանց արօտոյ . ոչ երկնչիս ՚ի հովուաց նենկու թէ՛ ,
և ոչ ՚ի գազանացն յափշտակու թենէ . ոչ սարսես ՚ի
բռնաւորացն բռնու թենէ՛ , և ոչ ՚ի գրաւահարկէ
իշխանացն . ոչ նախանձոտքն նախանձին ընդ քեզ , և
ոչ զբպարտողքն զբպարտեն . ոչ երկիւղ է քեզ յու-
մեքէ , և ոչ խռովու թի՛ . ոչ ահ իշխանացն կարէ զար-
հուրեցուցանել զաղքատն , և ոչ սաստ տերանց . ոչ
հանել որ կարէ յաղքատէն , և ոչ խռովել և սաստել
Մեծատունք խռովեալք և աղմկեալք , և աղքատն
ծաղր առնէ զնորօք . իշխանք ամբարտաւանեալք զայ-
րագնին ՚ի վերայ ընչեղացն , և աղքատն յոչ ինչ հա-
մարի զնոսա . երկիր լի գողովք և աւաղակօք , և աղ-
քատն աներկիւղ է ՚ի նոցանէ . հրապարակք լի զըր-
պարտողօք և բռնաւորօք , և աղքատն անհոգ է ՚ի
նոցանէ . դատաւորք դայլացեալք և գազանացեալք ,
և աղքատն անլուկ է ՚ի նոցանէ . զի վասն անընչե-
ղու թեն ՚ի բազում խաղաղու թե և յանհոգու թե են
կեանք աղքատին , ազատ յամէ և անկասկած յամե-
նեցունց , աննախանձ և անքինահասն , և անմեղ ՚ի
բազում ախտից : Ոչ պէտս ունի բազում շինուածոց .
ոչ պէտք են նմա փականք աղխից . ոչ տրտմու թի՛ է
՚ի հիւանդու թե աղքատին , և ոչ խռովու թի՛ և աղ-
մուկ ՚ի մահուն . այլ ՚ի բազում անհոգու թեան են
կեանք աղքատաց , և անզրաղ հանգիստ նոցա : Այս
ամ՝ ազատու թի՛ք աստ :

Իսկ զանտի մեծու թի՛ և զփափկու թի՛ և զանանց
բարու թեցն զվայելու իսն զոր պատրաստեալ է անդ
չքաւորու թեն համբերու թե՛՝ ո՛ր բերան բաւական է

պատմել. զի քան զամ վայելչու թիս թագաւորաց աշխարհիս ցանկալի է և փափագելի: Եթէ միայն առանց տրտնջելոյ աղքատուէն համբերիցէ, թէթե և անհոգաբար անցանէ ընդ կեանս աշխարհիս. զի խնդրէ զաւուրն միայն զկերակուրն՝ զոր բազում ցանկու թիք զարհամարհն իբրև զքաղցրահամ փորժելով ճաշակէ, և ննջէ անհոգաբար: Իսկ մեծատանցն՝ զմայլելոց և ոչ անոյշքն թուին փորժելիք, այլ անպիտոյք և տաղտկալիք: Մտանեն նոքա մեծագին գինեաւն, թմբրին և յիմարին. իսկ աղքատն դիւրագին ջրովն զնոյն պէտս ծարաւոյն վճարէ, և զգաստ և առողջ քան զարբեցողն գտանի:

Եւ արդ ընդէր եղկելի և թշուառական զքեզ համարիս. զի զկեանս անհոգս և հեշտականս, և կերակուրս անոյշս և փորժելիս զաղքատին տեսանեմք քան զմեծատանցն. զի սուրբ են յամ նենկու թիք, և յազահաց խռովանաց վայելք նոցա: Իսկ մեծատանցըն փափկու թիք նախ այն է՝ զի անսուրբ է և անսլարկեշտ, և լի ամ պղծութի շուայտութիք նոցա. և ապա զի ՚ի յափշտակութի և ՚ի զրկանաց ժողովեալ անօրէնութի և ազահութի: Այլ և ՚ի բազմաց քրտանց յօրինին սեղանք նոցա. բազում երկիւզիւ, և սակաւ վայելումն. ազգի ազգի հոգք, և սակաւ ինչ հանգիստ, և այն բազում ինչ կասկածանօք. զի սակաւ է կարօտութի քաղցելոյ աղքատին, և հեշտ հանգիստ քնոյ նորա: Իսկ մեծատուենն չև ելեալ ՚ի մահիճսն, անդէն պատեն շուրջ զնովար խորհուրդք նորա իբրև զթնամիս և զպատերազմողս, հոգք տանն և ծառայիցն, երկիւզ գողոց և զրպարտողաց, նենկութի դրացեացն և իշխանացն. և ամ ծուփք մեծութի պատեալ պաշարեն զնա՝ թէ որով հնարիւք զինչս աճեցուցանել մարթասցուք: Ահա դառն են մահիճք մեծատան ազահի, և ամ ուրեք տրամուի ՚ի վերայ տրամու թեց յաւելուն. զի տեսանէ ինաս և սխալումն ՚ի տանն և տրամի. տեսանէ սխալումն յանդին և տրամի. տեսանէ սխալումն ՚ի խաչինս և տրբտմի, և ամ ուրեք իբրև ալիք յալեաց առնուն հոգք և

1 Յօրինակին զեծագրանն. եղաք ըստ այլ օրինակաց:

տրտմունք, Իսկ զանդի տանջանացն և զՏրոյ գեՏե-
նոյն զի՛նչ ասացից և կամ զի՛նչ պատմեցից, զոր
պատրաստեալ է մեծատանց ագահաց և անողորմից :

Եւ արդ, դու աղքատդ և չքաւորդ, ընդէր նե-
ղիս և տրտմիս և տագնապիս ընդ նաւահանգիստն
անընչու[թե՛դ, և խնդրես այնպիսի մրրիկս և ալէկու-
ծու[թիս մեծու[թե՛. ոչ է մեծ քեզ զի անհոգ ես ՚ի
գիշերի, և անհոգ ՚ի տուընջեան. անհոգ ՚ի տան,
և անհոգ ՚ի հրապարակս. աներկիւղ ՚ի ճանապար-
հի, և աներկիւղ յօ[թե՛վանի. անկասկած ՚ի բռնա-
ւորաց, և անակնածելի յամ՝ զրպարտողաց՝. և մա-
նաւանդ ե[թէ համբերու[թք ևս ՚ի փորը ժամանա-
կիս փորձանաց և աղքատու[թե՛դ տանիցիս: Զի մեծ
է բաշխել զինչս իւր աղքատաց, այլ մեծագոյն և ս է
զանձն աղքատացուցանել խոնարհու[թք, և դոհանալ
զոյ: Զայս և տէրն գովէ. «Դրանի է, ասէ, աղքա-
տաց հոգւով, զի նոցա է արքայու[թն երկնից»: Զի
ե[թէ չար ինչ էր աղքատու[թին, և ոչ Քո յամի զաղ-
քատու[թին ընտրէր. զի նմա մար[թ էր ՚ի [թագաւո-
րական քաղաքի երեւել, և ՚ի դատերաց [թագաւորաց
յղանալ, և յապարանս [թագաւորաց ծնանել: Այլ
նա յաղքատ ՚ի կուսէ երեւեցաւ, և ՚ի գձուձ քաղաքի
ծնաւ, որ ոչ տուն և տեղի օ[թե՛վանի գտանէր, այլ
օտարանոց քարաբուի, ուր ոչ մահիձք, և ոչ որո-
րան գտանէր. այլ ՚ի քարանձաւ մնուրս հանգուցա-
նէր զտէրն ամ՝ արարածոց, և ՚ի հիւսան խղի սնա-
նէր, և գետնագնաց ճանապարհորդէր. և այնչափ
իջաւ ՚ի խոնարհու[թի՝ մինչև զոտս աշակերտացն լուա-
նալ ծառայական կերպարանօք: Եւ այսու օրինակաւ
ամենեքեան որ կամեցան յերկինս մեծանալ, զաղքա-
տու[թի և զխոնարհու[թի ընտրեցին:

Իսկ դու ընդէր դողաս յաղքատու[թե՛դ, որով յեր-
կինս վայելես անհոգաբար, և զերկնից անբաւ բա-
րու[թիսն ժառանգես փոխանակ ընդ սուղ ինչ աղ-
քատու[թե՛դ: Քանզի կրկին նեղու[թիք և հեշտու[թք
մարդոյ, մինն աստ, և մինն ՚ի հանդերձելումն. զի
կամ գյաւիտենական զանանց բարու[թիսն ժառան-

գեացես, կամ զաստի անցաւորն . կամ 'ի մշտնջենաւորսն է աղքատանալ և նեղել, և կամ 'ի սուղ ինչ ժամանակիս . կամ աստ է սղալ և լալ, և կամ անդ . կամ աստ է վայելուծք պայծառանալ, կամ անդ . կամ աստ համբերել նեղուծեց և տանել, կամ անդ : Որպէս Եղիա մարգարէն աստ նեղեցաւ և աղքատացաւ, և յերկինս մեծաւ փառօք փառաւորեցաւ . նոյնպէս և Յովհաննէս Մկրտիչն աստ աղքատացաւ, քաղցեաւ և ծարաւեցաւ, և յերկինս զանբաւ բարուծիսն ժառանգեաց . սոյնպէս ամ մարգարէքն և առաքեալքն անցաւոր նեղուծք զանբաւ կենացն զվայելուծիսն ստացան : Այլ և հարբն մեր առաջինք զաղքատուծե կեանս ընտրեցին . քանզի գիտէին եծէ յոյժ դժուարաւ է մեծուծք աշխարհիս զերկնից մեծուծիսն ժառանգել, և ոչ անցաւոր փափկուծքս զանանց փափկուծիսն վայելել . քանզի ասէ՝ թէ դժուարաւ է առն փափկասիրի զերեսս Քսի տեսանել, և մեծատանն յարքայուծին ան մտանել . այլ նեղելոց և աշխատելոց է անտի հանգիստան, և կարօտելոց է արքայուծին : Որք աստ իբրև 'ի բանդի են յաղքատուծեն, նոցա 'ի բաց է դուռն արքայուծեն : Զի ոչ ամ անիրաւ է՝ եծէ 'ի բանդէ տառապանաց հանէ զնեղեալն և զտառապեալն, և 'ի բանդ դժոխոց արկանէ . այլ 'ի սնտոի կենացս հանէ, և յանսպառ ուրախուծիսն հանգուցանէ : Եծէ միայն դոհուք աղքատուեն տանիցին, բազում մեծուծիք համբարեալ կան յերկինս, և անբաւ ուրախուծք :

Այլ արդ ո՞ր է ուրախուծե պակասուծի անընչիդ և աղքատիդ՝ որ հայհոյուծի 'ի բարձունս առաքես, և խօսիս զայն անիրաւուի : Այլ ասիցես, թէ յընչիցն բազմուծէ ողորմուիս բազումս բաշխէ մեծատունն : Այլ և ողորմուծիք աղքատին առաւել զարմանալի է և ընդունելի քան զմեծատանն : Զի յորժամ սիրով ոք զտառապեալն տեսանիցէ, և 'ի սակաւ ընչիցն իւրոց՝ տառապելոցն բաշխիցէ և ջամբիցէ, և զբաղցեալս կերակրիցէ, զանցուցանէ զտուրս իւր քան զբազում մեծատանց . քանզի ոչ եծէ 'ի չափս տրոցն նայի ամ, այլ 'ի կամս տալեացն . և ընդունի զսակաւն իբրև զմեծ :

Այլ եթէ ինչ ոչ ունիցիս՝ որով և զկարօտեալսն միւրիթարեսցես, տունս ունիս՝ յորում զօտարսն հանգուցանես. ունիս ջուր, զոր ծարաւելոցն արբուցանես. ունիս գութ և ողորմութիս, որով լաս և հեծես՝ ի վերայ վշտագնելոցն և ախտացելոցն ախտաժետաց. զի ողորմութի մեծ է քան զընչիցն բաշխումն։ Այլ նախանձիցես, եթէ պատարագս և պտուղս հանէ մեծատունն՝ ի մեծութենէն։ Առաւել և յայսմ մարթ է աղքատին զանցուցանել զմեծատամբն։ Մատո զանձն քո պատարագ այ խոնարհութի և անմեղութի. «Պատարագ այ այս է, հոգի խոնարհ»։ Եւ այս մեծ է քան զողջակէզս խոյոց և զուարակաց. զի մարգարէն զսիրտ սբ և զհոգի խոնարհ անուանէ պատարագ ընդունելի և հաճոյ այ։ Երեք մանկունքն զանձինս և զհոգիս մատուցին պատարագ այ։ Եւ եթէ ընդ պտուղս կալոյ կամ հնծանի մեծատանն նախանձիցիս, * որ մեծ է քան զսմ բարեգործութիս, քան զպատարագս և զողորմութիւնս և քան զպահոց պնդութիս՝ պտուղս այ հանել յարմտեաց իւրեանց՝ ի կալոյ և հնծանէ. որով հոտտի անձ ի հոտանուչից, և օրհնէ անձ զտունս և զվաստակս նորա։ Եւ տուն յորմէ պտուղք օրհնութե ոչ ելանէն յեկեղեցիս և ի քահանայս և ի սպասաւորս եկեղեցեաց, անձային օրհնութիւն ոչ մտանէ ի տունն յայն, և ոչ ի վաստակս նոցա, և հանապազ ի նուազութե լինի տունն այն։ Վասն այսորիկ պատուիրեաց անձ Մովսէսի՝ եթէ «Զառաջինս արմտեաց քոց ինձ տացես, զանդրանիկս հօտից քոց, զարջառոյ և զօխարի ինձ նուիրիցես. զի յսմ յոր ինչ միւրցես զձեռն քո, աճեցուցից և բազմացուցից», Նոյնպէս և Սողոմոն աւսէ. «Պատուեա զտէր ի քոց արդար վաստակոց, և հան նմա պտուղ ի քոց արդարուն արմտեաց», աւսէ. «Լցցին շտեմարանք քո ցորենոյ, և զինոյ հնծանք քո առաւել բղխեսցեն», Արդ եթէ ինչք չկան քո, ով չքաւորդ, և ը հան և դու պտուղ ի քոց անդամոց. քանզի յաւաց պտուղ է՝ կուրին առաջնորդել և հա-

* Զմիջանկեալ զայս հատուած զատ և եկամուտ, զի անյարմար է որ հեծ է... Բն լատարդ և ը լուսին ընթացից ճառիս և աւելորդ։ այլ օրինակք. և թուի անհարաւ.

նեւ 'ի դիւր . յոտից պտուղ է՝ կաղին ցուպ մտանեւ ,
 և զհարկ ոտիցն նորա հարկանեւ . 'ի ձեռաց պտուղ
 է՝ անդամալուծին առաջնորդել , և դօսացելոյն օգ-
 նեւ . 'ի լեզուէ պտուղ է՝ զմոլորեալն ուսուցանեւ ,
 զտրտմեալն սփոփել . 'ի լսելեաց պտուղ է՝ լսել վաղ-
 վաղակի եղբօրն հրամանի , և խոնարհութի կամաց
 նորա հնազանդել :

Արդ զայս ամ ողորմունի առանց ոսկոյ ամենեցուն
 մարթ է բաշխել , և վարձս առաւել ընդունել քան
 յընչիցն ողորմութիւնս : Արդ զի՞նչ ունիս ասել , զի և
 պատարագք և պտուղք և ողորմութիւք աղքատացն
 դիւրաւ և ընդունելի է քան զմեծատանայն : Վասն
 որոյ բազում ժուժկալութիւ համբերեցէք նեղուէց ,
 և դոհուութիւ ընկալարուք : Ապա եթէ տրտմիջիք և
 հայհոյիցէք , ընդունելոց էք չար վարձուց հատու-
 ցումս . քանզի անսուտ է որ ասէն՝ եթէ են ոմանք
 որ աստ տանջին և անդ . զի աստ աղքատութիւնե-
 զին , և վասն տրտնջելոյն յարդար դատաւորէն յան-
 դիմանեալ կշտամբին , և հալին և մաշին 'ի հուր գե-
 հենին . որպէս սողոմայեցիքն որք աստ տանջեցան ,
 և անդ տանջելոց են : Արոց մի լիցի մեզ անկանել
 յայն տեղի տանջանացն և դատապարտութիւն : Այլ
 զմեզս ապաշխարեսցուք , զաղքատութի սիրեսցուք ,
 նեղուէ համբերեսցուք , զվշտաց զոհասցուք , յան-
 ընչութեան փառաւորեսցուք , բազում առաքինութիւ
 զերկինս ժառանգեսցուք և յանբաւ բարուէցն վայ-
 ելութիւնս վայելեսցուք 'ի Քս Յս 'ի յոր մեր . որում
 փառք և պատիւ յաւիտեանս յաւիտենից . ամէն :

ԹՈՒՂԹ ՎԱՍՆ ՔԱՀԱՆ ԱՅԻՑ ՏԵՍՉՈՒԹԵԱՆ
Ի ՎԵՐԱՅ ԺՈՂՈՎԳԴԵԱՆ *

ԵՍ լի անթիւ յանցանօք և ունայն 'ի վարուց աւաքինու թէ, թափուր 'ի բարեաց, և սոսկ յարդարու թէնէ, որ յամ ժամ յաւելուամ մեզս 'ի վերայ մեղաց, որ սպանանէ զիս չարաչար: Եւ արդ ո՛վ որ միգապատեալ բազում յանցանօք և խաւարասդեաց վարիւք անօրէնու թէ զայլս լուսաւորել ժպրհիցի, և կամ հիւանդացեալն մեղօք զայլս առողջացուցանել մարթասցէ: Մեծ յանդգնու թի է ծանրացելոցն 'ի մեղաց՝ ժտել զայլս թեթեւացուցանել, և անկելոցն 'ի մտաց՝ աստօթել այլոցն լինելով վարդապետ. և կամ զիտորդ մոլեալն անօրէնու թի առաջնորդել այլոց բաւիցէ: Այլ վասն զի սէրն անծային և յանհնարս հնարի, և ժտի յաղագս փրկու թէ, և ջանայ ընդ նեղ և ընդ նուրբ ծերպս մտանել առ 'ի շահ և յօգուտս լսողաց. հայել յանծային բանին զօրու թին, երթ դարձո զեղբայրն քո՝ զի քաւեսցին մեղք քո. զի որ ջանայ, ասէ, դարձուցանել զօգի մոլորեալ, ըզբազմու թի մեղաց իւրոց փարատէ. և որ հանէ զպատուականն յանարգէն՝ բերան ան կոչեսցի: Զի մեծ շահ և օգուտ և կարևոր՝ ջանալ և խնդրել զընկերացն փրկու թի:

Այլ արդ աւասիկ հովիւք հօտից և առաջնորդք եկեղեցւոյ, ցանկք՝ հօտիդ, տեսանէք զսատանայ հանգիսացեալ, և զՔր թշնամանեալ, և զեկեղեցւոյ փարախդ արհամարհեալ, և զհետ գայլոց ընթացեալ. և հովիւք հօտիդ լուեալ դադարէք, և ոչ անդադար բողբէք զպատուէրս պատուիրանացն յամենեցուն լսելիս: Զօրքդ 'ի տագնապի են 'ի մեջ թշնամեաց, և զօրավարդ անկեալ ննջես. նաւդ 'ի ծփանս

* Եփրեմի ընծայի և այս ճառ
'ի ճառընտրի ուրէք:

1 Եօրին. ցանկի. եղաւ ըստ
նորագիր օրինակին:

և 'ի մէջ արեացդ ակեղծեալ, և նաւապետդ անկեալ կաս անհողաբար. գազանք մտեալ զայդիդ ապականեն, և այգեգործդ տեսանես և անտես առնես յարաժամ. գողք մտեալ շուրջանակի զանկիւնսդ փորեն, և պահապանդ 'ի բուն ես և խորդաս. ժողովուրդքդ կարեւիւր են 'ի վերս, և բժիշկդ չէ 'ի միջի. խաչինք գայլավատնեալ՝ ցրուեցան ընդ խորխորատս, և յառապարս դարահասեալք, և յանխնայ կոտորեն գայլք և գազանք, և թռչունք մահաբերք գէշ գէշ պատառեն, և անկեալ կան տարատարափ, և հովիւք ոչ երեւին: Ոչ զարհուրիք յահեղ հովուապետէն՝ որ ասէ, թէ «Դատեցայց ոչխար առ ոչխար, և խոյ առ խոյ», և դարձեալ մարգարէին ամբաստանէ զբահանայիցն ասելով, եթէ «Քահանայք անարդեցին զօրէնս իմ. զի զսուրբն 'ի պղծոյն ոչ ընտրեցին, և զարատաւորն յանարատէն ոչ զատուցին. այլ ըզկաթնն ուտեն, և զասրն զգենուն, և զխաչինս իմ ոչ արածեն. զտկարացեալնն ոչ զօրացուցանեն. ըզհիւանդացեալնն ոչ բժշկեն. հովիւք էք՝ զանձինս արածէք, և ոչ զոչխարս. և ցանեցից, ասէ, զապաւառ տօնից ընդ երեսս ձեր: Եւ արդ բարձից զձեզ նոքօք, և առաքեցից 'ի վերայ ձեր անէծս, և անիծեցից զօրհնութիւն ձեր, և նզովեցից զձեզ. փոխանակ զի ոչ եղիք 'ի սրտի ձերում՝ երկնչել յինէն, և յերեսաց իմոց ոչ խորշեցէք»:

Արդ տես զի այսպիսի անէծք և սպառնալիք են յայ 'ի վերայ քահանայից հեղգացելոց. և դու երկիր յահեղ սպառնալեացն այ, և մի ինչ հեղգար 'ի տեսչութէ հոգևոր հօտիդ, այլ զցայգ և զցերեկ անդադար վաստակել վասն նոցա փրկութե և քոյոյ սրբութե: Յիշեա զփոյթն Մովսէսի և Ահարոնի և զՍա մնէլի, զի և նոքա դորին հօտի էին առաջնորդք: Յիշեա և զփոյթն Պաւղոսի և Պետրոսի, և նոքա դորին հօտի էին առաջնորդք: Յիշեա և զփոյթ սրբոցն որ յետ նոցա, զի և նոքա դորին հօտի էին առաջնորդք, որք հրով և սրով և զանազան չարչարանօք չարչարեցան վասն հօտին տեսչութե, և գանիւք և բանդիւք

և բազում կտտանօք ելին յաշխարհէս վասն մեծ սիրոյն նոյ և ջերմագութ հօտին տեսչութի : Որ և ձեզ ըստ նմին նմանուէ նմ քահանայից և վարդապետաց պարտ է հանապազ 'ի սոյն վաստակել . և մանաւանդ որ ինքնակամ կամօք ստացաւ զվերակացութի, զոր գովելի է՝ թէ ոչ 'ի պատճառս ինչ կենաց անձինն ի մացաւ , և զօրացաւ 'ի հոգւոյն մտանել 'ի գործ մշակութի վասն բազմաց փրկութի : Զի արժանաւորացն և պատուիրանապահացն գովելի է հոգևորապէս ցանկալ վերակացութի յաղագս առաւել սիրոյն նոյ . որպէս ց'Պետրոս ասէր . «Եթէ սիրես զիս առաւել քան զգոսա, արածեա զընխարս իմ», և Պաւլոս ասէ . «Որ վերակացուէ ցանկայ, բարի գործոյ ցանկայ», և ոչ չարի : Այլ ուսցին և մերքն բարեաց գործոց վերակացու լինել, զի մի անպտուղ լինիցին . զի այն է բարի և օգտակար մարդկան, Զի քան զարեգակն ճառագայթիւք լուսաւորեալ՝ առաւել ևս մեծ է զմնորութի մեղացն փարատել :

Այս է կարևոր նոյ, և առաւել քան զնմ առաքինութիս . վասն այսորիկ ասէ՝ թէ, «Երիցունք կրկին պատուոյ արժանի եղիցին . և մանաւանդ որ վաստակեսցին բանիւ և վարդապետութի», Զի մեծ և անհանգիստ է ջան քահանայուէ, և շահաւոր չնորհք վարդապետուէ . բժիշկ հոգւոց է քահանայն և գործակից գործոցն նոյ : Աճ արար զմարդն կամաւ 'ի բարի և 'ի չար, և քահանայն զկամս ուղղեալ՝ զարդարէ գործովք առաքինութեամբ . նձ զնութիւն ստեղծ, և նա նձաճանութի՞ լուսաւորէ, և հեռացուցանէ յնմ սատանայական խաբէութի, և մերժեալ փարատէ զմէզ մնորութի և զխաւարն անգիտութի . և ծանուցանէ զարարիչն արարածոց, և պարգևիչ նմ բարութեց, և լիութի ծովու և ցամաքի . և լուսաւորեալ ճմարիտ հաւատովք, և ուղիղ վարիւք առաքինութի, և առաջնորդէ նձասիրացն յառաքինութիս և յուրախութիս : Վասն որոյ և բազում պատուօք պատուին, և լուսաւոր պսակօք պայծառանան :

Այլ արդ նմ որ ունի զվերակացութի քահանայ

ուձեան, պարտ է ջան մեծ և վաստակ անհանգիստ ցուցանել վասն հօտին փրկուձե . զի եթէ Յակովբ վասն անբան ոչխարացն 'ի պարզոյ ցրտանայր, և 'ի տօթոյ տապանայր, և քուն յաչացն մերժէր, որչափ ևս առաւել քեզ պարտ է բանաւոր հօտիդ վաստակել և տքնել անդադար միշտ, և դողալ և հոգալ հանապազ, և ջերմագուձ գորովով առաւել քան զհայր գթած և քան զմայր մատաղածին խնամել և սիրել, և խնդրել ոգոցն նոցա փրկուձի, և հանապազ ուսուցանել բանիւ վարդապետութի, և որ առանձինն և որ 'ի մէջ ժողովրդոց : Եւ զոր բանիւք ոք ուսուցանէ, նախ գործովք պարտ է կատարել . զի չէ ինչ շահաւոր բան առանց գործոց . «Սկսաւ Յս առնել, և տպա ուսուցանել» . և «Որ արասցէ ինքն և ուսուսցէ այլոց, նա մեծ կոչեսցի յարքայութեն երկնից» :

Ի միտ առ, զի ճրագունք 'ի լուցելոյ ճրագէ լուսաւորին, և ոչ 'ի խաւարելոցն . և ժողովուրդք 'ի ձեռն սրբոցն սրբին, և ոչ յաղտեղացելոցն մեղօք . զի քահանայն իբրև ակն 'ի մարմնի է 'ի մէջ ժողովրդոց, և պարտ է զամենեքումք նայել և յարգարել և մաքրել զամ աղտեղութիւնս մեղաց : Իբրև ճրագ է 'ի վերայ աշտանակի, և պարտ է զխաւարն թանձրամած փարատել, և զամ տունս լուսաւորել : Եւ դէտ է և պահասպան, և պարտ է հանապազ բողոքել, զի մի եկեալ թշնամին սրով մեղացն վիրաւորէ, և արիւն սպանելոցն 'ի ձեռաց քոց խնդրեսցի : Բժիշկ ես վիրաւորելոցն 'ի սատանայէ . հանապազ լուս և պատեա և յարգարեա : Աղ ես համեմիչ . սրբեա զամ նեխութի մեղաց : Աղբիւր ես փրկուձե . զամենեսեան լուս և մաքրեա 'ի չարեաց : Հովիւ ես հօտից . զգոյշ լեր 'ի գայլոց : Առաջնորդ ես ժողովրդոց . դիտեա որպէս առաջնորդես . ահա համարք կան և պատիժք և ճշգիւ քննութի :

Ի հանայ, զգոյշ լեր երկիւղիւ, զի չէ ինչ ընդ վայր զմարդն ստեղծեալ, և ոչ 'ի կամս են կեանք աշխարհիս . խնդիրք են յածող աչաց, քննինք են անպարկեշտ լսողաց, պատիժք դատարի բանից, և պահանջումն անդէպ խորհրդոց : Զի եթէ ասել զեղբայրն

յիմար կամ մորոս՝ դատապարտէ, զի՞նչ ևս այլ մթերք մեզաց մեծից գործիցեն. և եթէ ակնարկէն սուրկուի գործիցէ, որչափ ևս առաւել գործն այրիցէ. եթէ երդնուին ՚ի սատանայէ է, որչափ ևս առաւել որ սուտ երդնուցուն. և եթէ ամբոխէն և աղաղակէն ֆսաս գործէ, որչափ ևս առաւել որս պահէն տանջիցէ ՚ի գեհէնին. և եթէ ցանկանալն սպականէ, որչափ ևս առաւել եթէ զգործն ցանկուեն կատարիցեմք. և եթէ չարակնէն չարամահ սատակէ, որչափ ևս առաւել նախանձն և որալն. և եթէ զիւր ինչս չբաշխէն դատապարտէ, որչափ ևս առաւել որ զայսն զրկիցէ. և եթէ զխոտանն մատուցանել ան ինչոյս իբրև զՎայէնն ընդունի, որչափ ևս առաւել որ ՚ի զրկանսցն մատուցանէ. եթէ գաղտ զեղբօրէն խօսէն ֆսասէ, որչափ ևս առաւել քստէն նենկութիւն. և եթէ որ զընկերն բամբասէ ՚ի հուր առաքի, որչափ ևս առաւել որ զքահանայն և զվարդապետն բամբասէն. և եթէ պահարանք և սիքնկոնք ՚ի կռապաշտութիւն մանին, որչափ ևս առաւել յուռունթք և հմայք դիւականք. և եթէ սգալն վասն մեռելոց հեթանոսութիւն է, որչափ ևս առաւել կոծել և փետել. և եթէ որք լկտին և ծիծաղին՝ որպէս զուրումն ՚ի հուր արկանին, որչափ ևս առաւել, որք ՚ի թատերան ընթանան. և եթէ առտնին զարդարելն չէ գովելի, որչափ ևս առաւել որ ՚ի տեսիլս հրապարակին պճնիցի. և եթէ զրկելն ՚ի սեղանն դատապարտէ, որչափ ևս առաւել խորէն և գողանալն յեղբօրէն. և եթէ յամել ՚ի գինուջն պատուհասէ, որչափ ևս առաւել շուայտութիւն զեղիտեալսն և զորկորստութիւն արբեալսն, զոր հին և նոր պատուիրանք պատուհասէն :

Եւ արդ տես, զի այս անձ և որ ինչ նման է սոցին՝ ՚ի տանջանն դատապարտեն զգործելիսն. Եւ դու որ վերակացուդ էս եկեղեցւոյ՝ եթէ ծուլացես ինչ, և ոչ զգուշանայցես զայս անձ ճշգիւ խրատել և քննել, գիտեա՛ զի արին կորուսելոյն ՚ի ձեռաց քոց խընդրեսցի : Եւ եթէ անձին տանջանաց ոչ որ կարէ հան

դարտել, որչափ ևս առաւել այնքան ոգոյն լինել պարտապան . յոր խաւար երթայցէ, և կամ քանի գետք հրահոսք իցեն նմա բաւական, և քանի գուրք խաւարայինք : Այլ զգոյշ լեր, հանապազ բողբեա, աղաղակեա անդագար, քննեա և լուր զամ . կարգա փութով և խրատեա, զոմանս սաստիւ, զոմանս աղեր սիւ, զոմանս փափագելի արքայունէն փափկուքն յոր դորեա . զոմանս չարահեղ տանջանացն երկիւղիւն հիացո . զոմանս՝ ի մէջ եկեղեցւոյ խրատեա, զի այլքն ուսցին . զոմանս առանձինն յանդիմանեա, զի մի՛ ի բազմաց ամօթոյն ուրացեալք զյանդիմանութիւն արհամարհիցեն . և եթէ արհամարհիցեն իսկ, դու մի՛ աղաղակաւ հակառակիցիս, զի ծառայի մն չէ պարտ հակառակող լինել, այլ հեզ առ ամենեսին, զի թերևս տացէ նմա ապաշխարութի՛ :

Բայց դու մի՛ մեծարու ինչ զքեզ համարիցիս . այլ արհամարհեա զփառս աշխարհիս . անարգեա զսուտակասպասացն՝ զգովութիւն . յիշեա զպատուհանն զՀերովդէի՛ որ զգովութիւն ընկալաւ : Յաղագս որոյ և դու մի՛ ինչ անձինդ շուք դնիցես, և մի՛ պատիւ ինչ քեզ որոներ . այլ պաշտեալ զամենեսեան սպասաւոր լեր ամենեցուն, ծառայ զքեզ անուանեա : Յիշեա և զծառայելն Քոի, զղենջակին սփածանիւն, զջուրնն՝ ի կոնքն արկանելն և լուանալ զոտս աշակերտացին, ոչ մարդ զմարդոյ, այլ ամ զմարդոյ . որ է ճշմարիտ խոստովանութիւն և խոնարհութի՛ և սերտ ծառայութի՛ : «Աչ եկն պաշտօն առնուլ, այլ պաշտել» : Այս է քո վարդապետն, և ոչ հեծեալքն և մեծարեալքն : Արդ դու նմա լեր նմանող, և հօաք քո քեզ նմանեն . որպէս և Պաւղոս ասէ . «Կմանողք եղերուք ինձ, որպէս և ես Քոի» : Ահա դու նոյն ինքն Պաւղոս ես՝ որ քարոզես, և նոյն ժողովուրդդ՝ որ ուսուցանես . և ահա մարդ էր քո նմանող՝ ի կիւղիկեա դաւառէ՛ ի Տարսոն անուն քաղաքէ . և լուներ ինչ աւելի քան զքեզ, բայց միայն յօժարութի՛ և զվաստակն որով զչնորհս Հոգւոյն սրբոյ ընկալաւ . որ և քեզ չէ ինչ արգել, այլ միայն յօժարել և վաստակել, և զչնորհս Հոգւոյն սրբոյ ստանալ :

Արդ մի՛ ինչ պատճառեր, և ընդ այս և ընդ այն

ինչ բաղբաղեր . բայց միայն արթուն լեր ազօթից և փոյթ վարդապետութե . ըստ նմանութեն Պաւղոսի ընդ հիւանդսն հիւանդացիր , 'ի մեղուցելոյն վերայ ողբա , ընդ գայթազդեալսն տրտմեա , զտկարացեալսն զօրացո , և ցոյց զջան նոցա , հատ զծով և զցամաք վասն նոցա : Ի վաստակս մի վճատիր , յամթոյ մի լքանիր , 'ի բանից մի ակնածեր . այլ թէ և սովամահ և ծարաւահատ և ս հասանէ լինել վասն նոցա փրկու- կութե , ընկալ խնդութի : Զի ոչ որկորստութի որ եղև մարգարէ , և ոչ արբեցութի առաքեալ . այլ նեղեալք և չարչարեալք յամ ցանկութեց . որ և քեզ պարտ է լինել նմանող քաջացն և առաքինեաց , և ոչ գայլացելոցն հովուաց՝ որք անուամբ միայն են հովուք , և 'ի հաւատսն գազանաբար յարձակին և գայլաբար կոտորեն և ցրուեն և կորուսանեն . և ոչ զհոգս ինչ հոգւոցն հոգան , և ոչ ընդ մեղացն նոցա վարանին : Աչ խնդիրք են գողոցն , և ոչ համարք պոռնկացելոցն . ոչ քննումն բամբասողացն , և ոչ փոյթ է զարբեցելոցն ինչ . ոչ դիւթական հմայիցն են պատ- ժողք , և ոչ յուրթոցն պահանջողք . ոչ դիւական թատերացն են անարգիւք , և ոչ հեթանոսական լալեացն են խափանիւք . ոչ զնախանձոտն յանդիմանեն , և ոչ զոխապահսն թնամանեն . ոչ վասն չարեաց ինչ սաստեն , և ոչ վասն հեղգութեց ինչ պատուհասեն . ոչ յողորմութի զոք յորգորեն , և ոչ յազօթս փութացուցանեն , և ոչ ամենեին զոք վասն ուղղուէ տրտմեցուցանեն : Այլ զամ փոյթ 'ի մարմնաւորսն և եթ ցուցանեն . իբրև պատճառանս ինչ կենաց իմն աշխարհիս ստանան զքահանայութիւնն , յաղագս մարմնոյ հեշտութե , վասն ուտելոյ և ըմբելոյ , և գիւտոյ ընչից , յաղագս պատուի և գահերիցութե և սատանայական անախառութե : Վասն որոյ ոչ որբոյն ողորմին , և ոչ յայրին խնայեն . այլ պատժուք մուտս խնդրեն , և պատուհասիւք ինչս ժողովեն յանուն եկեղեցւոյն . բռնութի վարին , և իշխանութի հրամայեն , և քահանայական ինչ ոչ երևին . և ոչ զՊետրոսին երբէք ածեն զմտալ՝ թէ «Արածեցէք որ 'ի ձեզ հօտ է յայ , վերակացու լինել մի իբրև ակամայ , այլ կամաւ ըստ այ . մի զօշա-

քաղուծք, այլ յօժարուծք. մի իբրև տիրելով 'ի վերայ հօտին, այլ լինել օրինակ գործոց բարուէց ու ջի 'ի ժողովրդոցն, ասէ, թէպէտ և բիւր անգամ անկանիցին, կարեն հասանել ներելոյ և թողուծէ. իսկ վարդապետ ոք եթէ զնոյն ախտ ախտանայցէ 'ի ժողովրդեանն, յամ պատասխանոյ զրկեալ գտանիցի, և զվերջին պատժոցն տացէ զտոկոսիս. զի կարի գժուարաւ է ապրել առաջնորդացն մեղուցելոց :

II ասն որոյ և դու հովիւդ հաւատարիմ, լուր առաքելական հրամանին, և մի նմանիւր պղծոցն և կորուսելոցն զորս հուրն այրելոց է. որք զանուն միայն հովուացն ունին, և զյափշտակուծի գայլոցն յափրշտակեն. ընդ որս համարս տալոց են չարաչարս, զի ուսուցեն և խրատեսցեն ըստ հաճոյիցն նոյ : Այլ 'ի կամս անձանց իւրեանց շրջելով անկան կերակուր չարաժանի գազանին՝ որ կարեվէր վիրաւորէ, և չարաչար սպանանէ : Յիշեա և զՀեղի. թէպէտ և վարս անարատս ունէր, այլ քանզի զօրէնսն նոյ տեսանէր և անտես առնէր, անհնարին վրիժուց պատժեցաւ : Այլ դու միշտ խրատեա, և վաստակեա անդադար վասն հօտիդ փրկուծէ, զի և հովիւդ ապրեսցիս 'ի պատժոց պատու հասից : Ի միտ առ՝ զի և զգազանակերն և զգողահանն տուժին 'ի հովուացն, և զգրոշմն և զմորթ մեռելոյն ճշդիւ պահանջեն, և զհամար շողղակեր անգամոցն խնդրեն. և որ ոչ զամ հաւաստեաւ 'ի մէջ բերիցէ, և վկայիւք հաւատարմացուցէ, սաստիկ պատժոց լինի պատժապարտ, և լի բազում ամօթով մերժի 'ի հօտէն : Եւ արդ եթէ վասն անբան ոչխարացն այնպիսի խնդիրք և պատիժք պահանջին, որչափ ևս առաւել վասն հոգւոցն կենդանեաց, ընդ որոց և Քոմեուաւ, ասէղ համարս 'ի քահանայիցն պահանջիցէ : Թերևս սակաւիկ ինչ ծուլացեն վասն բանաւոր հօտին տեսուծէ. վասն զի ճշդիւ են համարք և անհնարին են տանջանք, որք առաջնորդուծի ստանան և ոչ առաջնորդեն :

Տես թէ քանի մահուց պարտապան է զօրավարն 'ի թագաւորէն՝ թէ զզօրսն առեալ յապրեցուցանել, և 'ի ծուլուծէ 'ի սուր մատնեսցէ. և կամ դէտ՝ որ ոչ զգուշացոյց, ոչ սպաքէն նմ արիւն սպանելոցն 'ի

ձեռաց դիտին պահանջեսցի : Եւ որք առնուն աւանդ
 'ի թագաւորաց , և սակաւ ինչ անտի կորիցէ , սաս-
 տիկ պատժօք պատուհասին : Տէօ և զծառայիցն ըզ-
 պատիժս որք յարբունեացն փնասեսցեն . հայեա և
 ընդ պահապանս հօտից , զի փոսս փորեն և կարս ճը-
 գեն և զամբարս դնեն , և շունք շուրջ զհօտիւն շըր-
 ջին՝ զի մի գազանաբեկ լինիցին . և եթէ սակաւ ինչ
 ծուլացին և քնոյ զանձինս տայցեն , գայլք և գողք
 դարանակալք մտեալ 'ի հօտիցն յափշտակեն և ցը-
 բուեն և վիրաւորեն : Եւ արդ տես որչափ ևս առա-
 ւել է մարդ քան զոչխար . և եթէ անբան ոչխարացն
 նոյնքան պիտոյ է զգուշուի յերևելի գայլոցն յափշ-
 տակութէ , քանի ևս զգուշալի պահպանուի ոգւոց
 մարդկան պիտոյ իցէ յաներևոյթ նետից սատանայի,
 որ գումար հասեալ կայ 'ի վերայ , և պատեալ պա-
 շարէ զամենեսեան վարմիւք և ցանցիւք , և յածի չըջի՝
 զամենեքումք , և նետս իբրև յամպս տեղէ 'ի խոր-
 հուրդս մարդկան , յոմանս ազահութի , յոմանս այ-
 լազրկութի , յոմանս պոռնկութի , յոմանս չնութի ,
 յոմանս գողութի , յոմանս ատելութի , յոմանս սպա-
 նութի , յոմանս նախանձու , յոմանս սխակալութի ,
 յոմանս բամբասանաց , յոմանս բարկութի , յոմանս
 նենկութի , յոմանս մեղմխանաց , յոմանս չարակ-
 նութի , յոմանս չարբարութի , յոմանս դեղատու-
 թի , յոմանս վաճառաց զրկութի , յոմանս վաշխա-
 ժողովութի , յոմանս չափոց և կշռոց նենկութեան ,
 յոմանս դիւթոց և յուութաց և դիւթութի , յո-
 մանս թատերասիրութի , յոմանս պճնողութի , յո-
 մանս սատանայական սգոյ տրտմութի , յոմանս ան-
 յուսութի , յոմանս անհնազանդութի , յոմանս ան-
 ժուժկալութի , յոմանս անհաւատութի , յոմանս
 սնափառութի , յոմանս ձանձրութի , յոմանս մոռա-
 ցութի , յոմանս ստուէ , յոմանս հայհոյութի , յոմանս
 քինահանութի , յոմանս երգմնակերութի , յոմանս ստա-
 խօսութի , յոմանս որկորստութի և արբեցութի և ամ
 զօջաքաղութի և ամբարտաւանութի և ամբարհաւա-
 ճութի և պղծութի , և այլ ևս անտից բազմութի՝

զոր եկեալ հոսէ սատանայ 'ի սիրտս ամենեցուն, և կարեւիբ վիրաւորէ, և չարամահ սպանանէ:

Եւ քո զայս ամ տեսեալ անտես առնես և անփոյթ, և հեղգաս և ոչ լաս և ոչ ողբաս զայնչափ վիրաց բազմութի: Սարսեա և սոսկեա յահեղ բեմբէն երկիւղէ, թէ որով աջօք և երեսօք զտէրն փառաց տեսանիցես. և քանի գլուխք պատժոց և պատուհասից են բաւական վասն քոյոյ ծուլուն: Այլ երկիր 'ի հովուապետէն, զարթիր 'ի ծուլութիդ, և առ զնախանձն ֆենեհէղի. խոցեա զսատանայ և զգւս, վիրաւորեա զնոսա Խբ Հողւոյն. հալածեա զբնակիչս բնասարկուն. ցրեա զօրս սատանայի. իօրտակեա զաղեղունս չարին, և դարձո զնետս 'ի նոսա. բարբառեա զբանս վարդապետութե, և արահատի քումդեղ ողորմութե՝ ծերոց, արանց և կանանց, ծառայից և տերանց, հիւանդաց ախտացելոց. և մի ինչ ամենեւին դանդաղեր և դատարկանար, այլ անդադար վարդապետեա: Գէտ ես, աղաղակեա. տեսուչ ես, յանձանձեա. առաջնորդ ես, յեկեղեցի հետեւեա. հովիւ ես, յուղիղ հաւատարածեա. բժիշկ ես, զվերս մեղացն բժշկեա. նաւապետ ես, զնաւդ զերծո յալէկոծութիդ: Աւանդ ստացար, և համար ունիս տալ՝ թէ և սուղ ինչ հեղգայցես: Այլ երկիր 'ի հովուապետէն, և ինդրեա զբնաւոր հօսս քո զկորուսեալն, և զամենեսեան ժողովեա. պարսպեա իրատու վարդապետութեան. զթնամիսն ընդ այ հաշտեցո. զվարավատնեալն 'ի սատանայէ միաւորեա. զհեռացեալն յեկեղեցւոյ մերձեցո. զվեհերոտն յաղօթից 'ի փոյթ յորդորեա. զկորուսեալն 'ի ճշմարտուէ ինդրեա. զմոլորեալն յարդարութիւն դարձո. զհիւանդացեալն յախտից թնամոյ բժշկեա. զվիրաւորեալն 'ի սատանայէ առողջացո. զգլորեալն անօրէնութե՝ կանգնեա. ըզխաւարեալն անգիտութե՝ լուսաւորեա. զօտարացեալն 'ի պատուիրանացն այ ընդանեցո. զաղտեղեալն կռապաշտութե՝ լուսաւորեա. զմեղուցեալն ապաշխարութե՝ արդարացո. զբաղցեալն 'ի մարմնոյն Բժի կերակրեա. զծարաւեալն արեամբն Բժի արբո: Եւ զամենեսեան արժանաւորս արա 'ի վերին քա

դաքն մտանել այսպիսի գործովք առաքինութիւն . 'ի վարս պարկեշտս յորդորեա . 'ի հաւատս ուղղափառս զօրացո . զխոնարհութիւն և զհեզութիւն հրամայեա . զպատուիրանապահութիւն և զօրէնս տեառն կատարել ուսո , զսրբութիւն սրտի և զճշմարտութիւն լեզուի , 'ի ցածութիւն աչաց և 'ի պարկեշտութիւն մարմնոյ . 'ի ժուժկալութիւն և 'ի համբերութիւն յորդորեա . 'ի պրն դութիւն պահոց և 'ի յօժարութիւն աղօթից և յառաւելութիւն ողորմութեան ամենեցուն պատուիրեա : Զի այսպէս ամենայնիւ կատարեալք և սրբեալք և լուսաւորեալք կացէք առաջի Քրիստոս ընդունել զանութեամբ փառաց պսակն : Արում և զմեզ արժանիս արասցէ վայելեալ , և փառս տալ Հօր և Արդւոյ և սուրբ Հոգւոյն այժմ և միշտ և յաւիտեանս յստեանից . ամէն :

ՅԱՂԱԳՍ ԲԱՄԲԱՍՈՂԱՑ ԵՒ ՉԴԱՏԵԼՈՅ

ԶՎԱՐԴԱՊԵՏՍՆ *

ՄԹԵՐՔ Տոգոց¹ և աղջամուղջք տրամուէ դի-
զեալ 'ի վերայ իմ կուտի հանապազ. զի ախտք չար
և ահեղ անօրէնութիք մտեալ յեկեղեցի իբրև ըզ-
հուր 'ի վեր բորբոքեալ, զամենեսեան առհասարակ
այրէ, և 'ի միտս մեր փոքր կարծեցուցանէ սատա-
նայ. որպէս Մարիամայ ետ բամբասել զՄովսէս
ծառայ նոյ, և 'ի միտս նորա փոքր կարծեցուցանէր
սատանայ, զի մի 'ի զղջումն եկեսցէ. և վասն այսորիկ
ընկալաւ զպատիժս պատուհասիցն: Այլ որպէս Քա-
մայն ետ բամբասել զմերկութի 'Նոյի հօր իւրոյ, և
'ի միտս նորա փոքր կարծեցուցանէր, մինչև ընկալաւ
զանէծան ծառայութե, սոյն հուր և այժմ մտեալ
յեկեղեցի՝ առհասարակ զամենեսեան այրէ և կո-
րուսանէ, սոյնպէս և որոգայթիւք. զի մինն շնայ, և
մինն բամբասէ, և երկոքեանն հաւասար անօրինին.
մինն գողանայ, և միւսն բամբասէ, և միապէս պա-
տուհասին. մինն արբենայ, և միւսն զարբեցողն բամ-
բասէ, և համանման դատապարտին: Եւ նմ իսկ
զնմ բնութի մեղացն մինն գործէ, և միւսն բամբա-
սէ, և միահաւասար դատին և տանջին. քանզի ոչ
եթէ զգողանալն և զշնալն առաւել ևս անօրէնութի
ցուցանէ Պաւղոս քան զբամբասելն և զարբենալն,
այլ միապէս չարութի է. միահաւասար զերկոցունցն
ելանելն յարքայութեն միով բանիւ նշանակեալ ասէ՝
եթէ «Ոչ գողք և ոչ պոռնիկք և ոչ արբեցողք և ոչ
բամբասողք զարքայութին նոյ ոչ ժառանգեն»,:

Այլ արդ ահա ելից սատանայ զբերանս ամենեցուն
անօրէն ախտիւն բամբասանաց. և հանապազ անդաւ

* Եւ ճառս այս դտանի 'ի ճառ-
ընարի ուրք առանց անուան մա-
աննագրի մակագրեալ այսպէս. «Վ ք

բամբասողաց և չգատելոյ զվար-
դապետան ժողովրդոյ »:

1 Յայլ օրինակս «Գ ք »:

դար բորբոքին լեզուք ամենեցունց յեղբօրն բամբասանս և 'ի հայհոյութիս : Աներկիւղ և անկասկածելի իմն տեսանեմ զանձինս որք զանօրէնութիւնս զայս գործեն, և ոչ փութան լուանալ և սրբել ապաշխարութիւն իբրև զգողութեան և զպոռնկութեան ըզչարութիւն : Զի եթէ գարշիս 'ի շնութիւն, գարշեա և 'ի բամբասանաց . զի եթէ չար է շնութիւն, հաւասար առնէ և զբամբասողութիւն : Այլ Առաքեալն օրէնսուսոյց առաւել ևս ցուցանէ զբամբասանացն անօրէնութիւնն ասելովն՝ եթէ «Ամենայն որ բամբասէ զեղբայր իւր, զօրէնսն բամբասէ և զօրէնս դատի», : Եւ ո՞ր քան զայն անօրէնութիւնք իցեն, որ օրինացն ոչ ոչ առնելի է, այլ տէր և դատիչ լինի : Մի է, ասէ, օրէնսագիր և դատաւոր, որ փրկէ և կեցուցանէ և կորուսանէ . դու զի՞ դատիս զայլոյ ծառայ : Եւ արդ տես թէ քանի մահուց պարտապան է՝ որ զպատիւ և զիշխանութի թաղաւորին յափշտակէ, և զգատաւորի դատաստան դատիցի ինքն . զինա ասէ . «Իմեն վրէժխնդրուիք, և ես հատուցից՝ ասէ տէր», : Դու զի՞ դատիս զեղբայր քո, կամ զի՞ անկոսնես զեղբայր քո» :

Աւ արդ դու դատեալք և դատապարտեալք մեղօք, ոչ սոսկաս և դողաս դատել զայլոյ դատաստան . որ ոչ եթէ զմարդ որ արհամարհեցեր և թշնամանեցեր, այլ զամծ . և զպատիւ և զիշխանութի նորա յափշտակեալ դատիս զգատաստան նորա, չյիշելով զբանն ո՞ր աւետարանին որ ասէ՝ թէ «Մի դատիք, զի մի դատիջլք . զի որով դատաստանաւ դատիք, նովին դատելոց էք», ասէ : Սրբոց է դատել, և անարատից է յանդիմանել . և զայն առանձինն և աղաչանօք, և ոչ հրապարակաւ զմեղս ուրուք յանդիմանել, և կամ դաղտ 'ի նմանէն 'ի լսելիս ուրուք բամբասել : Եւ են մեղք ասէղք և անօրէնութիւնք . զի ո՞վ որ 'ի խեղուէ ինչ իցէ, և զայլս խեղութիւն թշնամանէ . ոչ աղաքէն յառաջ քան զնա զինքն թշնամանիցէ : Այլ և զի ինքն իսկ թէ և բիւր չարիք ստացեալ ունի, ծածկեալ խաղաղէ . և զեղբայրն թէ և սուղ ինչ յանցանիցէ, սահի, շրջի, և յամենեցուն լսելիս արկանէ, և լինի դառն դահիճ՝ և քննիչ չարաչար եղբօրն յանցանացն : Յիւրում ահանն գերան կայ և ծածկէ, և զշիւղ

ական եղբօրն որոնէ . զոր և Քն ոչ միայն մեղաւոր
ասէ , այլ և կեղծաւոր ևս կոչէ . « Կեղծաւոր , ասէ ,
հան նախ զգերանդ յականէ քումմէ , և ապա մա-
տիցես հանել զչիւղ յականէ եղբօր քո » :

Այլ արդ ո՞վ իցէ քան զնա անամօթ ագոյն , որ զիւր
մեղաց սխալանս ինչ գիտիցէ , և զայն անփոյթ արա-
րեալ հետաքրքիր եղբօրն յանցանացն լինիցի , բամ-
բասել 'ի բաղմաց լսելիս : Եւ զայն ոչ իմացաւ թէ
որով ինչ յանցանօք զեղբայրն բամբասիցէ , նովին մե-
ղաց տանջանօքն և ինքն պատուհասի : Եւ հանապազ
անդադար բողոքին լեզուք ամենեցուն յեղբօրն բամ-
բասանս . զի զտանջանս ամ մեղացն զոր գործեացն՝
է պատրաստեալ զնոյն տանջանս և բամբասողացն
հաւասար : Եւ արդ ընդէր այդպիսի տանջանօք դա-
տապարտիցիս , և կամ զի՞նչ 'ի բամբասանացդ օգտե-
ցար . զոր ցանկուի կամաց քոց կատարեցեր , և կամ
զոր յաճախու թի՛ ընչից շահեցար . քաղցո՞ւ ինչ միսի-
թարու թի՛ ստացար 'ի բամբասանացդ , եթէ մերկուե՛
ինչ ծածկոյթ : Ոչ այլ ինչ աւելի գտանես , բայց մի-
այն զոտակ զսատանայ տեսանես զմիտս բամբասողացն՝
որ հանապազ լցեալ յղացեալ կան չարեօք . իբրև
զճննդական երկնեն արտաքս զբամբասանս հօսեալ .
յուզղան շրջին՝ , և խօսին զեղբօրէն չարութի՛ն : Կամ
'ի չար մտաց իւրոց իմանայ , կամ 'ի յայլմէ 'ի լսելիս
յաւելու չարաչար սերմ՝ և զազրացուցիչս , և ատելի
ամենեցուն զեղբայրն ցուցանէ , և զբազումս 'ի նա
գայթազղեցուցանէ . ընդ որոց գայթազղութեան
ինքն դատապարտի : Որ չար կարծիս զեղբօրէն հնչե-
ցուցանէ 'ի լսելիս ամենեցուն . որում և ասէ իսկ՝
թէ վայ որ կարծեն , և եղուկ որ զկարծիսն տայցեն .
տէր է հատուցանող և դատաւոր , բարեացն բարիս ,
և չարարարացն չարիս : Դու զի՞ դատիս զեղբայր քո ,
և զի՞ անկոսնես և բամբասես . ահա դատաւորն առ
դուրս կայ , և հատուցանէ իւրաքանչիւր ըստ գործոց :

Այլ արդ որպիսի՞ տանջանօք դատապարտիցին՝ որ
ոչ միայն զեղբարս , այլ և զվարդապետս և զքահա-
նայս բամբասեսցեն . քանզի անօրինեալ և լցեալ են

1 Ի նոտրագիր օրինակին յաւաքեալ կէտքերէր շրջին :

սաստիկ անառակութիւն, և ամենայնիւ սատանայի կան ՚ի հնազանդութիւն : Քանզի հեղու զամբարշտեալ զթոյնս իւր ՚ի վերայ, մինչև յահեղ անօրէնութիւն կործանէ . որպէս և ժողովրդեանն յանապատին նախ զՄովսէս ետ թշնամանել, և ապա զիժ արհամարհել . նոյնպէս և հրէական ազգին՝ որ ՚ նախ զամբարշտեան կոտորեցին, և ապա զՔրիստոս . նոյնպէս և Յուդայի նախ զաղքատացն ետ գողանալ, և ապա զտէրն մատնել : Ըստ նմին օրինակի և բամբաստողաց նախ զընկերս ետ բամբասել, և ապա զվարդապետս և զքահանայս, որոց բամբասանքն յիժ ելանեն . որպէս և ինքն Քրիստոսն՝ թէ «Որ զձեզ ընդունի, զիս ընդունի . և որ զձեզ անարգէ, զիս անարգէ» : Եւ եթէ որ զքահանայս և զվարդապետս բամբասէ, զՔրիստոս թշնամանէ :

Ղշխարհական ես, մի զպատիւ քահանայութեն բամբասեր և հայհոյեր : Հայեա ՚ի Կորիս և ՚ի Դադան և ՚ի յԱբիրոն՝ որք զպատիւ քահանայութեն թշնամանեցին . տես զի բացաւ երկիր, և եկուլ զնոսա, և հուր ՚ի բանակս նոցա վառեցաւ : Զգոյշ լեր, զի մի և դու զփորձ նոցա առնուցուս՝ որ զպատիւ քահանայութեն արհամարհես : Քեզ ոչ եթէ զառաջ նորդս բամբասել հրամայեցաւ, այլ ունկնդիր լինել և պատուել : «Ունկնդիր լերուք, ասէ, առաջնորդաց ձերոց, և հպատակ կացէք նոցա . զի նոքա հոգան վասն ոգւոց ձերոց, և համարս տալոց են ընդ ձեր» : Եւ դու հայհոյութիւն և բամբասանօք պատերազմիս ընդ նմա . տես զի ոչ ընդ նմա, այլ ընդ այ մարտնչիս՝ որ նմա զպատիւ քահանայութեն շնորհեաց : Զի իմ որ պատուէ զքահանայն, զիժ փառաւորէ և պատուէ . և որ արհամարհէ, զիժ թշնամանէ : Զքահանայս քո մեծարեմջիր, և զիշխանս ժողովրդեան քո մի արհամարհիցես : Զի թէպէտ և յանպիտանեաց ոք իցէ քահանայն, այլ իժ տեսանէ՝ զի վասն նորա և զանարգան մեծարես . զի սրբոյն վասն սրբութեն ակն ածես : Իսկ վասն այ պատիւ այն է՝ որ զանարգն մեծարիցես . այլ չէ անարգ, զի հրեշտակ տեսառն ա-

մենակալի է քահանայն : Եւ եթէ արհամարհես , յիծ մեղանչես՝ որ ետ զձեռնադրութի նորա , և նովաւ ինքն կատարէ զխորհուրդն և զմկրտութիւն . թէպէտ և նոքա չիցեն արժանի ահեղ խորհրդոյն մերձաւորութեան , այլ վասն փրկութե ժողովրդեանն չարգելու զչնորհս Հոգւոյն՝ որչա՛ Զի եթէ իշովն և Բաղաամուսն գիւթովն խօսեցաւ վասն փրկութե ժողովրդեանն , որչափ և ս առաւել անարժան քահանայիւն ինքն գործէ զամ վասն մերոյ փրկութե : Եւ դու եթէ սրբութիւն հաղորդիս 'ի՛որ խորհրդոյն , քահանային պղծութիւն զքեզ ոչ մնասէ . նոյնպէս և որ պղծութիւն մերձենայցէ , քահանայի սրբութիւն ոչ օգնէ : Ապա եթէ համարիցիս՝ եթէ 'ի ձեռն արատաւոր ինչ քահանայի շնորհք Հոգւոյն ոչ իջանեն 'ի պատարագն և ոչ ան ինչ նովաւ գործէ , 'ի միտ առ՝ զի բառնաս զկարգս եկեղեցւոյ , և զանուն քոյոյ քրիստոնէութեդ : Եւ եթէ այդպէս իցէ , և պատարագն չէ պատարագ ըստ քում ասելոյդ , ապա և ոչ ձեռնադրութիւն ձեռնադրութիւն , և ոչ կարգ քահանայութե հաստատուն . ահա յոյսդ քո քրիստոնէութեդ սնտաի է , զի ամենեքին ընդ մեղօք եմք գրաւեալք :

Այւ արդ մի ինչ այսպիսի ածեր զմտաւ , և մի քրններ զվարս առաջնորդին , և մի զքահանայս և ըզվարդապետս քո բամբասեր : Չառեր հրաման քրններ զմեզս ուրուք , թող թէ զքահանային . այ է քրններ և դատել , դու զի՛ քննես և դատես և հայհոյես : Զի եթէ զընկեր չառեր հրաման դատել և քրններ և բամբասել , որչափ և ս առաւել զքահանայս և զվարդապետս : Զքո վարսդ քննես և դատես , և մի զառաջնորդաց . բայց եթէ 'ի հաւատս ինչ անպիտան իցէ , և թիւրս ինչ ուսուցանիցէ , փախիր 'ի նմանէ , մի մերձենար և մի ճաշակեր և մի հաղորդիր ընդ նմա և մի հուպ լինիր . զի որ 'ի նմա հաւատս թերին է , և թիւրս ինչ ուսուցանիցէ , եթէ Պաւղոս իսկ իցէ՝ կամ հրեշտակ , մի հաղորդիցիս . զի չէ առանց պատժոց անխտիր հաղորդիլն : Զի վասն հաւատոց քո է քննել , և վասն վարուց այ է դատել : Եւ եթէ 'ի հաւատս առողջ իցէ քահանայն , հնազանդ և եթ լեր նմա . վասն վարուց մի ինչ հայհոյեր :

Մշակերտ ես, մի դատիս զվարդապետն . քո է որ քննէ և դատի : Զի եթէ ընդ դատարկ բանի համարս տալոց եւք, և կամ զեղբայրն մորոս և անարգ ասիցես՝ ՚ի հուր առաքիս, իսկ որչափ ևս առաւել պատժոց արժանի համարիցիք, որ զվարդապետն և զքահանայն նոյ բամբասիցէ հայհոյութիւն : Այլ եթէ նա ազատ ինչ իցէ ՚ի պատժոց՝ որ զխեղճ՝ ինչ մեղաց ունիցի, և ՚ի սպասաւորութիւնն սեղանոյն յանդգնիցի . այլ ահեղ հրով և աններելի տանջանօք է դատելոց : Զի չեն ինչ, ասէ, այնչափ մեղք չարաչարք՝ որ կարող են զբոլոր զբարկուին նոյ զարթուցանել քան զայն՝ որ անարժանութիւնն որ ՚ի քահանայութիւն մերձենայցէ . զի սպասաւոր անարատին պարտ է անարատ լինել ոգւով և մարմնով, զի ՚ի ձեռն անարատին արատաւորքս ապրեսցուք : Իսկ արհամարհողքն ՚ի քահանայից՝ որ զխեղճ մտացն ինչ զիտիցեն, և արհամարհանօք ՚ի սեղանն մերձենայցեն առաջի ահեղ խորհրդոյն, մեծամեծ և չարապատիժս՝ տանջանաց նոցա պատրաստեալ է՝ առնուլ զվրէժս յահագին արհամարհողաց նոյ : Յիշեա զորդիսն Ահարոնի՝ որք արհամարհանօք ՚ի սպասաւորութիւն մտանէին, և հուր բարկութե եկեր զնոսս . յիշեա զորդիսն Հեղեայ՝ որք անարժանութիւն սրբութեցն սպասաւորէին, և սուր եկեր զնոսս . վասն նոցուն կորեալ և Հեղի, և բազումք յԽորայէլէ սատակեցան . զի եթէ ՚ի հնումն այսպէս էր, որչափ ևս առաւել ահեղ վրէժս ինդրուին ՚ի նորումն պահանջիցի, եթէ որ անօրէնութիւն սպասաւորութիւն ահագին խորհրդոյն մերձենայցէ :

Մրդ քահանայք եթէ սուղ ինչ յանցանիցեն, և խղճիւ ՚ի սուրբ խորհուրդն մերձենան, այսպիսի են տանջանք . բայց դու չառեր հրաման բամբասել և արհամարհել . զի ոչ զմարդ, այլ զամբ հայհոյես և արհամարհես : Արհամարհեցին զՄովսէս ժողովուրդըն, և ամ իւր համարեցաւ . արհամարհեցին զՄամուէլ որդիքն Խորայէլի, և ամ իւր համարեցաւ : «Այլ եթէ զքեզ անարգեն, այլ զիս արհամարհեն», . զի ամ որ բամբասէ և արհամարհէ զքահանայն, յամ

մեղանչէ : Մի ասեր՝ թէ ստոյգ են բամբասանքս , և
 ամ որ գիտէ . զի եթէ ստոյգ է՝ ոչ է մեր այն , այլ
 դատաւորին է քննել : Տես զի զմահապարտն ոչ ամե-
 նեքեան քննեն և դատին , այլ դատաւորքն միայն .
 բայց դու մի՛ դատիր զուրուք դատաստան , և մի՛ խո-
 սիր զումեքէ , և մի՛ լսեր զումեքէ . և եթէ լուար
 բան զեղբօրէն՝ մեռցի՛ ի սրտի քում , զի ոչ եթէ ծա-
 կէ և ելանէ :

Եւ արդ մի զմիմեանս բամբասեսցուք . զի ըստ իւ-
 րաքանչիւր գործոց կալոց եմք առաջի նյ , և ըստ իւ-
 րաքանչիւր գործոց համարս տալոց եմք պատուհա-
 սից , և իւրաքանչիւր զիւր բեռն բառնալոց եմք , և
 ընկերին ոչ որ կարէ օգնել : Զի ՚ի բազում աղէտից
 գեհէնին , և յահէ հրացան հոսանացն գետոյն յոր-
 դու թէց համարի՝ թէ միայն իցէ ՚ի տանջանս վասն
 չարակսկիծ ցաւոցն վարանաց . զի բորբօքումն դա-
 զանացեալ հրոյն իբրև շնչաւոր իմն շանթիւք յար-
 ձակի առնուլ զվրէժս յարհամարհողացն նյ :

Եւ արդ որոց այսպիսի ահեղ արհաւիրք և դառն
 դատաստանք մնան , պարտ է զիւրաքանչիւր հոգս
 հոգալ , և զիւրաքանչիւր վաստակս վաստակել , և
 զիւր մեղսն կոծել , և զիւր յանցանսն քննել , զիւր
 չարիսն որոնել , զիւր աղէտն միայն ածել զմտաւ ,
 զիւրն սգալ և հառաչել , զիւրն լալ և ողբալ , և հա-
 նապազ զիւր անօրէննութիւնն բամբասել , և վասն իւր
 մեղացն չարախօսել , և ոչ զյանցանս ընկերին որո-
 նել , և մանաւանդ զբահանայիցն և զվարդապե-
 տացն : Զի քահանայն վասն քո դեգերեալ կայ յե-
 կեղեցւոջն . պաշտէ և սպասաւորէ վասն քո . ընթեռ-
 նու և վարդապետէ վասն քո . ձեռս ՚ի վեր ամբառ-
 նայ վասն քո . մատակարարէ խորհրդոյն վասն քո . միշտ
 սպտարագ մատուցանէ հանապազ վասն քո . զուխտ
 քո ընծայէ նյ . զտօն քո կատարէ հանապազ . զմո-
 լորեալս քո ուսուցանէ և դարձուցանէ . զերախայս
 քո մկրտէ . մեղուցելոյն վարդապետէ . վասն ապաշ-
 խարողացն ինդրի թողու թի . վասն նծապաշտու թե
 զգուշացուցանէ . զհանգուցեալս քո օրհնութիւն յղար-
 կէ . զհարսանիս քո և որդւոց քոց ուրախութիւն պը-
 սակօք յորդօրէ և շքեղացուցանէ , և զթնամին յա-

մօթ առնէ . վասն կենաց և փրկութեան քո պալէ . վասն պատուհասից քոց անկանի առաջի նյ յարա-
ժամ . պաղատի վասն քոյոյ փրկութեան միշտ զտէրն
քո ընդ քեզ հաշտեցուցանել , ողորմուի և թողուի
մեղաց քոց ինդրէ անդադար . և վասն հոգւոյ քոյ
յմմ ժամ հոգայ , և մարմնոյ քում սպասաւորէ հա-
նապազ , և առաւել քան զարծաթագին կայ քեզ 'ի
հնազանդութի :

Եւ արդ այսպիսի ծառայութիւն և աւելի քան
զսոյն քեզ քահանայն հարկանէ , և ընդ այսր նմի
քահանայն հայհոյութիւնս և բամբասանս լէ . և
որպիսի հուրք և տանջանք ահեղք և աններելիք քեզ
սպասեալ մնան . ընդ որոյ երախտեացն պարտ էր քեզ
ծառայել քահանային , աղաչել և մաղթել , անձամբք
և որդւովք սպասաւորել , և իբրև յնյ երկնչել , և
իբրև 'ի հօրէ ակնածել , և իբրև յերախտաւորէ պատ-
կառել , իբրև զանձն և զհօգի քո սիրել , զտրտմուի
նորա սփոփել , և զվաստակ նորա երանել , 'ի վար-
դապետութի զօրացուցանել , զտկարութի ինչ միսի-
թարել , կերակրել և յագեցուցանել , և զմմ մար-
մնաւորս նորա հոգալ , զնա միայն հօգևորայն պարա-
պեցուցանել , Զայս և բազում և ս այսպիսի երախտիս
պարտ էր հատուցանել քեզ ընդ քահանային վաս-
տակոցն , և ոչ բամբասանս և հայհոյութիս և ար-
համարհանս անակնածելիս :

Եւ արդ զայս նմ լսելով շիջուցուք զբորբոքեալ
հնոց հայհոյութի , դադարեցուք զհօւրն արհա-
մարհանաց : Սանձեցէք զլեզուս 'ի չարախօսութենէ .
մաքրեցէք և զաչ 'ի յարատ հայեցուածոց . ուղղեցէք
զսիրտս 'ի չար խորհրդոց . ծառայեցէք տեառն եր-
կիւղիւ . պատուեցէք զվարդապետս . հնազանդեցա-
րուք քահանայից . սպասաւորեցէք հիւանդաց . սգե-
ցուցէք զմերկս . լցուցէք զբաղցեալս . սփոփեցէք ըզ-
նեղեալս . օգնեցէք տնանկին , և անդադար վաստա-
կեցէք աղօթիւք , պահօք և ողորմութի : Այս է ձեզ
ճանապարհ փրկութի որ հանէ 'ի վերին քաղաքն
փափագելի յանանց վայելչութիս . յորս և մեզ եղի-
ցի վայելել , և փառս տալ Հօր և Որդւոյ և Հօգւոյն
սրբոյ այժմ և յաւիտեանս . ամէն :

ՎԱՍԵ ՍԻՐՈՅ ԵՒ ՄԱԽԱՆԱՑ ԵՒ ՆԱԽԱՆՁՈՒ

Այն ինչ պիտոյ է որ յաղագս սիրոյ նորագոյնս ինչ ինչ գիրք . զի ունիմք զնոյն ինքն Քս սիրոյ մեզ վարդապետ, որ ասաց՝ եթէ սիրեսցիք զմիմեանս . և եթէ սիրէք զիս, զպատուիրանս իմ պահեսցիք : Զի գլուխ պատուիրաննին սէր է . և որ կամի մերձենալ յիմ պատուածի, յառաջ քան զիմ պատուիրան զսէրն պարտ է ստանալ . «Յայսմ ծանիցեն ամենեքեան եթէ իմ աշակերտք էք՝ եթէ սիրիցէք զմիմեանս, որպէս ես զձեզ սիրեցի», Զի ինքն իսկ սէր է . և Յովհաննէս զիմ սէր կուէ . և որ կայ ՚ի սէր նորա, նա յիմ բնակէ, և իմ ՚ի նմա . զի զհրամանս սիրոյ նորա կատարեաց : Զի սէր և ՚ի հնումն ևս քարոզէր . այլ ՚ի նորումն՝ Քս և զսիրելիս ևս հրամայէ սիրել, և զթշնամիս ևս սիրել, և զանձն ևս դնել ՚ի վերայ սիրոյ սիրելոյն . և նա զանձն իւր եղ ՚ի վերայ թշնամեաց և սիրելեաց, զի զպատուիրանն սիրոյ ոչ բանիւք միայն, այլ և արդեամբք ՚ի մեզ հաստատեսցէ : Վասն որոյ և մեք զիմ սրտիւ սիրեսցուք, և զպատուիրանս նորա երկիւղիւ պահեսցուք . զի այս է սիրելն զիմ եթէ զպատուիրանս նորա սրտիւ պահեսցուք . և պատուիրանք նորա այս են՝ զի ճշմարտիւ սիրեսցուք ըզմիմեանս . և իմ որ ճշմարտիւ սիրէ զեղբայր իւր, նա պահէ զպատուիրանս նորա :

Եւ այս է ճշմարտիւ սիրելն՝ յորժամ ոչ վասն երախտեաց իրիք սիրեսցուք, և ոչ վասն ընդեւանիան իրիք սովորուածէ, և ոչ վասն քաղցրահայեաց երեսաց, և ոչ վասն ազգի ինչ գիտոյ, և ոչ սէր փոխանակ սիրոյ սիրեսցուք : Այլ միայն վասն պատուիրաննին այ զամենեսեան սիրեսցես, և ընդ ամենեսեան զիս զաղուածի ունիցիս : Բայց զընչոյն կարողուծին կա-

1 Յօրինակին վայր ՚ի նորումն Քս . յաւելոյք առ իմանալի առնելոյ գրանն :

րօտելոյն միայն բաշխեսցես, իբրև վշտացելոց իւրոց անդամոց խնամ ունել աղքատին. վասն զի ամենեքեան անդամք եմք միմեանց, և պարտիմք ընդ վշտացելոյն միոյն անդամոյն՝ այլոց անդամոցն վշտանալ ըստ ասելոյն Պաւղոսի, և տալ զանձն ՚ի չարչարանս վասն սիրոյ ընկերին. որպէս և Քս ետ զանձնն իւր ՚ի չարչարանս վասն մեր: Զի թէ նա որ անձ էր՝ այն չափ յանարգութիւն էջ վասն մեր և թշնամեաց և աւտելեաց, մեք զի՞նչ պատասխանի ունիցիմք եթէ չսիրեսցուք զմիմեանս ըստ պատուիրանին զոր պատուիրեաց մեզ սիրել զթշնամիս, օրհնել զհալածիչս, բարի առնել այնոցիկ՝ որ ատենն զմեզ, և աղօթս առնել ՚ի վերայ հալածողացն: Զի սէր ընդ սիրոյ և մաքսաւորք հատուցանեն. բայց այն էր վասն պատուիրանին՝ որ զթշնամիսն սիրեցին. և ըստ զօրութեն իւրում՝ օգնեսցէ անցուն. զկարօտեալն մխիթարեսցէ. զտրտմեալն սփոփիցէ. ընդ զրկելոյն խօսեսցի վրէժխնդրութիւն. անօգնականին օգնեսցէ. հիւանդացելոյն սպասաւորեսցէ. զմոլորեալն ՚ի գիտութիւն անօգնէ, և զամ տկարութիւն եղբօրն լցուցէ, և զինչս և զօրութիւն անցուն ՚ի կիրարկանիցէ, եթէ հաւատացելոցն է անձ ինչ հասարակաց:

Եւ արդ այսպէս սիրել պարտ է զեղբարս քրիստոնէին և աշակերտին Քսի. զի «Յայսմ ծանիցեն ամենեքեան եթէ իմ աշակերտք էք, եթէ սիրիցէք զմիմեանս», Զի քան զոգի մարգարէութեւն ընդունել՝ առաւել է սիրելն զեղբայրն, և քան զկոչումն առաքելութեւն բարձրագոյն է, և քան զպատիւ մարտիրոսացն պատուական է, և ՚ի վեր քան զանձն առաքելութիւնս պատուեալ երևի, և ամենեւին իսկ իբրև զթագաւոր ՚ի մէջ ռամկաց պայծառացեալ ՚ի վայելչանաց: Զի թէպէտ և մեծ վայելութիւն կուսանաց, բայց առ սիրոյ պայծառութեանն նուազեն անձ լուսաւորութիւնք առաքելութեան. որպէս ՚ի ճառագայթից արեգականն ծածկին ամենայն պայծառութիւնք աստեղաց. ուր ողորմութիւնք լինին առանց սիրոյ:

Եւ արդ զիարդ լինիցին ողորմութիւնք առանց սիրոյ: Յորժամ սնափառութիւնք դր ախտիւ ՚ի ցոյց մարդ-

կան առնիցէ՝ և կամ նովիմբ ակտիւ ոք՝ ի գանս և ՚ի բանդս մաշեացի, և ՚ի հուր այրեսցի, ոչ ինչ օգտի. որպէս և Պաւղոս ասէ. «Եթէ Զամբիցեմ զամ ինչս իմ աղքատաց, և մատնիցեմ զմարմինս իմ յայրումն, և սէր ոչ ունիցիմ, ոչ ինչ օգտիմ», 1 Ջի որ սրբաբառն ոք սէր սրբութիւն ոչ ունիցի, թէսլէտ և զհոգիս մարգարէութե ունիցի, և չնորհս առաքելութե, և բազում խստամբերութիւն զանձն չարչարիցէ, և բանիւ վարդապետութիւն զբազումս լուսաւորեսցէ, և հաւատովք նշանս մեծամեծս առնիցէ, և զլերինս փոփոխիցէ, ամենեւիմբ յամի ոչ ինչ օգտի. զի սէր աղ հաւմեմիլ է ամ առաքինութե. և ուր սէր ոչ մտանէ՝ ապականի, և արտաքս ընկենուն յարբայութիւն: Որ սրտիւ ոք սէր ունիցի, նորա է ողորմութիւն և անընչեղութիւն. զի հարկ է սիրողին անընչանալ, զի սէր և ինչք ՚ի միում անձին ոչ բնակին. զի սէր զինչս թօթափէ կարօտելոցն յօգնականութիւն: Ի սիրոյ հալածական են ագահութիւնք և չարակնութիւնք և նենգութիւնք և թշնամութիւնք, նախանձ և բարկութիւն, ամբարշտութիւն և մնափառութիւն, և ամ մախանք ակտիւ հեռանայ ՚ի սիրոյ պահողին: Այլ ընդ սիրոյն միաւորեալ և կապեալ է խոնարհութիւն, հեղութիւն, քաղցրութիւն, ողորմութիւն, անընչութիւն, անկեղծաւորութիւն, անանձնասիրութիւն, խաղաղութիւն, ճշմարտութիւն, սրբութիւն, անմեղութիւն, բարերարութիւն. և զամ առաքինութիւն և զկատարեալ պատուիրանապահութիւն պահողն սիրոյ կատարէ:

Իսկ որ ոչ սրտիւ ՚ի սէր հաստատեալ է, ամ չար խորհուրդք սատանայի զեղուն զնովաւ, ամ բազմութիւն ակտիւ. զի սատանայական ակտիւ գլուխ՝ անձնասիրութիւնն է, և ՚ի նա շարին ամենայն ակտիւն բազմութիւնք. քանզի անձնասէրն ոչ երբեք կարէ ընկերասէր լինել: Իսկ գլուխ պատուիրանին սէր է, և ՚ի նա շարին ամ առաքինութիւնք. զի ընկերասիրին չէ հնար զկամս անձին իւրոյ ինդրել, այլ և զամ հաճոյս ընկերին և եթ կատարել ՚ի բարիս, այլ և զանձնն և ս տայ ՚ի ծառայութիւն վասն պատուիրանին

այ . քանզի գիտէ՝ եթէ կատարուին պատուիրանին սէր է : Եւ ամ առաքինութիւնք որ առանց սիրոյ են, փակեցան նոցա դրունք երկնային առաջաստին , և լսեն զսոսկալի զձայնն զայն՝ եթէ ոչ գիտեմ զձեզ . և մատնին ՚ի հուր գեհենին ընդ պունսիկս և ընդ մարդասպանս . “ Զի ամ , ասէ , որ ատէ զեղբայր իւր , մարդասպան է , : Իսկ որ չարակնէն և նախանձին , նա յոր խաւար երթայցէ , և կամ ո՛ր սուզանիցի , կամ որպիսի տանջանօք խաչիցի և մաչիցի : Քանզի սկիզբն ախտից է նախանձ և չարակնութի . զի նովաւ անկաւ սատանայ ՚ի փառացն , նովաւ ել Ադամ ՚ի դրախտէն . և անէծք և քրտունք , փուշ և տատասկ , մահ և մեղք ՚ի վերայ ամ ծննդոց Ագամայ տիրեցին . նովիմք Վայէն՝ երերեալ տատաներ :

Այլ այժմ բազումք են՝ որ միշտ այրին նախանձու , յորժամ տեսանիցեն զեղբօրն զյաջողութիւնն՝ կամ ընչիւք , կամ արուեստիւ , կամ բանիւ վարդապետութիւն յարդեալ ՚ի բազմաց . և զայն տեսեալ նախանձորդացն հալին և մաչին , և յօգեն զնմանէ բանս բամբասանաց , և կան հակառակ կամացն այ՝ որ զյաջողութին շնորհեաց : Վասն այսորիկ թէպէտ բազում ճգունս տանիցի նախանձոտն , և թիւր առաքինութիւն ստացեալ իցէ , և սրբութի կուսութի ունիցի , և պահօք և ամ վշտամբերութի զինքն մաչիցէ հանապազ , և խորգով և մոխրով և մշտահեղարտասուօք սգայցէ ՚ի տուէ և ՚ի գիշերի , և ողորմութիւնք անընչանայցէ , և նշանս մեծամեծս առնիցէ , և ցանկաջան աղօթիւք և փառատրութեամբք վերին զուարթնոցն նմանիցէ , այլ և մարտիրոսասցի ² ևս , և հրով այրեսցի , և ՚ի սիրտն նախանձ և չարութի ունիցի , և քան զամ սպանողս և զննացողս պիղծ գտանիցի , և քան զամ ամբարշտեալս թաթաւեալս մեղօք՝ անիրաւագոյնս : Եւ արդ որ չարիք ժանտագոյն իցեն քան զնախանձ և զչարակնութի . զի քան զհուր այրիչ է և զսուր սատակիչ , զունելիս իւր սատակէ : Եւ ո՛վ որ կարէ համբերել այնմ բոցոյ , և կամ

1 Յօրին . պակասի Վայէն :

2 Նօտարգիր օրինակն հարփ .
բաւ եսցէ :

զոր ներեալ թողու թի ունիցին՝ այնպիսի սատանայ-
ական անձինք : Քանզի և ոչ մի ինչ չարութի նման
է նախանձու և չարակնուէ, զի միշտ ՚ի մեղս է . հա-
նապազ ՚ի տուէ և ՚ի գիշերի ոչ դադարէ ՚ի սպա-
նութենէ, քանզի միշտ բարձեալ կրէ ընդ իւր ըզ-
չարիս իւր :

Եւ արդ ո՛վ կարասցէ փարատել զխաւարն զայն
թանձրամաճ՝ որ տարածեալ մածեալ ունի զմիտս
նախանձողացն . զի դառն մթերք նախանձու մար-
դասպանի ոչ երբէք հեռանայ ՚ի սրտից նոցա : Զի
թէպէտ յեկեղեցի մտանիցեն այնպիսիքն, և յաղօ-
թըս և ՚ի ինդրուածս մաշիցին, թէպէտ և արտա-
սուիցեն և ողորմութիս առնիցեն, ոչ երբէք սրբին ՚ի
սպանութի : Արդ զոր ներեալ թողու թիւն ունիցին
այնպիսիքն, և կամ որպիսի ինչ ահեղ չարութե՛ կա-
րիցեմք նմանեցուցանել զայնպիսի անմեկնելի անօրէ-
նութիս . որ դազան չարաժանի, որ սողուն խածա-
նող, որ իժ, կամ որ քարք այնպիսի չարագաղան
թոյնս ունիցի : Զէ և չէ իսկ հնար գտանել անոք և
անօրէն անձինս քան զչարականցն և զնախանձոտացն
զի* միշտ լուցեալ բորբոքի ՚ի միտս իւր հոգածութիւն :
Գողայ և դեղնի, զի տեսանիցէ զեղբարս իւր և ըզ-
գրացիս, զի տուն և տղայս ունիցին . և դեք աւերեն
զտունն՝ հատուցանեն, կամ վիմօք, կամ հրայրե-
ցութիւն, կամ ՚ի ջուր ընկղմելով, կատարելով զկամս
սատանայի . զայնպիսին պարտ է արտասուել և ողբալ
հանապազ : Զի լաւ էր այնպիսւոյն երկու աչօք կոյր
լինել, քան բոլորովին անդամօք ՚ի հունն յաւիտենից
առաքիլ : Զի նա ևս քան զհեթանոսս սղծագոյն
երեւեսցի, և լծակից է սատանայի չար նախանձամ-
բն, և ընդ նմին ժառանգեսցէ զհրացայտ տարտա-
րոսն և զանչէջ գեհեանն :

Եւ եթէ զամբ բարեգործութիս և զզանազան ա-
ռաքիսութիս և զազգի ազգի վարս և զկրօնս յինքն
բարձեալ ունի, ոչ օգուտ գտանէ յայսմ ամենայնէ,

1 Յօրինակին . ունիցի :
* Յօրինակին ՚ի բաց անկեալ
է թուղթ մի, յորում են աւարտ
ճառիս և սկզբնաւորութի յաջոր-

զին մինչև Բանից, ես || : Թերին
երկայքանչիւրոցն առաւ բաղդա-
տութիւն յերկուց օրինակաց :

եթէ զխաւար ատելութի՛ն սրտին պահիցէ, և զչա-
րակնութի՛ն և զնախանձ: Արդ փութա այսուհետեւ
և ՚ի բաց փախիր ՚ի խաւարամած մեղացդ, և ար-
տասուօք մեղայ տեառն նյ այսա. զի կարասցես լսել
՚ի Քրիստոս որ ասէ. «Եկայք օրհնեալք Հօր իմոյ, ժա-
ռանգեցէք զպատրաստեալ արքայութիւնն »: Որում
փառք յաւիտեանս յաւիտենից. ամէն:

ՎԱՍՆ ԲԱՐԿԱՅՈՂԱՅ ԲԱՐՈՒՅ *

ՄԵՆԱՅՆ բնութիւնք մեղաց և պիղծ ախտից անօրէնութիւնք ջանան 'ի մարդկանէ ծածկել զանօրէնութիւն իւրեանց : Իսկ բարկութիւն ախտին մոլութիւն անամօթ և վայրենաբարոյ, անակնածօղ և գազանամիտ և արագ շարժի յաղաղակէն իբրև զհաւահալածն¹ մրգապահաց , որ² մինչ չև օդոյն ինչ շարժեալ³ և նա սկսանի կարկաչել , ցուցանելով զիւրոյ բնութենն ըզթեթևութիւնն , ոչնչապէս է և բարկացող մարդն , զի դեռ չև իցէ 'ի սիրտն հասեալ ընդդիմութիւն ինչ բանից , նա³ իբրև զհուր լուցեալ աղաղակելով 'ի վեր բորբոքի , և անամօթ անցուն ցուցանէ զիւրոյ բնութենն թեթևութիւնն , և յանհամբոյր գազանուէն ոչ կարէ ծածկել զիւրոյ մոլորութեանօրէնութիւնն . այլ իբրև զհողմ 'ի հուր մտեալ վառէ 'ի ցասունն բարկութեանօրէնութիւն 'ի զրկելիս իւր , և զամենեսեան առհասարակ ցաւեցուցանէ աղաղակաւ իբրև 'ի հինէ արշաւանաց :

Վանզի յորժամ բարկութեան դիւին որ հնազանդեսցի , զամ սգայութիւն նորա յիմարեցուցանէ , և վառէ որպէս կամի զլեզու նորա 'ի չարութիւն . զբերանն ընու թշնամանօք , զմիտսն գազանացուցանէ 'ի ցասունն , զսիրտն թնդէ բարկութիւնք , զլեարդն պնդէ կռուողութիւնք , զարիւնն եռացուցանէ , զմարմինն դողացուցանէ , զաչնն այլագունէ , զգոյնն չրջէ , և ամենևն իմք զմարդն վայրենի ցուցանէ , և տայ աղաղակել բազում մորոսախօսութիւնք . գազանացեալ առաւել քան զվայրենի գազանացն գազանութիւն : Այլ և ոչ 'ի գազանս ինչ խածանող , և ոչ 'ի սողունս թիւնաւոր կրի երբէք այնպիսի չարաբարութիւնն , և ոչ

* Եփրեմի ընծայի և այս ճառ 'ի ճառընտրի ուրիշ :
 1 Միւս օրին . Իւ իբրև զհաւա-
 լածն մարգարայնոց :

2 Միւսն . ու է օգոյ իւլ աւ-
 րեալ :
 3 Գարձեալ յաջորդէ երկա-
 թաղիւր օրինակս :

ի ժից և քարբից դառնու թի՛ հաւասարէ բարկացու-
 զացն ախտից . ոչ դեղք մահաբերք և ոչ հարուածք
 կարձի նման են հարուածոց բարկու թէ՛ . ոչ հատումն
 սրոյ և ոչ այրեցուած հրոյ կսկծեցուցանեն առա-
 ւել քան զբարկացողացն . և ' ոչ այնչափ չար են մո-
 լիւնք դիւաց , որչափ բարկացողք դիւաց յայնմանէ :
 Քանզի դէն բարկու թէ՛ վառի 'ի նախանձ միշտ , և
 պնդէ յանհաշտ ոխակալու թի՛ , և հանապազ մա-
 ծեալ պահէ 'ի վերայ սրտին զխաւարն նախանձու : Եւ
 զոր օրինակ թիւնաւորքն զթոյնսն ընդ իւրեանս կրեն
 հանապազ , սոյնպէս և բարկացողքն զցասումն և ըզ-
 քէն նախանձու . և յամենեսին յարձակին իբրև ըզ-
 շունս կատաղիս , և հանապազ խայթեն իբրև զկարի-
 ճըս , և խածանեն իբրև զօձս , և լցեալ թիւնօքն բար-
 կու թէ՛ ոչ կարեն վաղվաղակի խոնարհել առ միմեա-
 նրս : Քանզի ի ժք և ծնուդք ի ժից անուանին , ան-
 հաշտք 'ի միմեանց , և անհնազանդք : Բազում բանս
 ձեացուցանեն՝ իւրաքանչիւր որ զինքն արդարացու-
 ցանելով , և յօրինեն տողս բազումս պատմուէց զան-
 ձինս իրաւացուցանելոյ . և զինասս կուտել 'ի վերայ
 ընկերին ջանայ ամենեցունց առաջի , կարծեցուցա-
 նելով զնա փաստակար : Զի դև նորա տրտմուէ պնդէ
 յանզղջու թի՛ , և խտացուցանէ զմիտսն յանապա-
 շաւ անհաւանու թի՛ , և զսիրտն քարացուցանէ չի-
 նել ունկնդիր խրատու եղբօրն և գրոց վարդապե-
 տու թէ՛ . և յիմարեցուցեալ սատանայի զգայու թիւնս
 նորա՝ ոչ տայ ճանաչել զյանցանս նորա . այլ 'ի միտս
 նորա կարծեցուցանէ զնա անմեղ յամի , և զընկերն
 փաստակար : Նոյնպէս և 'ի միւսում՝ ընկերին զսա-
 տայ նմա համարել փաստակար , և զինքն արդար յամի :
 Եւ դարձեալ զսա աստ խտացուցանէ՝ թէ՛ նմա պարտ
 է քեզ խոնարհել , զի փաստակար է . և զնա անդ պըն-
 դէ՝ թէ՛ չէ արժան քեզ նախ նմա հնազանդել , զի
 անմեղ ես : Եւ այսպէս զերկոսեան թնայմու թէ՛ 'ի
 միմեանց հեռացուցանէ սատանայ 'ի մնալ անզեղ և

1 Նօտրագիր օրինակն այսպէս
 ունի զայս անգի . և ոչ այնչափ լա-
 շարին մուկն 'ի Գիւտն , որպէս Բա-
 շարն : Քանզի : Իսկ միւսն . ոչ այն-

լաթ լարլարին մարմնն 'ի Գիւտն , որ-
 պէս Բաշարն զն 'ի Գիւտնցն ցտտանէ :
 Քանզի :

անապաշաւ: Աւուրս բազում ծանրացուցանէ զսիրտ եղբօրն, և ամօթ և անարգանս տայ համարել զխոնարհեւն ընկերին. զի եթէ ես յառաջ խոնարհիմ, ասէ, զիս վնասակար որ կարծիցէ, և զնա անմեղ համարիցին. վասն այսորիկ գազանացեալ անհնազանդի: Վանզի յորժամ միանգամ զխորհուրդս ըմբռնէ անօրէն ակտան բարկութեան, յափշտակէ զմիտսն ՚ի նմանէ, և գազանացուցանէ, և ամենեւին չտայ իմանալ զերկիւղն նոյ, և ոչ զահաճեղ դատաստանին. այլ հեռացուցանէ յիրաւանց, և զդատաստանն ոչ երբէք ածէ զմտաւ, և ոչ յիշէ զօր մահուանն իւրոյ և զարհաւիրս սոսկալի բեմբին. այլ պնդեալ մաքառի՝ զկամս անձին իւրոյ կատարեալ: Եւ ոչ ամօթ եղբարցն, և ոչ խրատ վարդապետաց, ոչ հրամանք պատուիրանաց, և ոչ երկիւղն նոյ, ոչ փափագանք արքայութեն, և ոչ արհաւիրք տանջանացն զնա ոչ պատկառեցուցանեն ՚ի զեղջ և յապաշաւ: Այլ և ժտի ևս յեկեղեցին մտանել, և աղօթս առ անձ կատարել՝ որ ոչ ընդունի, և առ անձ ոչ ելանեն: Քեզ ինքն աւերն ասէ. «Եթէ հանեալ իցես զպատարագն քո ՚ի վերայ սեղանոյն, և անդ յիշեսցես եթէ եղբայր քո ունիցի խեթ զքէն, թող զպատարագն ՚ի վերայ սեղանոյն. երթ նախ հաշտեաց ընդ եղբօր քում, և ապա եկեալ մատուցանիջիր զպատարագն քո», և ընդունելի է: Եւ իւրաքանչիւր ուրուք աղօթքն են պատարագք. և անընդունելի են նոյ, եթէ ոչ նախ երթեալ հաճի ընդ տրտմեալ եղբօրն, և ապա եկեալ աղօթէ առ անձ. և ընդունելի է: Այլ և ասէ. «Արեգակն ՚ի վերայ բարկութեան ձերոյ մի մտցէ». զի մի դեքն եկեալ ՚ի գիշերին յարուցանիցեն զսիրտ քո առ վաղիւն չհաշտել ընդ ընկերին, և խորհուրդս չարս, ռիս և նախանձս, և ազգի ազգի նենկութիս արկանիցէ ՚ի միտս քո: Այլ մինչ չե գիշերոյն հասեալ իցէ՝ երթ հաշտեա ընդ եղբօր քում: Մինչ դեռ յաշտարհի ես, հաշտեա ընդ ոսոխի քում. մի գուցէ մասնիցեն դատաւորին, և դատաւորն դահճաց, և ոչ ելանիցես: Սոյնպէս և դու մինչ դեռ օր

առաջի կայ, փութա հաճել ընդ ընկերին, և 'ի վազիւն մի յապաղէր, զի աներևոյթ են եւք մեր յաշխարհէ, և ոչ զիտեմք՝ թէ ունիմք զվազիւն ժառանգել՝ թէ ոչ. սակայն ժառանգեմք զվազիւն, և ոչ փութամք հաշտել ընդ եղբօրն: Ընդ հեթանոսս համարեալ եմք, զի անընդունելի իցէ առանց հաշտութե ընդ եղբօրն և ընդ ընկերին:

Իսկ որպիսի դառն տանջանօք դատիցին՝ որ խեղճ ինչ թշնամութե ընդ ընկերին ունիցին, և 'ի սուրբ խորհուրդն մերձենայցեն. որպիսի՞ հուր, և որպիսի գեհենք խաւարայինք նոցա սպասիցեն: Մարմնոյ տեառն հաղորդիս, և զի՞նչ գողանալ կամիս՝ թաքուցանելով զթշնամութի քօ ընդ՝ ընկերին: Այո և կայէն՝ գողանալ կամէր զի՞նչ՝ թաքուցանելով զեղբօրն սպանութի. և արդ տես զերերումն տատանման նորա՝ զչար խորհրդոյն զպտուղն: Որ 'ի մարմինն տեառն մերձենայ, և թշնամութի ընդ ընկերին ունիցի, ոչ մարմին կենարար է նմա, այլ հուր կիզանող, զի դատաստան անձին իւրում ուտէ և ըմբէ: Այլ ոմանք ոչ եթէ վասն փափագելոյ սրբոյ խորհրդոյն փութան 'ի հաշտութի ընկերին, այլ աւուրք բազումք հեռանան 'ի սուրբ խորհրդոյն, և զաղաչելն և զհաշտելն ընդ եղբօրն ծանր համարին քան զհեռանալն և զչընդունելն 'ի սուրբ խորհրդոյն՝ 'ի մարմնոյն և յարենէն Քրի. վասն խոնարհելոյ ընկերին արհամարհէ զխորհուրդն տէրունական. հրաժարելով 'ի նմանէն կարծէ պատիւ համարել այլ մերձենալ 'ի խորհուրդն: Եւ ոչ իմանայ՝ եթէ առաւել ևս արհամարհէ քիութալով 'ի հաշտութի ընկերին վասն սիրոյ փափագելի մարմնոյն Քրի, զոր և Պաւղոս ասէ, թէ ո՞վ մեկնէ զմեզ 'ի սիրոյն Քրի. նեղութի, թէ մահ, և որ 'ի կարգին է՝ ոչ կարեն մեկնել զմեզ 'ի սիրոյն Քրի: Եւ զքեզ սակաւ ինչ թշնամութի ընդ ընկերին մեկնեաց 'ի սիրոյն Քրի, և 'ի սուրբ խորհրդոյն մերժեալ հեռացոյց: Զի թէ թշնամանեաց որ զքեզ, և դու խոնարհեսցիս վասն պատուիրանին այլ,

1 Եօրինակին պահատեր ընդ .

2 Եօրինակին ամենայն ուրեք անունս այս գրի կայէ տե:

մի՞թէ վնասեցար ինչ. այլ վարձս մեծամեծս ընկալար: Անարգ և արհամարհեալ ոք զքեզ անուանեաց. այլ դու հող և մոխիր և սաս զանձն քո: Գձուձ և ցնոտաւոր՝ ոք զքեզ կոչեսցէ. այլ դու սաս. մերկ խկ եկի յաշխարհս, և մերկանդամ անդէն դառնալոց եմ: Այսպիսի խոնարհութիւն կապեցեր զլեզուս անօրինաց, խցեր զտերանս թշնամանողաց, լուծեր զջիղս սատանայի, ցրեցեր զխորհուրդս նորա, և ամենեւին ոչ ոք ինչ քեզ կարէ վնասել ՚ի թշնամանողաց, եթէ միայն առողջ միտս ունիցիս: Ահա բազումք թշնամանեցան և համբերեցին. այլ և աղօթս և ս ՚ի վերայ թշնամանողացն արարին: Ստեփաննոս աղօթէր ՚ի վերայ քարկոծողացն իւր. Մովսէս, Սամուէլ, Գաւիթ և Քո Որդին նոյ թշնամանեցաւ, և առ Հայր վասն նոցա աղօթս մատուցանէր: Եւ արդէր դու նմանող արանցն երևեցեաց. «Լուեա ՚ի բարկութիւն, և հանգիր ՚ի սրամտութիւն. և մի նախանձիր ընդ չարս», ասէ մարգարէն. զի ուր բարկութիւն և սրամտութիւն մտանէ, անդ չնորճք Հոգւոյն ոչ մտանեն, և ոչ խորհուրդք արդարուէ ելանեն ՚ի բարկացող սրտէ. որպէս և ասէ. «Բարկուի մարդոյ զարգարութիւն նոյ ոչ գործէ»:

1. և ցատումն արդար, և բարկութիւն արդարութիւն, յորժամ զվրէժս ինչ պատուիրանացն նոյ խրնդրեսցես իբրև զՍամուէլն և զՓենէհէզն, կամ վրէժխնդրութիւն եղբօրն զրկելոյ: Իսկ որ աւելի քան զայս առաւել ինչ բարկանայցէ, կամ վրէժ անձին իւրոյ խնդրեսցէ, այն է ՚ի տարապարտուց բարկանալ, զոր և Քո ասէր. պարտաւոր եղիցի ՚ի գեհենն և ՚ի հուր: Քանզի տարապարտուց բարկութիւն ճանապարհ է բազում ինչ ախտից. զի բարկութիւն է և աղաղակ և կռիւ, ատելութիւն և թշնամութիւն, նախանձ և ռիակալութիւն, քինահանութիւնք և սպանութիւնք, և բազում այլ և ս չարութիւնք: Եւ որ բարկութիւն յաղթէ, այս նամ իջեալ դադարէ իբրև զհուր առանց նիւթոյ. զի յորժամ բարկանայցէ ոք, և դու համբերութիւն տանիցիս, շիջուցեր զբարկութիւն:

Այլ թէ դիւահար ոք զքեզ անուանեսցէ, մի՛ ինչ բարկանար. և եթէ բարկանաս՝ արդարացուցեր ըզ-
թնամանողսն, զի՛ ՚ի դիւէն է բարկուի և ոչ յն՞յ :
Ահա և զտէրն դիւահար կոչեցին, և նա ոչ բարկա-
ցաւ, այլ հեզու[թեամբ ետ պատախանի՝ եթէ յիս դե
ոչ գոյ : Թնամանեաց ոք զքեզ և արհամարհեաց,
այլ առաւել ևս զտէրն թնամանեցին և արհա-
մարհեցին : Կռփեաց ոք զքեզ և ապտակեաց, ահա
և զտէրն կռփեցին և ապտակեցին, այլ և չարչարե-
ցին և խաչեցին, որ քո չե ևս ընկալեալ : Արդ զայս
նամ ած զմտաւ ՚ի ժամ՝ ցասմանն յուզելոյ :

Ըստ է մեզ սատանայ թնամի, զեղբարս մեր մի՛
արասցուք մեզ թնամի. այլ փու[թասցուք հաշտե-
ցուցանել ընդ մեզ, զի զպսակ նահատակու[թե՛ ընկալ-
ցուք ընդ կանխելոյ և անկանելոյ առաջի եղբօրն :
Քանզի պսակք և պարզեք կան ՚ի միջի ոստխացն և
կագոցն. և որ ոք յառաջագոցն նահատակի և խո-
նարհի եղբօրն աղաչանօք ածել զտրտեալ եղ-
բայրն ՚ի հաշտու[թիւն, նա յափշտակէ զտարդևս և
զպսակս վասն նախախոնարհ նահատակու[թեան իւ-
րոյ. զի զչար թնամին սատանայ վիրաւորեաց ՚ի
խոնարհելն իւրում, և զինքն և զեղբայրն իւր զեր-
ծոյց ՚ի ձեռաց նորա, և փրկեաց ՚ի յաւիտենական
՚ի մահուանէն : Յաղադս այնորիկ ընդունի համար-
ձակու[թք վարձս բազումս, և զվայելու[թի անանց
բարու[թեց :

Եւ արդ մի՛ վասն սակաւ մի խոնարհու[թե կորու-
սանիցեմք զյաւիտենական փափկու[թիսն. զի բա-
զումք վասն յաւիտենական կենացն զանձինս և զին-
չքս արհամարհեցին, զտէրս ամուսնու[թե և զգու[թս
որդւոց իւրեանց. զանազան տանջանաց համբերեցին
և հրոյ մատնեցան, զի միայն զարբայու[թին նյ ըն-
կալցին : Իսկ քեզ ոչ հուր կայ առաջի և ոչ սուր, և
ոչ զանազան տանջանաց համբերել. այլ միայն խո-
նարհել եղբօրն տրտմելոյն, և աղաչանօք հաշտե-
ցուցանել, և զնոյն պսակս նահատակու[թե ընդունել :
Ընդէր ծանրացուցանես զսիրտ քո աղաչել զեղբայ-
րն. չէ ...¹ ուր դիմեալ, այլ ՚ի խոնարհու[թի իջա-

1 Յօրին. քերեալ է բառ մի :

նէլ, Դու նախ փութա անկիր աղաչանօք առաջի ընկերին, և առ զպսակն լուսոյ և պարծանաց նահատակութի, և զերկնից արքայութեն զանբաւ վայելչութիսն:

Արդ զայս ամենայն լսելով զտրտմութիսն ցածուսցուք, զբարկութի շիջուսցուք, զաղաղակ գադարեցուսցուք, զսէր սիրեցուք, զխոնարհութիւն ստասցուք, զհնազանդութի ընկալցուք, և ընդ հաշտել ընկերին յառաջ ընթասցուք. զի համարձակութի զերկնից բարութիսն ժառանգեցուք ՚ի Քս Յս ՚ի տէր մեր. որում փառք յաւիտեանս յաւիտենից:

[Faint, illegible text, likely bleed-through from the reverse side of the page.]

[Faint, illegible text at the bottom of the page, possibly a signature or additional notes.]

ՎԱՍՆ ՈՒԱՊԱՀԱՅ ԵՒ ՔՒՆԱՀԱՆԱՅ *

ՆՆԵՂ, անօրէնութիւն և սաստիկ չարութիւն տեսաւ մեզ զօրս պապական և զքրիստոնէական քան զամբարան մեզ անօրէնութիւնս. զի ամբարան և անօրէնութիւն երբեմն սաստիկացեալ բորբոքին՝ և երբեմն դադարեն : Իսկ չարայուշ քրիստոնէութիւն եթէ քան ինչ ընդդիմութեց յընկերէն ինչ լսիցէ՝ միշտ բորբոքի յանօրէն՝ ի խորամանկացն խորհուրդս : Եւ յամբարան ջանելի վառի բոցն նախանձու ի միտս նոցա, և հանապազ զսիրտն քրիստոնէի որս պապական կսկծեցուցանէ. և ի միտս իւրեանց հալին և մաշին և չարչարին. և ոմանց դոյնք իսկ երեսացն եղծանին ի չար խորհուրդոցն և ի նենկութենէ սրտին : Եւ չըջի ընդ մարդկան իժ խորամանկն, իբրև զթոյնս իժի բարձեալ կրէ զնենկութիւն սրտին. և հանապազ վանք և օթեկանք են սատանայի միտք նոցա. և զոր ինչ ասէ սատանայ լսէ նմա, և զոր ինչ կամի՝ վաղվաղակի կատարէ զկամս նորա. ի տեսս մարդ երևի, և բարիւք իբրև չարաժանի ինչ գազան : Նստի ի հրապարակս իբրև զմարդ, և խորամանկութիւն չար դիւին են ի խորհուրդս նորա : Մտանէ յեկեղեցին իբրև զբրիստոնեայ, և պեղծ են աղօթք նորա քան զպղծութիւն զոհից. քանզի ոչ ելանեն որս պապական աղօթքն առ ամբ, զի չարութիւն է ի սիրտս նոցա, և անօրէն նենկութիւն խորհին հանապազ :

Ի՞նչպէտ և ինչս բազումս յողորմութիւն ծախեաց այնպիսին, թէպէտ և հսկեսցէ և պահեսցէ, և զանձն սաստիկ ճգնութիւն ցամաքեցուցանիցէ, յամի ոչ ինչ օգտիցի՝ յորժամ որս ընդ ընկերին պահիցէ, և զչարիան ի սրտին թաղեալ ունիցի : Նստի հանապազ,

* Եփրեմի ընծայի և այս ճառ ի ճառքնորի ուրեք՝ մակագրեալ այսպէս. «Վասն որսակալաց և քրիստոնէական, յայտնելով զխորհուրդն

Եփրեմի, :

1 Եփրեմի : Բարբառի . . . Գործի . եզաւ ըստ այլ օրինակի :

և խորհի պատահարս չարեաց և դիպումն փորձուէց նախանձորդին : Ըղձանայ , շրջի մտախորհ յուռ մարեալ ¹ , և երկնէ իբրև ծննդական : Նիւթէ չար ընկերին . նմա խորհի և զսով , նմա խորհի և զսուր , նմա խորհի և զհէնս , նմա խորհի և զմահս և զամչարս և չարալուրս : Աքողին երեսք նորա 'ի տեսլութէ նորա , և առ դրամբք տան նորա չախորժէ անցանել : Եթէ 'ի ճանապարհի ուրեք դիպեացի , խնդրէ թողուլ զճանապարհն , և ոչ պատահէ նմա . և եթէ յեկեղեցւոջն տեսանիցէ , չկամի և յեկեղեցին մտնել . և եթէ 'ի հրապարակին դիպեացի , պատրուակին աչք նորա առ ոչ կարել հայել յերեսս նորա . այլ զգլուխն խոնարհեցուցանէ , և իբրև ընդ գետինն խօսի , և ըղձանայ չար ինչ խօսել զնախանձորդէն : Եւ եթէ չար որ զնմանէն խօսեացի , նա 'ի վեր հայեցեալ զարթնու և զուարթանայ , և լսէ ախորժելով , և աճեցուցանէ զչարախօսուի նորա , և բազում ինամով խօսի ընդ չարախօսս նորա : Եւ եթէ բան ինչ բարի զնախանձորդէն լսիցէ , տրտմի և տխրին երեսք նորա , և հալին և մաշին միտք նորա : Սիրելի է թշնամեաց նորա , և թշնամի է բարեկամաց նորա : Ատէ և զորդիս նորա , և չարախօսէ զնմանեաց նորա . և ոչ միայն զխօսուենս , այլ և զանասունս նորա ատէ , և զանդատանս նորա չարակնէ , ըղձանալով ցասմունս , երաշտութիս վասն նորա : Զայս և առաւել ևս քան զնոյնս խորհի չարայուչն և ռիսապահն 'ի սրտի իւրում . և յերեսս մարդկան ոչ երևեցուցանէ զթշնամութիւն : Եւ արդ ոչ է պարտ զայնպիսի սատանայամիտսն մարդ անուանել , այլ օձս և իժս , և եթէ ևս քան զնոսս դազանագոյնս ինչ կայցէ . զի նա է չար դազան քան զօձից և զիժից բնուիս . քանզի իժից և օձից բնութիւն է դաժանուի . իսկ ռիսապահն ինքնակամ կամօք ընկալաւ զչար խորհուրդս սատանայի . որ ընդ նմին ժառանգելոց է զհուրն անշէջ և զխաւարն աղջամղջին :

Մ.Ս. և զարմանամ ևս ընդ ներողութիւնն այ՛ որ առ ժամայն իսկ ոչ առաքէ զփայլտակունս յերկնից 'ի

¹ Այլ օրինակ սա-մա-ն-ալ :

վերայ այնպիսի մտլեզնեւոյ ամբարշտութեց . զի առաւել ևս քան զաւղակացն և զսպանողացն զանցոյց զանօրէնութիս իւրոյ չարութեն . զի նորա երբեմն սպանանեն , և երբեմն դադարեն . իսկ ռիսպահանջն չարայուչ ոչ երբեք դադարէ 'ի սպանութենէ : նա և 'ի զբօսանս իւր մարդասպան է , զի զոխս ընկերին 'ի սրաին ունի . նա և յանկողինս իւր մարդասպան է , յորժամ զօխս ընկերին յիշէ . նա և 'ի տան մարդասպան է , նա և յեկեղեցւոջ մարդասպան է , և 'ի հրապարակս մարդասպան է . այլ և 'ի ճանապարհի , 'ի տուէ և 'ի գիշերի և յամժամու մարդասպան է , զի զօխս նախանձուն հանապազ 'ի սրտի իւրում կրէ : Եւ ապա անօրէն ամբարշտութիք ռիսպահանջն աճեցուցեալ 'ի քինահանութիս յօժարեցուցանէ սատանայ՝ առնուլ վրէժս 'ի զրկողէն . թէպէտ և փոքր են զրկանք նորա , այլ սատանայ 'ի մեծօ յօժարեցուցանէ զնա , մինչև հարուածս այդեաց և անդաստանաց տայ գործել . և 'ի զօրանալ ամբարշտութեց սատանայի , առաւել ևս յանօրէնութիս յանդգնեցուցանէ զնա , մինչև տանց և բերդից՝ փնասել հրդեհիք :

Մտք որպիսի անդունդք դեհենի սպառնայցեն այնպիսի անօրինեւոյ . որպիսի հուր և աղջամղջին խաւար . որք այնչափ ամբարշտեցան՝ մինչև զտունս բրնակութե մարդկան հրդեհել , և դողալ և սարսել 'ի ձեռաց մահուցն . այլ և զծերս և զաղայս առհասարակ սատակել անողորմ և անակնածելի : Եւ արդ ո՞ր անօրէնութիք քան զայս ամբարշտադոյն իցէ , և կամ ո՞ր մեղք չարաչարք քան զայս չարադոյն կայցէ , և կամ ո՞ր չարիս քան զայս չարագոյն ոք կարծիցէ , և կամ ո՞վ 'ի մարդկանէ իցէ՝ որ այսչափ յանօրէնութիս կործանեցաւ , և յահեղ ամբարշտութիս : Ո՞չար և անօրէն սատանայ՝ որ յայսչափ խորխորատս ընկղմես զմարդիկ , մինչև այսպիսի ահեղ անօրէնութիս գործել , և հեղուլ արիւնս բազումս . և այսչափ յիմարութիւնս մոլորեցուցանել զփրտս մարդկան , մինչև միանգամայն զամ ստացուածան ապականել , զտունս հրդեհել , և զընակիչն առհասարակ չարա-

չար անողորմ և աններելի մահու սրով սպանանել : Այս և անօրէն հեթանոսացն հիանալի է : Զայս և ոչ 'ի կռապաշտիցն և 'ի բարբարոսացն որ գործէ . այսպիսի մահս բազումս և փնասս մարդկան միանգամայն ով գործիցէ , որպէս գործի յանօրէն քինահանացն մնլորութի : Թէպէտ և ապրեսցին 'ի հրոյն 'ի մահուանէն բնակիչք նորա , սակայն նա մտօք և գործովք զամենեցուն զսպանութիւն կատարեաց , և զարիւնս նոցա եհեղ . և տալոց է համարս և պատիժս տանջանաց ընդ ամենեցուն սպանութեցն :

Արդ զի՞նչ գործես , ով թշուառական և անօրէն անձն , որ յայսպիսի խորս ամբարշտութե կործանեցար . եղեր գործակից սատանայի , և քան զքես մնլորեցար , և փնասս անօրէնս գործեցեր , և բազմաց արեանց եղեր պարտական : Զի եթէ Վայէն վասն միոյ սպանութե յայնչափ պատիժս տանջանաց դատապարտեցաւ , իսկ որչափ առաւել հնոցք և հրեղէն գետոցն հոսանք քեզ սպասեսցեն : Քանզի առաւել ճշդիւ պահանջէ անձ 'ի ձեռաց առն զարիւն ընկերի իւրոյ , և մանաւանդ զայնպիսի սպանութեց' որ փոխանակ կսկծելի և տգեղ ինչ բանից և կամ վասն սակաւ ինչ պարտուց' քինահանութե որ փնասս մեծամեծս և ահեղ արիւնս հեղու : Եւ արդ ա՞ծ ըզմտաւ , ով թշուառականդ , զյիմարութի անօրէնութեք քո . և 'ի մնավաստակ անօրէնութե քո ահա այրեցան համբարքն , և հրդեհեցան տունքն , մեռան բնակիչքն , կորեան ինչքն , և ան ստացուածքն ապականեցան :

Աւ արդ զի՞նչ շահեցար զսատանայական անօրէնութիւս կատարելով . բայց միայն զտուգան ողւոյ , և զերկիւղ գեհեհեհին ստացար , հուր և խաւար և տանջանս յաւիտենականս : Զնոսա շիջանելի հրովս չարարեցեր , և քեզ պահին անշէջ հնոցք բորբոքեալ , ուր հուրն խաւարային 'ի ներքոյ վառեսցի , և գետք հրեղէն 'ի վերայ հոսեսցեն նոցա : Առժամայն մի ցաւեցուցեր , և զքեզ ահեղ ախտիցն կսկիծք և դաժանութի որդանցն թիւնաւորաց միշտ հանապաղ անհնարին ցաւօք կսկծեցուցանեն , ուր լալ աչաց է անդադար , և կրճել ատամանց անհանգիստ , և ամենև .

ին ներումն ինչ անհնարին վարանացն ոչ գտանէս .
 փոխանակ զի ընդ սահաւ ինչ զրկանաց մեծամեծս
 գործեցեր : Զի եթէ զրկեցար ինչ 'ի նմանէ , և ցա-
 ւեցոյց զքեզ , քեզ պարտ էր անսալ վրէժխնդիր իշ-
 խանին , և դատաստանի մեծին ւնյ , և ոչ անձամբ
 ինչ պահանջել քինահանութի . զի ծառայ որ զլծա-
 կիցն իւր ' նեղիցէ , և նա ժուժկալեալ համբերիցէ
 վասն ահի տեառն իւրոյ , տէրն դատի զդատաստան
 նորա : Ապա եթէ վրէժխնդրութե և դատաստանի
 տեառն ոչ անսայցէ , այլ ինքն իւրովի առնուցու վրէժ
 'ի ծառայակցէն իւրմէ , զարթուցանէ զարամտութի
 տեառն իւրոյ , զոր և դատաւորք աշխարհիս ճշդիւ
 պահանջէն : Եթէ որ 'ի զրկելոցն ոչ անսայցէ վրէժ-
 խնդրութե դատաւորին , այլ արհամարհեալ զպատիւ
 իշխանուէ նորա՝ իւրովին խկ վրէժ 'ի զրկողէն առ-
 նուցու , տես թէ քանի բարկութի ածէ 'ի վերայ նո-
 րա դատաւորն . սոյն և առ դատաստանն ւնյ :

Եթէ որ զրկիցի 'ի զօրաւորէն ² , և համբերիցէ եւ
 կիւղիւ ւնյ , և վրէժ զրկանաց ոչ խնդրիցէ 'ի զրկո-
 ղէն , նորա տէր է վրէժխնդիր , և հատուցանէ նեղ-
 չացն նորա նեղութի , և չարարողաց նորա չարիս , և
 պահանջէ 'ի զրկողէն զվրէժ նորա հրով գեհնին և
 զանազան տանջանօք : Եւ նա որ վասն երկիւղին ւնյ
 զրկանացն համբերէ , ընդունի զկատարեալ համբե-
 րողացն զպսակս , և զյաւիտենական զբարութս սրբոց
 և արգարոց : Իսկ որ ոչ թողու յսծ զվրէժխնդրութի
 զրկողին , և ոչ անսայցէ մնալ դատաստանի նորա ,
 այլ յափշտակէ զիշխանութի վրէժխնդրութե ւնյ , և
 զքէն զրկանաց իւրոց ինքն պահանջէ , զարթուցանէ
 'ի վերայ անձին իւրոյ զսաստիկ օրամտութի ահեղ
 բարկութեն ւնյ՝ չարչարել և տանջել վնա անողորմ
 և աններելի տանջանօք հրով գեհնին և աննշոյլ
 խաւարաւն , ուր բազում ողբովք և դառն տանջանօք
 կոծեսցի և լացցէ զահեղ աղէտիցն զնեղութիս , և
 ամենեւին ոչ ինչ օգտիցի . փոխանակ զի դատաստանին
 վրէժխնդրութեն ւնյ ոչ հաւանեցաւ , այլ արհամար-
 հեաց զպատիւ դատաւորութե ւնյ , և զդատաստանն

այ ինքն դատեցաւ՝ քինահանուածք վնասելով զըկողն իւր։ Եւ որպէս դատեցաւ զըկողն, առաւել ևս բազմապատիկ տանջանօք դատելոց է յայ. զի զըկողն ընդ սակաւ ինչ զըկանաց է դատելոց. իսկ քինահանն ընդ անթիւ ինչ կորստեան, և ընդ բոլոր ստացուածոցն ապականուածէ, և ընդ բազում արեան հեղման է դատելոց աններելի տանջանօք։ Զի թէպէտ և ինչք և տուն և բնակիչքն ապրեցան՝ ի հրոյն ապականուածէ, սակայն նա զանօրէնուածի անձին իւրոյ կատարեաց. և զոր ինչ կորուսանելն կամեցաւ, ընդ ամի է սարտապան պատժոց պատուհասից և անհնարին տանջանաց։

Եւ որ մի որ յանդգնեսցի յահեղ անօրէնուածիս քինահանուածեան, և մի զանձին վրէժս պահանջիցէ, այլ անսալ դատաւորին այ. զի «Իմ են վրէժինդրուածիք, և ես հատուցից՝ ասէ տէր»։ Բայց դու մի չար փոխանակ չարի հատուցես. այլ թէ քաղցեալ իցէ թնամին քո, հաց տուր նմա. և եթէ ծարաւի է, ջուր. և զչարեայն զհատուցումն ես հատուցից՝ ասէ տէր։ Եւ արդ որովհետեւ տէր է վրէժինդիր և հատուցանող զըկողացն և զըկելոցն, ոչ որ պարտի զվրէժ անձինն ինդրել, և ոչ զքէն զըկողին պահանջել. զի այս անօրէնուածի առաւել ևս զանցուցանէ զհեծանոսական ամբարշտուածքք, յորմէ ամենայն զգուշուածք հեռասցուք, զի մի՛ ի խորխորատ կորստեանն ընդ սատանայի իջեալ այրեսցուք, և անլոյծ կապանօք կապեսցուք, և անհրաժեշտ տանջեսցուք յաննայլ խաւարին։ Այլ փախիցուք յորողայծից սատանայի. անարգեսցուք զհրամանս նորա. մերժեսցուք ի չարայունն յոսակալուածենէ, և փարատեսցուք զկսկիծ սրտից՝ զոր սատանայ ի մեզ իբրև զհուր լուցանէ, և իբրև զբոց ի վեր բորբոքի՝ կատարել զքինահանուածի անօրէնուածէ. Զայս արհամարհեսցուք, և ընդ զըկողին խաղաղուածի արարէք. զթնամիսն սիրեսցուք, զատելիսն օրհնեսցուք, չարարարին բարի արասցուք, և զամինչ ըստ հաճոյիցն այ արասցուք. զի եղիցուք կատարեալք որդիք Հօրն երկնաւորի, և ժառանգեսցուք զանանց բարուէցն վայելուինն ի Բնօն ի տէր մեր. որում փառք յաւիտեանս. ամէն։

ՎԱՍՆ ՍԱԿԱՒ ԳՈՂՈՒԹԵԱՆ
ՈՐ ՈՉ ԱՊԱՀԽԱՐԵՆ *

ՅԱՆՎԱՐԾԱԿՒ՝ գողանայ և աներևոյթ յաիրը տակէ զմիտս բազմաց սատանայ, և ² մոռացուցանէ զպատուիրանս ւնյ. և իբրև բմբունէ զւնմ խորհուրդս նորա և զգայարանս նորա, և ³ պատրուակէ ՚ի ճշմարտուէ զմիտս նորա. և սերմանէ զորոմն անօրէնուէ ՚ի խորհուրդս նոցա, և զոր ինչ մեղանէն ՚ի պատուիրանս ւնյ՝ փոքր կարծեցուցանէ ՚ի սիրտս նոցա: Լուաք ՚ի պատուիրանաց ւնյ՝ եթէ յովտ մի ⁴, որ է գրակէս, ոչ կորիցէ յւնմ պատուիրանաց ւնյ և ՚ի մարդարէից. և ընդ գատարկ բանից և անպատեհ խորհրդոց և ընդ մտածութե եմք գատելոց: Իսկ՝ զինչ արասցեն որ ընդդէմ պատուիրանացն ւնյ գործեցեն և սակաւիկ ինչ կարծիցեն, մինչև յայտնի գողունիս և փոքր և սակաւ համարեցեն. և առ ոչ ինչ կարծելով զսոսկալին՝ անապաշաւ թողուցուն, և ոչ բեկեալ սրտիւ և ցաւագին անձամբ խստաովանեսցեն, և ⁵ բազում պաղատանօք ապաշխարիցեն. այլ չարին խորհրդովք յւնմ ինչ անխտիր մերձենան և ոչ ինչ համարին, և ասեն՝ եթէ փոքր ինչ գողունիս առտնին և կամ արտաքուստ ոչ խնդրէ և կամ գատի ւնմ: Ամբարիշտ և սատանայական է այս բարբառ, և լի բազում անօրէնութիւն: Եւ եթէ ողորմածն ընդ ուղիղ կամացն միայն զարքայութիւն ընդունի, և ընդ բաժակի միոյ ջրոյ վարձս բազումս, զիամրդ զյայտնի մեղս անհամար թողուցու:

* Ի միում օրինակի յանուն Եփրեմի մակագրի ճառս. և յայլում՝ առանց անուան մատենագրի:
 1 Մի օրին. Անխտիմ յովտսն. և աներևութե գողանայ:

2 Յօրին. լիս և... ւնյ. եղաւ ըստ այլ օրինակաց:
 3 Այլք արտ:
 4 Մի օր. Երեւել Բ, որ է գրակէս Բ:
 5 Յօր. չեք և... արտաշխարհիցեն. եղաւ ըստ այլոց:

Ըրդ մի այդպիսի կարծեցուցանիցէ՛ զբեզ սատա նայ . այլ և եթէ միով դանկիւ չափիցին յանցանքն՝ հատեր և կոխեցեր զհրամանսն նյ, և զամենայն պատուիրանս նորա արհամարհեցեր . զի որ միով ինչ պատուիրանացն նյ զթիցէ, եղև նմ օրինայն պարտապան : Զի ոչ եթէ չափք ընչիցն չարացուցանեն զվերս մեղացն, այլ հրամանահատու թին՝ կորուսանէ զպատուիրանազանցսն : Զի որ զհրովարտակս որ արբունի պատուէ, ոչ միայն զքարտն փոխանակ քարտին պահանջէն՝ ի նմանէ, զի զայն և սակաւ ինչ լուծայիւք մարթ էր վճարել, և կամ ըստ չափոյ քարտին պատժել, այլ ընդ արհամարհելոյ զհրամանս թապաւորին են տանջանք զանազանք և մահք դառինք : Սոյնպէս և Ադամայ ոչ եթէ մեծ էին գողանքն, այլ հատու միոյ ինչ մրգոյ : Եւ արդ տես զբազում հոյլս պատուհասիցն, զանիծիցն և զմահուցն, ոչ միայն ՚ի վերայ Ադամայ, այլ և ամենայն ծննդոց Ադամայ . զի ոչ եթէ գողուն մրգոյն եղև պարտապան, այլ հրամանացն արաչին և բանի բերանոյ նորա . զի որ ասացն՝ եթէ մի սպառնաներ, նոյն ասաց՝ եթէ մի գողանայցես : Եւ ոչ եթէ փոքու և մեծի մեղաց ինչիր իցէ, այլ պատուիրանազանցութեան և հրամանահատու թե . զոր և ինքն իսկ ասէ, եթէ և յետի նազարակիտն ինդրեսցի . և եթէ լուծցի մի ինչ ՚ի պատուիրանացն նյ՝ փոքր կոչեսցի յարքայութե : Զի զոր ինչ և է ՚ի վերս մեղաց, և փոքր համարեսցի և ոչ ասպաշխարեսցէ, այն են մեղք մահուչափ :

Տես զի փոքրիկ է հատ մանանխոյ, և ապա աճէ և ծառանայ . սակաւ է և խմոր, և զնմ զանկուածն իւր նմանեցուցանէ . նուազ է և փայլակն կայծակի, այլ ՚ի նիւթ ինչ մտեալ՝ զբազում վայրս հրդեհէ . նեղ և նուրբ է և խայթոց օձի և սուղ ինչ վերք նորա, այլ դաժանութիւն թիւնից նորա դառնատեսիլ մահ գործէ . աներեւոյթ է և հարուած կարճի, այլ սաստիկ ընդ նմ մարմինն կսկիծ արկանէ

1 Եօր. կարծրացոյցանիցէ . եղաւ հարսնի :
 ըստ այլոց : 3 Եօրին . գունանէ . եղաւ ըստ
 2 Մի օրին . հրամանացն սաստիկ . այլոց :

մինչև 'ի սիրտն : Ո՛րչափ ևս առաւել Տրաման բանի բերանոյ ւնյ դառնամահ տանջանօք տանջէ զարհամարհչիս իւր : Ահա փոքր համարեցաւ Քամ զանպատկառութիսն 'ի հօրէն , և եղև յանէծս և 'ի ծառայուի ւմ զաւակօք իւրովք : Փոքր համարեցան և որդիքն Ահարոնի զեղծաւորութի սպասաւորութի իւրեանց , և հօւր օտար եկեր զնոսա : Փոքր համարեցաւ Այլէն զանընտիրսն մատուցանել պատարագ , և խոտել անարգել ել յերեսացն ւնյ : Փոքր համարեցաւ և մարգարէն զՏրաման հացին չուտելոյ , և առիւծ 'ի ճանապարհին եբեկ զնա : Եւ ւմ որ փոքր համարեցաւ զՏրամանս պատուիրանացն ւնյ , պատիժս մեծամեծս ընկալաւ , ոչ միայն յաւիտենական տանջանօքն , այլ յանցաւորս և յառժամանակեայս ևս՝ պատժի : Զի որպէս յողորմութիւն երկու լուամայիւք զբոլոր ողորմութիւն զվարձս ընկալաւ , սոյնպէս և 'ի պատուիրանազանցութիւն թէ և հաւասար ոք երկու լուամայիւ մեղիցէ և ոչ ապաշխարիցէ , զբովանդակ պատիժս և զտանջանս պատուիրանազանցութիւն ընդունի : Զի որ զբժուար երկաթոյ գողանալ մտաբերէ , նա թէ և ոսկոյ պատահէր՝ ոչ ակն ածէր . քան զի ինքն իսկ Յս ասէ . « Որ 'ի սակաւուն անիրաւ է և 'ի բազմին անիրաւ է . որ 'ի սակաւուն հաւատարիմ է , նա և բազմին հաւատարիմ է » : Զի թէպէտ և թուին ոմանց սպանութիք մեծամեծք և փոքունք , այլ մի է Տրամանն ւնյ՝ եթէ մի գողանար , մի շնար , և մի սպանաներ , Ահա մի է Տրամանատուութի սակաւուն և մեծին : Զի որ սպանանէ զթագաւոր ոք , նոյն սպանութի է և որ զաղքառն սպանանէ , և նոյն սպանութի ծերոյն և տղայոյն . և որ շնայ ընդ թագուհւոյն , նոյն շնութի է և որ ընդ աղքատին . սոյնպէս և որ գողանայ ոք ոսկի , նոյն գողութի է և պատուիրանահատուութի և որ զկապարն գողանայ :

Վաւաւել ևս մեղադրելի է՝ որ վասն ոչնչին զՏրամանն ւնյ արհամարհեաց . զի որ վասն բազում ոսկոյ զք սպանանէ , թերևս ասէ ոք՝ թէ յոսկոյն իարեցաւ . իսկ որ միոյ լուամայի զք սպանանէ , ա-

ուսել է ևս տանջանս ընդունի: Սոյնպէս է և որ սակաւութիւն զպատուիրանս ւնայ արհամարհէ. եղկելի է և թշուառական և արժանի բազում տանջանաց: Եւ ևս առաւել չարագոյն է՝ որ ընդանոյն և ջերմին մեղանայ. և չար է սպանութիւն զոր անձին որ առնէ քան օտարին. զի այնչափ բորբոքեցաւ ախտ ընչասիրութե՛ մինչև առ ընդանին և մերձաւորին ետ մեղանչել: Եւ արդ մի՛ որ ասիցէ՛ եթէ յընդանեաց անտի հատանեմ, և այս ոչ ինչ փնասէ. այլ գողութի՛ է, և առաւել ևս մեղանչական է քան եթէ յօտարացն գողանայցեն. քանզի ընդանեաց և սիրելեաց մեղանչեն, որպէս վերագոյն ասացի՛ եթէ չար է անձնամահութի՛ քան զօտարսպանութի՛:

Այլ արդ զայսպիսի մտախաբ կեղծաւորութի՛ ՚ի բաց արասցուք, և բազում զգուշութի՛ զպատուիրանս ւնայ պահեսցուք. զի ոչ եթէ յակամայ կամաց բըննադատէ զմեղ ւնձ գործել զբարին, այլ թողու յանձն իշխանութիւն կամաց մերոց: Եւ եթէ ոչ երկիւղիւ պահիցեմք զհրամանս նորա, պահէ զամ յանցանս մեր ՚ի մեծ օր ահեղ՝ դատաստանին և սոսկալի բեմբին յանդիմանութե՛ յորժամ աթոռ դատաստանին դնի, և հին աւուրց նստի, և գետք հրեղէնք յորդեալ ելանեն, հնոցք բորբոքեալք, և տարտարոսք խաւարայինք, լալումն աչաց, և կրճառումն ատամանց, և սուգ անմխիթար մեղաւորաց՝: Արդ զայս ամ ըզմտաւ ածելով՝ զընդվայրաբանութիս՝ մեր դադարեցուցուք, և զծուլութիս մեր ՚ի փայթ դարձուցուք. հրամանաց նորա զգուշացուք, և զոգիս մեր մարբեսցուք. սրբութի՛ զաւուրս մեր անցուցուք, և անմեղութի՛ զվախճանն կատարեսցուք. զփափազելի դրախտն ժառանգեսցուք, և յանմահ բարինս վայելեսցուք ՚ի Քս Յս ՚իտէր մեր. որում փառք և պատիւ յաւիտեանս յաւիտենից. ամէն:

1 Այլք զմեղութիւնս ասանայան կամ ունին:

2 Սի օր. զընդվայրաբանաց բնութիւնս մեր:

ՎԿԱՆ ՉԱՐ ՍՈՎՈՐՈՒԹԵԱՆ ԵՐԿՄԱՆ *

ՅՈՅԺ չար են սովորութիւք չարին անմ ուրեք. այլ առաւել ևս չար ախտ և՛ սովորութիւք անօրէնութեց են երդմունք. և այնչափ յիմարեցուցանէ՛ ՚ի սովորութի ախտին՝ մինչև յընդելական սովորութիւն և չարիքն չարիք իսկ ոչ երեւին : Որպէս և այժմ զբազումս տեսանեմք զոր սովորեցոյց սատանայ յերդմունս անօրէնս . և ՚ի սիրտս իւր ոք ոչ երկնչի՝ եթէ մեղս ինչ անօրէնս գործեսցէ : Թէպէտ և ասաց ՚ի հնումն՝ եթէ ՚ի տէր անձ քո երդնուցուս, ոչ եթէ հրամանս ինչ երդման հաստատեաց, այլ զտղայական միտս նոցա յանուանցն ՚ի կռոցն երդմանէն հեռացուցանել կամեցաւ : Քանզի ոչ եթէ անդէն և անդ զանմ կատարելութիւնս կարէին ընդունել, այլ ընդելացուցանէր որպէս յովանակս տրմուղս : Եթէ ասացեալ էք թէ ամենեկին մի երդնուր, թերևս և չերդնուին իսկ . այլ եթէ երդնուցուս, ՚ի տէր անձ քո երդնուցուս : Իսկ ՚ի նորումս Քն զանմ հրամանս կատարելութեն պատուիրեաց, և ամենեկին ՚ի բաց եբարձ զերդումս սատանայականս : «Եւ ասէ Մովսէս՝ թէ ամենեկին մի երդնուցուս սուտ . այլ ես ասեմ . ամենեկին մի երդնուցուս, մի յերկինս՝ զի աթոռ է այ, մի յերկիր՝ զի պատուանդան է ոտից նորա, և մի յերթսաղէմ՝ զի քաղաք է արքայի մեծի, և մի ՚ի զլուխքո երդնուցուս՝ զի ոչ կարես մազ մի սպիտակ առնել, կամ թուխ » :

Եւ արդ տես զառաւելութի նորոյ պատուիրանիս : Մովսէս ասաց թէ սուտ մի երդնուցուս. այլ ես ասեմ, ամենեկին մի երդնուլ, մի սուտ, և մի արդար . զի երդումն արդար երբէք ոչ է, այլ ՚ի սատանայէ է. զի ինքն Քն ասաց, եթէ որ քան զայոյն և քան զուն աւելի է՝

* Եփրեմի բնծայի և այս ճառ . 1 Յորինակին է :
 ՚ի ճառընթրի ուրեք :

ի սատանայէ է: Եւ արդ եթէ յաթուոնն նոյն չհրամայէ երդնուլ, իսկ քանի՛ գեհէնի և ասէզ հոյ մատնիցին որք յաժ երդնուցուն. և եթէ ՚ի պատուանդանն չհրամայէ երդնուլ, իսկ յոր խաւար երթիցէ՝ որ ՚ի խաչն երդնուցու և ՚ի չարչարանս նորա . և եթէ ՚ի գլուխն չհրամայէ երդնուլ, յայտ է՝ թէ ոչ ես իշխանն ՚ի վերայ գլխոյ քո, այլ այն՝ որ սպիտակացուցանէ. և եթէ գլխոյդ ոչ ես իշխանն, որչափ և ս առաւել ընկերին: Իսկ որպիսի՞ տանջանօք դատապարտեսցին որք ՚ի մարգարէս և յառաքեալն և ՚ի մարտիրոսս երդնուցուն. և եթէ յերուսողէմ՝ չհրամայէ երդնուլ, յայտ է՝ եթէ և ոչ ՚ի նք բնակիչս նորա. և եթէ յերկինս չհրամայէ երդնուլ, յայտ է՝ եթէ և ոչ յերկնաւորն: Արդ ո՞ր է արդար երդնուլ, յորժամ ասիցէ՝ եթէ ամենեւին մի երդնուլ, մի յաժ, մի յերկինս, մի յերկիր, և մի որ ինչ ՚ի նս է. ամենեւին արդեւ և եբարձ զսովորութի սատանայական երդմանց: Իսկ զինչ. եղիցի ձեր բանն այոյն այոյն, և ոչն ոչ. և որ քան զայն աւելին է երդումն, այն ՚ի սատանայէ է: Արդ ո՞ր է արդար երդնուլն, յորժամ ասացն՝ եթէ որ քան զայոյն և զոչն աւելի որ ասիցէ՝ ՚ի չարէն է:

Եւ արդ որ զերդումն որ արդար ասիցէ, յայտ է եթէ զսատանայ արդարացուցանէ: Քո զերդումնս նամ՝ ծնունդ սատանայի ասաց. բայց միայն զայս երդումն՝ որ հրամայեացն զայոյն և զոչն. զոր և իւր իսկ ՚ի կիր արկեալ երդուաւ Աբրահամու, և ասէ. «Այո օրհնելով օրհնեցից զքեզ» Եւ այլուր ասէ. արդարեւ ասեմ ձեզ. և ՚ի միւսումն ասէ. ամէն ամէն ասեմ ձեզ: Այս է երդումն զոր հրամայեաց մեզ, և այսպիսի երդմամբք հաստատին, և վստահանային ամենայն հաւատացեալք: Իսկ չարք և հակառակողքն ՚ի սատանայական երդմանցն առնուն զվճիռ հաստատութեան, որպէս և Պաւղոս ասէ՝ եթէ նամ հակառակողացն հաստատութե վճիռ երդումնն է. հակառակողաց և ոչ քրիստոնէից հաւատացելոց: Իսկ հաւատացելոցն՝ այոյն այո է հաստատուն, և ոչն ոչ. և նոյն պաշտօնեայն որ քան զայոյն և զոչն աւելի երդնուցու, թէ և քրիստոնէայ անուանի վասն մկրը

տուժեն, այլ ոչ հաւատացեալ, բայց հակառակող : Որպէս քրիստոնեայք են և գողք, քրիստոնեայք են և պոռնիկք . նոյն քրիստոնեայք են և հակառակողք, երգմնահարք և երգմնակերք : Իսկ հաւատացելոց այս պատուիրանապահուածի է որ վասն երգմանս է . զոր և առաքեալն Յակոբոս եղբայր նոն յայսմանէ զգուշացուցանէ ասելով . «Յառաջ քան զսմ ինչ մի երգնուցուք, մի յերկինս, և մի յերկիր, և մի յայլ ինչ երգումն»,¹ Եւ վասն այսորիկ ասաց, եթէ յառաջ քան զսմ, զի՝ երգումն է անօրէնուածի առաւել քան զսմ ամբարշտուածիս մեղաց :

Ըհա մեղս և անօրէնուածիս գործեցին որդիքն Խորայէլի ոմանք չարաչար սպանուածիս և պոռնկուածիս, իսկ ոմանք զհայր և զմայր սպանին . ոմանք ըզկանայս ընկերաց յափշտակեցին . ոմանք զուստերս և զգտտերս իւրեանց զոհեցին դիւաց . ոմանք թողին զսմ, և կռոց երկիր պագին . և այսու ամիւ ոչ զարթեալ սրտմտուին այ՝ ՚ի վերայ նոցա՝ որպէս յորժամ երգուանն և ստեցին . քանզի որթ կտրեցին ՚ի տաճարին, և անցին ընդ մէջ քահանայքն և թագաւորն Սեղեկիա, և երգուան արքային բարեւուցուց, եթէ ոչ ապստամբեմք և ապստամբեցին : Եւ ասէ ամ՝ թէ Սեղեկիա որ երգմանն իմումստեաց, ասէ՝ ահա ես հանից ընդ կառափն նորա : Ապա յարոյց ամ զարքայն բարեւուցուց ՚ի վերայ Երուսաղէմի, և եկին պատեցան զօրքն զնովաւ քաղղէացուց, զքաղաքն հիմն ՚ի վեր արարին, զտաճարն աւարեցին, զչաւ թագաւորին խաւարեցուցին, զորդիս նորա փողոտեցին, ըզմեծամեծս նորա սրով սատակեցին, և զժողովուրդն ՚ի գերուածի վարեցին : Այս են երգման անօրէնուածիք առաւել քան զսմ ամբարշտուածիս . որպէս և գրեալ է՝ թէ՝ «Արդարացաւ ապստամբուածին Խորայէլի առ ուխտազանցուածքն Յուդայ» : Ապստամբուածիւնն Խորայէլի կռապաշտուածիւնն էր, և ուխտազանցուածիւնն Յուդայ՝ երգումն Սեղեկիայ . և վասն առաւել երգմանն Յուդայ կռապաշտուածիւնն Խորայէլի որպէս թէ արդարուի համարէր : Զի որ-

¹ Յօրին. չիք շէ . եղաւ ըստ նորագիր օրինակին :

պէս որ սակաւ ինչ ցաւ ունիցի, և ապա յետոյ սաստիկ կսկիծք ինչ 'ի վերայ հասանիցեն, առ աղէտս վերջին ցաւոցն զառաջինն որպէս առողջութիւն համարիցին, նոյնպէս և առաւել մեղացն և չարութիւն երդմանն այլ անօրէնութիւնք որպէս եթէ արդարութի համարէին:

Այլ արդ 'ի չար սովորութիւն ախտիս այսորիկ ամենեւին իսկ մեղս չարաչարս և անօրէնութիւնս որ ոչ համարի. այլ իբրև զհուր վառեալ 'ի բերանն զերդման սովորութիւն այրեն հանապազ և ոչ սգան. այլ և 'ի հրապարակս երդնուն հանապազ, Եւ յորժամ յեկեղեցին երթան մտանել 'ի ներքս 'ի յերդնուլ զարթնու իմն և խորհի. ընդէր. զի յերդումն երթամ, ասէ. և որ արտաքոյն երդուաւ, բազում անգամ զայն ոչ իմանայ, և ոչ համարի ինչ առ ընդելական սովորութիւն: Մի թէ 'ի ներքս բաւանդակեալ է անձ, և արտաքոյ ոչ. այլ նա արտաքոյ է և ներքոյ. և անձ որ մեղս և անօրէնութիւն առնէ, եթէ արտաքոյ գործէ, և եթէ 'ի ներքս՝ առաջի անձ է: Եւ դու ըզհրապարակին երդումն մի փոքր ինչ և ընդվայր համարիր: Ի միտ առ զոր ասեմս. անձ սպանութիւնք եթէ արտաքոյ է, եթէ ընդվայր ինչ, սպանութիւն գործեցաւ. և անձ գողութիւնք եթէ արտաքոյ և եթէ 'ի ներքս, և եթէ ընդ խաղ ինչ և եթէ ընդվայր, գողութիւն գործեցաւ. և անձ պոռնկութիւնք եթէ արտաքոյ և եթէ 'ի ներքս, և եթէ զինչ օրինակաւ է, պոռնկութիւն գործեցաւ: Սոյնպէս և երդմունք անձ եթէ արտաքոյ երդնուն և եթէ 'ի ներքոյ, և կամ ընդ խաղ ինչ ընդվայր, և եթէ զինչ օրինակաւ և իցէ, չարութիւն երդմանն կատարի: Մի զայս փոքր կարծեցուցաներ. եթէ աստ երդուար՝ և անդ, եթէ աստ ստեցեր անձ՝ և անդ, եթէ աստ ուրացար՝ և անդ. և անձ ուրեք երդուար՝ առաջի անձ երդուար, առաջի անձ ստեցեր, առաջի անձ ուրացար:

Արդ զինչ արասցուք զահեղ ամբարշտութիս ախտիս այսորիկ. զի իբրև զհուր հոսեցաւ ընդ անձ երկիր, և լցան բերանք անձ բոցով անօրէնութիւն ախտիս այսորիկ:

1 Յօրին. պակասեր ընդ. եղաւ ըստ այլ ակղեաց:

տին : Որք 'ի հրապարակս և երգմունք 'ի բերանս . մանկունք 'ի զբօսանս և երգմունք 'ի բերանս . վաճառականք վաճառեն և երգնուն . թնամանողքն թնամանեն և երգնուն . դատախազողն դատախազէ և երգնու . և ամացուն քան զխօսս բերանոյն սատանայական երգումն յառաջէ . և ամ ցոփողեացն և աղալեզուացն՝ չև խօսք 'ի սրտին՝ երգումն 'ի լեզուն կայ պատրաստ : Եւ արդ ո՞ զայսպիսիս մարդանուանեսցէ . չէ և չէ իսկ ասել մարդ , այլ օձ չար և չարին սատանայի սպասաւոր : Պիղծ է բերան այնպիսոյն , և հուր ժանդահօտ ցոլացեալ ելանէ 'ի բերանոյ նորա հանապազ : Ընդէր հանապազ առաջի անհայհոյես , երգնուս և ուրանաս : Ընդէր հուր առեր 'ի բերան անդ այրել զքեզ հանապազ : Ընդէր սուր սրեալ 'ի լեզուիդ ունիս՝ անդադար զքեզ խոցոտել . ոչ գիտես՝ եթէ երգումն տէգք սրեալ են սատանայի , և հանապազ որչափ երգնուս՝ ցցին 'ի սրտիդ քում : Երգումն կապանք սատանայի՝ կապէ զմարդիկ , և լուծումն ոչ գոյ : Երգումն խեղդ անձին՝ որով խեղդէ զմարդիկ 'ի ժամ մահուն , և առեալ տանի 'ի դժոխս :

Աւարդ եղբարք , երկիցուք յերգմանէ քան յամ մեղաց և քան յամ անօրէնութի . զի քան զամ մեղս հեռացուցանէ յայ , Վասն զի գիտաց անիծեալ թնամին՝ թէ 'ի ժամ մկրտութեն երգմամբ հրաժարեն յինէն , և երգմամբ ուրանայցեն զիս , երգմամբ հեռացին յինէն ասելով՝ թէ հրաժարեմք 'ի քէն , սատանայ , հրաժարեմք 'ի պաշտամանէ քումմէ , հրաժարեմք 'ի հրեշտակաց քոց , հրաժարեմք յամ խաբէութենէ քումմէ : Եւ դարձեալ երիցս անգամ երգուան և հաւատացին 'ի սբ Երրորդութին ասելով՝ հաւատամք 'ի Հայր , հաւատամք յԱրդի , հաւատամք և 'ի սուրբ Հոգին . և կնքեցին զինքեանս երրորդական զօրութի՝ Հօր և Արդւոյ և սուրբ Հոգւոյն . և զսուրբ խաչն 'ի վերայ մատանի եգին : Եւ ես յորժամ հայիմ յերեսս նոցա , և տեսանեմ զնշան խաչին սրբոյ դրոշմեալ 'ի վերայ երեսաց մար-

1 Այսպէս յօրինակին . որ և փոքր մի զինի աշխարհաշինչս զրէ :

դոյն, յետս երթամ 'ի սուրբ նշանէն և փախչիմ և հեռանամ, և չկարեմ ինչ առնել Խորհեցաւ և ասէ. զինչ արարից, և կամ զինչ գործեցից, իւ կարացից հեռացուցանել զքրիստոնեայս 'ի մեծութի և հիմանէ հաւատոց սուրբ Երրորդութեն, և 'ի զօրութի և 'ի պահպանութի սուրբ խաչին: Եւ ասէ. զիտեմ զինչ արարից. զի երդամաք ուրացան զիս, և երդամաք հեռացան յինէն, ուսուցից և ես առհասարակ անմ մարդկան՝ թագաւորաց և իշխանաց, եպիսկոպոսաց և քահանայից, մանկանց և ծերոց, արանց և կանանց երդմունս սուտս 'ի հրապարակս, 'ի վաճառս, 'ի տունս, յեկեղեցիս, յարեգակն և 'ի լուսին և յաստեղս և 'ի գլուխ իւրեանց և յաչս և յանձ ինքն գլխովին և 'ի սր խաչն Քրի, որ է կատարեալ ուրացութի և հեռանալ 'ի քրիստոնէութենէ և 'ի զօրութի սրբոյ խաչին, և ապա կարացից յաղութել անմ մարդոյ, Եւ արդ ոչ երկնչիցիմք յահագին և 'ի կործանիչ և յանկանգնելի չարեացս այսոցիկ. ոչ գողայցեմք և ընդ երկրաւ մտանիցեմք՝ որ հանէ զմեզ յերեսաց ան, և տայ 'ի ձեռս սատանայի:

Այլ երդամաք հաստատեմք զբերանս, զի առանց երդման ոչ հաւատայ: Չէ այդ հաստատութե, այլ սատանայական սովորութե. քանզի զբանն միտք առաքինիք ընտրեն, և ոչ երդմունք. զի առաքինեացն երկիրաւ ծիցն թէ և չերդնուն՝ հաւատան. իսկ ցոփողեացն և աղաւայլեզուացն թէպէտ և բիւր անգամ երդնուն՝ ոչ ոք հաւատայ. զի անմ ոք 'ի մտացն հաստատութի և յառաքինութի հայի, և ոչ յընդվայրած՝ լեզուին աղութի: Քանզի մեծ առաքինութի այս է՝ եթէ մտօք ոք 'ի բանս կամ յերդմունս հաստատուն կայցէ, քան զողորմութիս և զպատարագս մատուցանել. այն յընչիցն ձեռնհասութի է, բայց 'ի բանս և յերդմունս հաստատուն կալ՝ մտացն առաքինութի է. և որոյ միտքն առաքինիք են, երդումն ոք 'ի նմանէն ոչ պահանջէ: Իսկ երդմանց սովորութիք յաներկիրաւ թենէ է, և յանընտրող յիմարութենէ. հանապազ կապէ զբանս իւր երդ-

1 Երկնակին ԸՊԷԿԻԿԻՆ:

2 Երկնակին ԸԳ:

մամբը, և կապէ զհոգին իւր ընդ հօւր գեհէնին :

Եւ արդ զայս ամ իմացեալ թափեսցուք զթմբիր յիմարուծէ մերոյ . երկիցուք յահէ ահաւորի մեծին ւնյ, և բազում զգուշութիւն պահեսցուք զհրամանս պատուիրանացն ւնյ՝ ամենաքննող և ճշմարիտ ահեղ դատաւորին, և զչար սովորութիւնն ՚ի լեզուաց մերոց ՚ի բաց արասցուք, և առաւել փութով հեռասցուք ՚ի սատանայական և ՚ի սատակիչ ախտիցն երդման . և մի վայրապար ընդ ւնյ յուխտ մտցուք և զսուրբ անունն ւնյ ընդ երդմանն կապեսցուք . այլ վստահացուցուք զմարդիկ յոյն և յայոյն մեր հաստատել . զի այս են երդմունք քրիստոնէից հաւատացելոց . և ամենևին ոչ նեղել զոք և զրկել, և ոչ հակառակութիւն երդմունս սատանայականս յեկեղեցի ւնյ մոծանել : Եւ զի՛ իսկ գոն, ասէ, դատաստանք ՚ի մէջ քրիստոնէից . ընդէր ոչ դուք զրկիք և նեղիք ՚ի նոցանէն, այլ դուք զրկէք և նեղէք զնս, որ ոչ էք ՚ի քրիստոնէից հաւատացելոց, այլ յանօրինաց հեթանոսաց : Արդ ՚ի բաց արասցուք զայս ւնյ, և դիցուք սանձս լեզուի և կապ բերանոյ զերկիւղն ւնյ . զի ըստ հաճոյիցն նորա խօսեսցուք, և զկամս նորա արասցուք . կացցուք առաքինութիւն, և վախճանեսցուք հաւատով, և անդ երթեալ զերկինս ժառանգեսցուք, և ՚ի խոստացելոց բարուէցն վայելեսցուք ՚ի Քս Յս . որում փառք և պատիւ այժմ և միշտ և յաւիտեան ըս յաւիտենից . ամէն :

ՎԱՍՆ ԱՐԲԵՑՈՂԱՑ ԱՆՕՐԻՆՈՒԹԵԱՆՑ*

ՄԵՏ սգով և ցաւագին արտասուօք պարտ է պատմել զմիտս ճառիս, և ցուցանել զանզեղջ չարութիւնս արբեցողացն, զանապաշաւ անօրէնութիւնս բամբասողաց՝ որ միշտ որովայնի իցեն պաշտօնեայք, և չար դիւին արբեցութեն կան ՚ի հարկի: Եւ են հանապազ հայհոյողք և արհամարհողք և թշնամանողք պատուիրանացն անյ. զոր և Պաւղոս իսկ լալով ողբայր զթշնամիս խաչին Քթի. որոց կատարածն, ասէ, կորուստ է. որոց անձ որովայնն իւրեանց է, և փառք աւսութն. որք զերկրաւորս միայն խորհին, և ոչ զվարս առաքինութե՝ զոր յերկինս վայելեմք. և մեծաւ սգայութե՛ք նմանեն անասնոց անմտից յամ Ժամ խոտաճարակ, զի թշնամիք խաչին են և չարչարանացն Քթի, որկորեայքն և արբեցողքն՝ որ միշտ զորովայնն պաշտեն և՝ ոչ զՔթ, և անհնարին անզգայութե՛ք զկեանս անցուցանեն. որոց և յայտնի իսկ բողոքէ մարդարէն՝ եթէ անզգամք և անմտք կորիցեն:

Եւ ո՛ր ուրեք այնչափ անզգամագոյն անմտութիք կայցեն, և ոչ կարասցեն գիտել՝ եթէ մեծ պակասութի է կուրի որ զրկեալն է ՚ի լուսոյ արեգական: Եւ եթէ այս պակասութի է, պարտ է գիտել՝ թէ ո՞րչափ ևս առաւել մեծագոյն ևս պակասութիւն է և անհնարին կուրութի այնոցիկ՝ որ խաւարեալքն են ՚ի լուսոյ պատուիրանացն՝, և վրիպեալք ՚ի դրոց տեղեկութենէ. և ոչ կարեն որոշել զչարն ՚ի բարւոյն, և ոչ հաւասար միմեանց իմանալ: Այսպիսիին է զոր ասեմս. որպէս թէ ումեք դիպեցին երկուօձք չարաթոյնք, և զմինն թիւնաւոր կարծիցէ և փախչիցի ՚ի նմանէ, և ՚ի միւսն աներկիւղ մերձենայցէ՝ որ զնոյն չարութիւն մահաբեր թիւնիցն ունիցի,

* Եփրեմի ընծայի և այս ճառ ՚ի ճառընարի:

1 ԅօրին. ՚ի պարտութեանցն. և զաւ ըստ այլ օրինակաց:

և չարամահ սպանանիցէ : Նոյնպիսիք են՝ որ՝ զմի ՚ի պատուիրանացն լսեն և պահեն երկիրըիւ, և զհաւասարն նորուն արհամարհեալ անարգեն, և նովին չարաչար կորնչին : Եւ արդ այս է որով կորնչին . լուսաբ ՚ի Պաւղոսէ, մանաւանդ եթէ ՚ի Քսէ իսկ որ ասէ, թէ «Գողք և պոռնիկք և արբեցողք և բամբասողք զարքայու թին ւյ ոչ ժառանգեն » :

Եւ արդ ո՛ւր կայցէ այսպիսի յիմարութի կուրու թէ՛ որ զայս ամ ընդ մի չարութի ոչ համարիցի : Այլ յամանց զգուշանայ և պահէ, և զամանս արհամարհեալ անարգէ, և աներկիր յմերձենայ՝ որ ունի զնոյն չարութի : Արդարեւ իսկ անզգամք և անմիտք են այնպիսիքն, և նման կուրացն մոլորելոց որք ընդ խաւարն խարխափիցեն . այնպէս և նոքա յամինչ անխարութք մերձենան, և լքեալք ՚ի սաստիկ ծուլութեն, և աներկիր գործեն զարգելեալսն ՚ի պատուիրանացն : Զի եթէ արգել զպոռնկութիւն և զգողութիւն, արգել և զարբեցողութիւն և զբամբասանս . զի միայնս հաւասար միով հրամանաւ արգել զամ : Իսկ գու ընդէր ՚ի համանման հաւասարացն յամանց իբրև ՚ի չարէ աներկիր հեռանաս, և յամանց իբրև ՚ի բարի անկասկած մերձենաս . զի եթէ պիղծ է գողութիւն և պոռնկութի, պիղծ է և բամբասանք և արբեցութի . ընդէր զպոռնկութի զզջաս և ապաշխարես, և վասն էր զարբեցութիդ անսիրթ արարեալ արհամարհիցես, որք միայնս վիրաւորեն, և երկոքեան սպանանեն : Զի եթէ օրէնսդիրն հաւասար չարութի ցուցանէր, և համանմանս պղծութք . և որ ասացն եթէ գողք և պոռնիկք զարքայու ՚ի ոչ ժառանգեն, անդէն՝ ասաց՝ նոյնպէս բամբասողք և արբեցողք զարքայու թին ւյ ժառանգել ոչ կարեն :

Եւ արդ եթէ չար է պոռնկութի, չար է և արբեցութի . իսկ ընդէր չերկնչիս և խորչիս յարբեցութեն իբրև ՚ի պոռնկութեն . այլ աներկիր մերձենաս, և անկասկած կատարես զարբեցութեն պղծութիս : Ա՛չ

1 Յօրին . չեք ոչ յաւելլաւ ըստ այլոց օրինակաց :

2 Յօրին . լուս . եղաւ ըստ այլոց օրինակաց :

3 Հատուածդ անդէն ասաց . . . ու իւրէն չեք յօրինակին . առաւ ՚ի նօտրագիր օրինակէն :

լուար 'ի Պաւղոսէ՛ զի միով պատժովք պատուհասէր զպոռնիկն և զարբեցողն : Իսկ որ համարինն եթէ զպոռնիկս դատի անձ , և զարբեցողն ընդ նմին ոչ , այսպիսիքն յիմարեալք և կուրացեալք են մտօք . զի նոյն հուր և նոյն վայումն և նոյն տանջանք են արբեցողին որպէս և պոռնիկին . և որպէս և մարգարէն զվայումն գեհէնին նշանակելով ասէր . «Վայ հզօրացդ ձերոց՝ որ ըմպեն զգինին , և իշխանաց՝ որ խառնեն զցքին » . զի գինին իսկ , ասէ , այրէր զնոսանչափութիւն և արբեցութիւն :

Եւ և ոմանք զայրելն իսկ ոչ իմանան . զօձից չարթիւնից բուռն հարկանեն , և զգառնամահ սատակումն որ անտի է՝ ոչ իմանան : Զորոց ոչ միայն զգիտն սպանանեն արբեցութեն զեղխութիւնք , այլ և զմարմինն փետեն և ապականեն գինւոյն նեխութիւնք , և հանապազ զսիրտն տաղտկացուցանեն , և նեղեն նողկալովն և շմալովն , և որովայնին փքալովն . և զողորմելի ոգիսն միշտ նեղէ և չարչարէ իբրև զթշնամի , և արգելեալ պահէ 'ի մթի և 'ի խաւարի՝ յորժամ մթերք կերակրոցն և ըմպելեացն 'ի ներքս ամբարիցին , և ընդ ցիխ աղբոյն և տղամոյն որդունքն զուղիցին , և զկարգս աղեացն ողողիցեն , և զաղբաբոյն որովայնն փտեալ ապականիցէ : Եւ միշտ հեծէ և հանապազ թառանչէ յորովայնին ծանրութենէ , և զժահահոտ զգայութիւնն նեխուեն զմերձաւորսն զաղբացուցանէ , և 'ի կառկառակոյտ աղբոյն յաճախութենէ զառ 'ի վեր փոխածք ելանեն , և զառ 'ի վայր խողխոջանք արձակին , և շոգին աղտեալ ընդ երեսն մտանէ , և ընդ օդսն տարածանին , և աղգի աղգի ցաւս 'ի մարմինն արկանէ . զսիրտն մեղկէ , զմարմինն թուլացուցանէ , զստամոքսն խանգարէ , զուղիղն ապականէ , զտեսանելիսն գիծացուցանէ , և զամ անգամսն ջրգողեցուցանէ . այլ և 'ի նեխութենէ լրձացեալ աղբոյն զեռունք զեռան , և ճիճիք ծնանին . որոց բազում անգամ զսիրտն նեղեալ յանկարծամահ սպանանեն : Արդ այս և այսպիսի ցաւք և աշխատութիւնք են մարմնոյ 'ի զեղխութիւն արբեցութեն :

Իսկ զուրոյն ցաւոցն զինչ ասացից , և կամ որ բերան բաւական է պատմել զանհնարին աղէտիցն

ցաւոյ՝ որ՛ի դատաստանի մեծի ահեղ աւուրն յայտնեացի . սոսկումն բեմբին , արհաւիրք դատաստանին , դաւն դատաստանն , անողորմ տանջանք , աններելի պապակումն գեհենին աղջամղջին , տարտարոսք ներքքինք և հնոցք վառեալք , յոր հուրն հոսեալ իջանէ յորդահոս գետոյն հրեղինաց , որ կան և պահին ՚ի պահանջումն ամ մեղաւորաց և արբեցողաց : Եւ եթէ մարթ էր ցուցանել յանդիման , աստէն իսկ ՚ի տանջանս և ՚ի դատապարտութե ցուցանէր զոգիս արբեցողացն , զի միշտ ՚ի մթի և ՚ի խաւարի պահէ՝ արբեցութեն թմբու թիւնն , և իբրև ՚ի յանդունդս ինչ աղջամղջին անկեալ դնի ՚ի մարմին . և միշտ նեղեալ ՚ի գինոյն գիջութենէ՝ թաղեալ կայ հանապազ իբրև մեռեալ ՚ի գերեզմանի կիսամահ և տըխուր . և որչափ ՚ի մարմինն թանձրութիւն յաւելու , նոյնչափ և ոգին ՚ի տկարութի իջանէ : Եւ արդարեւ իսկ յիրաւի են յայսպիսի խաւարի արբեցողացն հոգիք , որք զտիւն ամ յարբեցութե ծախիցեն , և ըզգիշերն ողջոյն ՚ի քուն հանիցեն , և այգուցն յարուցեալք ծանրարթունք իբրև զխեղագարս դանդաշիցեն , և չև երեկուն թմբու թիւն թափեալ՝ անդէն ՚ի նոյն դաւնայցեն . և զճառս երկիւղի նյ և վարուց առաքինութե ոչ ճանաչեն :

Արդ չիցեն յանլոյս խաւարի այնպիսիքն . չիցեն ՚ի միգի և ՚ի մնորութե մեռեալք և թաղեալք ՚ի բարեաց , և չարեացն միայն կենդանիք . որք վասն արբեցութեն շուայտանաց՝ մտացածին ևս բանիւք անօրէնութե բանս ևս յոգեն և ասեն , թէ որ յարբեցութեն ոչ գողանայ և ոչ պոռնկի և կամ սպանանէ , արբեցութե միայն ոչ մեղանչէ : Այս ՚ի մտաց թափելոյ են բարբանջք , որք և զարբեցութեանն աւունն ոչ իմանան : Զի ամ որ արբենայ և սպանանէ , երկուք են չարիքն , սպանող է և արբեցող . նոյնպէս և որ արբենայ և պոռնկի , պոռնկի է և արբեցող . իսկ անառակ՝ արբեցողք միայն են :

Վինեսէրք են որք յանդուզն ցանկութե զհետ

1 Յօրին . Գոյնէ , եղաւ ըստ
այլոյ :

2 Յօրին . շուարան . եղաւ
ըստ այլոյ :

գինւոյն շրջիցին, և 'ի նմին յամիցեն, և զանէծս ոչ պատուիրանապահացն ժառանգեսցեն: Որպէս և Սռ զումոն ասէ՝ թէ ում է վայ, ում է խռովութի. Եւ թէ ոչ այնոյիկ՝ որք յամեն 'ի գինոջ, և որք դիտենն ուր գիներբուքն լինիցին, և անչափուք գինոյն զեղ խեալ յիմարին և թմբրին իբրև զանբան անասունս՝ ոչ գիտելով թէ անձ իմաստուն բանաւոր արար զքեզ, և դու յանառակ արբեցութեդ թմբրիս և յիմարիս և 'ի մտաց անկանիս, և չես 'ի մարդկան համարի, այլ 'ի վայր և սքան զանասուն՝ անզգայացար յիմարութեդ և անբանութեդ, և ամենեւին իսկ իբրև զփայտ և զքար անզգայացար 'ի գինոյն զեղխութեւ: Զի թէպէտ և մարմին է արբելոյն, ձեռքն 'ի գործոյն են դադարեալք, ոտքն 'ի գնացիցն են պարաւանդեալք, լեզուն 'ի խօսելոյ համրացեալ, լեւիքն 'ի լեւոյ են խցեալք, աչքն 'ի տեսութեն կուրացեալք, սիրան յիմաստութեն է յիմարեալ, և ամանդամօքն է 'ի խաւարի՝ խելացնոր և մտակորոյս:

Վս եւ չարիք և անօրէնութիք արբեցութե՝ որք զարբայութինն ան ոչ ժառանգեն, այլ ընդ պոռնիկս և ընդ սպանողս դատին. զի զիմաստունն ստեղծեալ ան 'ի յիմարութի փոխեցին ցանկութե գինոյն արբեցութե: Եւ ուր ենն և ուր երթանն և ուստի գան՝ ամենեւին իսկ ոչ իմանան, զի ըմբռնեալ ունին զգայութիս նոցա գինոյն թմբրութիք, որ յիմարեցուցանէ զիմաստութիս, թուլացուցանէ զթմբրութիս, քայքայէ զխորհուրդսն, և լուծանէ 'ի յուժոյ արութեն գինոյն զեղխութիս: Եւ արդ ոչ է այս արժանի մեծի տանջանաց և ասեղ բարկութեն 'ի վերուստ. զի զխօսունն և զբանաւորսն անբան անասուն եցոյց արբեցութեն զեղխութի: Վասն որոյ Պաւղոս պատուիրէ՝ Եթէ «Մի արբենայք գինով յորում զեղխութի է, և Զի եթէ որք 'ի խորանն մտանէին՝ 'ի հնումն նրն՝ գինի ամենեւին իսկ ոչ ճաշակէին, որչափ 'ի նորումս պարտ է պարկեշտութե և սմտանել առաջի ան, զի մի յարբեցութեն զեղխիցիմք, և յանդիմանեալ դատապարտիցիմք իբրև զորդիսն Ահարոնի, որ վասն զեղխութեն հուր օտար եկեր զնոսա, որ եղև յօրինակ անառակ քահանայիցն: Վասն որոյ

գիրն ասէ՝ եթէ անառակ է գինի, և թշնամանող է արբեցուծի՝ և որ խառնակի ընդ նա՝ չէ իմաստուն. զի իմաստնոյն և ջուրն միայն բաւական է՝ ՚ի դադարումն ծարաւոյն, և ՚ի պէտս խելացն զուարթուծէ. քանզի զուարթ են, ասէ, խելք ջրարբաց, և առողջ են մարմինք ուժակերաց. զի և տէրն ամ արարածոց այսպիսի սեղանովք յագեցուցանէր զժողովուրդն յանապատին, և զգինի ամենեկին ոչ յիշեաց. զի օրինակ ամ աշխարհի էր լինելոց ճաշն Քոթի:

Բայց գիտեմ զի ասես. իսկ եթէ ընդէր ապա արար զգինին՝ զի զըմպելն արգել, Ոչ եթէ զըմպելն արգել, այլ զարբէնալն. որպէս արար զկին վասն ամուսնուծէ, և զպոռնկուծին արգել. արար և զերկաթ վասն երկրագործուծէ, և զսպանուծին արգել. արար և զգինի վասն մերոյ տկարուծէ, և զանչափն կարճեաց: Ոչ եթէ զըմպելն խոտէ, այլ զարբէնալն պատուհասէ: Բայց և գինի իսկ ՚ի պէտս հիւանդաց է և սգաւորաց, և մեծի խորհրդոյն. որպէս և ասէ՝ եթէ դինի սգաւորաց, և ուրախուծի այնուցիկ որ ՚ի օրտմունեն իցեն: Իսկ որ զկենդանուծէ ըզպէտս վճարէ, հաց է և ջուր և հանդերձ. բայց այն ամենայն ցանկուծիք են և ոչ կարեւորք, ընդ որ ումանք սովորուծիք և կամօք կապին, և ոմանք կամաւ և սովորուծիք հեռանան: Եւ արդ մեք մի՛ սովորուծիք իսկ կապեսցուք՝ ընդ չար գիւլին արբեցուծէ. այլ կամօք հեռասցուք յորկորստուծէ կերակրոց և յանառակ արբեցուծէ. որով զօրէնս նորա ընկալցուք, զվարս յարդարեսցուք, և զառաքինուծին յօրինեսցուք, և զտէր սուրբս սիրեսցուք, ՚ի պահս պընդեսցուք, յաղօթս պարապեսցուք, յողորմուծին յորդորեսցուք, և ՚ի պարկէշտուծի յօժարեսցուք, զանձինս արդարասցուք, և զոգիս մեր ապրեսցուք. ըզվախճանն բարի ընկալցուք, զի յանանց ՚ի կեանն փառաւորեսցուք, և ընդ հոգեղէնսն դասակցեսցուք. զփափազելի դրախտն ժառանգեսցուք, և յանմահ բարիսն վայելեսցուք ՚ի Քս Յս ՚ի տէր մեր. որում փառք յաւիտեանս յաւիտենից. ամէն:

ԺԷ

ՎԱՍՆ ԱՆՕՐԻՆ ԹԱՏԵՐԱՑ ԴԻՒԱԿԱՆԱՑ *

Ո՛ր երթեալ դադարեցից և լացից զահեղ անօրէնութիւն որ զիս ճմլեցուցանէ . և կամ ո՛ր լռեալ զօղեցից թախծեալ մեղօքս , և մաշեալ յիմ զազրալի և չարալուր համբաւոյս՝ որ միշտ զսիրտ իմ գեւրու , և գալարեցուցանէ զազիս իմ և զօրովայն իմ ողբալով : Եւ հանապազ հալէն և հեղձուցանեն զիս տրամուծիքս . զի յիմ ժամ զանառակ պղծութիւն լսեմ , և զանօրէն ամբարշտութիւն տեսանեմ : Եւ ՚ի բազում թախանձանաց սրտի իմոյ կցեցաւ ոսկր իմ ՚ի հող , և մարմին իմ յերկիր քանցեցաւ . զի ՚ի լուռութենէ բազում մտաց յուզութեց եղև իբրև զխուլ չորացեալ , և իբրև զպատկեր ինչ առանց շնոյ . և յափշուէ մտաց իմոց զիմ սխալանս յետոյ ընկեցեալ մոռացայ , և զձերդ քննեմ հանապազ : Վասն զի լուր չար և համբաւ զազրալի ՚ի լսելիս մեր հասեալ , հնչեն հանապազ . յորմէ բուրի սաստիկ ժանդութի և չարաւ նեխութի և փտութի . և հոտ չարահոտ ՚ի վեր ցոլացեալ տաղտկացուցանէ զքե եկեղեցիս , ընդ որ անձինք ան արդարոց ահիւ հիացեալ ողբան զանօրէնութիւն :

Աւ ես լի ան յանցանօք միշտ զդոյն հառաչեմ և սգամ . զի ՚ի զազրալի անօրէնութեց ձերոց յիմ ժամ թատերք սատանայականք ցնծան խայտալով , և եկեղեցիք քո ի միշտ ողբան դառնապէս : Քանզի առեալ զմանկունս սուրբ եկեղեցւոյս՝ իւր ընծայեցոյց սատանայ , պղծեալս և պղտորեալս յանառակ թատերս տեսարանաց : Որ միշտ հանապազ կամի հեռացուցանել զմարդիկ յողորմութիւն ան , և յամենապայծառ անանց բարուէց , և տանել առնել բաժանորդս իւրոյ ահեղ աղէտիցն տանջանաց : Վասն որոյ զիմոյ բազում յանցանացն անտես արարի , ձերոյ վշտացդ

* Կայ և այս ճառ ՚ի ճառընտրի առանց անուան մատենագրի :

լինիմ վշտակից, և ողբամ զաներևոյթ վեր բեկման անձին ձերոյ. զի մերժեալ արհամարհեցէք զպատուէրըս պատուիրանացն անյ, և առ ոսն հարեալ կոխեցէք զհաւատս առաքելական եկեղեցոյ. և առ ոչ ինչ համարեցայք զսրբուիս մարմնոյ և արեանն Քթի, զոր հանապազ ընդունիք յահաւոր և ՚ի սոսկալի սեղանոյն:

Այլ արդ յոյժ ընկղմեալ էք ՚ի դիւական մոլորութեդ, և գերեալք և գրաւեալք ՚ի խորհրդոց սատանայի. փութացայք անկանել ՚ի դառնամահ որդայթս նորա, երթեալ մտանել յապականից թատերս խաղուց, լսել զձայնս աղտեղիս խաբարան ականջաց, ՚ի զազրացելոցն և պղծեցելոցն յանօրէն և ՚ի չարալուկ կատաղանաց գուսանաց, որք միշտ զնորհոս հուգւոյն սրբոյ հալածեն, և զմահաբեր պիղծ խորհուրդ սատանայի ՚ի սիրտս և ՚ի խորհուրդս ձեր սերմանեն. յորմէ վառեալ լուցանի հուր ցանկութեց, և բորբոքեալ տոչորի բոցն ազգի ազգի ախտիւք ՚ի մարմնս հնազանդելոցն, որք իբրև զփուշ և զտատասկս թաղեալ զանձինս վիրաւորեն, և մթերեալ կուտեն բեռինս դժուարակիրս ՚ի վերայ ոգոցն կորուսելոց: Եւ հուր այրիչ և սուր սատակիչ անձանց իւրեանց ստացեալք ելանեն ՚ի թատերս պղծութեց՝ եղեալ կարեւլերս և հաստախոց ՚ի գաղտնի նետից սատանայի՝ որ չարաչար զոգիս վիրաւորէ, և փոքր կարծեցուցանէ զմեծամեծ անօրէնուիս. յորմէ պարտ էր սարսել և դողալ հանապազ, և փախել և հեռա նալ բաղում երկիւղիւ: Զի չար է սովորութիւն, չար են և յորդորիչք նորա, գինի և գուսան և սատանայ, և միտք մոլորեալք ցոփագնացութիւնք և յափրանօք վաւաչոտութիւնք, որք կամայօժար և դիւրահաւան ընդունին զչար սերմանս սատանայի, մանաւանդ թեթեամիտ և շուաղաբարոյ ազգն անհամեստիցն կանանց, երազալուր և դիւրահաւան և վաղապատիրք. որք յափրանօք պակշոտեալք միշտ ՚ի թատերան փութան աներկիւղ ՚ի տեսիլ անօրէն խաղուցն և սատանայական հրապարակին, ելեալ ՚ի վեր ՚ի դիտակ տեղիս նստին, խորհին և դիտեն զնմանիսն իւրեանց ՚ի չարիս. որ թէպէտ և գործոյն անօրէնութե ոչ

պատահէն առժամայն, սակայն զնեոս սատակիչս
հարեալ տանին 'ի սիրոս, յորմէ պարտ է առ յապա
մեռանել: Որպէս և զգազան ինչ վիրաւորեալ 'ի նե-
տից որսորդաց, որ թէպէտ առժամայն 'ի հաղբիցն
զերծաւ, սակայն զնեոսն տարեալ մեռանի:

Այլ արդ իւ իւրք դադարեցուցուք զահեղ տո-
չորումն ցոլացեալ բոցոյն այնորիկ. և կամ իւ հնարս
բժշկուէ աներևոյթ վիրայն գտանել մարթասցուք.
և կամ որով իւրք աւարեալ կործանեսցուք զտեղի
թատերցն պղծութե, զորոգայթն մահաբեր, զժո-
ղովն բազմաչար, զարուեստանոցն անմխտից: Զի
անդի յորդորին կուսանք 'ի պուռնկուիս, ամուսնաւորք
'ի շնութիս. անդի լինին կանայք ատելի արանց, և
արք կանանց արհամարհելի. անդի որդիք 'ի հարանց
թշնամանին, և ծառայք 'ի տերանց. անդի ծերոց
անհամուժի և երիտասարդաց վաւաչտուի. անդի
է պառաւանց յայրատութի, և աղջկամարդկացն զիւ
շուժի, և արանց լկտութի, և կանանց կատաղուի.
անդի են մարդելուզութիք և կնահանութիք և ման-
կասպանութիք և այլ զրկութիք յաղազս զարդուցն
պաճուճանաց. անդի են սնափառութիք և պճնու-
թիք, և բազում մեքենայք չարչար ախտից. անդի
է և զանազան պղծութիք՝ զոր և ասել իսկ աղտեղի է:
Այլ և ուսուցանէ անձին լկտութիւն, ոգւոյ մեղ-
կութի, մտաց քայքայումն, աչաց յարատութի, լե-
զուի դատարկաբանութի, գործոց հեղգութիւն, և
պարապեցուցանէ յամ չարիս, որ ուժացեալ հեռա-
ցուցանեն 'ի սիրոյն անյ, և մերժեալ հանեն 'ի բրիս-
տոնէական կարգէ: Այլ և զայլ և ս ազգի ազգի կեր-
պարանս չարեաց ասել չեմ բաւական, զոր թատերքն
ուսուցանեն. զամբարտաւանութի, զհայհոյութիւն,
զնենկութի, զմեխմեխութի, զչարակնութի, զնա-
խանձ, զբամբասանս. վասն որոյ զեղուն պատուհասքն
անյ 'ի վերայ երկրի, որ սաստիկ սրտմտութիւն 'ի տան-
ջանս դատապարտէ: Ահա զայս անորէնութիս
ստանան՝ որք մտանեն 'ի թատերս խաղուցն, և ա-
ճեցուցանեն 'ի մարմինս իւրեանց զչար պտուղ սեր-
մանցն սատանայի:

Այլ արդ որ բերան բաւական է ողբալ և լալ զայն

պիսի աղտեղեալսն և զպղծեալսն . և կամ ո՞ր լեզու պատմել կարասցէ զանթիւ աղէտիցն բազմուիս՝ զոր անդի ստանան . և կամ ո՞ր միտք ցուցանէ զահեղ տանջանացն բազմութիւն՝ զոր պատրաստեալ է նոցա ՚ի հոսանս հրոյ գեհէնին ընդ անձամարտն սատանայի , որք՝ զխաւարայինսն ախորժելով ընկալան : Եւ արդէր վասն այդպիսի տանջանացդ մատնիցիս , և կամ զինչ՝ ՚ի պիղծ խաղոյն ընկալար . քրքրանս և ցոփանս և թեթեանս , և օգուտ և ոչ ինչ . այլ անթիւ ահեղ աղէտից բազմուի : Զի թեպէտ և պակշտեւոցն լինին ցանկալի պիղծ թատերոյն տեսուի , որք միշտ յախտիցն ցանկութիւնս ծիւրին՝ և ծորան , այլ առողջիցն երեւի տաղտկալի պղծութիւն և ամօթալի վաւաշոտութիւն :

Վանայք ՚ի բարս բոզից կերպարանեալք , և արք ձիոց մատակախաղաց , որք անօրէն զազրաբանութիւն և քան զանասունս ևս ՚ի վայր իջանեն , և քան զշանց փխածն աղտեղադոյնս ևս փխեն զտաղտկալի բանիցն զգարուութիս , յորմէ շարաւ նետութե և հոտ զազրալի ելանէ , որ զանձինս երկիւղածացն զգուցուցանէ , և դիւացն է ցանկալի . զի ՚ի մէջ այնպիսի խայտառակեւոցն սատանայ գումարեալ շրջի ՚ի վերայ : Զի ուր կատակք և գուսանք են և խաղ և ծաղր լկտիք , անդ և դեք ընդ նոսա ՚ի պարու անցանեն , և սերմանեն բազում աղտեղութիւս ՚ի միտս զեղխեցեւոցն , և առաւել ևս ՚ի մոլեգնութի բորբոքեն զգուսանսն՝ զպիղծ և զհալածողս շնորհին սրբութե , զբորբոքիչս հրոյն ցանկութե , զարհամարհողս պատուիրանացն , զկարապետս սատանայի խորհրդոյն , զանօրէնս և զանձամարտս և զթնամիս անարդարութեան : Զորս պարտ էր իսկ բազում քարամիք քարկոծել և յախարհէ հալածել , զնոսա առեալ զեղխեւոցն ՚ի խաղարանս զբոսանին , յորս մլտանեն ողջանգամք , և ելանեն վիրաւորեալք . զքո ՚ի բաց մերկացեալք , և զսատանայ յանձին զգեցեալք . զհոգին շնորհաց հալածեալ , և լցեալ պիղծ հոգւովն դիւաց : Զի անորք հաւատովք և երկիւղիւն մերձե-

1 Յօրինակին վերջ :

2 Յօր . կրկին գրեալ էր ծիւրին :

նան 'ի Քս, սուրբ Հոգւոյն լուսաւորին, և օր ըստ օրէ գործովք առաքինութիւն 'ի վեր ելանեն, և մեկնեալ հեռանան յամխարից սատանայի: Եւ որ պղծութիւն թատերացն առ դևս հպին հանապազ խաւարին վարիւք միգապատեալք մթանան, և ընուն պիղծ ոգւոյն սատանայի, և օր ըստ օրէ անօրէնութիւնք ծանրացեալք 'ի վայր կործանին, մինչև ուծացեալ հեռանան յերկիւղէն պատուիրանացն նոյ, և իննին աման սատանայական խորհրդոցն: Եւ վասն այսօրիկ առաւել խորթելով ընթանան 'ի բանակետղ դիւաց, փութալ 'ի կոչն սատանայի՝ քան առ Քսի սուրբ եկեղեցին: Զի բանակք դիւաց են թատերքն խաղոյն, և ամանառակ և գուսանամուլ գինարբուքն որք զեղխին և պակշտին անօրէն և անսփարար՝ լուծեալ զսանձս լեզուի և զկապ բերանոյն արձակեալ ուտեն և շուայտանան համանգամ՝ կերակրոցն, և հոտն հոսեալ 'ի բերանոց նոցա՝ բուրէ բազում ժանտութիւն. և խորհին և խօսին զամկամս սատանայի, և ոչ իմանան զար նետս սատանայի: Հարկանէ՝ և զվերսն խաղաղէ, և չտայ իմանալ, զի մի ապաշխարութիւն բժշկեսցուք. վասն զի գող է, և ոչ ընդ յայտնի ճանապարհն դնայ՝ եթէ զգուշանայցեմք. այլ գաղտնի և զհետ արածէ, և անակնածելի տայ արհամարհել զմեծամեծս պատուիրանացն, և փոքր կարծեցուցանէ՝ զի մի զգուշասցուք: Գիտէ թէ արգելեալ է 'ի պատուիրանացն զբան տղեղ և դատարկ, զբամբասանս և զհայհոյութիւն. և առաւել հեղուն 'ի բերանս վաւաչ գուսանացն և բազում խեղկատակութիւն և մորոսախօսութիւն, դարչաբանութիւնս, դատարկաբանութիւն: Արհամարհութիւն, ձաղութիւն և հայհոյութիւն հոսեն 'ի նոցանէ՝ հանապազ. զի 'ի ծաղր և 'ի խառն և 'ի խառնախօսութիւն դեք փութացեալք հասանեն, և բերեալ ախտս բազումս ջամբեն և արբուցանեն՝ որք անդն շուայտանայցեն: Վասն որոյ պարտ է լալ և ողբալ զայնպիսի անառակութիւն, և մանաւանդ զկատական մտակորոյս՝ որ 'ի մէջ լկտի բազմականացն. իբրև զայսահարս յափրին, ծռին,

գելուեն, արստտեն, և զամենեսեան աղտով բերանոյն զազրացուցանեն. զոմանս հայհոյէ, զոմանս բամբասէ, զոմանս թնամանէ, և զոմանս ձաղէ, խեղուք ամօթով կուրացուցանէ. ոմանց ստէ, և յարգանօք մնափառեցուցանէ. իբրև զշուն կատաղեալ զամենեսեան առհասարակ խածանէ:

Օ ինչ գործես, ով թշուառական. ընդէր ոչ փութա թաա թափել 'ի չարաչար ամբարշտութից. ընդէր ոչ սգաս յանսգամութից՝ գալ 'ի միտս քո. ընդէր ոչ ողորմիս ոգւոյդ կորուսելոյ. ընդէր ոչ լաս և ողբաս զանօրէնութիս. ընդէր հուր 'ի հուր յաւելուս այրել դառնապէս. ընդէր 'ի վերայ կայծականց և փշոց գնաս հանապնդ. զի՞ ընդ բեռինս մեղաց բեռնիս հանապազ. հիմք քարավէժ և դարահոս լինիս 'ի վախից. վասն էր սուր սրես, և նովին վիրաւորիս. զի ոչ ոք է՝ որ հրով հուր շիջուցանէ, և ոչ չարիւ բարւոյ հանդիպի: Ա՞յլ է որ փուշ տնկէ՝ և խաղող կթիցէ. կամ որոմն սերմանիցէ՝ և ցորեան հնձիցէ. և ոչ անառակ վարիւք ոք քե՞ս տեսնիցէ և զարքայութին ժառանգիցէ. այլ 'ի հուր գեհենին դատապարտի 'ի մէջ որդանցն թիւնաւորաց: Եւ որ այդպիսի անօրէն լիտութիւն և գինէմն զեղիտութիւն կեցցէ, և դիւական թատերօք և ծաղրածու գուսանօք վարիցի, մի ամենեւին՝ ակնկալցի ապրել 'ի հրոյն տանջանաց: Յիշեա զբանն ահեղ, թէ վայ որ ծիծաղիցին այժմիկ, զի նոքա սգայցեն. վայ որ խընդան այժմ, զի նոքա լացցեն և ողբասցեն. վայ որ ըմբեն դինի յարբենալ, և անոյշ եւղօք օծանին. վայ ձեզ մեծատանցդ՝ զի ընկալայք աստէն զհատուցումն բարութիւն ձերոյ. զի բազում նեղութիւն պարտ է մրտանել յարքայութիւն ւայ: Արդ քե՞ս լալ և սգալ ասաց յաշխարհիս, և դու ծիծաղիս և ցնծաս, և ոչ զարհուրիս և դողաս յահեղ դատաստանացն ւայ, որ ճշմարտիւ քննէ զիմ որ կամաւ և որ ակամայ, զոր 'ի ծուլութիւն և զոր 'ի մոռացմանէ գործէք:

Արդ փութա մտքեա զանձն քո յայրատութից, զլեզուդ 'ի դատարկաբանութենէդ, զլսելիս 'ի պղծալուր սովորութենէդ, և զմիտս քո 'ի մահաբեր սատանայական խորհրդոց: Անկիր առաջի ւայ և ասա.

մեղայ յերկինս և առաջի քո : Մի՛ հեղգար 'ի վաստակս ապաշխարութե՛ մինչ առուր կայ . ահա փութա՛ 'ի գիշերն յայն հասանել ահեղ և սոսկալի խաւարին և աղջամղջին : Արդ ծանիր զմեղաց քոց բազմութիւն . յիշեա թէ մեռանել ունիս առ վաղիւն . նկատեա զպահանջումն հոգւոյդ քո 'ի մարմնոյդ . և ած զմտաւ հանապազ զմեծ ահեղ օր դատաստանին , զհուրն անշէջ , զխաւարն աղջամղջին , զգուրն ապականութե՛ , և զտարտարոս գեհենին , և զդառն ողբումն մեղաւորաց յահեղ դատաստանացն ահազին դատաւորին . ուր բանք սպառին , և գործքն թագաւորեն . ուր խորհրդոց և գործոց պահանջումն . ուր դատարկաբանին են խնդիրք , և անդէպ մտածութեան համարք : Արդ զայս ած զմտաւ հանապազ , զայս յիշեա միշտ . յոգոց հան և ողբա , հեծեա և լաց անդադար , զի թերևս ապրել կարիցես յահեղ աղէտիցն տանջանաց և յաննշոյլ խաւարէն . և հանդիպել անանց բարութեանցն խոստացելոց 'ի քո քո 'ի տէր մեր , որում փառք յաւիտեանս . ամէն :

ՏԷՐ մեր Յ՞մ Ք՞մ վասն փրկական բանիցն յանդիմանութե՛ն չարչարանօք խաչեցաւ յիմարտ ազգէն և յընդդիմակաց ժողովրդէնէն : Եւ այժմ՝ նոքա որք ¹ զուղիղ բան և զփրկական վասն փրկական ոգւոց խօսիցին, թշնամանեալ բամբասին՝ ի կարծելոցն իմաստնոց : Այլ չէ այն իմաստութի՛ն, այլ իշխանութե՛ն անիրաւութիւնս, զ՛ իմաստութիւն երկիւղ տեառն է . և որ եզիտ զերկիւղն ի՞յ, նա եզիտ և զիմաստութի՛ն : Այլ թէ՛ իցէ ևս իմաստուն , չէ պարտ զօգնականն իւր արհամարհել : Ապա իմաստուն էր և Մովսէս , սակայն լուաւ խրատուն Յոթորայ . հօգևոր էր և Դաւիթ , այլ պէտք եղէն և նմա՝ Նաթանայ յանդիմանութիւն . զ՛ իմաստունք իմաստնոց լսեն , և խօնարհք խոնարհաց հնազանդին : Զի որք ուղղապէս մտաց աչօք նայիցին՝ ի պատուիրանս ի՞յ, և հօգևոր վարիւք զքաղցրութի սրտին ստացեալ ունին ազատաբարոյ բարուցն հանդարտութի՛ք, չէ պարտ արհամարհել զայսպիսի աղերսաբանութիս . քանզի երանելին Պետրոս ասէ՝ եթէ « Արք իմաստութի բնակեցեն ընդ կանայս , իբրև տկար անօթոյ արասցեն պատուկանանց » : Եւ ոչ ատելութիւն չեռանալ հրամայէ . զի իմ , ասէ , որ ատէ զէղբայր իւր, մարդասպան է . իսկ որ զկինն իւր ատէ , անձնասպան է :

Այլ թէ՛ վասն չբաւորութե՛ն որ որդւոյ առնիցէ ատելութիւն ընդ ամուսնոյ իւրոյ , չար է առաջի ի՞յ : Զի՞նչ օգուտ է որդիս խնդրել , և զողիս կորուսանել անիրաւ ատելութիւն : Զի ոչ եթէ որդւոց խնդիր է առաջի ի՞յ, այլ անարատ ոգւոց : Քանզի և մարգարէն ասէ վասն անիրաւ որդիս խնդրելոյ . որոյ վարձք իւր առ իմ էն , այն է պտուղ որովայնի իւրոյ , և զաւակ սուրբ արձանութի՛ն նորա : Այլ ոչ գիտէ՛ եթէ

1 Յօրինակին պակասէր բառս « ր » :

վասն առնն յանցանաց արգել անձ զպտուղ որովայնին, և կամ վասն այլ բարւոյ չեա . զի բազում որդիք են որ բարկացուցանեն զծնօղս, և ընդ արիւն զկեանս նոցա անցուցանեն . և վասն այնորիկ արդեօք արգելու անձ : Այլ և այլ անիրաւուի է, եթէ զայ որդործ ՚ի մարդոյ պահանջէ . և անիրաւք, ասէ, զարքայութիւնն այ ոչ ժառանգեն, քանզի անիրաւութեաւիկաց¹ : Իսկ թագաւորաց և իշխանաց անիրաւութե՛ պատուիրանք այ են յանդիմանիչք և արդելիչք :

Այլ արդ զի՛նչ օգուտ իսկ են որդիք ոգւոց . ահա մարդ, ասէ, և գործք իւր : Արդ ած զմտաւ զահեղ զարհաւիրս ահագին աւուրն այնորիկ, և մի ընդդէմ ինչ կամացն այ առնիցես, զորս յետ սոսկալի ատենին այնորիկ մատնեսցին աղէտիցն տանջանաց . զի մի՛ ոք կարծիցէ իբրև զաստի ինչ չարչարանս՝ զոր երկրաւոր թագաւորք ածեն ՚ի վերայ մահապարտացն : Այլ անդ դառն լալիւն է, և չարաչար կսկիծք, և ազախարչանք յորդահոս² գետոցն հրեղինաց՝ որ ՚ի վերայն հոսեսցին, ՚ի գուբս հրացան կայծականց հնոցին՝ ուր տանջին և մաշին մարմինք մեղաւորացն ՚ի խորս տարտարոսացն և յաննշոյլ խաւարն, ՚ի մէջ որդանցն թիւնաւորաց . զորոյ զչարաչար իրս աղէտիցն բանիւք որ ոչ կարէ ցուցանել զողորմելի վարանումնն, և զահեղ ողբումնն աններելի տանջանացն . զոր եթէ աշխարհս անձ մեծաւ սգով ողբացեն, այլ և փայտք ևս և քարինք լային ՚ի ձայն ողորմելի աշխարանաց, ոչ կարեն արժանապէս ողբալ և սգալ զայնոսիկ՝ որք այնմ չարատանջ գեհէնին և աններելի աղէտիցն մատնեցան : Զոր պարտ է աստէն միշտ զմտաւ ածել, և զգուշութիւնն անցանել ընդ սահելի և ընդ ծփալի և ընդ մեղսասէր կեանս աշխարհիս : Եւ անբաւ են յաւիտենականքն, պատիր և երազ են երկրաւորքս սիրելի, և տկարագոյն քան զսարդի ոստայն : Ահա այսօր և վաղիւ, և այլ ոչ ևս իցեմք . երկաւուրց է հանգիստ աշխարհիս, և յաւիտենական են տանջանք և ամօթ : Ահա յայլ երկիր կայ անցանել, և զտէրն փաւաց կայ տեսանել : Սրտիւ զսիրտս քննեսցուք, և

1 Թերի է պարբերութի բանիս :

2 Յօրին . զորդահոս . . . հնոցին՝ որ :

աստէն մաքրեսցուք. զի յետ սակաւ աւուրց եմք երթալոց առ ահեղ և անխաբ դատաւորն՝ որում գաղտնիքն մեր յայտնին, և զխորհուրդս սրտից յանդիմանէ. յորմէ ոչ ինչ ծածկի՝ ՚ի ճշմարտատես և ՚ի քըննող ահանէն :

Արդ երկիր յահեղ ահեղ դատաստանէն այնորիկ, և մի այլ ևս յերկար աներևոյթ սրովն վիրաւորիր, և չար ՚ի չար յաւելուլ յաններելի տրամուծին յամեցուցանելով զանգամս քո. վասն որոյ պէտք են յերկար ժամանակի ապաշխարութե և ընդ այգր՝ եթէ երկեղած իցես յոյ : Արդ մի ևս հասուցաներ ապաշխարութի՝ քահանայից, և զեկեղեցի տրամեցուցաներ և այլ ևս ժամանակօք. մերձ է վախճանն հասարակաց, փութա մերձենալ առ անձ, և անձ մերձեսցի առ քեզ : Ահա գող է օրն մահու, գուցէ հասանիցէ տարաժամ. արթուն լերուք, ասէ, զի ոչ գիտէք զօրն և ոչ զժամն, որ յանկարծակի անակնկալ անկանի ՚ի վերայ քս իբրև զորոգայթ :

Արդ երկիր դու յօրէն յայնմանէ. փութով զղջացիր զոր գործեցերդ մինչ դեռ մերձ է ժամանակս. մի պատաղիր՝ երկրաւորօքս, զի ՚ի մտոյ փոխելոց եմք ՚ի վերին քաղաքն, և մնան աստէն ժողովեալքս յաշխարհիս. զի ոչ բերաք ինչ յաշխարհս, և ոչ տանել ինչ կարասցուք աստի. այլ մերկ մտաք յաշխարհս, և մերկանդամ անդրէն դառնալոց եմք : Վասն որոյ միշտ զմտաւ ած զերկիւղ ահագին աւուրն այնորիկ, և մի մոռանար զբոցն՝ որ ոչ երբէք շիջանի. և փութա խոտորել ՚ի ձախոյն սատանայի, և լինի անձ ընդ աջմէ քուամէ. լուր հոգւոյն սրբոյ, և անձ լուիցէ քեզ յահեղ աւուրն տագնապի : Մի խնդրեր ՚ի բարեխօսուի զբանս շքեղ երեսաց և զպատիւ նախաթուռոյն, յորմէ և վարձս սակաւ ընդունիս : Այլ յիշեալ եթէ գոն դատաստանք, կան տանջանք, լինի յարութի և խնդիրք անգործոց. և այսու երկիւղիւ հնազանդեալ, զի և վարձս մեծամեծս ընկալցիս :

Սե՛ծ է լսել ձայնի աւետարանին ՚ի բարեխօսուի մահկանացու մարդկան : Լուր մարգարէական հրա-

մանին և առաքելական պատուիրանացն քեզ 'ի բարեխօսութի, և հնազանդեա անձային պատգամիս . ած զմտաւ և զմեղաց քոց զբազմութիս : Մի զսակաւն ուրուք պահանջեր . 'ի միտ առ զահագին բողոքումն պատուիրանաց՝ որ քեզ վկայեցին : Ծանիր զի և ընդ բանիցն իցէ դատումն և ընդ խորհրդոյ և ընդ սակաւիկ ինչ քինի պահանջումն : Հայեաց 'ի կեանս աշխարհիս՝ զի իբրև զստուեր անցանեն, և փութա յօր ահագին դատաստանին : Երկիր 'ի սոսկալի բեմբէն և յահագին դիմաց դատաւորին, և եկ 'ի զգաստութիւն . դողա 'ի դառն դատաստանէն և յանտանելի ամօթոյն, և փութա զնա հաշտեցուցանել . զարհուրեա 'ի չարաչար տանջանացն և յաննշոյլ խաւարէն, և եկ 'ի լուսոյն ճանապարհ . փափագեա անբաւ բարութեցն և անյագ փափկութեն, և հան հալածեա 'ի քէն զհոգեկորոյս խորհուրդս սատանայի . հնազանդեա հոգւոյն սրբոյ հրամանաց, և բանիւ բերանոյ անձ՝ որ ասացաւ քեզ 'ի թղթիդ, զի և վարձ քում հնազանդութեդ զարքայութիւն երկնից շնորհիցէ հանդերձ անբաւ բարութեքն . և յաստիսս առողջ մարմնով պահէ 'ի ցաւոց, և քաւեալ ոգւովք 'ի մեղաց . և բովանդակ քո ոգի և շունչ և մարմին անարատ 'ի գալստեան տեառն մերոյ Յիսիսի պահեսցէ . որում փառք և պատիւ յաւիտեանս յաւիտենից . ամէն :

ՂԱՍՆ ԱՆԱՍՆԱՄՈՒԱՑ ԵՒ ԻԳԱՏԵԼՈՑ

ԵՒ ԱՐՈՒԱԳԻՏԱՑ *

ՈՂԱՍՆԱՄՈՒԱՅ ԵՒ ՏՈՒՄՆԵՐ ԻՄ ՏՐԱՅԵԱԼ ՂԱՐՄԱՆԱՄ, և սոսկալի հիացմամբ և դողութք անձն իմ հեծէ անդադար, առ միշտ հանապազ զմտաւ ածելով թէ յորպիսի անդունդս խաւարայինս ախտից սողի իջանէ ժպրհունիս մեր. ընդ որոյ ախտիւ տարակուսեալ լեզու իմ տկարանայ առ ոչ բաւել ցուցանել զասէղ ախտիցն պղծութիս՝ որ առաւել քան զամ բնութիս մեղաց զանցուցանէ անօրէնութիւնք. զի քան զամ յայտնի ամբարշտութեցն աւազակութիւն է սա, և քան զգաղտնի գողութեցն չարութիւնս, և քան զամուսնացելոցն շնութիւնս, և քան զկուսանացն պոռնկութեցն պղծութիս, և քան զարիւնասէղ սպանուեցն խողխողումն: Եւ քան զայս ամ չար ամբարշտութիս մեղաց առաւել և սա ասէղ ամբարշտութիւնք և անհնարին պղծութիւնք այն են՝ զոր արուք ընդ արուս գործեն զաղբալի անօրէնութիւս և դիւական մոլութիւս, և էգբ առ էգս կատարեն զանառակ զցանկութիւս և զսատանայական կատաղութիւս. և առաւել և ս այն է՝ յորժամ յանբան յանասունս որ պղծիցի:

Ինչ այս և վերին զօրութիւնն հիացեալ զարմանան. ընդ այս և սրբոցն դասքն տխրացեալ սգան. ընդ այս ողբան և անձինք ամ արդարոց, զի զարբինն արարածոց թնամանեալ արհամարհեցին անօրէն պղծութիւնք: Ի սմանէ և հոգին սուրբ զարչի և փախչի և հեռանայ, և այլ ոչ դառնայ՝ ի սա. և ապա բնակարան լինի սատանայի և դիւաց, և ողորմելի ամենեցուն: Քանզի և ոչ մի ինչ ամբարշտութի հաւասարի ախտիս այսորիկ. այլ քան զամ դիւահարս

* Գտանի և այս ճառ ՚ի ճառընտրի ուրեք առանց անուան մատենագրի:

միշտ անզգայացեալ են անձինք նոցա՝ որք մոլեկան
ցանկութիւնք ՚ի միմեանս կատաղին, արուք վաւաչո-
տեալք զարուացն զարուական բնութիւն իգացուցա-
նեն. և էգբն լրբեալք և անամութեալք զիգական
բնութիւն արուացուցանեն: Այլ յանբան անասունսն
ևս ապականեցան, որ է առաւել քան զիմպղծութիւն:

Եւ այց հիացեալ զարմանամ ընդ այնչափ ներո-
ղութիւնն այ՝ որ ոչ վաղվաղակի փայլատակունս յերկնից
իջուցանէ ՚ի վերայ այնպիսի ամբարշտելոցն, և ոչ
զերկիր միանգամայն հերձանէ և ընկղմէ զար տղմովն
զազրացեալսն. զի արտաքոյ օրինացն պղծեցան, և
քան զիմ սահմանս մեղաց անօրինեցան: Զի ոչ բա-
ւեմ ցուցանել զգառն ողբալի ախտին զեղիսութիւնսն.
և առաւել ևս ընդ այս զարմանամ և հիանամ՝ յոր-
ժամ և կանայք ևս զայսպիսի մոլեկան կատաղութիւն
գործեն, և զանբանական զպղծութիւն կատարեն:
Զի ՚ի սկզբանէ այրն այր ստեղծաւ ՚ի պէտս կանանց,
և կինն կին ստեղծաւ ՚ի յարանց յօգնականութիւն.
Իսկ անօրէն պակշտութիւնն անզգայական ախտիցն զիմ
դիր զսահմանս փոխեցին ամբարշտութիւնք. և զպէտս
բնականս զոր պարտ էր արանց ՚ի կանանց ընդունել,
և կանանց յարանց, նոքա և յայլ աղտեղութիւնս փո-
խեցին, և յանհնարին պղծութիւնս այլակերպեցան՝
որ է տաղտկալի իմ լսողաց, զոր և պատմել յիս հիւ
ցումն արկանէ:

Եւ որք և դուք ՚ի բանէս ինչ լսելով զարշեսջիք. այլ
երանի թէ յիրացն տաղտկացեալ նողկայիք, զի քան
զիմ ախտս զազրագոյն է: Զի առ այնպիսւոյն ոչ է
օրէն բնակել, և ոչ ճաշակել ընդ նմա. այլ իբրև ՚ի
դիւէ փախչել. զի պիղծ է իմ յոր ինչ հասանէ ձեռն
նորա, և քան զամենայն պղծութիւն առաւել ևս պղ-
ծագոյն է, և արժանի մեծաց վրիժուց, և բազում
շանթից հրոյ ՚ի վերուստ: Այլ առաւել ևս բազում
մահօք իբրև զպոռնիկս դատին այնպիսիքն աններելի
ահեղ տանջանօք: Զի պոռնկութիւն թէպէտ և ան-
օրէն է և դիմադարձ իմ յայն հրամանին, սակայն
լստ բնութիւն է մեղացն իսառնակումն. իսկ անասնա-
մոլացն և իգացելոցն և արուագիտացն պղծութիւնք
առաւել են քան զիմ չարաչար անօրէնութիւնս, և

զարթուցանեն զբարկութիւնն ւնյ և զսաստիկ սրտմըտուին : « Զի ւնմ մեղք, ասէ, արտաքոյ մարմնոյ են . բայց որ պոռնկին, յիւր մարմինն մեղանէ » : Իսկ որչափ զազրալի է և զժնեալ այս մոլութիւս, և անհնարին պղծութի քան զւնմ պոռնկութեց . և արդարացուցանէ զւնմ չարաչար անօրէնութիւնս մեղաց ըստ առաւելուէն իւրոյ ամբարշտուէն : Որպէս և գրեալ է՝ եթէ « Արդարացաւ կռապաշտութիւնն Խորայելի առ ուխտազանցութիւնն Յուդայ », սոյնպէս առաւել զեռաւ այս ամբարշտութիւս քան զւնմ չարութիւս անօրէնութիւն ակտից, զոր և բանիս բերմամբ չէ հնար ՚ի միջի կայուցանել զպղծութիւս նոցա . վասն զի շքփոթեալ փոփոխեցին զընութիւս իւրեանց, զառնացին լինել կանացի, և զկանացին առնացի՝ . և առաւել սողեալք յանբան անասունս ապականեցան . անօրէն ահեղ անօրէնութիւք, և արհաւիրք և դողումն սոսկալիք ՚ի միտս բանիս :

Ըրդ զինչ ասացից, և կամ որպիսի՞ բանիւք ծանուցից զչար ակտիս դառնութիւս . զի անդունդք ժանդահոտք բանան յակտէս, որում ոչ կարէք հանդարտել լսելեօք : Զի եթէ հաւաստեաւ զընութիւս ակտիս բանիւ մերկացեալ ծանուցից առ ՚ի քաջ ՚ի միտ առնուլ, զլեզուս իմաղտեղեալ ապականեմ և տրդ մով շաղախեմ . կամ եթէ զջջացեալ ընդ պատրուակով ասացից, ծածկի չարութիւս մոլեկան ակտիս :

Իսայց արդ անցից ընդ պատմութիւս ակտիս ըստ ձերում լսելեացդ հանդարտելոյ, և մտօք ՚ի միտս իմասցուք զազրալի ակտիս, և մի զւնմ նեխութիւս բանիւ ցուցանել, զի մի և դուք տաղտկացեալք նողկայէք առ ՚ի չհանդարտելոյ լսելեաց . քանզի իմաստնոյն և մի բան բաւական է առ ՚ի խրատ և ՚ի զգուշութիւս հոգւոյ : Զի զայնպիսի մոլեգնութիւնսն զոր անասնամոլքն պղծին, կամ էգբ առ էգսն կատարեն և արուք ընդ արուս, որ ընդ միտս անկամ անցուցանէ՝ պղծուի է ոգւոյ, իսկ որչափ և ս առաւել գործն այրեցէ . զի եթէ արդարն հազիւ կեցցէ, իսկ ամբարիշտն մեղաւորն ուր գտանիցի : Զի

1 Յօրինակին աբեղի . էգպք ըստ նախընթացին :

հուր անշէջ վառեցաւ 'ի մարմինս նոցա, և 'ի վեր բորբոքեալ ապականեցաւ յաննման բնուիս . զի այրն այր էր՝ և ախորժեաց լինել կին, և զայրն լինել կորոյս . և կինն կին էր՝ և կամեցաւ լինել այր, և զկինն լինել կորոյս . զորս պարտ է հալածել յարանց և 'ի կանանց, զի թողին զբնական պէտս և յանբնականս . զոր և Պաւղոս ողբալով ասէր՝ թէ «Ազգքնոցա փոխանակեցին զպէտս բնականս 'ի պէտս անբնականս . նոյնպէս և արուացն թողեալ զբնական պէտս իգու թէ բորբոքեցան ցանկուք իւրեանց 'ի միմեանս, արուք ընդ արուս զխայտառակուի գործէին», և Ռոոց պիղծ խորհրդովք զչար ցանկուիս լցուցեալ 'ի մարմինս իւրեանց և յանբան անասունս բորբոքեցան, և զեղան յամ չարու թիս, և առաւել ևս պղծեցան քան զսեղանակապուտն և զգերեզմանակրկիտն, և չար ևս քան զմարդասպան անօրինեցան . զի մարդասպանն միայն զմարմինն սպանանէ, և զայն՝ աստ միայն . իսկ սոքա զհոգին և զմարմինն սպանանեն յաւիտեանական տանջանօքն :

Այս և քան զհեթանոսութիս ամբարշտագոյն է . և վասն այսորիկ բարկութիք ասէղ հեղուն 'ի յերկրի . վասն այսորիկ երկինք կամ փակին չարաչար, և կամ բանին խստութիք . վասն այսորիկ մահք տարաժամք և զանազան պատուհասք . վասն այսորիկ ջրհեղեղք համօրէնք զտիեզերս հեղձեալ կորուսին, վասն այսորիկ և հրացան անձրեք կայծականց տարածեալ տեղեաց 'ի վերայ Սոգոմայ և հրակիզեաց զամ սահմանս նորա վասն արուամուլ գիջութեցն և իգական կատաղութեցն : Ա՛վ անօրէն մոլորութի . ո՛վ սաստիկ կուրու թի, և միգապատ յիմարութի . զի 'ի սկզբանէ սառսուռ առնու, և առ ասիս միտքս յիմարին, և ոչ կարեմ զբանս բովանդակել : Ա՛վ ետես, կամ ո՛վ լուաւ այսպիսի ասէղ արհաւիրս և անօրէն ամբարշտութիս և զազրալի պղծութիս : Ա՛վ սատանայ և 'ի սկզբանէ մարդասպան, յոր խաւար կամ յորպիսի խորս անօրէնութեան իջուցեր ըզմարդն, մինչև արուամուլս և անասնամուլս և իգացեալս գործես :

Այլ արդ զինչ անուանեսցուք զնոսա, որք զայնպի-

սի մոլեգնութիւն մոլեգնեցան . զի մարդ չէ, և չէ իսկ . իսկ անասուն կոչեցուք, այլ և նա քան զանասունս առաւել ևս անմտագոյն գտանի . քանզի ոչ երբէք տեսանեմք զանասունս 'ի մարդոյ բնութիւն ախորժեալ : իսկ շունս կատաղեալս անուանեցուք . այլ և քան զշունս առաւել անամօթացեալք կատաղին : Զի շունք իւրեանց նմանութիւնս ախորժին, և մերձենան ըստ իւրեանց օրինաւոր բնութեն . իսկ ի գացեալքն և արուագէտքն և անօրէն անասնամուքն առաւել քան զշունս կատաղին, և զանցուցանէն ըզջարութիւն իւրեանց քան զջարութիւն գիւաց :

Միլ ահեղ երկայնամտութիւն . ոմ վ մեծի սիրոյն և անբաւ երախտեաց բարերարին, որ ոչ զերկինս 'ի վայր կործանէ յայտպիսի ամբարշտելոցն վերայ, և ոչ զերկիրս 'ի ներքոյ հերձանէ և ծածկէ զապականեալսն և զծանրացեալսն, և ոչ սաստիկ փայլատակունս իջուցանէ 'ի վերուստ, և շանթիւք հրոյ խանձօտէ . այլ երկայնամտեալ ներէ մինչև 'ի ժամանակս վրէժինդրութե, և յօր ահեղ դատաստանին : Եւ արդ քանի՞ գեհէնք և հնոցք հրացանք իցեն բաւական այնպիսի անձանց . քանի՞ տնորտարօք ներքինք և աղջամուղջք խաւարի ընդ այնպիսի անօրէն զեղխութե . քանի՞ գուբք որդնալիցք սպառնացեալ են և բազմութիւք տանջանաց, զոր և ասել չեմ բաւական զհրեղէն գետոցն զյորդութիւնս, որ հօսեալ իջանէն յամբարշտութեցն վերայ, ուր են ահեղ արհաւիրք և լալ և ողբալ անգագար :

Մըգ զինչ առնիցես եղկելիդ և թշուառականդ զգառնուելիդ սաստիկ յիմար ' կուսանացն յաւուր չարաչար քո վախճանիդ, յորժամ պահանջիցք ոգւոյդ քո անողորմք եկեալ ահագին կերպարանօք 'ի վերայ քո հասանիցեն փութանակի տագնապաւ զողիդ քո յախշտակել ընդ մարմնոյն, և տագնապեալ ոգիդ ² վարանեալ ահագին դողմամբ անդրէն 'ի ներքս դառնալ ջանայ, և զօգեալ ընդ յարկաւ մարմնոյդ, և ոչ հանդարտեալ հայել ընդ գէմս եկելոց հրեշտակացն, որք սաստիկ սպառնալեօք զողիդ 'ի մարմնոյդ հա-

1 Այլք քորսիւսանայն :

2 Յօրին . «գող» . և գաւ լն նօսր . որ :

նեալ ձգիցեն . և յայնժամ պատիցեն զքեզ արհա-
ւիրք սոսկալի ահեղ ատենին , և երկիւղ տարակու-
սանաց չարաղէտիցն տանջանաց :

Եւ արդ զահն զայն ոչ զմտաւ ածեալ լայցես
դառնապէս, և անդադար ողբալով հառաչիցես զբազ-
մնութիւն չարաչար քո ամբարշտութեդ . Թերևս եր-
կայնամտեալ գթասցի տէր՝ ՚ի ջերմեռանդն արտա-
սուս վշտագնելոյ սրտի քո, և գորովագութ ողորմութիւն
ընկալցի զպաղատանս քոյոյ հեծուէ : Արդ վաղվաղեա
յապաշխարութի մինչ դեռ է մեր ժամանակս, զի մի
եկեալ օրն յափշտակիցէ, և ոչ որ իցէ՝ որ փրկիցէ :
Այլ փութա զերծանել ՚ի պղծութեդ՝ ապաւինեալ
՚ի մարդասիրութիւնն այ : Թէպէտ և անթիւ են անօ-
րէնութիւք քո, այլ անբաւ են մարդասիրութիւքն այ .
Թէպէտ և չարաչար գլորեցար, այլ վաղվաղեա աղա-
չեա զքս՝ որ կանգնեն զգլորեալս : Թէպէտ և գեռա-
թաթախ տղմով զազրացար, այլ ունիս աղբիւր ար-
տասուաց՝ որ մաքրէ և լուանայ : Թէպէտ և յաննե-
րելի աղտեղութիւ մեղացն կործանեցար, այլ մի ևս
յամեր և քնար ՚ի կործանմանդ, և գտանես թողու-
թիւ և փրկութիւ : Թէպէտ և ներկեալ նեսեցար ՚ի
սեւթայր ամբարշտութիւն քո, այլ մերձեցիր առ քս
ջերմեռանդն արտասուօք, և լուսաւորեալ պայծա-
ռացուցանէ զքեզ : Թէպէտ և սաստիկ բարկացու-
ցեր յամելով յապականեալ ՚ի գնացս քո խաւարայ-
ինս, այլ կանխեա խոստովանութիւն, և ընդունիս
որպէս զանառակ որդին : Թէպէտ և կարելէր վի-
րաւորեցար յոտից մինչև ՚ի գլուխ, այլ կարող ես
բժշկել ողորմութիւն և գթով տնանկաց : Թէպէտ և
կապեցար ՚ի շղթայս սատանայի, և շաղեալ պատեցար
՚ի հաղթս նորա, այլ պնդութիւ պահոց և ջերմութիւ
աղօթից քոց ցրուէ զտոռունս մեղաց կապանաց սա-
տանայի : Թէպէտ և յանդունդս խաւարայինս և ՚ի
խորինս իջուցին զքեզ ահեղ անօրէնութիւք քո, այլ
հայցումն և հառաչումն կամաւոր ապաշխարութեդ
քո հանէ ՚ի խորին խաւարէն, և բարձրացուցանէ
՚ի կամարն երկնաւոր՝ ուր արդարոցն են բարութիւք :

Թէպէտ և ժանդահոտ պղծութեղեր բնակարան խաւարային դիւաց, արդ սրբեցիր 'ի զազրալի նեխուէդ, խորդով և մոխրով և պաղատանօք ել 'ի տաճարն ւայ : Թէպէտ և չար են չարիքդ քո, այլ յաղթող են մարդասիրութիք նորա : Թէպէտ և պղծագոյն քան զոհեալն և զմեռելոտին . այլ կարող ես մաքրեալ վարիք առաքինութիւն և հաճոյանալ ւայ : Թէպէտ և տաղտկալի աղտօլն մեղաց չարանեխ փետեցեր զմարմինդ քո, և շաղխեալ ծրդեալ կաս յանօրէնութեդ, բեկեալ անձամբ, խոնարհեալ սրտիւ ջնջեա 'ի քէն զանօրէնութիս քո, և վաղվաղակի շնորհօք սուրբ հոգւոյն լուսաւորիս :

Բազումք մոլորեցան 'ի ճմարտութեն, և ապա գտին ճանապարհս փրկութե . բազումք գլորեցան չարաչար, և միւսանգամ կանգնեցան . բազումք 'ի նահատակացն խոցեալ կիսամահ վիրաւորեցան, և դարձեալ յաղթութիւն գործեցին . բազումք աղքատացեալք 'ի նաւաբեկութե՛ դարձեալ մեծացան . բազումք 'ի խորս չարեաց ընկղմեցան, և միւսանգամ արդարացան ապաշխարութեամբ . բազումք 'ի հիւանդաց յետ անյոյս լինելոյ բժշկեցան . բազում ծանրաբեռինք մեղօք ջերմեռանդ ապաշխարութիւն թեթեացան : Արդ և դու մի յուսահատիր յողորմութենէ մարդասիրին ւայ . յիշեա զի բազում մաքսաւորք արգարացան, բազում պոռնիկք սրբեցան, բազում աւազակք արգարացան ; և բացին զդրունս դրախտին . և դու փութացիր կանգնեա 'ի գլորմանէդ, և ընկեա 'ի քէն զանօրէնութեդ, և հասանես փրկութե : Մի՛ նմանիր սողոմայեցւոցն անզղջութիւն քով, զի մի ընդ նոսին հրակիզեալ այրիցիս 'ի հուր գեհէնին . այլ Նինուէի նմանեա ապաշխարութիւն, և դարձիր 'ի չար ճանապարհէն : Ահա դեռ ևս բնակեալ է 'ի քեզ թշնամին անօրէն, և խտացուցանէ զսիրտ քո չղառնալ 'ի զզմումս ապաշխարութե . արդ ծանիր զգազմնի նետս սատանայի, և փութա զերծիր յորոգայթից նորա : Ահա պահպանեալ կան զքեանութիւ բանակք դիւաց, և պատեալ պաշարեն զխորհուրդս քո՝ չխոստովանել և չապաշխարել . այլ ոստիր 'ի միջոյ նոցա իբրև 'ի հրոյ կայծականց, և փու-

Թա անկիր յողորմութիւնն նոյն . ողբա ասելով . Հայր ,
 մեղայ յերկինս և առաջի քո . մի մերժեր յողորմութիւն
 քումմէ . յորմէ լսեմ 'ի ձեռն մարգարէին , թէ թո-
 դեալ լիցին քեզ մեղք քո : Որում ողորմութեւ և մեք
 արժանի լիցուք շնորհօք . և մարդասիրութե՞ք Հօր և
 Որդւոյ և նք Հոգւոյն այժմ և միշտ և յաւիտեանս
 յաւիտենից . ամէն :

ՎԱՍՆ ՉԱՌՆԵԼՈՅ ՍԻՐ ԲԱՐԵԿԱՄՈՒԹԵԱՆ
ԸՆԴ ԹՇՆԱՄԻՍՆ ԱՍՏՈՒԾՈՅ*

ԱՆԱՊԱԶ զմտաւ ածեալ զարհուրիմ յահեղ
յանցանացս այսորիկ, և անպակաս խորհուրդք իմ
յուզին. սիրտ իմ հիացեալ երկնչի, զի հանապազ
վիրաւորիմ յախտէս յայսմանէ. զի յընդելական
սովորութիւն և վերն իսկ վեր ոչ երեւի: Չարեօքն չա-
րաչար խոցոտիմք, և անհոգ եմք իբրև զառողջս.
ընդ միշտ հիացեալ զարմանամ և սգամ հանապազ,
քանզի գիտեմ զվիրին չարութիւն, գիտեմ լիով զվի-
րացն ծուլութիւն: Վասն այսորիկ պարտ է առաւել
սգալ գողալով, և անդադար ողբալ զկուրուծի յի-
մարութես մերոյ. քանզի գիտեմ թէ ահեղ բանդք
և կապանք մեծամեծք և պատիժք զանազան տան-
ջանաց կան արհամարհողաց բանից և թագաւորաց
աշխարհի: Իսկ որչափ ևս առաւել հուր ահեղ տան-
ջանաց բազմութե այնոցիկ մնացէ՝ որ զհրաման հո-
գւոյն և զպատուիրանն նոյ արհամարհեն, և թշնա-
մեաց նոյ բարեկամք լինիցին, որք հանապազ զհոգին
սուրբ հայհոյեն և տրտմեցուցանեն՝ անօրէն գնա-
ցիւք, և ոչ դառնան և զլջան, այլ կան ՚ի նմին հա-
նապազ. յորոց պարտ է անձապաշտաց և քնասիրաց ՚ի
բաց հեռանալ ըստ բանին Պաւղոսի որ ասէ. «Եթէ
եղբայր անուանեալ կամ պոռնիկ իցէ, կամ ագահ,
կամ արբեցող, կամ բամբասող, կամ յախշտակող,
ընդ այնպիսուսն և հաց մի ուտել,» եղբայր անուա-
նեցաւ՝ որ աւազանին ծննդեամբն և սրբոյ սեղանին
հաղորդութիւն լուսաւորեցաւ. և զի անսուրբ վարիւք
և անապաշաւ անօրէնութիւնք պղծեաց և կորոյս ըզ-
սուրբ աւազանին զսրբութիւն, և հեռացեալ մերժե-
ցաւ ՚ի մէնջ և ՚ի սուրբ հաւատոյ քրիստոնէութեն,

* Այս ՚ի ճառքնորի և այս ճառ
տանց անուան մատենագրի:

1 Յօրին. հայկոյնէ և քրքէ.
յոչմէնէ:

կամ պղծեցաւ ընդ անօրէնս չնութք աղտեղեալ, և կամ զազիր և զարշելի անկողնեօք ամուսնու թի կաս կելով՝ զօրէն խօզի ընդ ցելս և ընդ տիղմ թաւալեալ, այնպիսին եթէ եղբայր իսկ իցէ և կամ քոյր, կամ որդի, կամ դուստր՝ նզովեսցի և մերժեսցի ՚ի սիրոյն և ՚ի խնամոյն և ՚ի բարեկամութի. և ընդ այնպիսումն և հաց մի ուտեր, փոխանակ զի դարձաւ յետս ՚ի քսէ, և եթուք յաւազանն, և հաւատաց անօրէն խաբէութե սատանայի:

Արդ ոյր են հրամանքս, ոյր են պատուիրանքս. ոչ ապաքէն միաճնին այ և թագաւորին թագաւորաց՝ զոր պատուիրեաց Հոգւովս սրբով ՚ի բերանոյ Աւաքելոյն: Եւ արդ թշնամանեալ արհամարհին պատգամք Հոգւոյն սրբոյ և պատուիրանք այ վասն Հրաժարելոյ մեր նախ յանօրինացն սիրոյն և յանարժան խնամութիւն, որ է հանապազ պոռնկութի: Եւ արդ որում ներելոյ և թողութե արժանի լինիցիմք, զի զհրամանս և զպատուիրանս այ կոխան արարաք. նա ընդ ազահի և ընդ արբեցողի Հրամայեաց առնել բարեկամութիւն, և մեք ընդ հրեայս և ընդ հեթանոսս և ընդ հերձուածողս առնեմք բարեկամութի և խնամութիս: Եւ յոր խաւար երթայցեմք, և կամ ուր սուղանիցիմք վասն անհնարին ծուլութեո և չարաչար սովորութեո, որ արհամարհեմք զպատուիրանս այ. և կամ որ պատասխանատուի կայցէ յաւուրահեղ դատաստանին՝ յորժամ յանդիմանեալ կշտամբիցիմք առաջի տիեզերական հրապարակին. զինչ ասիցեմք. չուաք երբէք յումեքէ ասեմք, կամ չուսոյց որ: Ահա Պաւղոս բողոքէ և ասէ. եթէ եղբայր որ ազահ իցէ, կամ արբեցող և կամ բամբասող և կամ յափշտակող, ՚ի նոցանէ, ասէ, որոշեա և ՚ի բաց հեռացիր. ընդ այնպիսումն և հաց մի ուտեր. այլ ելէք ՚ի միջոյ նոցա, և մեկնեցաւ բուք ՚ի նոցանէն. մի ճաշակէք, մի հուպ լինիք, զի հանապազ թշնամանողք են այ, և արհամարհողք պատուիրանացն նորա: Զայս յամ ժամ լսեմք ՚ի Պաւղոսէ, մանաւանդ ՚ի Հոգւոյն սրբոյ՝ եթէ չէ

1 Այսպէս յօրինակին:

պարտ թշնամեաց նոյ լինել բարեկամ : Ահա և մարգարէն ասէ՝ եթէ « Զատե լիս քո տէր՝ ատեցի, և վասն թշնամեաց քոց տրտմեցայ . ատելու թի կատարեալ ատեցի զնոսա, և եղէ նոցա թշնամի, զի զօրէնս քո ոչ պահեցին, » Ահա մարգարէն ուսուցանէ թէ պարտ է ատել զթշնամիս նոյ, և ոչ եթէ բարեկամու թի ընդ թշնամիս նոյ առնել : Այլ և միւս մարգարէն ասէ, եթէ « Եւ վասն այսորիկ խորտակեաց զնաւս քո, զի թշնամեաց նոյ բարեկամ եղեր », . ահա և սա զնոյն բողոքէ՝ եթէ չէ պարտ ընդ թշնամիս նոյ առնել բարեկամու թի և խնամու թի և լինել ատելի և թշնամի նոյ : Զայս և այլ մարգարէ ասէ . « Որ ամբարտաւանն էր աչօք և ազահ սրտիւք, ընդ նմա և հաց ոչ ուտէի . և ոչ բնակէր ՚ի մէջ տան իմոյ, որ առնէր և գործէր զանօրէնու թի » :

Արդ զայս գիտելով և մեք հեռասցուք ՚ի թշնամեաց նոյ . զի չէ պարտ քրիստոսասիրաց և անձապաշտից ընդ ատե լիս նոյ և ընդ թշնամիս Քթի սէր ինչ և բարեկամու թիս առնել . այլ ատել և իբրև զթշնամիս համարել : Կին որ եթէ զայրն ¹ իւր թշնամանեացէ, ոչ միայն թշնամի թշնամանողին լինի, այլ և քինանայ և ս ընդ նմա և ռիայ . մեք վասն Քթի չատեմք իսկ երբէք, և չքինանամք ընդ գողս և ընդ պոռնիկս և ընդ բամբասողս և ընդ նմ թշնամիս նոյ, որ յնմ ժամ բարկացուցանեն զնա անօրէն գնացիւք : Որդի զանարգիւս հօր իւրոյ անարգէ և թշնամանէ . և մեք զթշնամիս նոյ հօր մերոյ սիրեմք և պատուեմք, և առնեմք բարեկամու թիւն ընդ նոսա : Բազում ծառայք ՚ի վերայ տերանց իւրեանց մեռանին, և մեք վասն նոյ հօր մերոյ և արարչի մերոյ ատելի և ս թշնամեաց նորա չկամիմք լինել : Եւ զիւրդ անուանիմք անձա սէրք և անձապաշտք, և ակն ինչ յաւիտեանական կենացն ունիցիմք . և կամ զիւրդ սիրիցիմք ՚ի նմանէ՝ որք ոչ սրտիւք զնա սիրիցեմք . զի որով չափով չափէք՝ չափեցից ձեզ : Զի եթէ կոչէք զիս հայր՝ ասէ, և զոր ասեմն ոչ առնէք, որդիս կոչեցից և ես, և ՚ի ժառանգու թեանէ իմմէ հեռի արարից : Ընդէր տէր և վասն

¹ Եօրին . զնորոյ . . . եղաւ ըստ այլ կրկին օրինակաց :

էր . զի զԹնամիս իմ սիրեցիք , և զատելիս իմ բարեկամ արարէք :

Այլ այժմ ոչ ինչ համարին զայն բազումք . այլ խառն և անխտիր ընդ Թնամիս , ընդ շունս և ընդ գողս և ընդ պոռնիկս և ընդ ագահս և ընդ յափշտակողս ուտեմք , և ընդ բամբասողս և ընդ զրկողս , և խնամով 'ի տունս մեր մուծանեմք , և պատուեմք զԹնամանողս անյ , և զողիս մեր վնասեալ կորուսանեմք : Եւ որ ևս ահագին անօրէնութիք են քան զամ չարիս , և հաւասար կուսպաշտուէ , որք քրիստոնեայքն լինին , և ընդ անօրէնսն խառնակին , ամուսնանան ևս , և հաւասար անասնադիտաց անուանեն զանձինս իւրեանց , և զհոգին սուրբ հալածեն յինքեանց և 'ի տանց իւրեանց և 'ի ծնողաց և յեղբարց և յաղգատոհմից իւրեանց , և ոչ իմանան և զըզջանան , և ոչ դաւնան և ապաշխարեն . և սատանայ զայն փոքր կարծեցուցանէ , և չտայ իմանալ եթէ այս են մեղք որ մահուչափ են : Ասան որոյ ոչ է պարտ յայսպիսինս յարել և ճաշակել ընդ նոսա . այլ իբրև յօձից փախչել 'ի հաղորդութի նոցա , գուցէ որ ուսանիցի զգործսն : Իսկ եթէ ընդ չարակն չհրամայէ հաց ուտել , ո՞րչափ ևս առաւել ընդ բարագործէն՝ որով ոգիք մեր ապականին : Զի եթէ 'ի պոռնիկ ամուսնոյն հեռանալ հրամայէ , ո՞րչափ ևս յօտար պոռնիկէն , որք զմեզ յայ հեռացուցանեն : Զի եթէ 'ի դատարկէն փախչել հրամայէ , որ դատարկ և անգործ և ստահակ չըջի , ո՞րչափ ևս առաւել փախչել 'ի բամբասողաց և յարբեցողաց : Զի եթէ ընդ բարկացող առն չհրամայէ բնակել՝ գուցէ ուսանիցին զճանապարհս նորա , ո՞րչափ ևս առաւել 'ի նոցանէն հեռանալ՝ որք զամ բարկացուցանեն հանապազ :

Ինգէր օտար չարեօք չարչարիցիմք , և ընդ այլոց մեղացն դատապարտիցիմք . տես որ զհանդերձս մաքուրս որ ունիցի , և առաւել շփիցի ընդ այնոսիկ՝ որ տղմովն իցեն շաղախեալք , ոչ ապաքէն և նա ընդ նս շաղախեալ ապականիցի . նոյնպէս և որ սրբուի իցէ ստացեալ , և ընդ ագահս և ընդ յափշտակողս և ընդ ամ շաղախեալս մեղօք սէր և բարեկամութիս առնիցէ , 'ի պղծոցն պղծութի զսրբութինն իւր ապա-

կանէ : Ապա եթէ որ նեխեալ և փտեալ և չարահոտ վիրօք զոր տեսանիցէ, չկամի և ոչ 'ի մահիձնս յարեւիսկ մեք ընդ անօրէնսն և անկնունքսն խառնակիմք, և ընդ հերձուածողսն՝ որ ևս չքան զնեխուծէ և փտուծէ 'ի նոցանէ բուրէ մեղացն ծանրուծի՝ որ զմարմինս մեր և զոգիս պղծեալ ապականէ, և հանէ յարքայուծէն, և սատանայի և դիւաց առնէ ժառանգակից, որ զՔս բարկացուցանեն յանօրէն անկողինս պղծելով : Իսկ քրիստոնեայք նորք են՝ որք զհրամանն Քսի պահեն և առնեն հանապազ :

ՄԼ քրիստոնեայքն միշտամեղք որք ընդ անօրէնս վաւաչին, և քան զհեծանոսս առաւել ևս դատապարտին : «Ծառայ, ասէ, որ գիտէ զկամս տեառն իւրոյ, և ոչ առնէ, արբցէ զան սաստիկ », և Պաւղոս ասէ. «Եթէ եղբայր որ անուանեալ՝ կամ ագահիցէ, կամ կռապարիշտ, ընդ այնպիսուսն և հաց մի ուտել, Ահաւասիկ ընդ կռապարիշտս համարի զայնուսիկ երանելին Պաւղոս՝ որք ընդ անօրէնս կամօք յարածամ պոռնկին, և ամուսնուծիս համարին . զԹըլ փատուծին պատուեն, և զաւազանն և զլուսաւորուծին Քսի անարգեն . և ոչ իմանան թէ չէ նմանուծի լուսոյ ընդ խաւարի, և ոչ Քսի ընդ սատանայի, և ոչ բաժին հաւատացելոյն ընդ անհաւատին : Արդ եթէ սիրելի ես Քսի, ատեա զԹնամիս նորա . եթէ բարեկամ ես Քսի, Թնամի լեր ատելեաց նորա . զի ամ որ անօրէնուծի գործէ, արհամարհէ զպատուիրանս նորա . եթէ Թնամի էն անյ, որ սրտիւք անձապաշտ է՝ մերժի և հեռանայ 'ի նմանէ որպէս 'ի Թնամոյ, Թէպէտ և կարի սիրելի որ է, և կարևոր յընդանեաց :

ՍԵԾ առաքինուի է որք նահատակին և մերժին յարհամարհողացն անյ, և լինին Թնամիք Թնամանուղաց նորա . ընդ որոց կան հատուցմունք մեծամեծք և պարգևք զանազանք և պատիւք ընդ մերձաւորս անյ : Այլ հարց ընդ Թագաւորս աշխարհիս, եթէ զոր 'ի ծառայիցն տեսանիցէ՝ որ Թնամի Թնամեաց նորա լինիցի, տես քանի վայելուծիք պատուով փառաւորէ զնա առաջի մեծամեծաց իւրոց : Իսկ եթէ լսէ եթէ ծառայ որ Թագաւորին սէր ընդ Թնամիս

նորա առնիցէ, և բարեկամութիւն ընդ նոսա դնիցէ, 'ի միտ առ թէ քանի գանիւք և բանդիւք և զանազան տանջանօք մաշեսցէ, և չար մահուամբ յաշխարհէս բառնայցէ: Իսկ մեք որո՞ւմ ներելոյ և թողութեան արժանի լինիցիմք, եթէ սէր և բարեկամութիւն ընդ թշնամիս նոյ առնիցեմք, որք հանապազ անօրէն գնացիւք հայհոյեն և թշնամանեն զնա: Յորոց պարտ է բազում երկիւղիւ զգուշանալ 'ի սեղանոյ և 'ի սիրոյ նոցա. քանզի յանօրէնութեց են կերակուրք յափշտակողաց և գողոց. պիղծ են կերակուրք պոռնկաց և բամբասողաց. առիթ յաւիտենական տանջանայն են արբեցողացն խրախճանք, և մարդազոհիցն արեամբ շողախեալ են ազահացն սեղանք, և են անսուրբ, և ապականիչ են կերակուրք նամ անօրինաց և ապստամբողաց յայ, յորոց և Պաւղոս պատուիրէ հեռանալ. զի թէ մատուցողն պիղծ է, առաւել զոհն նորա պիղծ է. և որոց վարքն անսուրբ է, անսուրբ են և կերակուրք նոցա: Եւ դու եթէ սրտիւ ես նախապաշտ, մերժեա և հեռացիր 'ի սեղանոյ և 'ի սիրոյ նոցա: Տես զի և դատաւորք աշխարհիս զոր և ընդ գողս և ընդ սպանողս գտանեն, ընդ նոսին և դատին, մանաւանդ զբարեկամս և զվանատուրս նոցա: Վասն որոյ և մեք հեռացուք 'ի նոցանէն զոր նախ է դատելոց. զի մի և մեք ընդ նոսին դատեսցուք յահեղ հուր գեհենին և աններելի տանջանօք:

Այլ արդ զայս նամ իմացեալ 'ի բաց եղիցուք 'ի բարեկամութեան շրթից և հեթանոսաց և հերձուածողաց, գողոց և սպանողաց, պոռնկաց և բամբասողաց, յարբեցողաց և յազահաց և յափշտակողաց. և սուրաւել յայնցանէ՝ որ յանապաշաւ չարիսն իցեն զազրեալ և ընդ անօրէնս՝ ամենեին 'ի բաց մեկնեսցուք. զի չէ միաբանութիւն արդարոյն ընդ անօրինին. զի թշնամի է արդարութիւն ընդ անօրէնութեան: Զի՞նչ միաբանութիւն է լուսոյ ընդ խաւարի, և կամ զի՞նչ կայ հաւատացելոյն ընդ անհաւատին. զի հաւատացելոց տէր է բաժին, և անհաւատիցն հուր է ժառանգութիւն: Եւ կամ զի՞նչ նմանութիւն է տաճարի նոյ և մեհնայնաց. զի քրիստոնէայն տաճար է բնակութեան նոյ, և անօրէնն բազին է դիւաց, 'նոյնպէս և նամ անօ-

րինեալք մեղօք մեհեանք սատանայի են և բնակարան գիււաց : Ահա յայս են բաժինք և սահմանք և որոշմունք, և զատուցանեն զմեզ յանօրինաց սիրոյ : Ո՛ր է զի աղաւնիք ընդ ագուաւս բնակեացեն, և գառինք ընդ գայլս մակաղեացեն, և կամ խառնուրդք միաբանութեան գիււաց պղծոց և լուսեղէն հրեշտակաց լինիցին : Այլ սուրբք զսուրբս խնդրեն, և անօրէնք յանօրէնս յարին . զի ամ հաւ, ասէ, յերամս՝ իւր իջանէ, և մարդ զնմանիս իւր խնդրէ : Վասն որոյ և մեք զսուրբս խնդրեսցուք, և ՚ի սուրբս յարեսցուք . զսուրբս պատուեսցուք, զառաքեալս սիրեսցուք, և բարեխօս արասցուք . և ՚ի շնորհաց և յողորմութի և յաղօթից մի զանգիտեսցուք . և արժանի լիցուք ընդ նոսին խոստացեալ անձային բարութեցն ՚ի Քս Յս ՚ի տէր մեր . որում փառք յաւիտեանս . ամէն :

1 Յօրինակին շերտն :

ՎԱՍՆ ԱՏԵՂ ՀԱՐՈՒԱԾՈՑ ԿԱՐԿՏԻ*

Ի ԱԶՈՒՄ կերպարանք են պատուհասից սպառնալեաց այ՝ զոր յօգուտ և գթութի մեզ մատակարարէ. զի թէպէտ և դէմք իրացն ցասման են նշանակ, այլ առ մեզ զգութ հայրենի խնամոցն ցուցանէ: Զի յորժամ արհամարհիցեմք զպատուիրանս նորա, և յանցանք ինչ յանցանիցեմք ըստ կամաց անձանց մերոց գնալ, առ սակաւ սակաւ ներէ և երկայնամտէ, ակն ունելով դարձի ապաշխարուէ: Եւ յորժամ ոչ երկիւղիւ գեհենին, և ոչ փափագանօք անանց բարութեցն չփութամք յապաշխարութիւն, կամի փոքր մի զարթուցանել զգանդաղութի ծուլութե մերոյ ՚ի ձեռն սուղ ինչ պատուհասից առ ՚ի խրատ և ՚ի զգուշութի. զի իւրաքանչիւր ուրուք սրտի հանդէս արարեալ՝ ծանիցէն զանօրէնութիս գնացից իւրոց, և զերծեալ հեռասցի ՚ի չար սովորութենէ մեզացն, և ասրեսցին յահեղ աղէտից տանջանացն: Ապա եթէ զայս ևս արհամարհիցեմք, և ոչ փութանայցեմք զսօժ հաշտեցուցանել ապաշխարութե, և զայլ ևս ճաշակս դառնութե պատուհասից տայ մեզ ըմբել, և հեղու թափէ ՚ի վերայ մեր զահեղ պատուհասիցն բազմութի, և զահագին մրուր բարկութե իւրոյ արբուցանէ մեզ չարաչար սպառնալեօք. զի յառաջագոյն ոչ փութացաք հաշտեցուցանել զնա ՚ի ձեռն խրատոյ գաւազանին:

Օ ի թէ էր Փարաւոնի առաջին պատուհասիւն խրատեալ, զտասն ևս՝ հարուածոցն զճաշակն ոչ ընդունէր. և ժողովուրդն Ամովսայ մարգարէին եթէ առաջին պատուհասիւն էր ապաշխարեալ, զցաւս ատամանց և զգալուկն և զմարախն և զկարկուտն և զսաստիկ երաշտութիւնն և զսոսկալի սոյլս և զհարուածս չարաչարս և զմահս տարաժամս ոչ ճաշա-

* Եփրեմի ընծայի և այս ՚ի ճառքնարի: 1 ԅօր. և զհարուածոցն:

կէր : Վասն որոյ պարտ է զգուշանալ յիւրաքանչիւր 'ի չար ձանապարհէն , զի մի այլ ևս բազմութիւն չարաչար պատուհասիցն յաւելցին 'ի ձեզ : Քանզի յորժամ անօրէնութիւնք մեր առաւելուն , յայնժամ պատուհասքն զեղուն 'ի մեզ : Այլ նախախնամութիւնն նոյն և զայն ևս խնամով ածէ 'ի վերայ մեր . զի յորժամ մուսնայցեմք զերկիւզնն , և 'ի չարիան հօլովիցեմք , ոչ անդէն 'ի մեզն կամի անապաշաւ զոք կորուսանել , այլ շնորհէ ժամանակ ապաշխարութե : Ապա եթէ ոչ ապաշխարեմք , և այլ ևս յանձինս մեր խնայէ վասն դարձի , և հարկանէ զանդաստանս մեր կարկառի , կամ մարախով և կամ այլ ինչ պատուհասիւք , զի ծանուցեալ զյանցանս մեր ապաշխարեսցուք : Ապա եթէ և այնպէս ոչ ապաշխարիցեմք , հարկանէ վասն մեր զանասունս մեր պէսպէս հարուածովք իբրև զպատժապարտ՝ զի մեք 'ի զեղջեկեսցուք : Ապա եթէ և այնպէս ոչ ապաշխարիցեմք , կամ փակէ զերկինս 'ի վերայ մեր դժնդակ երաշտութեք , կամ բանայ չարաչար յոլովութեք յապականութի : Ապա եթէ այնպէս ոչ ապաշխարիցեմք , շարժեալ զերկիր դողացուցանէ 'ի ներքոյ մեր , և իբրև ձայնիւ բարբառի ծանուցանել զյանցանս մեր . այլ ոչ ընկղմէ վասն դարձի ապաշխարութե : Ապա եթէ և այնպէս ոչ ապաշխարիցեմք , այնուհետև առաքէ ' յանձինս մեր օրատու չարաչարս , կամ մահս տարաժամս , կամ խեղութի մարմնոյ , կամ ցաւս անբժշկելիս , կամ լկուսն դիւլական , և պէսպէս օրատուութիս , որպէս և Պաւղոս ասէ՝ թէ « Վասն այնորիկ են 'ի ձեզ բազում հիւանդք և օրատուութեք , և շատ ևս տարաժամ ննջեցեալք » : Վասն որոյ պարտ է ձեզ միշտ պատուհասիւ դառնալ և ապաշխարել , և մի գոյլս բազումս և չարաչարս ընդունել զպատուհասիցն , և յետ այնորիկ զհօւրն անշեջ և զտանջանսն յաւիտենից :

Այլ արդ իւրաքանչիւր ոք զխեղճ անձին իւրոյ քրննեսցէ , և զբազմութի յանցանայ իւրոց ծանիցէ , և մի զանձ անիրաւ ոք կարծիցէ 'ի հեղուլ զցասուսն սրտմտուէ իւրոյ . այլ տուր գոհութի ներող և ար-

դար դատաւորու թէ նորա, զի զոր ինչ անձ գործէ՝ ոչ եթէ բարկու թէ ինչ նշանակիչ է, այլ ողորմուէ։ Ահա ջրհեղեղն համաջուրջ անձ աշխարհի նշանակ էր ողորմու թէ և ոչ բարկու թէ։ զի իբրև ոչ կամեցան զղջանալ և ապաշխարել տապանագործ բարոզու թէն՝ Նոյի, որ ձայնիւ ուրագին հնչեցուցանէր յամենեցունց լսելիս, ՚ի ձեռն արադահաս մահուն յանձիր մեղացն կարճեցան։ Թէպէտ և սաստիկ տանջանս ընկալան վասն գործոցն չարեաց, այլ զոր ՚ի վաղիւն գործել կամէին՝ ՚ի ձեռն մահուն ապրեցան։ և յայտ է՝ եթէ ողորմու թէ նշանակ եղև ջրհեղեղն նոցա, որք ոչն կամեցան զղջանալ և ապաշխարել։ Չոյն և առ սողոմայեցւոցն իմացիր։ զի ոչ եթէ ՚ի բարեգործու թէց ինչ կործանեցան ՚ի ձեռն հրացան կայծականց, այլ ՚ի սաստիկ անօրէնու թէցն և ՚ի ժանդագործ գնացիցն։ զի բանդարգելեալք էին յամ զազրու թիս, որք յարագ մահուն ապրեցան ՚ի բազում պղծու թէց։

ՎՅԼ ՚ի ձեզ իբրև յորդիս մատուցեալ է անձ ՚ի խրատել, ՚ի բժշկել, և ոչ վիրաւորել։ այժմէն յայտնել զանօրէնու թիս ձեր, և ոչ պահել յաւիտենական ամօթոյն տանջանաց։ Հարկանէ վասն ձեր զանդաստանս ձեր, զի անձինք ձեր ՚ի զեղջ եկեցոցն։ Այլ թերևս չար ախտիւն ագահու թէ ընչաբաղց և օգտաժողով էիք, և կարճել կամեցաւ։ և կամ ՚ի ցփա գնացս ինչ ցանկու թիս յափրացեալք, և ՚ի ձեռն կարօտու թէցդ ցածուցանել կամեցաւ։ և կամ ՚ի լրու թէ հացալիցք և մարմնապարար յափրու թիք յուսցեալք ինչ մոռացայք զերկիւղն ան, և արդ ՚ի ձեռն սուղ ինչ նեղու թէ և կարօտու թէ յիշէք, խընդրէք և աղաչէք զնա, և կամ մեղօք ինչ բարկացուցանէք զնա, և զարթոյց զձեզ յապաշխարու թիս։ ասա և ձեզ ցատու մն պատուհասիդ նշանակ է ողորմու թէ, և ոչ բարկու թէ։ Այլ ողորմու թիս ՚ի դէմս ցատմանդ ցուցանելոյ բազմու թիք մեղաց դադարեն։

ՎՅԼ հանդէս արարէք խորհրդոց, և քննեցէք զսիրտս ձեր, և գտէք զբազմու թիս յանցանաց։ վասն

որոյ զեղուն յորդուծիք պատուհասից 'ի վերայ երկրի . զի չարն սատանայ միշտ 'ի չարիսն յորդորէ, և 'ի միտս մեր փոքր կարծեցուցանէ, զի մի ապաշխարեացուք . և մեր անմտաբար արհամարհեալ չնչին ինչ զմեզս համարելով, դիզեալ կուտէ 'ի վերայ մեր շեղք շեղք մեղացն : Զի ոմանք նեղեն և կտրեն զսահմանս անդաստանաց ընկերին, զորմէ մարգարէն ասէ . «Վայ որ շինէ զտուն առ տուն և ոչ իրաւամբ», և սատանայ զայն փոքր կարծեցուցանէ, զի մի ապաշխարեացեն : Եւ ոմանք զվարձս վարձկանաց հատանեն, որք ընդ արիւնահեղան համարին . և սատանայ զայն փոքր կարծեցուցանէ, զի մի ապաշխարեսցեն : Եւ ոմանք զպտուղս եկեղեցւոյ չարակնէն և խարեն զնձ, և զընտիր ընտիր խաշանց, զկալոյ և զընծանի անձանց իւրեանց չարակնէն, և խարեն զնձ, և զխոտանն և զանօգուտն տեառն մատուցանեն . որում և մարգարէն ասէ . «Անիծեալ լիցի մարդն որոյ ընտիրն կացցէ, և զարատաւօրն տեառն մատուցանիցէ» . որով և Վայէն անիծեցաւ . և սատանայ զայն փոքր կարծեցուցանէ, զի մի ապաշխարեացուք : Եւ ոմանք ընդվայրած լեզուօք 'ի բամբասանաց ոչ դադարեն՝ գաղտ զընկերէն խօսելով, որոյ և ասէ . եթէ որ 'ի մարմնոյ տեառն հազորդի, և չար զընկերէն խօսեսցի, երկնաւոր սուրն շողացի 'ի շրթունս նորա . և սատանայ զայն փոքր կարծեցուցանէ, զի մի ապաշխարեացուք : Եւ ոմանք յորկորստուծիք ապականեալք, որոց և Պաւղոս ասէ՝ եթէ «Արբեցողք և բամբասողք զարքայու թի՛ նյ ոչ ժառանգեն», և սատանայ զայն փոքր կարծեցուցանէ, զի մի ապաշխարեացուք : Եւ ոմանք աներկիւղ և պակասամիտք ելեալ 'ի թատերս նստին անամօթեալք, և 'ի դիւլամով տեսարանէն աներևոյթ նետիւք վիրաւորին . թէպէտ և ոչ զմարմինսն, սակայն զհոգիսն պղծեալ ապականեն . և սատանայ զայն փոքր կարծեցուցանէ, զի մի ապաշխարեացուք : Եւ ոմանք ոչ երկիւղիւ նյ, այլ ըստ սովորութեն միայն մտեալ յեկեղեցին՝ զանձինս դատարկ բանից պարապեցուցանեն, և զպաշտօնեայան փառաբանութեն նյ արհամարհեալ՝ և զաղօթսն 'ի մեզս դարձուցանեն, և գնան դատա-

պարտեալք . և սատանայ զայն փոքր կարծեցուցանէ զի մի ապաշխարեսցուք : Եւ ոմանք ուծացեալք 'ի սիրոյն ան , և մերժեալք 'ի Հոգւոյն Հնորհոց , կամ պղծութիւն ճաղորդին 'ի սուրբ խորհրդոյն , և կամ ժտութիւն հեռանան . երկոքեան չարաչար տանջանօք դատապարտին . և սատանայ զայն փոքր կարծեցուցանէ , զի մի ապաշխարեսցեն : Ոմանց արհամարհեալ զնորա մկրտութիւն և զյոյս յարութե' հեթանոսական անյուսութիւն գնան , և լան և կոծին 'ի վերայ մեռելոց , զոր արգելեալ 'ի քրիստոնէից սրբոց առաքելոյն . և սատանայ զայն փոքր կարծեցուցանէ , զի մի ապաշխարեսցուք : Եւ ոմանց թողեալ 'ի բաց ընկեցեալ զհաւատս քրիստոնէութե' և զգորութի խաչին , և 'ի հմայս և յուրթս և 'ի խտիրս և 'ի դիւթս և 'ի դիւաց զառածանս ընթանան ' , որ է կատարեալ կռապաշտութի' և մերժումն յիմային օրինացն . և սատանայ զայն փոքր կարծեցուցանէ , զի մի ապաշխարեսցուք : Եւ ոմանց աներկիւղ յերդումն և 'ի սուտ երգումն սովորեցուցանեն զլեզուս զոր և Քո իսկ պատուիրեաց' թէ և ամենեւին մի երդնուր . այլ եղիցի ձեր այոյն այո , և ոչ ոչ . որ աւելի քան զայն 'ի չարէն է . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք զորքս և զայրիս և զպանդուխտս յաղթահարեն , և տան հառաչել 'ի վերայ զրպարտողացն . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք զգրացիս իւրեանց նեղեն ընդարձակել զտեղի իւր , և զվիճակ ընկերին սակաւացուցանեն . վասն որոյ ասէ մարգարէն . « Այո որ յարէ տուն 'ի տուն , և զընկերին հանիցէն » . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք թիւրեն զիրաւունս այրւոյն 'ի դատաստանի , և ակն առնուն 'ի շքեղ երեսաց , խոտեալք և արհամարհեալք կաշառօք անօրէնութե' , զոր և գիրն ասէ : Եթէ « Ի հրապարակս անէծք եղիցին , և անէծք բնակեսցեն 'ի տունս կաշառառուաց » . և սատանայ զայն փոքր կարծեցուցանէ , զի մի ապաշխարեսցուք : Եւ

ոմանք 'ի տոկոսեաց վաչխից ժողովէն մեծութի և
 ընուն զտունս իւրեանց , զոր և մարգարէն ողբալով
 ասէ՝ թէ «Վայ որ ժողովէ զմեծութիս անօրէնութի» ,
 և սատանայ զայն փոքր կարծեցուցանէ , զի մի ապաշ-
 խարեցուք : Եւ ոմանք զվաճառս ճշդեն և կսկծե-
 ցուցանեն զսիրտս գնողացն՝ չհայելով յարդարակիւ
 վաճառոցն . այլ ջանան առնել զսակաւն մեծագին ,
 և զմեծն սակաւագնի . և սատանայ զայն փոքր կար-
 ծեցուցանէ , զի մի ապաշխարեցուք : Եւ ոմանք չափ
 արդար և կշիռ արդար ոչ ստանան , այլ առնեն փոքր
 և մեծ 'ի խաբէութի և 'ի զրկումն բազմաց , զոր և
 մարգարէն ասէ՝ եթէ «Չափ կրկին պիղծ է առաջի
 ւնյ» . և սատանայ զայն փոքր կարծեցուցանէ , զի մի
 ապաշխարեցուք : Եւ ոմանք քինահանութի զան-
 դաստանս ընկերին և զհամբարս սպականեն . այլ ա-
 ռաւել մոլորեալք խորհրդովն սատանայի յանդգնին
 ահէղ անօրէնութի զտունսն բնակութեցնոցա հըր-
 դեհէն , որ են բազում արեանց պարտապան . որ
 թէպէտ և մարդիկն ապրեցան 'ի հրոյն մահուանէ ,
 սակայն նա որ զհուրն եդ՝ ըստ թուոյ ոգւոցն է պար-
 տական վրիժուց մարդասպանութի . և սատանայ
 զայն փոքր կարծեցուցանէ , զի մի ապաշխարեցուք :
 Եւ ոմանք առանց հարկի հոգևոր ինչ պատճառա-
 նօք սէր ընդ թշնամիսն ւնյ առնել յօժարեն . և առ-
 նեն բարեկամութիս և խնամութիս ընդ անհաւատ-
 սն , ընդ շրեայսն և ընդ հեթանոսսն և ընդ հեր-
 ձուածողսն , զոր և մարգարէն ասէ՝ թէ «Վասն այնու-
 րիկ խորտակէ զնաւս քո , զի թշնամոյ ւնյ բարեկամ
 եղեր» . և սատանայ զայն փոքր կարծեցուցանէ , զի մի
 ապաշխարեցուք : Եւ ոմանք 'ի պակասամտոց և
 յաներկիւղածաց ւնյ թէպէտ և ոչ պոռնկութի , այլ
 չարաչար նախանձու և շուաբարոյ զոչտուր հաչեն
 և մաչեն զամուսինս իւրեանց 'ի կարծիս պոռնկու-
 թի , որ ոչ երբէք դադարեն 'ի մեղաց և 'ի խռովու-
 թի , այլ անդադար հանապազ մեղանչեն քինու և
 աղաղակաւ . վայ որ կարծեն , և եղուկ որ կարծիս
 տան . և սատանայ զայն փոքր կարծեցուցանէ , զի մի
 ապաշխարեցուք : Եւ ոմանք զծնողս տրտմեցուցա-
 նեն և ցաւեցուցանեն անարգանօք զսիրտս նոցա , զորս

պատուիրանն պատժել հրամայէ : Եւ ոմանք զորդիս իւրեանց ոչ խրատեն , այլ խակ և ընդվայրագնաց թողուն . ընդ որոց ծնողքն զպատիժս պատուհասի ընդունին : Եւ ոմանք ծառայք ստահակք զտեարս իւրեանց արհամարհեն , մարդահաճոյ և աչք վաստակօք յանձանց դատապարտութի և ՚ի տանջանս : Եւ ոմանք յուխտաւորաց՝ որք զխաշինս ընծայս մատուցանեն , անցին զուխտիւն և ստեցին , և զդաշինս երդմանն արհամարհեցին : Եւ ոմանք ՚ի կուսանաց՝ որք Քնի կամեցան հաճոյ լինել հանդերձիւք և կերպարանօք , որ է չարաչար չնութի : Եւ ոմանք ՚ի կրօնաւորաց ոչ երկիրդիւն ւնյ պարկեշտանան , այլ կերպարանեալք պնդին առ ՚ի մարդկանէ , յիմարեալք ախտիւն սնտիառութիք զնձ անդիտացուցանեն . ընդ որոց առաւել քան զպոռնիկն և զարբեցողն դատապարտին : Եւ ոմանք ախտիւք և խեղութիք նախատեն և բամբասեն զեղբարս , որոց թշնամանքն յնձ ելանեն , զի զգործս ձեռաց նորա հայհոյեն . զի որոց գործն հայհոյի , և գործելին՝ թշնամանի : Եւ ոմանք չարակնեն և նախանձին ընդ եղբօրն յառաջադիմութի , և ուրախ լինին և խնդան ընդ անկանելն և ընդ աղքատանալն նորա , որ են մեղք ահեղք և չարաչար անօրէնութիք առաջի ւնյ . և սատանայ զայն փոքր կարծեցուցանէ , զի մի ապաշխարեսցուք :

Վայլ ըստ սովորութեն և մարդահաճոյ աղօթեմք , և ըստ սովորութեն հաղորդիմք , և ըստ սովորութեն զպաշտօնն կատարեմք , և ոչ ահիւ և երկիրդիւ և սիրով Հոգւոյն , և անձանց ւնմ յօժարութի : Թողից ասել և զայլ անթիւ բազում յանցանացն , զամբարտաւանութեցն , զգողութեցն , զպոռնկութեցն , զըսպանութեցն , զնենկութեցն , զկռապաշտութեցն , և առաւել զարիւնարբու նախանձուէ , և զպիղծ ռիսակալութի , և զանհաշտ թշնամութեն զընկերին , որ են հանապազորդ սպանողք և միշտ ՚ի մեղս . և սատանայ զայն փոքր կարծեցուցանէ , զի մի ապաշխարեսցուք :

Նւ արդ այս ւնմ բազմութիք անօրէնութեց զեռան ՚ի մեղ . և իշխիցեմք ասել արդեօք եթէ ընդէր զեղուն ՚ի մեղ ցասմունք պատուհասիցն ւնյ , զոր վասն

ողորմութեն իւրոյ 'ի բազում ժամանակաց երկայնամտեալ արգել հեղուլ զսրտմտութի բարկութեն իւրոյ 'ի ձեզ՝ ակն կալով դարձի ապաշխարութե : Եւ վասն զի անպեղջ և անապաշաւ մնացէք, արթոյց ձեզ սահաւիկ ինչ ճաշակունս սպառնալեաց իւրոց . զի ծանիջիք՝ թէ գոյ որ դատի զամ բազմութիւն անօրէնութեց մերոց . և ոչ զբարկութին եհեղ ըստ չափոյ մեղաց ձերոց, այլ զմասն մի 'ի բազմաց առ 'ի խրատել զձեզ . զի դիտասջիք թէ գոյ գեհեն և տանջանք յաւիտենականք, որով դատի և զայլ ևս անթիւ զամբարշտութիս ձեր :

Եւ արդ ահա զփորձ առէք զզօրութեն ւնյ, և ծանեայք զմարդասիրութին նորա . մի այսուհետեւ նմանէք ամբարշտութեն Փարաւոնի խստացուցանել զսիրտս ձեր . այլ յիշեցէք զանուղայ զգործս ձեր, և դարձարուք յիւրաքանչիւր ձեր ճանապարհէ, և ուղիղ ճանապարհին խնդիր արարէք աղաչանօք և պաղատանօք . զի և 'ի ձէնջ այլ պատուհասից բազմութիւք վերասցին, և սպառնալիք ահեղ տանջանացն անցեալ դատարեսցեն . զի և 'ի ցասունս եկելոց պատուհասիցն համարեսցի մեղաց թողութի, որպէս և մարգարէն ասէ . «Տէր, տուր մեզ զխաղաղութի քո, զի ըստ ամ գործոց մերոց հատուցաւ մեզ» : Որպէս և դուք ընկալայք 'ի ձեռանէ տն սահաւ ինչ հատուցունս մեղաց ձերոց, որ եղև ձեզ նպաստ փրկութե՝ զարթուցանել զձեզ յապաշխարութի :

Եւ արդ մի սողումապէս պանծանալ անզղջութի, այլ նինուէաբար ապաշխարել, լալով և հառաչանօք հաշտեցուցանել ընդ ձեզ զՀայրն երկնաւոր՝ որ խրատէ զձեզ որպէս սիրելիս, և ոչ անտես արարեալ արհամարհեաց իբրև զխորթս ատեցեալս : Եւ զխրատն թէպէտ և առժամանակ մի տրտմութի համարիք, բայց յետոյ ճանաչէք՝ թէ զղջունս ապաշխարութե և զթողութի մեղաց նովաւ ընկալայք . զի զոր սիրէ տէր՝ զնոսին և խրատէ, զի սրբեալք և քաւեալք 'ի մեղաց պահեսցեն : Այլ թէ և գոհանայցէք ևս զարդար դատաստանացն ւնյ, եթէ յիրաւի յորում գործեցաքն՝ ընկալաք, կարող է ամ զսահաւ ինչ մնացորդ ըս ստղոցն անդաստանաց ձերոց իբրև զհինգ հացին

բազմացուցանել առ 'ի լիութիւն բաւականութե՛ ձե-
րոյ: Բայց դուք մի՛ ինչ զարմանաւոր յղիուի՛ խնդ-
րէք, այլ խնդրեցէք նախ զլծողութի՛ մեղաց և զբժշ-
կութի՛ հոգւոց ձերոց, և այդ ան՝ յաւելցի՛ 'ի ձեզ: Եւ ան՝ որ մեծն է ողորմութե՛ք, տայ սերմն սերմանա-
հանին, և հաց 'ի կերակուր պարզ և եսցէ՛ ձեզ, և ա-
ռեցուցէ՛ զարդիւնս արդարութե՛ ձերոյ: Ձեր զան՝
լիութիւն ընկալեալ և առաւելեալ լիջիք ողորմութե՛ն
ան՝ առ 'ի խուլ զան՝ կարօտութիւն՝ ձեր չքաւորաց,
որբոց և նեղելոց: Եւ այդ է քաւութի՛ մեղաց և ան՝
անօրէնութե՛ց ձերոց. այդ է ճանապարհ՝ որ տանի
զձեզ յօթեւանս արքայութե՛ն. այդ է նաև՝ որ տա-
նի՛ 'ի նաւահանգիստն խաղաղութե՛. և այդ է դու-
ւրն որ մուծանէ զձեզ 'ի փափկութիւն անուշահոտ
դրախտին և 'ի լուսեղէն և յաւիտենական սրբոցն
և արդարոցն խորանս՝: Ընդ որս՝ զմեզ արժանիս ա-
րասցէ՛ վայելել 'ի շնորհս փառաց Հօր և Արդւոյ և
Հոգւոյն սրբոյ այժմ՝ և միշտ և յաւիտեանս յաւի-
տենից. ամէն:

1 Յօրին. պակասէր խորանս. յաւելաւ յայլ օրինակէ:

2 Յօրին. Ընդ որս՝ եղաւ ըստ նոյն օրինակին:

ՎԱՍՆ ԶԳՈՒՇՈՒԹԵԱԾԲ ԵՒ ԵՐԿՒՒՂԻՒ
Ի ՍՈՒՐԲ ԽՈՐՀՈՒՐԴԿ ՄԵՐՁԵՆԱԼՈՑ*

ՍՈՍԿԱՆ ռսկերը իմ դողուածք, և սարսափէ անձն իմ հիացեալ յորժամ յիշեմ զմերձաւորուած իւն ահագին և մեծ խորհրդին . և յերկուս վարեալ միտք իմ ծփին հանապազ . կամիմ մերձենալ ՚ի փափագելին , և անարժանուած իւնս իմ արգելու . մերժել հեռանալ՝ այս կորուստ է հոգւոյս : Քանզի են բազումք՝ որ կամ հպին չարաչար , և կամ հեռանան անօրէնուածք , և երկոքեան են սատանայականք . զի մինն զահեղ խորհրդոյն զզօրուածի ոչ իմանայ , այլ ընդէլական սովորուեն հարեալ՝ խղճի մտօք մերձենայ , ոչ ՚ի փրկուածի՝ այլ ՚ի դատապարտուած իւն , ոչ ՚ի թողուածի մեղաց՝ այլ յաւելումն անօրէնուածէ : Եւ միւսն իբրև զգոյզն² ինչ արհամարհեալ հեռանայ՝ ոչ ինչ կարևոր համարելով , զի զզօրուածի և ըզնորհս մեծի խորհրդոյն ոչ ճանաչէ , և կամ ՚ի պատիւ ինչ խորհրդոյն համարի զոչ ստէպն մերձենալ . որ ոչ ՚ի պատիւ , այլ յիմարուածի և ծուլուածի , հեռանալ ՚ի կենաց , և փափագել խաւարի և մահու . զոր տէր ինքնին ասաց՝ եթէ “ Ես եմ հացն կենաց . և որ ուտէ ՚ի հացէս յայսմանէ , կեցցէ յաւիտեան . և հացն զոր ես տաց՝ մարմին իմ է , զոր ես տաց վս կենաց աշխարհիս ” :

Եւ արդ ամ որ հեռանայ ՚ի մարմնոյ և յարենէ Քսի , որպէս յաւել և ս զամէնն՝ վասն առաւել և ս հաստատուածեանն , թէ “ Ամէն ամէն ասեմ ձեզ , եթէ ոչ կերիջիք զմարմին որդւոյ մարդոյ , և արբջիք զարիւն նորա , ոչ ունիք կեանս յանձինս ձեր ” : Եւ որք

* Կայ և այս ՚ի ճառքնարի ուրբէր առանց անուան մատենագրի : Գտանին առ մեզ այսր ճառի և այլ երեք նօարագիր օրինակք մակագրեալք յանուն Մանգակունւոյ

առհասարակ քաղուածոյք և տարբերք յերկաթագիր օրինակէս :

1 ԅօրինակին հաշեալ :

2 ԅերկուս օրինակս ՚ի Դոյնի Իւ իբաց արհամարհեալ :

ոչ ունին զկեանսն յաւիտենից, նոցա խաւարն աղ-
ջամղջին և հուր գեհենին է ժառանգութիւն Զի
ամ որ հեռի է ՚ի սուրբ խորհրդոյն, դիւրաւ ըն-
դունի զախտ սատանայական, և օթեվան լինի նմա
հանապազ: Պարտ է անձին կամ ՚ի շնորհաց հոգւոյն
վայելել, կամ ՚ի պիղծ հոգւոյն ընդունել: «Հոգի
տեսաւն վերացաւ ՚ի Սաւուղայ, և նեղէր զնա այս
չար»: Զի այդոյ որ ոչ է պարիսպ, գազանք ապակա-
նիչք և խոզք անտառի մտեալ ապականեն զնա. և
որ սուրբ խորհրդովն ոչ պարսպին, բնակարան են դի-
ւաց անձինք նոցա. փախուցեալք ՚ի հրեշտակական
ժողովոյն ՚ի բանակս դիւաց անկանին. և դեք դիւ-
րաւ ըմբռնեն զնոսա, և զհոգիս նոցա տանջեն, և
զմարմինս նոցա լկեն չարաչար, երբեմն ՚ի հուր, եր-
բեմն ՚ի ջուր: Եւ արդ տես և զյիմարութիւն քո
փարատեա ՚ի քէն, զթերահաւատուիդ քո ուղղեա,
զծուլութիւդ ՚ի փոյթ յորդորեա, և փութա սրբիլ
՚ի մեղաց, և մեծաւ փափագանօք փութա ՚ի սուրբ
սեղանն հոգևոր, զի մի ՚ի քրիստոնէական անուա-
նէդ մերժեսցիս: Զի քրիստոնէութիւն հաւատքն են
և մկրտութիւն և վայելումն սրբոյ խորհրդոյն. և որ
յայսմանէ հեռի է և թերի, թերի է ՚ի քրիստոնէ-
ութէ. զի ոչ քո ՚ի նմա բնակէ, և ոչ նա ՚ի քո. քան
զի որ ուտէ, ասէ, ՚ի մարմնոյ իմմէ, նա յիս բնակես-
ցէ, և ես ՚ի նմա:

Այլ արդ որ կամի բնակել ՚ի նմա, այնպէս պարտի
գնալ, որպէս նայն գնաց: Եւ որ ունիցի զայն յոյս
թէ ամ ՚ի նմա բնակէ, և նա յամ, այնպէս պարտի
լինել սուրբ, որպէս և նայն սուրբ է՝ ըստ մարդկան
տկարութեան չափոյ, ապա մերձենալ: Եւ որ ոչ այսպէս
մերձենայ, յայտ է եթէ ՚ի դատապարտութիւն անձին
իւրում մերձենայ. զի մերձենալ ՚ի սուրբ մարմինն
տէրունական՝ սրբոցն լոյս է, և լուսաւորէ հոգւովն
մերձաւորութիւն. և պղծոցն հուր է, այրէ և ապա-
կանէ վասն խղճիւն մերձենալոյ: Զի յորժամ վկայ-
ուի մտացն սրբութեան քում ոչ վկայէ, յայտ է եթէ
մերձենալն քո ՚ի սք խորհուրդն ոչ է ըստ կամացն այ-
որպէս՝ և Պաւղոս ասէ՝ թէ «Այս են կամք այ՝ վկայ-
ուի մտաց ձերոց»: Եւ եթէ միտք քո վկայեն քում

սրբութեդ, ըստ կամացն նոյ է մերձաւորութիդ: Ապա եթէ խղճիւ մերձենայցես, զիտեա զի դատապարտեալ ելանես, և անօրէն քան զամ անօրէնս. զի սա ևս առաւել անօրինադոյն է քան զարիւնահեղ սոյա նողացն չարութիս: Զի մարդ որ զմարդ սպանանէ, մարդասպան անուանի. իսկ որ անարժանութի մարմնոյ տեառն հաղորդի, նա նախասպան է. քանզի վերստին ՚ի խաչ հանէ զՈրդին նոյ:

Այլ արդ տես թէ յոր սեղան անօրէնութի մերձենաս. յորմէ վերին զօրութիքն սոսկան և սարսեն, և դու պիղծ շրթամբքդ յանդգնեալ մատչիս: Զի եթէ հոտ ինչ չարեաց հարկանէր՝ առ թագաւոր ոք չիխէր մերձենալ, և զերկնաւոր թագաւորն ՚ի հոտեալ հոգիդ ընդունիս, և ոչ մեծաւ ահիւ հիանաս. ցխոտ ձեռօք ՚ի կերակուրս խղճես մերձենալ, և գեռաթաթախ ոգւովդ անխտիր հաղորդիս: Ա՛խորք անօրէնութե, ո՛ւ ահեղ արհաւիրք, ո՛ւ անամօթ լրբութի և սաստիկ ամբարշտութի. խղճիւ մտօք և աղտեղեալ ոգւով երթեալ մերձենաս ՚ի սրբութիս մեծի խորհրդոյն. և որ քան զայս անօրէնութիս յանդրդնեալ յանդգնեսցի, չէ և չէ իսկ տեսանել: Յորժամ մարդոյ, ասէ, մեղանչէ՝ առ նա աղաչէ, իսկ որ նոյ մեղանչէ՝ զո՞ աղաչեսցէ. զի ոչ եթէ արեան մարդոյ եղեն պարտական, այլ և մարմնոյ և արեան Որդւոյն նոյ: Աղէ ՚ի միտ առ և տես՝ եթէ որպէս հաղորդիս ՚ի սուրբ խորհրդոյն. զի եթէ վտահ էս յարքայութիս նոյ մտանել՝ անխիղճ ընկալ և զհաղորդութիւնս խորհրդոյն. իսկ եթէ թերահաւատ էս յարքայութիս երկնից, ապա և անարժան էս և խորհրդոյն սրբութե: Զի չէ հնար սրբոյ խորհրդոյն արժանաւոր լինել, և արքայութեն ոչ. զի երկոցունցն մի սրբութի է արժանաւոր լինել:

Այլ և ոմանք թէպէտ և ՚ի խղճէ մտացն ոչ հաղորդին, սակայն կեղծաւորեալք մնան ՚ի ներքս, կարծեցուցանելով արտաքնոցն՝ եթէ ՚ի հաղորդելոցն իցեն. զինամ որ ոչ է արժանի խորհրդոյն, և ոչ ՚ի ներքս կալոյ, ոչ աղօթից և ոչ հաղորդութե. այլ ելանել արտաքս ընդ անարժանսն: Մի կեղծաւորիւր մնալ ՚ի ներքս իբրև արժանաւոր, և չհաղորդել իբրև զանար-

ժան : Բնդէր արհամարհէս զահաւոր և զմեծ խորհուրդն . ոչ իմանաս՝ եթէ յորժամ խորհուրդն սուրբ 'ի սուրբ սեղանն ելանիցէ , յայնժամ երկինք բանին 'ի վերուստ , և քս իջեալ անդը հասանիցէ , և զօրք հրեշտակաց յերկնից յերկիր ծաւալիցին , և շուրջ զսեղանովն բոլորին՝ ուր ահագին խորհուրդն է տէրունական , և սուրբ Հոգւովն ամբեան ընուցուն : Յայնժամ հարեալքն խղճիւ ոչ են արժանի հաղորդել յայնպիսի խորհրդոյն , մինչև ապաշխարութիւն ուղղիցին : Լուր և զահեղ բողոք քարոզին . մի՛ ոք յերախայից , ասէ , մի՛ ոք 'ի թերահաւատից , և մի՛ ոք յանյուսից , որ ոչ են պատրաստ սրբութիւն՝ զնոսա արտաքրս առաքէ , և 'ի ներքս մնացելոցն աղաղակէ՝ եթէ հայեցարուք յանձինս ձեր , և զսիրտս ձեր քննեցէք . մի՛ խղճիւ ոք և մի՛ նենկութիւն , մի՛ խորամանկութիւն ոք և մի՛ պատրանօք , մի՛ երկմտութիւն և թերահաւատութիւն մերձեցի . զի սրբութիւն խորհրդոյն սրբոց և անարատից վայել է : Եւ զայս լսելով ոչ դողամք և սոսկամք յահեղ և 'ի մեծ խորհրդոյն , յորմէ սերովբէքն սարսափեն , և քերովբէքն չիշխեն մերձենալ . հրեշտակք և հեշտակապետք սոսկան դողալով , և ամ վերին զօրութիւն հիացեալ սարսեն : Իսկ որչափ սաստիկ տանջանօք մաշիցի , թէ մարդ յանցաւոր խղճիւնն 'ի նա հպիցի , և որպէս խուլ ինչ 'ի հուր հպիցի , որ 'ի հրոյն այրի և ապականի . զի իբրև փոքր ինչ համարելով զքօսի մարմինն թնամանեաց :

Եւ մի իբրև 'ի լոկ հաց հայիցիս , և մի իբրև ըզգինի համարիցիս և տեսանիցես . զի ոչ տեսանելի է ահաւորութիւն սուրբ խորհրդոյն , այլ իմանալի զօրութիւն . քանզի ոչ ինչ տեսանելի աւանդեաց մեզ քօս 'ի խորհուրդն և 'ի մկրտութիւն , այլ իմանալի : Զուր տեսանեմք , այլ անձային բանին հաւատամք , որ ասեն , եթէ այս է մարմին իմ և արիւն . որ ուտէ 'ի մարմնոյ իմմէ , և ըմբէ յարենէ իմմէ , նա յիս բնակեցէ և ես 'ի նա , և ես յարուցից զնա յաւուրն յետնում : Եւ մեք ճշմարիտ հաւատով զքօս իմանամք

1 Եօրին . քօս խորհուրդն և նին քօս 'ի խորհրդոյն և 'ի Արքան . Արքան-ի-անն . իսկ այլ օրինակք ու . Բէնէն :

'ի վերայ սեղանոյն , 'ի նա մերձենամք , զնա տեսանեմք , զնա շոշափեմք , զնա համբուրեմք , զնա առնումք 'ի ներքս և ընդունիմք , և լինիմք մարմին և անդամք և որդիք այ :

Արդ որ այսպիսի հաւատով ոչ հաւատայ , և զմարմին Որդւոյն այ ոչ իմանայ , հեռի է յօգնականութեն այ , հեռի է և 'ի շնորհաց Հոգւոյն , հեռի է և 'ի Թողութէ մեղաց և 'ի կենացն յաւիտենականաց . անակնկալ յարութե , և անյոյս փրկութե , և մերժեալ 'ի քրիստոնէական հաւատոց , որով 'եղև մեզ փրկութի հեղմամբ արեամբն Քսի : Եւ արդ մի ոք 'ի նա խղճիւ մերձեսցի , մի ոք 'ի նա Թերահաւատութի մերձեսցի , մի ոք Թուլութի յարեսցի : այլ հաւատացեալ ² ճշմարիտ՝ եթէ 'ի մեծ ահեղ խորհրդին երկինք են եկեղեցին , աթոռ փառաց է սեղան խորհրդին , և Քս իջեալ զնի 'ի վերայ՝ որ միշտ բաշխի 'ի փրկութի ամցուն :

Աւ արդ ով մարդ , հայեաց 'ի քեզ և տես , ո՞ր կաս , զո՞վ տեսանես , զո՞վ համբուրես և 'ի ներքս ընդունիս . ընդ երկնային զօրութիսն կաս , ընդ հրեշտակս օրհնես , ընդ սերովբէսն բարեբանես , զՔս տեսանես , զՔս համբուրես , զՔս առնուս և ճաշակես , և լցեալ Հոգւոյն սրբով և անձային շնորհօքն պայծառացեալ զօրանաս հանապազ : Վասն որոյ և զուք քահանայք և սպասաւորք՝ մատակարարք սուրբ խորհրդոյն , ահիւ մատերուք , երկիւղիւ պահեցէք , սրբութի սպասաւորեցէք , և զգուշութի մատակարարեցէք . գանձ ունիք արքունի , մեծաւ երկիւղիւ ըզգուշացարուք պահպանութեդ . քանզի և ձեզ աններելի տանջանք են՝ եթէ զլարիս ուրուք գիտեցէք , և նա եկեալ յանդգնեսցի 'ի սուրբ մարմինն Քսի , և ակն ածիցես ինչ խրատել մերժել և յանդիւ մանել : Այլ վասն ծուլութե և ակնառուե զսուրբ մարմինն Քսի անօրինաց և անարժանից բաշխիցէք , և որպէս շանց և խոզից ընկենուցուք , և զո՞ր ներեալ Թողութի ունիցիք , և քանի՞ պատժոց և աններելի

1 Յորին . որոյ . եղաւ ըստ այ . 2 Յորին . հասարակ . այլ օրինակք հասարակ :

տանջանաց մատնիցիք՝ որք մատնիչք և պարտականք տերունական մարմնոյն եղերուք : Ահա վասն Քսի իշխէք, վասն Քսի կերակրիք, և զՔս անօրինացն մատնէք, և պիղծ վարիւք անարժանիցն չարչարէք :

Արդ հայեա յանձն քո՝ քահանայդ, և ծանիր զքեզ՝ զինչ է վաստակ քո քահանայութեդ, և զինչ գործ ստացեալ ունիս : Այ հարկահար ես ժողովըրդեանդ, և ոչ արտունձ՝ և կասող, այլ յուսուցանել և ՚ի խրատել կարգեցար, մերժել և յանդիմանել : Այս է գործ քահանայութե՛, և միշտ հարկ հանապաղ . զի վասն այնորիկ այսպիսի պատուով պատուեցայք, և իշխէք անմոռն, զի զայսպիսիսն քննեցէք, և յանդիմանեալ մերժեցէք : Իսկ զոր ոչն գիտիցեն քահանայքն՝ նոքա ևս առաւել աններելի տանջանաց են պարտապանք, որպէս և Պաւղոս ասէ, եթէ «Որ ուտէ և ըմբէ անարժանութի՛ն, պարտական եղիցի մարմնոյ և արեանն տեառն» : Այլ և բազմաց իսկ ըզճաշակ դատաստանին արբուցանէ՛ չարաչար ախտիւք և դառնութի՛ն հիւանդութեց տարածամ հանէ յաշխարհէս, որպէս և ասէ՛ եթէ «Վասն անարժան ՚ի մարմնոյ տեառն հաղորդելոյ են ՚ի ձեզ բազում հիւանդք և ախտաժէտք, և շատ ևս որ տարածամ ննջեցին» : Զի ոմանք վասն անարժան ՚ի խորհուրդն մերձենալոյ լլկին մոլեկան ախտիւք . և ոմանք վասն նորուն խեղք և լուծեալք շրջին զամ աւուրս . և ոմանք վասն նորուն անկեալ կան ՚ի հարուածս և ՚ի ցաւս անբժշկելիս . և ոմանք վասն նորուն ՚ի բանդս և ՚ի կապանս մտանեն . և ոմանք վասն նորուն անզաւակ իսկ յաշխարհէս ելանեն : Այլ և բազում ևս ցասմունք ՚ի հիւժոցս, և պաղակորուսութիւք և մահք տարածամք մարդոյ և անասնոյ վասն անարժան հաղորդելոյ ՚ի մարմնոյ և յարենէ նոն լինին :

Վասն որոյ բազում երկիւղիւ մերձեսցուք, բազում զգուշութի՛ն զսիրտս մեր քննեսցուք . մի վասն ծուլութե տօնս նշանակեսցուք ՚ի հաղորդութիս մերձե նալոյ . զի յուրբաթուն և ՚ի կիրակիէին և ՚ի տօնս պենդեկոստէիցն և զատկացն մի զենուսն է, և նոյն

խորհուրդ կատարի . և դու 'ի ժամանակ մերձենալոյ՝ սուրբ զմիտս միայն պահեալ, և մի՛ ինչ աւուրս յերկարաձիգս : Չէ՛ ինչ յանդգնութի՛ սուրբ սրտիւ բազում անգամ մերձենալ, զի առաւել ևս կեցուցանես և նորոգես զոգիդ . իսկ անարժանութի՛ք և խղճիւ թէ՛ յամ՝ ժամանակս կենաց քոց մի անգամ մերձեսցիս, կորուսեր զոգիդ : Տես զի մի յանցանս յանցեալ Ապէն, և կորեալ . մի յանցանս յանցեալ Քանան, և կորեալ . մի յանցանս յանցեալ Աբայար, և կորեալ . մի յանցանս յանցեալ Յուդայ, և կորեալ . և որք զՔ՞ս սպանին՝ մի անգամ սպանին, և կորեան . և դու եթէ մի անգամ յամ՝ ժամանակս կենաց քոց անարժանութի՛ք 'ի սուրբ խորհուրդն մերձենաս, սպաներ զոգիդ յաւիտենական տանջանայն կորստեամբ :

ՎՅԼ ասիցես . 'ի տօնս քառասնորդացն սրբեալ մերձենամ : Եւ արդ զի՛նչ օգտիցիս մի անգամ՝ 'ի սրբեւոյն՝ յորժամ դարձեալ աղտեղանայցես . զի՛նչ օգուտ է լուանալն՝ յորժամ դարձեալ ցխոտ լինիս . զի՛նչ օգուտ է շինեւն՝ յորժամ դարձեալ քակիցես : Յաւուր տօնին միայն կամիս առողջ լինել 'ի ցաւոց, և յետ այնորիկ 'ի ցաւս մաշել . մի օր բժշկիլ 'ի վերաց մեղացն, և ապա զնոյն վէրս ստանալ ախորժես . մի օր հեռանաս 'ի դիւէն, և ապա նովին լլկել հանապազ : Այսպիսիք են որ մի անգամ հաղորդին 'ի սուրբ խորհրդոյն, և ապա 'ի մեղս մաշին հանապազ : Չի՛նչ օգուտ է մի անգամ հեռանալ 'ի սրոյն սպանողին՝ յորժամ վաղիւն 'ի ձեռն նորա մատնիցիս . և կամ մի օր ընդ թագաւորի բազմիլ 'ի սեղանն, և վաղիւն դահճաց մատնիլ անողորմ : Նոյնպէս չէ՛ ինչ շահ և օգուտ 'ի տօնի զատկին միայն վայելել 'ի սուրբ սեղանոյն, և ապա սիղծ գործովք հեռանալ, և ընդ սատանայի լինել հանապազ : Չի՛նչ օգուտ է յաւուր տօնի գտանել ահանս պատուականս, և 'ի վաղիւն կորուսանել . և ոչ 'ի տօնին հաղորդելն է օգուտ, յորժամ դարձեալ անարժան վարիւք կորուսանիցես : Չի՛նչ օգուտ է 'ի Ք՞ս մերձենալ, յորժամ դարձեալ անդրէն 'ի սատանայ յարիցես : Չէ՛ ինչ օգուտ այսօր 'ի հրոյն զերծանել, և 'ի վաղիւն

միայն այրել չարաչար . և ոչ մի թարուծի ինչ է՝ մի օր ՚ի բանդէ ելանել, և լինել թագաւոր, և ապա ընդ դատապարտեալն տանջել անողորմ . և ոչ մի օր օգուտ է ՚ի խորհրդին վայելել, և ապա ընդ դատապարտեալն արտաքս ելանել: Չի՞ յերկուսս սոս կաղաս և յերկուսս միտս տաղտապիս . կամ զիւաց լեր պաշտօնեայ, և կամ Քօի խորհրդակից . մի օր օգի սպիտակացեալ երեւիս, և մի օր այծի սևաթոյր . այսօր Գաւիթ հոգելից, և վաղիւ Սաւուղ այսահար . այսօր Պետրոս հնազանդ, և վաղիւ Յուդայ ասլուտամբ . այսօր Քօի խորհրդակից, և վաղիւ սատանայի կամարար . այսօր իբրև զքրիստոնեայ ՚ի մարմնոյ տեառն վայելես, և վաղիւն իբրև զերախայ հեռանաս ՚ի նմանէ . այսօր ընդ խոստովանողն, և վաղիւն արտաքոյ ընդ ուրացողն . այսօր ընդ հաւատացեալն ՚ի խորհուրդն մտանես, և վաղիւն ընդ անհաւատն արտաքս ելանես: Չի՞նչ զքեզ կոչեցից, կամ զի՞նչ զքեզ անուանեցից . երբեմն գառնացեալ, երբեմն գազանացեալ . երբեմն լուսազգեաց, և երբեմն խաւարապատ . այսօր առնուս պատիւ ՚ի թագաւորէն, և վաղիւն չընդունիս և դարձուցանես զերեսդ: Նոյնպիսիք են՝ օր ՚ի յաւուրս ինչ հաղորդին խորհրդոյն, և ապա իբրև զերախայս զերեսս դարձուցեալ ելանեն: Եթէ արժանաւորես խորհրդոյն՝ հանապազ վայելեա համարձակ, զի հոգելից և քննողեաց և քննիկալ լինիցիս . և եթէ անարժան ես վարիք, և ոչ ՚ի տօն զատկին ես արժանաւոր:

Այլ ասիցես՝ եթէ ՚ի քառասներորդ պահն սրբեցայ, և ցանկամ ՚ի սուրբ խորհուրդն մերձենալ: Բարիոք է, և ես գովեցից . բայց արդ ընդէր չմերձենաս հանապազ: Չկարեմ, ասէ, զիս մաքուր ունել հանապազ: Արդ եթէ՞՝ այդպէս է ՚ի միտս քո՝ եթէ մի անգամ հաղորդիմ ՚ի տօնին, և ապա հեռանամ, և ոչ ՚ի տօնին ես արժանաւոր . զի խորհուրդք չարին են ՚ի քեզ: Չի՞նչ օգուտ է ՚ի Քօ մերձենալ, և ՚ի սատանայէ չհեռանալ . զի՞նչ օգուտ է զպատուական զեղն ճաշակել, յորժամ զցաւն ՚ի

1 Յօրին. վի Աւր էիէ . յաւելու ըստ երկուց օրինակայ:

ներքս 'ի քեզ պահիցես . զի՞նչ օգուտ է առ բժիշկն երթալ, յորժամ զվերսն չկամիցիս մերկանալ . և ոչ օգուտ 'ի հաղորդելոյդ ինչ գտանես, յորժամ 'ի մեղացն չկամիս հեռանալ . այլ յաւելուս դատապարտուի և տանջանս : Զի եթէ լէր թագաւորն՝ եթէ իշխան որ այսօր ընդ նմա 'ի խորհուրդ մտանէր, և վաղիւն հեռանայր 'ի նմանէ և թշնամեացն լինէր խորհրդակից, միթէ ընդունէր զնա 'ի խորհուրդս . այլ կապէր և տանջէր և սպանանէր : Իսկ որչափ ևս առաւել Ք՞ո դատապարտիցէ և տանջիցէ՝ որ այսօր կամի ընդ նմա 'ի խորհուրդն տէրունական մտանել, և վաղիւն 'ի խորհրդոյն հեռանալ, և զկամս թշնամոյն կատարել : Միթէ այսօր մարտն ինչ իցես 'ի մեղաց՝ յորժամ զայդ 'ի միտս քո խորհիս եթէ վաղիւն հեռանամ, և զկամս անձին իմոյ կատարեմ . այս առաւել ևս չար է առաջի նոյ : Ար խորհի որ մերձենալ 'ի սուրբ մարմինն Ք՞ո, և ապա հեռանալ 'ի նմանէն և 'ի հրամանացն նոյ, այս է խղճի մտօք մերձենալ, և այս է երկմտու թ՞ք ընդունել, այս է նենկու թ՞ք հաղորդել և պատրանօք և խաբէու թ՞ք և թերաւ հաւատու թ՞ք ճաշակել : Այս աղտեղագոյն է քան զնմ պղծութի՛ յորժամ դարձեալ հեռանալ խորհիցիս, և միւսանգամ անդրէն յառաջին չարիսն մերձենալ : Զի մարդ որ ասէ դառնալ 'ի մեղաց, և միւսանգամ անդրէն շրջիցի, շան նման է՝ որ յիւր փոխածն դառնայցէ :

Առ արդ զայս նմ իմացեալ մի՛ արժանաւորու թ՞ք հեռացուք 'ի սուրբ խորհրդոյն յերկար ինչ ժամանակս, և մի՛ անարժանու թ՞ք յանդգնեալ հպետուք յահեղ խորհուրդն սրբու թ՞ք . զի պատիժք ասէղք անարժանիցն մնան՝ որք յանդգնեալ խղճիւ մտացն հաղորդին . և պատիժք արժանաւորացն՝ որք հեղգանն և ծուլանան յերկար ինչ ժամանակաւ : Այլ բազում երկիւղիւ անձանց զգուշացուք, և մեծաւ փութով զխաւարն անգիտու թէան փարատեսցուք . զանիրաւ զբարկու թի՛, զթշնամանողու թիւն, զչարայուշ ռիակալու թիւն 'ի բաց ընկեսցուք . զխորամանկու թիւն, զքինահանու թի՛, զնախանձ մերժեսցուք . զտրտմու թի՛ և զառանց բարբառոյ աղա-

ղակն 'ի բաց թօթափեսցուք . յադաՀաց , 'ի բամբասողաց , յարբեցողացն և 'ի զեղխեցելոցն փախիցուք . զչարակնու թի և զատելու թիւն և զգաղանի նենկու թի գադարեցուսցուք . ընդ թչնամիսն Հաշտեսցուք , զատելիսն սիրեսցուք , և զյանցանս միմեանց թողցուք . յսմ սրտէ միմեանց ծառայեսցուք , միմեանց Հնազանդեսցուք , զմիմեանց բեռինս բարձցուք , զմիմեանս սիրեսցուք , զընկերս լաւ քան զանձինս Համարեսցուք . զսիրտս սրբեսցուք , զաչս ցածուսցուք , զլէզուս 'ի բամբասանաց գադարեցուսցուք , զմեղս ապաշխարեսցուք , զխիղճս փարատեսցուք , զյիմարու թիս թօթափեսցուք , և զծուլու թիս 'ի փոյթ դարձուսցուք . պահօք պնդեսցուք , աղօթիւք աշխատեսցուք , յողորմու թիս յօժարեսցուք , գործովք առաքինասցուք , 'ի չարեաց տղայասցուք , և Հաւատով կատարեալ լիցուք : Զի այսպէս ամենայն առաքինու թբարժանաւորեսցուք ահաւորի և մեծի խորհրդոյն . բազում փախագանօք և կատարեալ սրբու թբ վայելեսցուք յամենասուրբ և 'ի կենսարար 'ի մարմնոյ և յարենէն տեառն մերոյ Յսի Քսի . որում փառք և զօրու թի յաւիտեանս յաւիտենից . ամէն :

1 Յօրինակին կենսարար :

ԹՈՒՂԹ ՄԽԻԹԱՐՈՒԹԵԱՆ ՎԱԽՃԱՆԵԼՈՅ

ՅԱՇԽԱՐՀԻՍ *

ՆԱՅԵԱ գու 'ի յոյսն վերին՝ որ իջանես 'ի խոր
խաւարային սգոյդ . փութա փարատեա 'ի քէն զյիմա-
րեցուցիչ խորհուրդս չարին , և զարթիր և եկ 'ի միտս
քո . յիշեա զպատուէրս պատուիրանացն ւնյ , և թա-
փեա զքեզ 'ի սատանայական թախանձանացդ , և 'ի
միտ առ զբազմաչար հնարս թշնամոյն , և պատկա-
ռեա 'ի նետից նորա . երկիր 'ի խորամանկութէն և
թիւնից աներեւութից նորա . փախիր 'ի դառն վի-
րաց և 'ի սաստիկ հարուածոց նորա : Հայեա 'ի պըղ-
տորութի մտացդ քոց , և ծանիր եթէ այդ սերմանք
թշնամոյն են 'ի քեզ . արի անկիր առաջի ւնյ՝ զի ապ-
րեսցիս 'ի չար խաբից նորա և յանօրէն տրտմութէն :

Օ 'ի յորժամ սատանայ բոլորովմբ գերէ զմիտս
մարդոյն , ածէ 'ի վերայ տրտմութիւն և յուզմունս
խորհրդոց . որ թէպէտ և սուղ ինչիցեն տրտմութիւն ,
սակայն նա 'ի պղտորեալ միտս նորա անհնարին և
անչափս կարծրացուցանէ , որով և զսիրան յիմարե-
ցուցանէ , և թուլացուցանէ 'ի սովորական աղօթիցն
և յերկիւղէն ւնյ . Եւ մանաւանդ որում պատճառս ևս
վախճանելոյ իւրոյ գտանիցէ , բոլորովմբ արկանէ 'ի
վերայ մերձաւորացն նորա անհնարին մթերս սգոյ
տրտմութեան , և 'ի ներքս զսիրան այրէ , և զմիտան
նուազէ , և ամենեւին զուշն ամիչեցուցեալ 'ի սգայու-
թի մտացն ընկենու , և ոչ տայ խոնարհել 'ի բանս
մխիթարչացն և սիոփողացն . այլ յամառեալ պնդին
'ի սգոյն տրտմութի , զի ցնորք թշնամոյն անհնարին
թաղծանօք յիմարեալ ամիչեցուցանեն առաւել
քան արբեցութ . և ամենեւին ոչ թողացուցանեն
նայել 'ի պատուիրանս ւնյ որ ասէ՝ թէ լաւ է որ մա-

* Այս և այս ճառ 'ի ճառընտրի առանց անուան մատենագրի :

Հուանն քան զօր ծննդեան : Ընդէր . քանզի օր ծննդեանն սկիզբն է մեղաց և անօրէնութեց , և անդի սկսանին աճել 'ի նմա ցաւք և հոգք և տրտմութիք և զրպարտութիք և աղքատութիք , այրութիւնք և որբութիք և անզաւակութիւնք և ամ չարչարանք բազում նեղուէց և տառապանաց աշխարհիս : Այլ և ժողովեալ ևս հեղու զնովաւ սատանայ զամբազմութիւն ախտից մեղացն չարչարել , նեղեալ , վիրաւորեալ զնա թշնամութիւն , գողութիւն , սպանութիւն , բամբասանօք , երդմամբ , նախանձու , չարակնութիւն , ռիսակալութիւն , աղահուստութիւն և զայլս զրկելով , նենկութիւն , հմայիւ դիւթականօք , և ամանութիւն ախտից բազմութիւն . ընդ որոց հատուցումն է հուրն անշէջ և տանջանք մշանջենաւորք : Իսկ 'ի ձեռն մահուանն յայնմ ամենայնէ բուժեալ դադարէ . զի թեպէտ և վարսարդարութեան ոչ ունէր , սակայն 'ի մեղանշելոյն դադարեաց . ապա եթէ վարս ուղիղս էր ստացեալ զերծաւ յամկասկածանաց մեղաց և 'ի հոգոցս աշխարհիս , և վերացեալ խառնեցաւ 'ի բանակս սրբոց և արդարոց :

Այլ արդ զայսպիսի լուսաւոր կեանս յիմարութիւն է լալ և սգալ անառակութիւն և հեթանոսաբար . զի և Պաւղոս և զուրկ միայն տրտմութիւն արգելեալ փակեաց ասելովն՝ թէ « Ասան ննջեցելոցն մի տրտմիք որպէս և այլ հեթանոսք՝ որ ոչ գիտեն զամբ » : Իսկ որչափ սաստիկ պատժոց արժանի համարիցիք՝ որք 'ի սուղս և 'ի կոծս և յողբս մտանիցեն . զի արգելեալ է 'ի քրիստոնէից հաւատացելոցն՝ որք լուսաւորեցան նբաւազանաւն , և մեծ և ահեղ անուն սուրբ Երրորդութեանն 'ի վերայ նոցա անուանեցաւ , և կնքեալ խաչիւն այնուիրեցան , ամենեւին իսկ ոչ են իշխան զնուիրեալն այն խայտառակել հեթանոսական անօրէնութիւնք , և ոչ չարաչար խղել և փետել և մոխիր 'ի վերայ նուիրեալ գլխոյն արկանել . այլ ամենեւին 'ի բաց հեռանալ յանօրէն և 'ի սատանայական վայիցըն և յողբոցն և անօրէն ձաղանացն : Այլ զհերս փետել հրամայեսցէ քրիստոնէիցն , ոչ զայտս ցտել , և ոչ 'ի կոծ մտանել , ոչ զառիգածն ածել , ոչ զուսուլըն մերկանալ , ոչ զճակատն հարկանել , ոչ բուրձ սգել :

հուր, ոչ մոխիր ցանել, և ձայնս արկանել, և ոչ աշխարանօք ողողանել. զի այս ամ սատանայական է և հեթանոսական, զոր անմիտ կանայքն բարբառեն 'ի ցոյցս կեղծաւորութեան, և զկուպաշտիցն զգործն գործեն 'ի վերայ քրիստոնէից, զողբան ողբալով, և զկահանն բառնալով, և զճիւն աշխարանացն հնչեցուցանելով, անյուսաբար չարաչար զմարմինն կոծելով 'ի վերայ քրիստոնէի վախճանելոյն, զոր պարտէր սաղմոսիւք և օրհնութիւք յղարկել, պատուեալ երգօք 'ի կեանսն յաւիտենականս :

Ինդէր խայտառականօք և անարգանօք սգոյդ թշնամանէք զմարմինն հոգեկիր և քնազգեաց, Եւ արդիւ իւրք քրիստոնեայ անուանեսցուք զնոսա որք սատանայական մոլորութիս մոլորեսցին 'ի վերայ մեռելոցն. քանզի ընդ այդպիսի անօրինեալսն և դէք խառնին 'ի կոծատեղին անցանեն, Քանզի նոքին իսկ զսուցին զկոծ անյուսութե և զտրտմութեան սգոյ աշխարանացն, զի զկոծողսն ընդ նմին 'ի հուր գեհէնին դատապարտեսցեն : Այլ ձեզ պարտ էր ամաչել 'ի շրէից և 'ի հեթանոսաց և յայլաղանդիցն՝ որ ըզհաւատս մեր բամբասեն և ասեն. ուր է ձեր յոյսն յարութեան՝ յորժամ այդպիսի ողբովք և սգովք և աշխարանօք և զազրալի խայտառականօք արիւնահան և արիւնահեղ լինիք հանդերձ վայիւք և փետիւք, ճիւք, գուժիւք կոծեալ աշխարիցէք զանուանեալն քրիստոնեայն :

Ինդէր պարծիք, ով քրիստոնեայք, որ երգովդ էք նմանեալք շրէից, և հեթանոսաց. այլ զսուգ և զտրտմուի զօրինաւորիդ առաւել քան զանօրինացն տեսանեմք, արք չարաձայնք կառանչիւք և վայիւք և փետիւք խեղդին, ողբան և ողողանին անյուսալի ըզճակատն դիւահարեն հարկանեն, և զկուրծսն անբազամաբար բախելով իբրև զայսահար. և կանայքն կանչիւք հերարձակ զայտոն ցտեն, զտինս կեղեքեն, և անամօթապէս իգացեալք մերկանդամք խզին և կոծին մոլելով, իբրև զմոլին չարալուկ դիւահարեալս. եղիճ, արիւն և մոխիր, և հանդերձք պատուեալք : Արդ այսպիսի ձաղանօք ձաղին և ծանակին քրիստոնէիցն պատկերքն՝ որ ոչ 'ի հեթանոսս

լի, և ոչ 'ի Հրեայս, և ոչ 'ի Հերձուածողս, և որք ոչ ընկալան երբէք զյոյս յարութէ մեռելոց: Եւ արդ մեք մերժեսցուք զայնպիսի անօրինեալ սգաւորսն 'ի համարոյ քրիստոնէից, և հանեալ յեկեղեցւոյ՝ ընդ երախայս համարեսցուք, և սուգ առցուք 'ի վերայ նոցա իբրև 'ի հեթանոսաց. զի այնպիսիքն են սգոյ արժանի՝ ողբալոյ և աշխարելոյ և կոծոյ մեծի, որք 'ի հուր գեհենին դատապարտին, և մասն ընդ անհաւատսն ունին, զի զհեթանոսական չարաչար ախտսրն անյուսուածէ յեկեղեցի մուծին:

Եւ արդ ասա ինձ, ով քահանայ, ընդէր մուծանես զգունդս պաշտօնէից և սաղմոսաց 'ի դասս մերկանդամ խայտառակելոյն՝. զի՞նչ կայ սրբեցելոց պաշտօնէից, և սատանայասգեաց դիւամուլ կոծողացն: Ընդէր խառնես զօրհնողսք ընդ անիծողսն, զգոհացողսք ընդ թնամանողսն, զփառաւորիսն ընդ հայհոյիսն: Այ է օրէն յանօրէն ժողովս սատանայականս զհրեշտակական երգսն մուծանել, և ոչ 'ի պիղծմեհեանս դիւացն նոցա զսուրբ զաղօթան մատուցանել, և ոչ 'ի բազինս զօհարանացն պատարագս նուիրել. զի պիղծք առ պիղծն ժողովին, և սրբոցն սրբութիւք վայելեն: Այ է մի ժողովուրդ Հրէից և հեթանոսաց, և ոչ քրիստոնէից և հերձուածողաց. զի հակառակք և խափանիչք են միմեանց, և դու խառնեալ ընդ միմեանս միաւորես. և 'ի մի ժողովս առաքէք օրհնութիս և անէծս: Կոծողք անօրէն անառակութիւք բարկացուցանեն, և պաշտօնեայքն աղօթիւք և սաղմոսիւք բարեխօսեն: Յորժամ մերձաւորք վախճանելոյն անօրէն սգով և կոծելով թնամանեալ բարկացուցանեն զսփ, ընդէր աղաչես, մաղթես և բարեխօսես վասն թողութե մեղաց վախճանելոյն. ո՛ւմ լի է, և զո՞ր ընդունի: Եթէ ես ինչ հոգաբարձու հրաժարելոյն, յեկեղեցիս քո յիշեա, և յաղօթս քո աղաչեա զսփ. այլ ընդվայր և անվայելուչ է խառնել զպաշտօնեայս սուրբ եկեղեցւոյ 'ի պիղծ ժողովս սատանայական կոծողացն, և 'ի տեսիլ անամօթ կանանցն հերարձակացն արիւնաշաղախ

խղերոցն և մոխրացանացն, որ թէ և թնամիք էին վախճանելոյն, այնչափ կարէին տրտմեցուցանել և առնել նմա չար, զոր ՚ի ժամանակի հրաժարելոյն հոգւոյն արարին. և ոչ ընկալան զբանն մարգարէին որ ասէր՝ եթէ «Գարձ անձն իմ՚ի հանգիստ քո, զի տէր բարի արար քեզ»: Տէր բարերարուի ցուցանէ զոր մահուանն, և դու կոծիս և աշխարես և ողբաս դառնապէս: Ահա քեզ ասէ մարգարէն՝ թէ «Վայ որ ասէ զչարն բարի, կամ զբարին չար»: Քանզի չար են կեանք մեղաւորին, և ևս քան զևս յաւելու ՚ի մեղս. և բարի է մահ նորուն, զի դադարէ ՚ի չարեաց:

Այլ թէ կեցեալ էր, ասես, թերևս ապաշխարէր, աղաչէր և ողորմուիս առնէր, և արտասուօք զտէրն հաշտեցուցանէր: Մի՛ դու զայդպիսի ինչ ածեր զմըտաւ, և անգէտ զամենագէտն կարծեցուցանէր՝ որ ոչ կամի զմահ մեղաւորին. բայց գիտէր սրտագէտն անձ՝ թէ ոչ ապաշխարեսցէ, զմահն նմա ողորմութի պարգևէ՝ զի դադարեսցէ յառաջիկայ մեղացն գործելոյ: Այլ մահ արդարոցն իսկ ցնծութի է և ուրախութի՝ փոխել ՚ի մեղսասէր և սնավաստակ հոգոց աշխարհիս, և զգանձս վարձուց առաքինութե՛ զոր համբարեալ տարաւ, յամբի և զգուշութե՛ պահեսցէ. և եթէ սուղ ինչ իցէ ստգտեալ, օգնեսցուք նմա գթով անանկաց, յիշեսցուք յահեղ խորհրդին, ողորմութիս վասն նորա արասցուք. և այն է կաշառ բարերարին այ՝ որ առնէ բարերարութի ՚ի վերայ վախճանելոյն՝ որպէս ինքն գիտէ: Եւ արդ զայս լսելով փարատեա ՚ի քէն զսուգ թանձրամած յուսով ահեղ աւուրն յարութե՛, և բոլորովին հանեալ զերծ ՚ի քէն զաղճատանս սգոյ տխրութե՛, զի քրիստոնեայ կոչեսցիս. և անբերկրանօք սթափեցիր. ակն կալ փափագելի կենացն յաւիտենականաց, և այսիւ մխիթարեա, զի քում վախճանելոյն ոչ պատահեցին մահք սոսկալի պատուհասից:

Քանզի բազում են մահք չարաչարք, և յանկարծօրէն յորոգ այթից ինչ տարաժամ մեռանել. այլ դու այդիւ մխիթարեա և գոհացիր զայ, զի քոյդ խաղաղութե՛

'ի մահճիճս իւր վախճանեցաւ : Եւ մահճը չարաչարք
 այնոցիկ է, որք 'ի գետոց վախճանեցան, և քարա-
 ծեծ պատառեցան. այլ դու այդիւ մխիթարեա և
 գոհացիր զնյ, զի քոյդ 'ի գիրկս քո կատարեցաւ, և
 կտակ մխիթար կենդանեաց եթող: Եւ մահ չարաչար
 այնոցիկ է՝ որք 'ի թիւնից օձից և 'ի չարաժամի գա-
 ղանաց գէշ գէշ պատառեալ իցեն, և ոչ ոք զլետին
 բարբառն լսեաց, և ոչ զձեռս և զոտս ածեալ տե-
 սանիցեն. այլ դու այդիւ մխիթարեա և գոհացիր
 զնյ, զի զքոյդ ձեռովք քովք թալեցեր, և զլետին
 բարբառն լուար: Եւ մահ չար այնոցիկ՝ որք 'ի պատե-
 րազմունս մեռանիցին, և զսուրն շողացեալ տեսանի-
 ցեն, և կենդանոյն խաւարն զաչօքն պատիցի, և թըշ-
 նամոյն դիթաւալ կացուցեալ՝ գէշ գաղանաց արկա-
 նիցեն. այլ դու այդիւ մխիթարեա և գոհացիր զնյ,
 զի քոյդ 'ի վերայ անկողնից հիւանդացաւ, և պա-
 տուով այնուիրեցաւ: Եւ մահ չար այնոցիկ՝ որ վասն
 մեղաց գահճացն մատնեցան, և կենդանոյն զմար-
 մինսն յօշեալ և պատառեալ անդամ՝ անդամ՝ 'ի փայտ
 բարժանեցեն անգեղք և ագուռք ամօթալից ձա-
 ղանօք. այլ դու այդիւ մխիթարեա և գոհացիր զնյ,
 զի քոյդ գոհուածք հիւանդացաւ, և խոստովանուածք
 կատարեցաւ, և համբուրիւք ողջունից զգերեզման
 հարցն ընկալաւ: Եւ մահ չար այն՝ որք 'ի դիւաց լիկե-
 ցան, և անզգայեալ զմարմինս անդամոցն ուտիցեն,
 և անողորմ ձեռակապօք արկեալ յարգել՝ սովամահ
 մեռանիցին. այլ դու մխիթարեա և գոհացիր զնյ,
 զի քոյդ հանգստեամբ հիւանդացաւ, և օրհնուածք
 վախճանեցաւ, պատանօք պատեցաւ, և սաղմոսիւք
 յղարկեցաւ, և քահանայական աղօթիւք և պատա-
 րազօք յերկինս առաքեցաւ, և հանապազ օրհնի և
 յիշի 'ի յիշատակացն կատարելոյ:

Եւ արդ ո՞վ իցէ որ այնչափ ապաշնորհ և անիմա-
 ցական միտս ունիցի, և զայս զմտաւ ածելով մեծա-
 պէս ոչ մխիթարեացի, և անդադար գոհացի զնյ՝
 թէ որպիսի փառօք և պատուօք վախճանեալն յեր-
 կինս կուչեցաւ, ուր են ամենայն ժողովք տիեզերաց,
 բանակք արդարոց և գունդք սրբոյն, երամք մար-
 գարեիցն, դասք առաքելոցն, և անթիւ հոյլք մար-

տիրոսաց, խորանք պայծառազարդք, բնակուածիւնք լուսեղէնք, և մշտնջենաւոր վայելչուածիք, և փափազեղի դրախտն, անանց բարուիք, անտրտում խնդուածիք, անծերանալի մանկուածի, անխախտելի ազողջուածի, սէր սուրբ, տեղի ցանկալի, կեանք փափազեղիք, և անյագ ցանկուածիւնք հոգևոր կերակրոց, հրձուանք հրաշալիք, գգուանք գգուանաց, և սիրփուփն փափկուածեց, և հանգիստ հոգևորական ամբնտրելոց. ընդ որս և քո վախճանեալն ուրախուածեամք հանգիցէ :

Այւ արդ քեզ պարտ է մխիթարել ամ խնդուածք, զի 'ի յերկինս թռեալ, 'ի մարդկանէ 'ի հրեշտակս փոխեցաւ, 'ի մահուանէ 'ի կեանս ընկեցաւ, 'ի խաւարէ 'ի լոյս ձգեցաւ, յաղքատուածէ 'ի թագաւորուածի կոչեցաւ, 'ի ծառայուածենէ յազատուածի, 'ի վաստակոց 'ի հանգիստ, 'ի հոգոց յանհոգուածի, 'ի մեզաց յարդարուածի, 'ի հոգեզինացս 'ի հոգեղէնան փոխեցաւ և ընդ հրեղէնան դասակցեցաւ : Արդ դու այդիւ մխիթարեա ամենայնիւ՝ եթէ ակն ունիս յարուեն. այլ և աճ զմտաւ՝ եթէ մահ է ճանապարհ ամ աշխարհի, և ամբեան երթամք ընդ այն ճանապարհ : Ագամ, Աբէլ, Սէթ, 'Կոյ, և ամ արդարքն զմահ ընկալան. որով պարտ է և քեզ մխիթարել : Աբրահամ, Իսահակ և Յակոբ և Մովսէս և Գաւիթ՝ տեսողքն ան, և ամ նահապետքն՝ արդարքն և անձախօքն զմահ ընկալան. որով պարտ է և քեզ մխիթարել : Ահա ամ թագաւորք սուրբք և արդարք զմահ ընկալան, որով պարտ է և քեզ մխիթարել. ահա և մարգարէքն և առաքեալք և մարտիրոսքն և սուրբ կոյսն Ածածինն զմահ ընկալաւ, որով պարտ է և քեզ մխիթարել. ահա և Քրիստոս Որդին անվան մերոյ փրկուէ զմահ ընկալաւ, զի զմեզ անմահացուցէ 'ի կեանս անմահս : Վասն որոյ պարտ է գոհանալ և մխիթարել նորոգուածք յուսոյն յարուածեն ամ արդարոց, ընդ որս և մեք յարիցեմք, և զվախճանեալն մեր ընկալցուք խնդուածեամք :

Արդ լուարուք Պաւղոսի, որ մխիթարէ զմեզ ասելով եթէ՝ «Վասն ննջեցելոցն մի տրտմիք որպէս և զայլ հեթանոսս որք ոչ գիտեն զանձ», և Լուր և մարգարէին

որ ասէ. «Ընդ երեկոյս հանգիցեն լալիք. առաւօտուց եղիցի ուրախուի» : Արդ եթէ անուանեալ էք քրիստոնեայ, և հաւատացեալ էք յարուածն, արիք միւթարեցէք զձեզ մարդարէական և առաքելական միւթարուածք. զի սուգ անյուսից է՝ և ոչ իմաստնոց, և հաւատացելոց՝ որք ակն ունին նորողման անմնջելոց. զի ոչ է՝ ի կորուստ մահ քրիստոնէին, այլ ՚ի նորողութի կենացն յաւիտենից. վասն որոյ՝ և զոգիս վախճանելոցն մերոց սաղմոսիւք և օրհնութիւնք * ՚ի կեանս յղարկեմք, իբրև ընծայ ինչ այն նուիրեմք : Յազազս այնորիկ ոչ է պարտ քրիստոնէին ՚ի վերայ մեռելոց սուգ ունել և լալ. այլ լայցեն շրեայք և ողբասցեն հերետիկոսք, սուգ առնուցուն և կոծեսցին անմութերահաւատք և հերձուածողք, զի նոքա լալոյ և ողբալոյ արժանի են և աշխարանաց և կոծոյ մեծի : Այլ մեք նորողութի կենացն յաւիտենից միւթարեցուք : Եւ արդ վասն այսր անմի բարձէք ըզկոծս, խափանեցէք զողբա, ՚ի բաց արարէք զարտմութի, դադարեցուցէք զարտասուս, արդելէք զլալականս, լռեցուցէք զկառաչիւն լալեաց և վայից. արհամարհեցէք զեղանակամարս լալականաց, անարգեցէք զփետիւն վարսից և զխզել հերաց, հալածեցէք զարիւնահանսն և զմոխրացանսն, թշնամանեցէք զմերկանդամսն և զխայտառակեալսն : Մեկնեսցուք յանօրէն մոլութի, հեռացուք ՚ի հեթանոսական ամբարշտութի, ամենեկն ՚ի բաց փարատեցուք զսուգ սատանայական և զանյոյս մթերս : Զի կեցցուք քրիստոնէութի, և վախճանեսցուք անձպաշտութեամբ, և հանգստեան և երկնից արքայութեն արժանի լիցուք ՚ի տէր մեր. որում փառք իշխանութի և պատիւ այժմ և յաւիտեանս :

* Յօրին. թուղթ մի անկեալ պակասեր վերջին մասն ճառիս, որ լրացաւ ՚ի նօտագիր օրինակէն :

ԵՍ զարհուրեալ եմ և գողամ
 Յորժամ լեմ ըզձայն փողոյն ,
 Որ տազնապաւ կոչէ զազինս
 Ի մեծ ահեղ օր ատենին :
 Զի չարաչար մարտեաւ ընդ իս
 Ամենամեղըն սատանայ ,
 Եւ կարեվէր զիս արարեալ
 Հանեալ ընկեաց զիս յանմահ փառացն .
 Կառնագին չար պատրաստեաց
 Ըզտարտարոս գեհէնին ,
 Եւ ըսպառնայ մեղաւորիս
 Այրել 'ի հնոցրս կայծականց :
 Որ ոք ունիք զսէր սրբու թեան
 Զիս ողբալով արտասուեցէք .
 Եւ ջերմագուծ պաղատանօք
 Ինձ ինդրեցէք թողու թիւն :
 Քրիստոսասէրք , իմ սիրելիք ,
 Ինձ օգնեցէք վիրաւորիս .
 Եւ գորովամեծ ողորմ ողորմիւ
 Աղաչեսցուք առ տէր վասն իմ :
 Հառաչանօք զձեզ աղաչեմք
 Մեղուցելոյս ողբակցեցէք .
 Պաղատանօք լացէք ընդ իս
 Չայնակցելով իմ աղէտիս .
 Կականաբարձ զիս ողբացէք
 Եւ ձայնս առէք ողորմելիք .
 Զի չարաչար ըմբռնեցայ

* Յօրին . չեք սկզբնաւորութիւն
 ոտանաւոր բանիս վասն թղթոյն
 պակասելոյ անտի . և ոտոյ մի թե
 բակաստար մնացեալ է 'ի նմանէ
 քնի + սրբից մերոյ յաւարտեալէս հրա

պարսկին . և տպա զհետ դայ Ե
 զարհուրեալ եմ : Իսկ մակագիրս ՈՂԲ
 առաւ 'ի գլխակարգուէց ճառիցն
 որ 'ի սկզբան մատենիս , ընդ յաջորդ
 ապօթիցն 'ի մի համար գտուեալ :

Ի չար նետից սատանայի ,
 Միդ ապատեաց զիս թշնամին
 Խաւարային ցանկիւքն իւրովք .
 Եւ սուր հանեալ վիրաւորեաց ,
 Ձոր աղաչեմ զձեզ բժշկել ,
 Սուրբ հաւատոյ մանկունք , ո՛ւր էք ,
 Ողորմեցէք ինձ նեղելոյս ,
 Եւ գրթագին պաղատանօք
 Ձքաւիչ մեղայն աղաչեսցուք .
 Յաղօթըս ձեր ապաւինիմ ,
 Եւ ինձ հայցեմ ըզթողութիւն .
 Ձի զանազան եմ մեղուցեալ ,
 Եւ ոչ բաւեմ ապաշխարել :
 Ես զարհուրեալ եմ և դողամ
 Յորժամ յիշեմ զիս զբազմամեղս ,
 Թէ յայն երկիր կայ անցանել :
 Քրիստոս գրթած և ողորմած ,
 Գրթա և յիս ամենամեղս ,
 Ձի ես գրտից ողորմութիւն
 Ի գումարել մեծ ատենիդ .
 Ձի օր ահեղ կայ առաջի
 Եւ սոսկալի մեղաւորիս .
 Որ ըզգաղտնիս սըրտիս քըննէ
 Եւ ըզճածկեալ խորհուրդս յայտնէ :
 Արդ աղաչեմ , տէր մարգասէր ,
 Ձիս յայնմ աւուր մի պահանջեր .
 Չար տանջանացըն մի մատներ ,
 Եւ կայծականց անշէջ հըրոյն .
 Ձի քեզ տացից փառս
 Հօր և Որդւոյ և սուրբ Հօգւոյն ,
 Որ միշտ օրհնեալ ես յաւիտեանս ,
 Փառաւորեալ ես յաւիտենից :

Ով որ անեղդ էս և անստեղծ և արարիչ անա-
րարածոց, զոր ոչ երկիրս ստանալ հանդուրժէ, և ոչ
երկինք բաւանդակեն. այլ 'ի վեր էս քան զերկինս,
և անդր քան զԾագս. և անմերևելիքս և աներևոյթ-
քըս ընդ քեւ եմք բովանդակեալ: Դու տիրես անի, և
քո հրամանդ կառավարէ զանաւարածս. դու աղ-
քատացուցանես, և դու մեծացուցանես, հարկա-
նես, և դու բժշկես. դու էս սիրովիչ վտանկելոյս 'ի
սատանայէ, և առողջացուցիչ հիւանդացելոյս մե-
ղաց. դու էս ընդունիչ աղօթից և կատարիչ խն-
դրուածաց: Խոնարհեցո, տէր, զունկն քո, և լուր
քոյոյ ծառայիս. տես, տէր, զտառապանս իմ, և ըն-
կալ զիս գթութիւնք. մի բարկութիւնք բով խրատեր զիս,
և մի սրտմտութիւնք բով յանդիմաներ. զի անծ էս
գթութեց՝ գթաւ և յիս 'ի մեղաւորս, որ բազում հե-
ծեծանօք և պաղատանօք մաղթեմ և աղաչեմս ըզ-
քեզ: Զի կարելի էմ մեղօք, և ցաւագնեալ անօրէ-
նութիւնք. չարչար ախտիւք եմ 'ի յանցանս, և պիղծ
խորհրդովք յամբարշտութիւնս ժահահոգովս եմ
աղտեղեալ, և մեղսաթաթաւ մարմնովս զազրացեալ.
ամօթով երեսօք կամ առաջի քո, և ամօթով առա-
ջի տեսողաց:

Եւ արդ դու տէր քաղցր և ներող, երկայնամիտ
վասն մեղաւորաց կոչեցար. որ ասացեր՝ թէ 'ի դառ-
նալ անօրինին ոչ յիշեցից զանօրէնութիւնս նորա
զոր արար: Եւ արդ ահա եկեալ անկեալ եմ առաջի
քո ծառայս մեղուցեալ, և ժտեալ խնդրեմ 'ի քէն
ողորմութիւնք. մի յիշեր զմեղս իմ բազում, և մի զան-
օրէնութիւնս իմ յանդիմաներ՝ եթէ կամաւ և եթէ
ակամայ ինչ մեղայ, եթէ բանիւք և եթէ գործովք
և եթէ անդէպ մտածութիւնք պղծեցայ, եթէ յան-

* Մասն ինչ 'ի սկզբանէ աղօ-
թիցս կայ 'ի գիրս Հարանց վարուց
յանուն Ս. Եփրեմի. կան և այլ
չորս օրինակք 'ի կարգս աղօթա-
գրոց յանուն Ս. Մե սրովսայ. կի-

սով չափ նման երկաթագիր օրի-
նակիս, թէպէտ երևելի տարբե-
րութիւնք. այլ անտի յառաջ ամենե-
ին տարածայն:

գիտութիւնք և եթէ 'ի ծուլութիւնք և 'ի մոռացութենէ գործեցի . զի գու տէր, սովոր ես գթալ և ողորմել, և թողուլ զմեզս բազումս, և քաւել զամհոյս անօրէնութիւնք . որ զպոռնիկս սրբեցեր, զաւազակն ազատեցեր, զմաքսաւորն արդարացուցեր, և զծանրաբեռնեալսն մեղօք թեթեացուցեր : Վասն զի անձ ես ողորմած, և գթաս 'ի մեղուցեալն՝ որք հաւատով կարդան առ քեզ . գթա, տէր, և յիս 'ի բազմամեզս, և ապրեցո 'ի թիւնից թշնամոյն : Փարատեցո, տէր, զխաւար յածող հայեցուածոցս իմոյ, և բաց զականջս իմ խլացեալս յանդէպ լսելոյ . բժշկեա ըզվիրաւորեալս լեզուս 'ի բամբասանաց, և սրբեա զսիրտըս իմ 'ի չար խորհրդոց :

Վեզ ցանկամ, տէր բարերար, և փափագեմ գլխութածի Հօր իմոյ . գթա 'ի վերայ իմ մեղաւորիս, և ընկալ իբրև զանառակ որդին : Յագեցո 'ի քաղց իմ 'ի սիրոյդ քումմէ, և լցո զծարաւիս յառատաբուղիս շնորհէդ . զի ցանկ առ քեզ խնդրեմ մերձենալ, և բաղձամ 'ի քեզ հայել 'ի յարածամ . միշտ շնորհաց քոց փափագեմք, և հանապազ ողորմուէ քում կարօտիմ : Մի ընդ պատժեալսն պարտաւորեալ, և մի ընդ ափելիսն դատապարտեր . այլ ընդ կամարարս կամաց քոց ընկալ, և ընդ պահօղս պատուիրանաց քոց պահեա : Զի եթէ առանց ներելոյ զյանցանս իմ քննեսցես, ընդունայն են ինձ յարութի խոստմունք . զի 'ի հուր գեհենին է ժառանգութի իմ : Զի եթէ զդատապարտութիւն և զանդէպ մտածութիւնս իմ դատիցիս, ապա երանեմ ես չեղելոյն յորովայնէ . այլ նայեա 'ի մաղթանս իմ և 'ի պաղատանս, և մի մերժեր 'ի յողորմութիւնդ քումմէ՝ որ ողորմութեան քում բաղձամ, և քոյոյ գթութեդ կարօտիմ : Զի միշտ զմարմինս իմ պղծեցի, և հանապազ զոգիս աղտեղացուցի, ոչ չարաչար վարիւք միայն, այլ և զազիւր խորհրդովք :

Նա արդ լուա 'ի մեղաց, և մաքրեա 'ի գեռաթաթախ տղմոյս : Զքեզ խնդրեցի, և զքեզ աղաչեմ, լից զկարօտութիւս իմոյ փափագմանս . խառնեա զիս 'ի դասս սրբոց և 'ի ժողովս արդարոց, որք 'ի բաղձալի տեսուէդ քումմէ վայելեն յարածամ : Ես ոչ համար-

ձակերես իբրև զբարեգործ զք հայցեմ, այլ աղերսիւ ժտիմ իբրև զպարտապան և զբազմամեղ : Աչ ' ունեւոյլ համարձակիմ իբրև զմաքուր, այլ 'ի մաքրութե՛զ քուամէ զժահահոտութիս իմ մաքրել աղաչեմ, զի անթիւ ունիմ զմեղաց իմոց զբազմութիս, և հոյլք անօրէնութեւս իմոյ հեղձուցանեն զիս հանապազ . միշտ զսիրտս իմ ճմլեցուցանեն, և զմարմինս և զոսկերս իմ հալեն և մաշեն . և վստն այսօրիկ ժըտիմ հանապազ պաղատել, աղաչել և մաղթել, զի դու ես Հայր իմ և տէր, արարիչ իմ և ստեղծիչ . առ օ երթայց, և կամ յուամէ՞ ինդրեցից օգնութի : Քեզ մեղայ, և առ քեզ խոստովանիմ, և զքեզ աղաչեմ . մի 'ի քուամէ ողորմութե՛զ զիս մերժեր, և մի յերեսաց քոց ընկենուր : Մաղթեմ քեզ տեառն բարերարիդ և բազմագութ իմոյ արարչիդ . մի յաւիտենական ամօթօյն ամաչեցուցաներ զիս, և մի 'ի մեծի աւուրդ գատապարտեր . մի 'ի տիեզերական հրապարակիդ զիս յանդիմաներ . մի անողորմ տանջանօք տանջեր, և . մի սոսկալի գեհենիւզ պատուհասեր : Այլ ապրեցօ 'ի հրացան հնոցացն, և 'ի հրահոսան գետնցն հրեղինաց, որդանցն չարածանեաց, և յաննչոյլ խաւարէն, և դառն գատաստանացն, և յաններելի տանջանացն, յանլոյծ կապանացրն, և 'ի հանապազորդ նեղութեցն, 'ի միշտ ողբոցն, և 'ի կրճելոյն ատամանցն : Այլ գթա 'ի վիրաւորեալս մեղօք, և բժշկեա զհիւանդացեալս անօրէնութի : Ընկալ իբրև զհայհոյողն և զհալածիչն, և փարատեա զմեղաց իմոց զբազմութի . սրբեա 'ի պրզծութե՛ս իբրև զպոռնիկն, և արդարացօ իբրև զմաքսաւորն : Աղորմեա ինձ իբրև քանանացւոյն, և չորհրհեա զյանցանս իմ իբրև զաւաղակին : Բնակեցօ զիս 'ի դասս սրբոց և 'ի խորանս արդարոց կամարարաց յանանց կենացն վայելչութիս, և 'ի յանբաւ բարութեցն ուրախութիսն 'ի Քս Յս 'ի տէր մեր . որում փառք յաւիտեան :

ԻԵ

ՅԱՂԱԳՍ ՊԷՍՊԷՍ ԱՌԱՔԻՆՈՒԹԵԱՆ ԽՐԱՏՈՒ *

ՅԱՌԱՋ քան զամ առաքինութիս է խոնարհու-
 թի, և նախ քան զամ ախտս է փառասիրուի: Գլուխ
 առաքինութեցն սէր է. իսկ գլուխ ախտիցն է ար-
 դարացուցանել զինքն: Իսկ երկիւղն այն հալածէ զամ
 զմեզսն. իսկ դանդաղումն հալածէ զերկիւղն այն.
 նոյնպէս և գերութիւն հալածէ զառաքինութիւն յանձ-
 նէ: Չորք են առաքինութիւք, լուսի, և խոնարհու-
 թի, և պահել զպատուիրանս այն, և նեղուի: Չորք
 են առաքինութիւ որ պահեն զանձն, ողորմութիւ յա-
 մենեսեան առնել, և մի բարկանալ, և երկայնամու-
 թիւն, և զգուշանալ ինքեան ՚ի մոռացմանէ մտաց:
 Պէտք են առաքինութիւք այս յարածամ, և անսպառ-
 անկանել առաջի այն ՚ի սրտի իւրում, և ունել զինքն
 առ մեղաւորս, և մի դատել զոր: և յայնժամ դա-
 դարեն խորհուրդք: Չորք են այս առաքինութիւք որ
 օգնեն մանկան արեղայի, խոհումն զրոյն յամ ժամ, և
 տքնութի և գործածեան, և հնազանդ և հպատակ
 լինել հօրն, և մի թուել զինքն յիրս ինչ ուրեք ամե-
 նելին: Վասն չորիցս այս իրաց հոգիք պղծին, մի շըր-
 ջել ՚ի քաղաքի և չղնել պահապան աչաց, և մի ու-
 նել ծանօթութիւն ընդ կանայս, և մի ունել սէր ընդ
 փառաւորս երկրի, և սիրել զմարմնական խօսս և
 զդատարկաբանութիս: Յաղագս չորից իրաց լինի պոռ-
 նրկութի, յուտելոյ և յըմպելոյ յագ, և յագմանէ
 քնոյ և ՚ի դատարկ կալոյ, և ՚ի դատարկաբանելոյ
 խաղալ և ծիծաղել, և ՚ի զարդարմանէ հանդեր-
 ձից: Վասն չորից իրաց խաւարին միտք, մի յուզելոյ
 զընկերն, և անկոսնելոյ զընկերն, և արհամարհել և
 նախատել ընդ ընկերին, և ՚ի չարախօսելն զընկերն:

* Այս ճառ համառօտ կայ և
 ՚ի գիրս հարանց վարուց գլ. ք.
 եր. 64. տպ. Կոստ. իրրև ՚ի թղչ
 թոյ Մովսէսի միայնակեցի: Իսկ

յաղագս տարբերութեց օրինակին
 այնորիկ չունիմք զայլ ինչ ասել,
 բայց զոր ուրեք ասացեալ եմք ՚ի
 ճառս Ս. Եփրեմի. հտ. Դ. 184:

Յաղագս չորից իրաց հոգիք խոսպանանան և լինին անպտուղ, մի՛ յոչ դադարել 'ի տեղուջ և 'ի տան, և մի՛ գործել ինչ ոչ, և մի՛ զի սիրեսցէ զսբաղմունս մարդկապէս, և մի՛ յորժամ սիրեսցէ զնիւթս երկրի և զագահութիւն : Յաղագս չորից իրաց բարկութիւն գայ, մի՛ 'ի տալոյն, և յամեւոյն զիւր կաման, և հակառակէն և սիրէն վարդապետ լինել բազմաց, և մի՛ կարծել զինքն լինել քան զայլ մարդ իմաստուն : Չորք են այս առաքինութիւք զոր դժուարաւ ստանայ մարդ, և այսօրիկ պահեն զամառաքինութիւնս, սգալ յարածամ, և հայել միշտ և եթ յիւր մեղսն միայն և մի դատել զորք, և ունել զինքն առ մեղաւորս, և ունել առաջի աչաց իւրոց զմահ իւր հանապազ : Արդ որ ոք կամի պահել զառաքինութիւն զայսօրիկ, կարէ սպրել . զօրաւոր է անձ պահել զմեզ յամ չարէ և 'ի փորձութէ և 'ի հանդերձեալ ժամանակին՝ որ գալոյն են 'ի վերայ ամ տիեզերաց . զի գտցուք ողորմութի 'ի Բսէ 'ի ձեռն սուրբ Հոգւոյն :

ՅԱՂԱԳՍ ՊԷՍՊԷՍ ԱԽՏԻՑ

Արար անձ զմարդն, և եդ զնա 'ի դրախտին փափկութե, զամ սգայութիւնս ողջ ունելով 'ի բնուէ իւրում : Արդ իբրև լուաւ այնմ՝ որ խաբեացն զնա, յայնժամ էառ զախտս ամ, և իսկոյն ընկեցեալ եղև արտաքս 'ի մեծ և 'ի չքնաղ փառաց իւրոց . զի ծանիցէ մարդ՝ թէ գոն ախտք որ մերժեն զնա յայ . և զի աղաչէ զբարերարն անձ, որպէս զի օգնեսցէ նմա, և ապա կարասցէ կտրել յինքենէ 'ի բաց զախտս ամ : Այս ամ վերք են՝ որ կրին յանձին մարդոյն, և քակեն որոշեն զնա յայ : Երանի որք սրբեն զինքեանս յամ ախտից և յամ պղծուէց հոգւոց և մարմնոց . զի է ոչխար բանաւոր ընդունելի պատարագ այ, և լսէ զձայնն որ ասէ . « Բարի ծառայ և հաւատարիմ . 'ի սակաւուդ եղեր հաւատարիմ, 'ի վերայ բազմաց կացուցից զքեզ, եկ մուտ յուրախուի տեառն քում » : Իսկ որք կամին կատարել զկամն իւրեանց որ ըստ մարմնոյ, և ոչ կամին բժշկել զինքեանս 'ի բժշկուէ

սուրբ առաքինու թէց, գտանին մերկ 'ի սուրբ պատուիրանէն 'ի ժամ հարկաւորութեն. անկանին 'ի խաւարն արտաքին՝ ուր կայ սատանայ և կապեալքն : Եւ պատմու ճանք պղծուեցն են այսօրիկ. պոռնկութի, արծաթսիրութի, չարակնութի, բանասրկուի, նախանձ, փառասիրութի, հպարտութիւն. այսօրիկ և որք սոցին նման են : Զի՞նչ է պոռնկուի. պոռնրկութի՝ ցանկութի, որկորստուի, յագեւլ քնոյ, դատարկութի, դատարկաբանութի, պաճու ճանք մարմնոյ, և զեղումն, և ընդվայր ծաղր, անամօթութի, թուլութի, դանդաղումն : Զի՞նչ է արծաթսիրութի. արծաթսիրութի, անհատութի, անյուսութի, անգթութի, անողորմութի, ազահութի, արհամարհութի, անբարի ստուութի, անձնահաճութի, և ոչ հայել 'ի պատուիրանն այ : Զի՞նչ է չարակնութի. չարակնութի է չարախօսութի, նախանձ, մարդահաճութի, անձնասիրութի, անգիտութի, ստուութի, և սուտ վկայութի : Զի՞նչ է բարկութի. բարկութի է հարստահարել զիւր կամսն, հակառակութի, վիճութի, նենկութի, սուտ գիտուի, կարճմտութի, նեղկութի, ձանձրութի, ոչ բառնալ զթըշնամանս մտօք, տալ և առնուլ : Զի՞նչ է նախանձ. նախանձ՝ ատելութի, ոչ բառնալով զփառս ընկերին, և արկանել գայթաղութի ընկերին : Զի՞նչ փառաւորութի. փառաւորութի է անսգամութի, սիրել զաշխարհս և որ ինչ յաշխարհի է, և լինել անուանի 'ի մէջ մարդկան, և կատարել զկամս յանդրգնուեն : Զի՞նչ է հպարտութի. հպարտութի է խօտասրտութի, անհնազանդ լինել անմոռն, և քաջալերել յիւր զօրութին, և համարելով զինքն իմաստուն, և առնել յար և եթ զիւր կամսն, և արհամարհել զընկերն, և կարծել զինքեան իմաստուն գոլ, և ունելով զինքն իբրև ոչ իմիք կարօտ գոլ : Այս անգործին յանձին մարդոյն, մինչև որոշէն զնա յայ : Այս է զոր եբարձն Ադամ՝ յորժամ եկերն 'ի պտղոյ ծառոյն, և անկաւ ընդ ոտիւք մահուն :

ԹՈՒՂԹ ՎԱՍՆ ՏՄԱՅԻՑ ԴԻՒԹԱԿԱՆՆՑ
ԵՒ ԱՆՕՐԷՆ ՅՈՒՌԹՈՂԱՑ

ԱՌՆՈՅՐ առնէր որ զգլուխ իմ շտեմարանս ջուրց բազմաց, և զաչս իմ յորդ աղբիւբս արտասուեաց, և լայի դառնապէս ՚ի տուէ և գիշերի զհանապազ մեղս մեր. զի կորեաւ երկիւղած յերկրէ, և ոչ գոյ ուղիղ առաջի մարդկան. և լցաւ աշխարհ մեր հմայիւք իբրև զառաջինն. և խոնարհեցաք մտաք ՚ի հնազանդութի սատանայի մերոյին իսկ մտօք. զի լեզուօք խոստանամք ճանաչել զա՛ծ, և գործովք ուրանամք ՚ի նմանէ: Ասաց ա՛ծ՝ եթէ «Միբեսցես զա՛ծ քո յիմ սրտէ և յանձնէ և ՚ի զօրութէ քու մէ», Յանձնէ է՛ այս ինքն եթէ զնա միայն պաշտեսցես, և կոչեսցես անձին քում տէր և արարիչ. ՚ի զօրութէ՛ այս ինքն եթէ զզօրութի անձին քում նախ հանիցես յաղօթս և ՚ի վաստակս հոգևորս. յիմ ՚ի սրտէն՝ այս ինքն թէ մի ՚ի տունս հեթանոսաց և ՚ի ժողովս մարտիրոսաց, մի ՚ի մեհեանս և յեկեղեցիս, մի ՚ի բախտս և ՚ի շնորհս, մի ՚ի խաչն և ՚ի ճակատագիր, մի առ դիւթս և առ քահանայս, մի առ աղօթս և առ պահարանս, մի լեզուով խոստովանել, և ՚ի սրտէ ոչ հաւատալ. և մի սրտիւ հաւատալ, և լեզուիւ ուրանալ. մի բանիւք պատուել զա՛ծ, և արդեամբք բարկացուցանել. մի հաւատովք մեծարել, և գործովք տրտմեցուցանել. այլ յամենայն սրտէ և յանձնէ և ՚ի զօրութէ և ՚ի մտաց սրտէ սիրել զա՛ծ, և քրիստովսեայ անուանակից՝ Բժի:

Իսկ եթէ լեզուաւ կոչես զա՛ծ արարիչ, տուիչ և փրկիչ և կեցուցիչ, իշխան մահու և կենաց, և սրբտիւղ և անձամբդ առ դիւթս և առ թովիչս և առ հարցուկս և առ ուռութս և առ խտիրս և առ հմայս գերեսցիս², ոչ ևս պարտ է կոչել զանձն քրիս.

1 Յօրինակին անսկիւն:

2 Յօրինակին փերէնցի:

տանեայ՝ զի հեռացեալ էս 'ի քօէ, և հնազանդեալ ընդ լծով սատանայի . զի թողեր լքեր զարարին և զկեցուցին, և առ սատանայ ապաւինեցար : Զի եթէ ճշմարտիւ հաւատայիր՝ թէ անձ է արարիչ ամի, ապա պարտ էր թէ արարին միայն էր իշխան կեցուցանել և մեռուցանել, հարկանել և բժշկել : Զի ո՞րք իշխէր մերձենալ առ հարցուկս՝ որ և անձին ոչ կարէ առողջութի և անմահութի շնորհել : Աղէ ցոյց զբ'ի կախարդաց՝ որ անցաւ և անմահ եղև : Իսկ եթէ ասես՝ եթէ ոչ երթամ առ հարցուկս, այլ բժիշկ է և առ բժիշկս երթամ, դորձ բժշկի այս է, խարել, կարել և արիւն թափել և դարմանս ըստ ցաւոցն նմա մատուցանել . այլ ոչ եթէ յուռութս յուռութել, և զսատանայական բարբառնջս բարբառնջել . կամ աղ և ածուղ, կամ ասղենի առնուլ կարմիր, և երկաթ, և ջուր, և ուլունս ուռութել, և կամ գիր պահարան ընդ անձն արկանել, և կամ զոսկերս ձկանց և սողնոց, զծրարս բժժանաց 'ի ձեռին և 'ի յակին և 'ի պարանոցի կապել :

Արդ եղկելի և թշուառական, զի՞ թողեր զանձ արարիչ և զբժիշկ և զխաչն պահապան, և ապաւինեցար առ կախարդս յիմարս և ապականեալս դիւզբ : Աղէ ատես զինչ դորձէ չարագիւթն . 'ի մէջ գետինն անցեալ յուռութին, և ընդ ուռութին մերձենան 'ի նա դեքն . և ընդ մտանելն յարանշտի, 'ի ձախ դիւթէ և 'ի յաջ թքթքէ, զխաչն անարգէ և զքօ թշնամանէ, և ոչ իմանայ : Իսկ եթէ զուռութս և ս ցուցանէր, ծաղր և կատականս և խաղ մանկոց լինէր : Արդ եթէ էր պարապ զմասանց մարմնոյ զուռութս մի ըստ միջէ պատմել, ծաղր կացուցանելի զյիմարեալ միտս դիւթին առաջի անցուն : Զի անուռութք և պարտանք դիւթի և թովչի և հարցկի սուտ են և եղկելի, և առիթ գեհեհի և հրոյն յաւիտենից . և որ մերձենայ 'ի նոսա, 'ի հուր գեհեհին դատապարտի, և մամն ընդ անօրէնս ունի . զի զնորհս բրժըկուեն արհամարհիցեն, որով մարթ էր արուեստիւք բժշկութեան խարելով և կարելով և դարմանս

ցաւոցն առնելով՝ բժշկել: Չի ևս առաւել զնորհոսս պարգևացն արհամարհիցեն. զի որ ասէն՝ եթէ «չիւանդանայցէ որ ՚ի ձէնջ, կոչեացէ զերիցունս եկեղեցւոյն. աղօթս արասցեն ՚ի վերայ նորա, և օծցեն իւրով ՚ի յանուն տեառն, և աղօթքն հաւատով փրկեացեն զաշխատեալն», և զոր դէն լիկէ, նորին իսկ հրամայեաց՝ պահօք և աղօթիւք հալածեն ՚ի ձեռն նշանի ամենայաղթ խաչին: Եւ որ անարգէ զխաչն փրկական, և արհամարհէ զնորհոսս Քրի, և գնայ առ դիւթս յուռթել, և պահարան և ուռութսն և զգիր պահարան ընդ անձն արկանեն, զնոցանէ ասէ Քրի եթէ «Երթայք, անիծեալք, ՚ի հուրն յաւիտենից, ոչ գիտեմ զձեզ», վասն զի զայն արարին՝ զոր նայն ոչ հրամայեաց:

Արդ եթէ ասես՝ եթէ և նորա քրիստոնեայք են և Քրի անուամբն ուռթեն, այլ և զգիրն ևս սպասաւորք եկեղեցւոյ և արեղայք գրեն, արդ միտ գիր աւետարանչին. «Բազում մարգարէք, ասէ, ասեն յաւուր յայնմիկ՝ եթէ տէր, յանուն քո մարգարէացաք, և յանուն քո դէս հանաք, և զօրութիս բազումս արարաք, բաց և մեզ. և տէրն ասէ. ոչ գիտեմ ըզձեզ», վս զի զայն արարին՝ զոր նայն ոչ հրամայեաց: Եւ զինչ ասացից զմարգարէիցն. այլ և աշակերտն ևս Յուդաս՝ որ ՚ի վեր քան զմարգարէսն նշանս և բժշկութիս առնէր, ոչ թուեցաւ ընդ առաքեալն, այլ եղև ՚ի ներքոյ գեհէնին: Եւ զինչ ասացից զաշակերտն. որ և հրեշտակն ոչ՝ պահեաց զքնակութիս ուր կարգեցաւ. այլ անիծեալ անկաւ և եղև սատանայ, և զխոտան անուն ժառանգեաց: Արդ որ ՚ի յայդ ապաստանիսդ՝ թէ և նորա քրիստոնեայք են և սպասաւորք եկեղեցւոյ, և անուամբ Քրի գրեն զերդմուներս պահարանացն, ով անմիտ, զինչ են երդմունք գիւացն, ոչ ապաքէն պահք և աղօթք հաւատովք ՚ի ձեռն յաղթողի նշանին խաչի, յորմէ դողան նմբնութիք գիւաց:

Այլ գիր պահարան հակառակ է զնորհոց և պատուիրանացն նոյ. որպէս զսուտ մարգարէքն՝ որ թիւ

րէին զժողովուրդն առ ուղղեալն մարգարէիցն, և զբանն ճշմարտութեն դադարեցուցանէին, և զմուրթութիւն դադարեցուցանէին: Արդ եթէ մարգարէիցն որ սուտ ուսուցանէին՝ ոչ լուաւ յաւուր յայնմիկ, և զաշակերտն Յուդայ եհան 'ի գնդէն, և 'ի հրեշտակս յանցուցեալս ոչ ինայեաց, այլ խաւարային կապանօքն արկեալ 'ի տարտարոսն, ոչ պահեալ յօրն դատաստանի, յօրինակ այժմու մեղուցելոցս, ապա պարտ է իմանալ՝ եթէ և 'ի սոսա ոչ ինայեաց՝ որք ոչ հաւատովք, բայց լոկ անուամբ զանձինս նոյնուիրեն, և 'ի տան նոյ կերակրին, և վասն նոյ պատիւ ընդունին, և եկեղեցւոյ գլուխ համարին, և զօրէնս նոյ ընթեռնուն, և տգիտայ վարդապետ անուանին, և մուրթեաց առաջնորդ. և ինքեանք մուրթեալք են, թողեալ զնորհոսն նոյ, զաղօթսն և զեւզն օժման՝ զոր պատուիրանք հրամայեցին հիւանդին, և զպահս և զաղօթս ցաւածին, և ինքեանք յուռութս և 'ի գիր զառածին:

Այլ և առաջնորդացն ևս միս 'ի մարմին խղեսցին և կամ ցաւ ինչ արագ անկանի, դիւթս 'ի տունս ածեն առ 'ի յուռութեւ. և ոչ մի արտաքին դիւթիւքն վարին, այլ և անձանց ևս ուռութս ուսանին, և գրել պահարանս, և 'ի փոզս ցաւածիցն արկանեն, և ժաժմուկս մտացածին բանից. և զանուան որ ոչ լսի 'ի պատուիրանս՝ գրածս առնեն, և զանուն քօի ընդ նոսինն արկանեն՝ զի գրածն անձական համարեցի: Եւ այնչափ յանդգնեցոյց սատանայ, մինչև զսուրբ անուն նոյ 'ի պահարանս դիւթաց գրել, և 'ի յուռութս արկանել. զի այն ոչ 'ի պատիւ նոյ է, այլ յարհամարհանս: Եւ ևս առաւել պարտաւորին՝ զի զանձ յուռութս և 'ի պահարանս ընդ գիւօքն արկանեն, և ոչ իմանան զաներեւոյթ նետոս սատանայի. զի ուռութք և գիր պահարան՝ դիւաց հրամանք են, և ոչ նոյ. և վասն այնորիկ չտայ սատանայ զգալ զչար նետոս իւր, զի և զսուրբ անուն նոյ ետ չարաչար հարկանել 'ի հրամանս իւր, զի վասն անուամբն նոյ մի ոք կարացէ իմանալ զխաւարային խորհուրդս նորա: Զի յիմարեալ մտօք անուամբ քրիստոնեայք անուանին, և գործովք յիմարեալ խոնարհին յիմաստութե իւ

րեանց : Արդ մի՞թէ որ զգեանս պաշտիցէ , յայն և 'ի բերանս զգեանս համբուրեսցէ . ոչ . այլ զհրամանս գիււացն կատարել¹ , է կատարեալ գիււապաշտութի :

Արդ յորժամ 'ի խտիրս և 'ի հմայս և 'ի կիւսս² և 'ի գիւլթուլթիս և 'ի թուլթուլթիւնս և 'ի հատահարցուլթիս և 'ի հաւահմայուլթիւնս և 'ի մաղարախուլթիւնս և 'ի քուահարցուլթիս և 'ի հեղահարուլթիս և 'ի հմայուլթիս և 'ի միջագիտուլթիւնս և 'ի գիրարարուլթիս , յաստեղագիտութիս , 'ի գիւահարցութիւնս , յորահմայս , 'ի լուսնախտիրս , և 'ի շեղջախտիրս , յոգոտանահմայս , 'ի գեղահմայս³ , 'ի սննիկոնս , յոււուլթս , 'ի բախտս , 'ի ճակատագիրս , և 'ի գիր պահարանի , և յիմ⁴ 'ի շարժմակս բժժանաց , հմայից , գիւլթաց , յորս կոչեն զգեանս յաղ , յերկալ , 'ի ջուր , 'ի նարոտս , յեւզս , 'ի գարի , 'ի յուլունս , 'ի միմ⁴ , և 'ի հեր գլխոյ և յիմ⁴ պղծութիս⁴ որով պղծենն և կորուսանեն զոգիս հնազանդելոցն : Եւ արդ այս ան⁴ սգոյ և արտասուաց և մեծի բարկութե շիցէ⁵ արժանի , զի յետ զԱրդին իւր առաքելոյ յայնպիսի իրս մտաբերել իշխիցեմք : Եւ արդ որ այսմ հնազանդիցի , պարտ իցէ արդեօք զանձն քրիստոնեայ կոչել⁶ որ հեռացեալն է 'ի Քմէ , և հնազանդեալ⁴ կամաց գիււաց , և 'ի ծառայութի կայ սատանայի , և զհրամանս նորա կատարէ հանապազ⁷ հմայիւք և յուլթիւք և պահարանօք գրոյ՝ զորս գրեն մանկունք անիծից , և համարին կալ 'ի սպասու սրբոյ սեղանոյն ան :

Ալ անմիտք և անհանձարք , ոչ լսես՝ զի մեղաւորին ասէ անձ . « Դու ընդէր բնաւ պատմեո զարդարութի իմ , կամ առնուս զուխտ իմ 'ի բերանս քո » . և դարձեալ ասէ . « Զմեղս թէ տեսանէի 'ի սրտի իմում մի՞թէ լսէր ինձ տէր » . և դարձեալ ասէ . « Ի բաց կացէք յինէն ամենեքեան՝ որ գործէք զանօրէնութի » : Արդ 'ի սնտտի աղօթս քո հրաժարէ զբեզ մարգարէն , և ոչ իմանաս : Յորժամ ասես , եթէ 'ի բաց կացէք յինէն անձքեան՝ որ գործէք զանօրէնութի ,

1 Յօրին. չի բառս խորհել :

2 Յօրին. Երեւի ինչ :

3 Յօրին. գիւահմայս :

4 Յօրին. հնազանդել :

ոչ ապաքէն անձինդ ասես հեռանալ 'ի բաց . պիղծդ և անօրէնդ, յորժամ դու իսկ ասես 'ի խնդրուածս քո, մեղաւորին ասէ ւնձ՝ դու ընդէր բնաւ պատմես զարդարութի իմ, ոչ ապաքէն քեզ ասես . ընդէր իշխես բանալ զամենապիղծ բերսնդ քո, և պատմել զարդարութին ւնյ . ոչ ապաքէն հակառակ քեզ բարբառիս, և ոչ իմանաս : Եւ յորժամ լսես 'ի քումմէ բերանոյդ իսկ՝ զմեղս թէ տեսանէի 'ի սրտի իմում, միթէ լէր ինձ տէր, արդ ահա դու իսկ գիտեա՛ թէ ունիս մեզս 'ի սրտի, տէրն ոչ լսէ քեզ . զի դու ասես զայդ բերանով քով հանապազ : Եւ արդ յորժամ զբարբառ բերանոյդ ոչ լսես, զիա՛րդ հնարս սատանայի գիտել մարթասցես . և կարեւիւր արարեալ զքեզ՝ և ոչ իմանաս . որ զգիրս ընթեռնուս, և ըզգրեալսն ոչ իմանաս :

Օ ի՛նչ հրամայեն մեզ պատուիրանք ւնյ . ոչ ապաքէն ւնձ գործոց մերոց զխաչն հրամայէ պահապան և յորինիչ, հիւանդաց աղօթս և օծումն եւզոյ, և լլկելոցն 'ի սատանայէ պահս և աղօթս . և որ զայս խոտիցէ, գրովք և յուռ թովք վարիցէ, և կանայս ձեռնածուս 'ի տունս մուծանիցէ, արտաքոյ է պատուիրանաց և քրիստոնէութե՛, և ընդ նզովիւք առաքելոցն : Զի 'ի նոցանէ այդ ոչ քարոզեցաւ . այլ և նզովս ևս դնէ 'ի վերայ և ասէ . « Եթէ որ աւելի քան զայս ուսուցանիցէ, նզովեալ լիցի », և դարձեալ ասէ . « Մի՛ ինչ աւելի քան զգրեալսն իմանալ », . և դարձեալ ասէ . « Անիծեալ ւնձ մարդ՝ որ ոչ կացցէ 'ի գրեալն ի գիրս » . և Քս ասէ . « Եթէ որ լուծցէ մի ինչ 'ի պատուիրանաց, փոքր կոչեսցի » : Արդ ահա զչնորհան ւնյ և զգորութիւն սուրբ խաչին լուծանես, և զպահս և զաղօթս զոր պատուիրանք հրամայեն, և մուծանես զգիր պահապան, և զուռութս գիւթացն՝ որ ոչ է 'ի պատուիրանաց ւնյ . այլ զգաղտնի նետս սատանայի 'ի ձեռն դիւթացն, որ իբրև զմէգտարածեալ ունի զւնձ աշխարհս, և ոչ իմանան :

Եւ ասես ևս . զոր դիւթքն գործեն և ասեն, այսպէս լինի : Եւ եթէ երբէք պատահէ՛ մի խաբիր, ով մարդ . ոչ եթէ 'ի դիւթէն եղև, այլ և թէ չերթայիր առ դիւթն՝ քեզ 'ի ժամուն այն այնպէս պա-

տաճէր: Բայց դու զայն ողորմութիւն դիւթին զօրութիւն կարծեցուցանես: Բայց 'ի ձեռն դիւթաց բազում անգամ չլինի, և երբեմն լինի. ոչ եթէ զօրութիւն դիւթին լինի, այլ իբրև կուրաց ընդ խարխափս ընդ ոտս ինչ անկեալ գտանիցին. ահա ընդ խարխափս փրս գտանես, և ոչ եթէ աչօք ինչ յառաջագոյն տեսանիցես. նոյնպէս և զդիւթացն տեսանիցես: Բայց մարդիկ յիմար 'ի չպատահեալն չհային, բայց եթէ զմինն պատահել տեսանիցեն՝ զայն առեալ վերացուցանեն, և 'ի լսելիս անցուն արկանեն: Այլ դիւթի և ուռթոյ զօրութիւն ոչ լինի. և եթէ եղեալ տեսանես 'ի յանկարծ որպէս ասացին, ոչ եթէ յուռթէն և 'ի դիւթէն եղև, բայց զի դու այնպէս հաւատացեր՝ թոյլ ետ անձ այնպէս լինել ըստ քում այնպէս հաւատալոյն, զի մեծապէս դատապարտեսցիս, զի փոխանակ այն առ դիւթսն ընթացար: Զի յորժամ թողուս զպատուիրանն, և 'ի դիւթս և 'ի յուռութս ապաւինիս, մտեր կամօք ընդ հնազանդութիւն սատանայի, և տէր եղև կամաց քոց. որպէս որդի թագաւորի յորժամ կամօք թողու զթագաւորն, և երթայ 'ի լերինս առ աւազակապետ մի, և տայ զինքն 'ի ծառայութիւնմա, ապաքէն տէր և իշխան է աւազակապետն կենաց և մահու նորա:

Ըրդ մեծ մասն աշխարհիս ընդ յուռթիւք և ընդ հմայիւք եմուտ 'ի հնազանդութիւն սատանայի, և չէ որ որ իմանայ զչարաչար ամբարշտութիւն մեր. որ թողեալ զանձ արարիչ, և առ դիւթս և առ ուռութս և՛ առ թովիչս և առ պահարանս և առ հմայս ընթանան, և հանապազ բարկացուցանեն զարարիչն: Եւ արդ առ այս անձ զինչ պարտ էր առնել, բայց միայն սգալ և լալ. զի փօքր մասն աշխարհիս հազիւ եթէ ապրեսցի. զի առեալ զպատիւ որ այն վայել էր՝ մահկանացու մարդոյ մատուցեալ էաք ըզգիտութիւն. զայն գիտութիւն՝ որ առաջնոյն երևէր, որպէս Սաւուղայ վասն իշոյն կորուսելոյ յայտնեաց. վասն զի տղայք էին, և չէր կատարելութի գիտութե առ նոսա: Բայց առ մեզ կատարելութիւն են ճրջմարիտ ոգւոյ գիտութիւնք. զի ինքն Քրիստոս եկն աւետարանեաց, զկապանս օրինացն ելոյծ, զչնորհս եմոյծ,

զմահ խափանեաց, զյարուծի խոստացաւ, և զարքայուծի և զկեանսն յաւիտենից: Այս է կատարեալ գիտուծի, և ոչ գիւտ իշոյ կորուսելոյ. զանգիտուծին եբարձ, և զայս եմոյժ, զոր ոչ կամի վասն մեր եծէ զմարմնաւորս ինչ ինդրեացուք. այլ մեք զհոգեւորսն հոգացուք, և զմարմնաւորսն՝ ի նա՝ ընկեացուք. վասն այսր ծածկեաց ՚ի մէնջ զայն գիտուի:

Արդ մի հաւատայք՝ եծէ որ զօշաքաղուծի յայ և ՚ի սրբոց զօրուծէ գիտել ինչ կարծեցուցանիցէ ըզքեզ. արգելեալ է ՚ի մէնջ զայն, զի չէր ինչ մեծ այնքան զչնորհան զոր ետ մեզ: Արդ եծէ որ հաւատովք առ անհանի, աղաչանօք ապաւինի ՚ի նըշխարս մարտիրոսաց, ընդունի բժշկուծի ցաւոց, ըզհալածունի ախտի, և զելունի դիւաց, և զթողուծի մեղաց: Այլ և ծածկեալ մարգարէուծին ՚ի յայժմու ժամանակիս մարդոյ ոչ է. զի ոչ նշխարք մարտիրոսաց զմեզս ուրուք յանդիմանեն, և ակամայ ապաշխարուծի ՚ի վերայ ածեն առանց կամաց առնելոյն. զի անձ ոչ երբէք բռնադատէ զմարդ, այլ ՚ի կամսն ապաստան առնէ, զի վարձս ընկալցի գործելին: Եւ ոչ եկեղեցիս և մատուռնս շինեն, զի ոչ երբէք անձ սովոր է այդպիսի ինչ գործել, զի մի բարեքս մեր ՚ի հարկէ լինիցին. այլ ՚ի կամսն ապաստան արարին, զի վարձս տացէ առնելեացն: Բայց այսպիսի շփոմունք ՚ի դիւաց կեղծեաց լինին՝ զի անվարձ աշխատ և ծաղր արասցեն զմարգիկ:

Այլ զյառաջիկայ ինչ գիտուծի դեք ոչ երբէք գիտեն, զի մինն միայն է սրտագետ՝ արարիչն ամենայնի. իսկ դեքն և դիւծքն արարածք են, և ոչ արարիչ. և կեանս և մահ և առողջուծիւն և հիւանդուծի և բժշկուծի և մեծուծի և աղքատուծիւն իւրոց արարածոց տալ՝ արարչին միայն վայել է, և ոչ դիւաց և ոչ դիւծաց. որ և անձանց նոցա անձ է իշխան և արարիչ: Արդ զի՞նք իշխեն այլոց արարածոց հրամայել՝ որում չեն արարիչ: զի արարածք արարչին միայն կան ՚ի հնազանդուծի, որ եղծանել և նորոգել կարէ, և ոչ դիւաց և դիւծաց, որ և ²

1 Եօրին. ՚ի Նոստ. Թերևս ՚ի 2 Եօրինակին պակասի ոչ:

հոգևորսն իմանայ:

ինքեանց չունին իշխանութիւն :

Արդ գիտացեալ եթէ անձ միայն է արարիչ, ընդէր ընդ կապանօք խտրոց և հմայից արկանել զանձն, և յօրահմայս ամբարշտել . և համարիս 'ի նմանէն ինչ եղծանել և կամ նորոգել խոտոյ, որթոյ, և նիւթոց կալոյ, հնծանի, և սերմանց, և անձ գործոյ որ անցանէ ընդ ձեռս ձեր : Ընդէր յօրահմայս և 'ի խտիրս անկանիս, աղէ տուր ինձ պատասխանի : Իւնասակար է շաբաթն և չորեքշաբաթն, զի սոքա անուամբ Քթի միայն են քրիստոնէայք . և անուն ինչ նորոգել և եղծանել ոչ կարէ առանց լուսոյ և տօթոյ . և լոյսն և տօթն յարեգակնէ է . և արեգակնն ոչ եթէ յաւուրս չորեքշաբաթին և 'ի շաբաթուն այլ ինչ ծագումն է, և 'ի յայլն այլ . այլ¹ այս մի ծագումն է, և նոյն հանապազ : Արդ եթէ մի ծագումն է արեգական՝ չորեքշաբաթին և ուրբաթին, շաբաթուն և կիւրակէին, ընդէր 'ի մի ծագմանէն սոքա փաստն և նոքա ոչ, տուր ինձ պատասխանի, ով յիմարդ խտրողադիւթ և ծառայդ հմայից և հեռացեալ 'ի շնորհացն ան . ոչ ապաքէն ան աւուրքն ան են, և 'ի յաւուրս ան զոր բարի գործեմք մերով յօժարութիւն և կաման ան, և զոր չարն² գործեմք մերով չարութիւն և ներելով ան . և բարւոյն ան է կատարիչ, և չարին մեք եմք իշխան : Արդ անուն շաբաթուն և չորեքշաբաթուն զիմարդ կարէ նորոգել ինչ, կամ եղծանել . քանզի և մարթին իսկ ոչ . զի անուն անձն և միտս ոչ ունի . և որ ինչ անձն և միտս ոչ ունի, զիմարդ մարթի առնել արարչութիւն : Բայց միայն սատանայ ապշեցոյց զքեզ իմանալ զայս . զի զանրարչութեն պատիւ առեալ, և անշունչ անուան շաբաթին և չորեքշաբաթի նուիրես, և ընդ կռապաշտսն դատապարտիս :

Արդ թողեալ զյիմարութիւնք քո որ 'ի ձեռն խրտրանաց աւուրդ է, զի ոչ ինչ կարես տալ պատասխանի, բայց միայն անօրէն մոլորութիւնք քո քարշէ զքեզ գործել զայդ . բայց աղէ ցոյց, ընդէր ամբարշտես և 'ի լուսինդ, և առնես եղծիչ և նորոգիչ զլուսինդ .

1 Յօրինակին չեք այլ շաղկապդ :

2 Յօրինակին յարն :

եթէ յարեգակն ամբարշտէիր, թերևս տայիր՝ ինչ պատասխանի՝ թէ յարեգակն տօթուածի է, և կարող է հասուցանել և լիացուցանել, ցամաքեցուցանել և անացուցանել ըստ հրամանի արարչին. զի հիւթքըք են որ դարմանեն զարարածս այ հրամանաւն այ, հուր և ջուր և հող՝ և օդ յ և ՚ի գոցանէ թէ որ պակաս գտանի ՚ի խառնուածան, երկիր պտուղ ոչ բերէ. և յայսմ՝ նիւթոյ առ լուսնոյ ոչ գտանի: Ընդէր ունիս զլուսինոք պատճառս եղծանելոյ և նորոգելոյ. հողն յերկրէ է, հուրն յարեգակնէ, ջուրն յանձրեաց, օդն մրրկածին. այս են որ դարմանեն զարարածս հրամանաւն այ: Լուսնոյ զինչ իշխանուի է եղծանել կամ նորոգել. զի լուսնոյ ոչ տօթ է և ոչ օդ, ոչ հող է և ոչ ջուր. բայց միայն մեզ ՚ի լուսաւորութիւն գիշերոյ ստեղծաւ. և պատի թաղի՝ բերելով զօրինակ կենարարին, և ինքն զինքն ոչ գիտէ՝ եթէ է ինչ և կամ չէ, զի շունչ և կենդանութի ոչ գոյ ՚ի նմա. բայց շարժի և գնայ իւրև զհուր և զջուր, և կայ մեզ ՚ի հարկի և ՚ի ծառայութիւն հրամանաւ արարչին. և խոտոյ և սերմանց նա ոչ իշխէ, զի ամենեւին անշունչ է: Արդ որչափ տանջանաց և գեհենի արժանի համարիցիս զայն, որ զանշունչն շնչաւոր կարծեցուցանէ, և զպատիւ և զիշխանութիւն արարչին առնուցու և տացէ սատանայի և աւուրց հմայից, և պաշտէ զարարածս և ոչ զարարիչն: Յորժամ զիշխանութի եղծանելոյ դնիցես աւուրց նշան, և տէր և արարիչ զնոսա կարծեցուցեր, և եղեր գործովքն քովք պաշտօնեայ և երկրպագու լուսնոյն և աւուրց հմայից, և անլուծանելի ամեր ՚ի վերայ քո զանէծան որ ասէ՝ եթէ «Անիծեալ լիցի որ պաշտօն տանիցի և երկիր պագանիցէ արեգական և լուսնի և զօրուեց երկնից» : Եւ ընդէր վիրաւորիս, ով թշուառական, աներևոյթ նեախ սատանայի, արկանելով ՚ի վերայ գործոց քոց հմայս աւուրց և խտիրս. յորմէ ոչ ինչ օգտիս, բայց միայն տուգանս ոգւոյ և առիթ գեհենին :

Իսկ եթէ ասես, եթէ ընդէր ոչ հաւատացից հմայ.

1 Յօրինակն հոգի:

իցն՝ յորժամ տեսանեմք զամ ինչ եղծեալ 'ի յաւուրս խտրոցն, մի՛ խաբիր, ու՛ մարդ, զի չիք ինչ յարարածս այ առանց ախտից և ապահանութեանց և փոխելոյ. զի անեղծ և անփոփոխելի արարիչն միայն է: Բայց արարածս որ ընդ ձեռամբ մերով անցանէ՝ ախտ և ապահանութի և եղծումն և յարդարումն: Եւ եղծումն և յարդարումն 'ի խամբայութի՛ անձրեաց լինին, և 'ի սոթոյ արեգական, և ոչ կռուելոյ օդոյ. այլ ոչ եթէ 'ի լուսնոյ ², զի ոչ եթէ 'ի լուսնի անձրե է. և ոչ եթէ 'ի սոթութի, և ոչ օդ՝ եթէ փնասէր խտտոյ և սերմանց և ամ գործոյ՝ զոր խրտրես գործել 'ի յաւուրս նորա. բայց միայն լուսատու է արարածոց: Եւ քեզ 'ի լուսնոյն փնաս երբէք ոչ լինի, բայց միայն 'ի սոթոյ արեգական, և 'ի խոնաւութի լուսնի: Չի որպէս 'ի չոր և 'ի ցամաք հոտ ինչ փնասակար ոչ հարկանի. և յորժամ զգիջութի հոփոյն արեգակն ջեռուցանէ, հոտ և որդունս ծնանի. զի զոր օրինակ և 'ի հանդերձս մարմնոյ յորժամ գիջութի և ջերմութի և փոշի ոչ է՝ զեռունք ոչ ծնանին, և յորժամ ջերմութի մարմնոյն և թացութի քրտան ³ և փոշին ընդ միմեանս մտանեն՝ զեռունք հանդերձից յոլով ծնանին, նոյնպէս և փոշի 'ի խտտոյ և 'ի գիջութի և սոթոյ աւուրն լինի և 'ի կռուելոյ առ միմեանս հիւթիցն: Չի շաբաթս և չորեքշաբաթս հիւթս ինչ ոչ ունին, և արարածոց այ ոչ իշխեն, ոչ նորոգել և ոչ եղծանել:

Արդ ու՛ մարդ յիմար և անհանձար, եթէ կամիս ընտրել վասն գործոյ ձեռաց քոց, զխառնուածս հիւթիցն ընտրեա, զսոթութե և զցրտութե, զխոնաւութե և զցամաքութե, և զաւուրսն գարնանային և աշնանային. և ոչ 'ի շաբաթս ամսարչտել, և 'ի նմանէն համարել զեղծումնն և զաջողումն գործոյն: Իսկ եթէ ասես դարձեալ, է զի և 'ի խտրանացն աւուրց փնասին որթն և գինի և ամ ինչ՝ զոր յաւուրսն գործեմք, արդ համարեաց և լինիցի այդպէս: Բայց 'ի միտ առ. մի՛ աւուրց համարիր՝ եթէ նոքա

1 Երկրակին այսպէս:

2 Երկրակին 'ի լուսնոյ:

3 Երկրակին գրեալ էր Խոնա-

Բիւնթ օգտն:

իշխեն . զի զաւուրցն անձ լոյս միայն եցոյց մեզ , և զբարի գործել 'ի նմա և չար՝ մեր իշխանութի է : Եւ եթէ 'ի սատանայէ համարիս զապականութիւն գործոց քոց , սատանայ առանց քոյոյ կամաց և անթողացուցանելոյ՝ արարածոց ան ոչ իշխէ : Դու իսկ գիտեա եթէ 'ի խողիցն երամակ ոչ իշխեաց մտանել , բայց եթէ հրամայեաց . և զինչ նոցա ոչ իշխեաց կորուսանել , բայց եթէ 'ի տեառնէ առ հրաման : Եւ եթէ առանց մերոյին կամաց իշխէր սատանայ մտաց մերոց , հաճոյ ան և ոչ միում ումեք տայր լինել . այլ զանման ընդ մեզօք արկեալ կորուսանէր : Ապա եթէ այդպէս է , ոչ մարգարէքն մարգարէ լինէին , և ոչ առաքեալքն առաքեալք , և ոչ արդարքն անձ արդարք . զի նմա այնպէս կամէր : Բայց ոչ այդպէս . այլ որ՝ նմայն հնազանդի , նմա միայն իշխէ : Զի զայդ դու իսկ գիտա , զի սատանայ մարգատեաց է և ոչ մարգասէր . և թէ ունէր իշխանութի գործոց ձեռաց մերոց խանգարել և կեցուցանել , վաղուց իսկ կորուսեալ էր՝ ոչ միայն զգործս մեր , այլ և զմեզ իսկ գլխովին . զի կամք նորա այն իսկ էն , այլ ոչ իշխէ : Բայց եթէ լինի ապականութի գործոյ քո , այսպէս գիտա . արար զքեզ անձ 'ի պատկեր իւր , և իշխան անձ արարածոց իւրոց , և զանձ ինչ հրամայեաց քեզ գործել հաւատովք և շնորհօք , և պահպանութիւն նշանաւ սուրբ խաչին . և դու թողեր զճշմարիտն անձ , զհաւատս և զխաչն պահպան , և արարեր իշխան գործոց քոց զշաբաթն՝ զաւուրսն հմայիցն : Ապա թոյլ տայ և անձ ապականել գործոց քոց ըստ հմայիցն քոց , զի ստուէն հաւատասցես և մեծապէս դատապարտիցիս , փոխանակ զի զճշմարտութիւն ոչ ընկալար : Զի Պաւղոս ասէ վասն Նեոխնն և այսպիսի անիրաւուէց . «Փոխանակ , ասէ , զի ճշմարտութեն ոչ հաւատացին , այլ հաճեցան ընդ անիրաւութեն , վասն այնորիկ առաքեսցէ նոցա անձ ազդեցութի մոլորութե՝ հաւատալ նոցա մոլորութեն , զի դատապարտեսցին որք ոչ հաւատացին ճշմարտութեն , այլ հաճեցան ընդ անիրաւութեն » :

1 Յօդանակին շիբ 77 :

Արդ ոչ զարհուրիս, ով մարդ, որոյ թողեալ զանձարարիչ, և սովորեալ մտօք արարածոց պաշտօնս մատուցանես հմայիւքդ: Ոչ լսես դրոյն որ ասէ՝ եթէ «Հմայք աշխատուի՝ և ցաւս ածեն ՚ի վերայ» . և դարձեալ մարգարէն ասէ՝ թէ «Ացաւ իբրև զառաջինն աշխարհս մեր հմայիւք նման այլազգեաց» . և Առաքեալ ասէ . «Զաւուրս խտրէք և զամիսս և զժամանակս, երկնչիմ ՚ի ձէնջ» : Արդ պարտ է և մեզ երկընչել ՚ի պատուիրանաց, և հաւանել ճշմարտունէն . և պիղծ համարել զնոսա՝ որք խտրանօք և դիւթօքն վարին, և սուտ երազօք պատրեալ բանդագուշին: Եւ ոչ իմանան՝ եթէ յորժամ թողեալ ուրուք զճշմարիտ ճանապարհն անպաշտունէ, և այնպիսեացն լսել հաւանի, բազում անգամ զստուին որպէս ճշմարտութի ցուցանէ ՚ի միտս նորա, զի չարաչար դատապարտեսցի . փոխանակ զի ճշմարտութեն ոչ հաւատաց, այլ հաճեցաւ ընդ անիրաւութեն . որպէս և դրեալ է յերրորդ Թադաւորութեն յորժամ մեղաւ Աքայաբ՝ ետես Միքիա մարգարէ զտէր, և զօրութիւնք երկնից կային յաջմէ և յահեկէ . և ասէ տէր . ով ելցէ և պատրեսցէ զԱքայաբ, և ելցէ ՚ի Հռամաթ Գաղայադու և մեռցի . և սկսան ասել ոմն այսպէս, և ոմն այնպէս: Եւ ել ոգի և եկաց առաջի տեառն և ասէ . ես երթայց և պատրեցից զնա, և մեռցի: Եւ ասէ տէր . իւր եւ ասէ . եղէց ոգի սուտ ՚ի մարգարէս նորա, և ելցէ ՚ի Հռամաթ Գաղայադու՝ և մեռցի: Արդ տէր ոչ է այն պատրանացն՝ պարտապանբայց թոյլ ետ պատրանացն լինել, փոխանակ պատրանացն լինել հաւատալոյ նոցա սուրբ մարգարէիցն:

Արդ որ հաւատալ սովորի պատրանաց դիւացն, թոյլ տայ անձ պատրել զնա՝ զի դատապարտեսցի, փոխանակ հաւատալոյ նոցա ստութեն: Արդ փախիցուք ՚ի պատրանաց սուտ մարդոց, և ՚ի տեսլենէ երազոց, և ՚ի դիւացոյց գիտից սուտ նշխարաց, և ՚ի հրամանաց խաբող մոլորեալ երազախօս սպասաւորաց նորա, որք աշխատեն զանձինս բազմաց սուտ մարգարէութեն իւրեանց, և զպատիւն այ առեալ՝

1 Յօրինակին աւելորդութիւն:

2 Յօրինակին չիք պարտանայ:

զոր պարտ էր 'ի տանն ւնյ առաջի սրբոյ խաչին և սուրբ վիպիցն մատուցանել, զգոլոշի անուշահոտ խընկոցն և զպայծառութի լուսոյն, առեալ առաջի սրտութեն մատուցանեն: Ով յիմար ընթերցող յամ մուրորութեց չեղէն քեզ բաւական նշխարք մարտիրոսաց՝ որ եկեալ և դադարեալ են առ քեզ, և հանապազ խնդրեն վասն քո. և կամ նշան սրբոյ խաչին՝ որ առ քեզ և 'ի տան քում հանապազ: Ընդէր ոչ խնդրես 'ի նոցանէ զխնդիրն քո. զի ընթանաս 'ի խնդիր պատիր բանից. մի եթէ ւնճ վասն զի ոչ չոգար առ նոսա՝ բարկանայ քեզ. ոչ ապաքէն ինքնին ասէ. «Եթէ որ ասիցէ, ասէ, ձեզ աստ է Քսկամանդ, մի հաւատայցէք. զի բազում սուտ Քսք և սուտ մարգարէք ելին 'ի յաշխարհ. և մուրտեցուցանեն, ասէ, եթէ հնար ինչ իցէ և զընտրեալն», Ահա եղև իսկ և տեսաք յետ մարգարէիցն սուտ մարգարէք, յետ առաքելոցն սուտ առաքեալք, և յետ մարտիրոսացն ահա այժմ իսկ տեսանեմք սուտ մարտիրոս խաբել զմարդիկ: Եւ վասն տգիտաց որք ոչ գիտեն զհոգի շորութեն և ճշմարտութ, առաք զհրամանս զայս 'ի տեառնէ որ ասէ. «Եթէ ասեն ձեզ՝ եթէ ահա յանապատի է, մի ելանիցէք. և եթէ ասիցեն՝ եթէ յշտեմարանս է, մի ելանիցէք»:

Արդ պարտ է պահել զպատուէրն Քսի, և մի խաբել մեզ 'ի պատրանաց դիւաց, թէպէտ և սուտ ինչ տանջանօք չարչարիցեն զմեզ. զի լաւ է օրինօք Քսի չարչարել, քան հրամանաց դիւաց հնազանդել, թէպէտ և նշանս և սքանչելիս առնիցեն. զի սուլոր է սատանայ սուտ նշանօք որպէս ճշմարիտ ցասմամբք պատրել զմարդիկ՝ որք ոչ ինչ տեղեակ են աներևոյթ նետից նորա, զոր և յառաջն եցոյց առ Երեմիա մարգարէին, առ Մովսէսիւ Յանէս, առ Պետրոսիւ Սիմոն, և այլք բազումք՝ որք զարբանեկութիւն սատանայի հարկանէին, և սուտ նշանս ցուցանէին, և իշխանք և ժողովուրդք հաւատային՝ մինչև զսուրբ առաքեալն հալածել, և զճշմարիտ քարոզունին Քսի մուրութի համարել, և բազում նեղութի հաւատացելոցն հասուցանել: Արդ սուտ մարգարէիցն և սուտ առաքելոցն և սուտ մարտիրոսացն վասն սուտ նշանի

մի հաւատար, զի սովոր է սատանայ զայդ առնել . որ 'ի յայնժամ զմովսէսեանսն և զպաւղոսեանսն զհոգեւիցսն և զամենիմաստսն աշխատէր, որչափ ևս առաւել գլխմարսս և զտխմարսս :

Արդ այս ամ աներեւոյթ հնարս սատանայի զի՛նչ ունիցիմք առնել . այլ զգուշանալ պատուիրանացն անյ, և սիրել զնա յամ սրտէ և յանձնէ և 'ի զօրութի . և անդադար աղօթել 'ի տուէ և 'ի գիշերին : Զի աղօթք զհնոցն շիջուցին, զառիւծսն սանձեցին, ըզգազանսկան ձուկնն դադարեցուցին, զծովն հերձին և զժողովուրդն ապրեցուցին : Եւ պահօք ամրացուցանել զքեզ, զի պահք զէն են առաքինութի . 'ի ձեռն պահօցն շքեղացան դէմքն Մովսէսի . 'ի ձեռն պահօցն 'սինուէ ապրեցաւ, մարգարէն յերկինս վերացաւ : Եւ մի վասն քո դանդաղ և յիմար մտացդ փոքր համարիր զմեծդ անօրէնութիւնս : Յիշեա վասն զի փոքր կարծեցուցանելոյ Ազամայ զպատուիրանն անյ՝ ել 'ի դրախտէն . վասն փոքր կարծելոյ Քամայ զամօթ հօրն յայտնեալ՝ անկաւ ընդ անիծիւք և ընդ ծառայութեամբ . վասն փոքր կարծելոյն Եսաւայ զանդրանկութիւն ընկենուլ՝ տեղի ապաշխարութի ոչ եղիտ . վասն փոքր կարծելոյ Վայէնի զամ անգէտ համարել՝ սպանմամբ Աբելի երերումն և տատանումն ընկալաւ . վասն փոքր կարծելոյն Վորխայ և Դագանայ և Աբիրոնի 'ի պատիւ քահանայութեն մերձենալ՝ կենդանւոյն ընկլան 'ի դժոխս . վասն փոքր համարելոյ զպուռնկութիւն Զամբրի՝ քսան և երեք հազար արանցն սատակեցան . վասն փոքր համարելոյ երդմանն Սեղեկիայ՝ աւարումն Երուսաղէմի . վասն փոքր համարելոյ Սաուղայ ստել բանին անյ և չսպանանել զԱգագ՝ պատառումն Թագաւորութեն . վասն փոքր համարելոյն Դաւթի ընդ Թուով առնել զԽորայէլ՝ սպանումն եւ Թանասուն հազարացն . վասն փոքր կարծելոյ Սափիրայ ստելոյն և Անանիայ՝ զգառն մահ ընկալան . և վասն փոքր կարծելոյ բազմաց զպատուիրանն անյ՝ աստ տանջեցան, և անդ տանջանաց ակն ունին : Եւ արդ պարտ է պահել զպատուիրանս զգրեալս . ոչ յտեմարանս մտանել, և ոչ յանապատս ելանել, և ոչ երկիր պագանել երկիւղիւ օտարին . այլ

պահել զպատուիրանս նորա, ոչ յաւելուլ և ոչ հատանել:

Չիցե՞ն մեզ բաւական իւրաքանչիւր նշխարք մեր, ընդէր ելանեմք և խաբիմք ՚ի դիւաց. չիցե՞ն մեզ բաւական հոգեկիր մարգարէքն, ընդէր լսեմք երազոց. չիցե՞ն մեզ բաւական քահանայք նյ, ընդէր երթայցեմք առ հարցուկս մոլորեալս. չիցե՞ն մեզ բաւական օրէնքն բնագիրք՝ յոր ենն լիով կամքն նյ, ընդէր ունիցիմք զհրամանս նորատուրս և զթուղթս պատիրս՝ որ թերի և պակաս կարծեցուցանեն զպատգամս հոգելիցս մարգարէիցն, զքարոզուի սուրբ առաքելոցն և զվարդապետութիս սուրբ աւետարանին. և զոր ՚ի պատուիրանացն ոչ է հարկաւորել հարկաւորէ, և զինքն յերկնից ցուցանէ, զգրեալս մատամբն նյ: Եւ ոչ լսեմք Պաւղոսի որ ասէ. «Մի խռովել զձեզ, մի բանիւ և մի թղթով, որպէս թէ ՚ի մէնջ»: Ի միտ առ, ով յիմար և չարադիւթ, զի վասն միոյ մեզաց Ագամել ՚ի դրախտէն. վասն միոյ սպանութեն տատանումն Կայէնի. վասն գիջութե ջրհեղեղն աշխարհի. վասն ամբարտաւանութեանն անկումն սատանայի. վասն ամբարշտութեանն շիթութումն լեզուաց. վասն արուագիտութեն կործանումն Սոդոմայ. վասն սուտ երգմանն աւերումն Երուսաղէմի. վասն զծնողս արհամարհելոյ անէծք և ծառայութի. վասն սուտ վկայելոյ սղոցումն ծերոցն առ Շուշանաւ. վասն ոչ գոհանալոյ սատակումն Հերովդէի. վասն խտտարտութե ընկզմումն Փարաւոնի. վասն գողութե քարկոծումն Աբարայ. վասն տրանջման յօձիցն սատակումն. վասն պռնկութե որ անկան ՚ի միում աւուր քսան և չորք հազարք: Զի վասն ՚ի սուտ յանձն երթալոյդ, և վասն անխտիր ՚ի հմայս մերձենալոյդ՝ են ՚ի ձեզ, ասէ քարոզն եկեղեցւոյ, բազում հիւանդք և ախտաժէտք. վասն այդորիկ և մահք տարաժամք. վասն այդորիկ և նեղութիք բազումք. վասն այդորիկ և անզաւակութիք ՚ի ծննդոց և կապումն երկանց անլուծանելի. վասն այդորիկ և լլկումն դիւաց. վասն այդորիկ տնանկութիք և աղքատութի. վասն այդորիկ և երկնային պատուհասք. վասն այդորիկ և անդաստանաց սնութիք. վասն այդորիկ և

չարժմունք անդադարք . վասն այդորիկ և չյաջողու
 թիք անասնոց . վասն այդորիկ և զրկանք է գողոց .
 վասն այդորիկ և հուր գեհենին և աղջամուղջքն յա-
 լիտենից և տանջանքն մշտնջենաւորք :

Օ ի եթէ զբաժակն ոսկի՝ զոր թագաւորի իսկ
 մատուցանեմք ՚ի սպաս և ՚ի սեղան , և դարձեալ ըզ-
 նոյն առեալ և կոյ և ցեխ և աղբ մարդոյ առեալ
 բերեմք՝ զոր և նա իսկ տեսանէր , միթէ զնոյն բա-
 ժակն միւսանգամ անդրէն ՚ի նորուն սեղան իշխեալք
 մատուցանել . ոչ : Ընդէր . զի աղբովն պղծեցաք , և
 թշնամանեալ բարկանայ և գարշի թագաւորն : Եւ
 կամ վասն երգմանց պատուիրանք ո՞րպէս ասեն :
 Մարդիկ , ասէ , զոր ինչ ՚ի վեր է քան զինքեանս՝ յայն
 երդնուն . նոյնպէս և անձ , վասն զի ոչ գոյր մեծ որ
 երդնոյր՝ յանձն իւր երդուաւ և ասէ այսպէս . «Յանձն
 իմ երդուայ՝ ասէ տէր , եթէ օրհնելով օրհնեցից
 զքեզ» : Այլ երդնուլ անյ յարարածս իւր անհնարին
 է , ամբարշտութի է : Եւ կամ յետ Քսի գալստեանն
 գրել մեզ գիր մատամբ անյ , և տալ . զի եթէ այդ
 միւսանգամ մեզ պէտք էին յերկնից , ապա Քսի
 գալուստն թերի և անկատարումն էր : Ոչ այդպէս .
 այլ օրէնքն մեզ ՚ի յերկրի ետուն հրամանս լիով ՚ի
 ձեռն Մովսէսի և Յսի . և յետ այսորիկ տանջանք
 և արքայութի : Բայց կրկին օրէնք մեզ երկնատուրք
 գրեալ մատամբն անյ այլ ոչ առաքին : Բայց սատանայ
 զումանս յաջխտորեցուցանէ , և զումանս յահեկ . և
 զահեակն ամենեքեան իմանամք , վս զի յայտնի են
 գործք ձախոյ կողմանն . բայց զաջն ոչ իմանամք , զի
 անպաշտութեան կերպարանօք խոտորի : Եւ վասն այսու
 թիկ առաք զպատուէրս զայս՝ եթէ «Մի խոտորեսցիս
 ՚ի գրեալս պատուիրանացս յայսցանէ յաջ կամ
 յահեակ» :

Եւ արդ հայեսցուք ՚ի պատուիրանս անյ , և զգը-
 րեալս ՚ի նմա արասցուք . և մի մոլորեսցուք իբրև
 զհեթանոսն ՚ի բախտ և ձակատագիր և ՚ի հրամանս :
 Զի զինչ և հրամանքդ տարածին ընդ անձ երկիր , և
 բանդագուշեալք խօսին սուտ , եթէ մարդ ընդ հրա-
 մանս վարի և գործէ : Եթէ այդպէս է , և ընդ հրա-
 մանաւ գործէ մարդ , ապա յայտ է՝ եթէ և դատի

ոչ վասն մեղացն, զի զհրամանս նորա կատարեմք: Ապա և սոսակիմք ոչ վասն արդարութե. զի ոչ եթէ մեր կամաւ գործեմք զբարին, այլ նորա հարկաւ ահամայ: Ապա և թագաւորք ոչ պարտին՝ զգողն և զպոռնիկն և զսպանողն տանջել, զի ոչ իւրով կամաւ գործէ զայն, այլ զհրամանս կատարէ: Ապա թէ որ պիղծ այր սպանանիցէ, կամ նու սկեսուրս, կամ դրացի զդրացի, կամ ծառայ զտէր, կամ աղախին զտիկին, կամ աշակերտ զվարդապետ թշնամանիցէ և սպանանիցէ, չպարտի որ մեղադրել և կամ պատուհասել զի զհրամանն կատարեն: Ապա և զաւազակն չպարտիմք մեղադրել և հալածել, զի հրամանաւ քան ՚ի վերայ որպէս տեսդ: Բայց ոչ այդպէս. այլ արարածս ընդ հարկաւ և ընդ ծառայութեմք և ըստ հրամանի սորա վարին, և ճնճղուկ անգամ յորոգայթ ոչ անկանի առանց հրամանի. բայց միայն զմարդ տէր և ՚ի վեր քան զհրաման ստեղծ: Զի որպէս ինքն ան ոչ է ընդ հրամանաւ ծառայ՝ այլ ազատ և զինչկամարար նմին, որպէս և զմարդն ըստ իւրում նմանութեմք ստեղծ տէր և ազատ և անձն իշխան և զինչկամարար բարոյ և չարի: Եւ կամակար մտօք եթէ բարիս գործեմք՝ արքայութի խոստացաւ, եթէ չար, զդժոխս: Կարող և կատարիչ ան բարւոյ, և ընդ մահ մեղաւորին ոչ կամի, բայց զանձնիշխանութի ՚ի մէնջ ոչ բառնայ, քանզի ասէ իսկ՝ եթէ կամեսցիք և լուիջիք ինձ: ²

1 Յօրինակին գաթիկ:

տենին, որ թուի թէ պակասաւ:

2 Այս ճառ ընդարձակ այսպէս վախճան առնու ՚ի գրչապիր մա.

ւոր իցէ ՚ի վերջոյ:

ՏԵՆՈՆ ՅՈՎՆԵՆՆՈՒ

ՄԱՆԳԱԿՈՒՆԻՈՅ

ԿԱՆՈՆՔ

ԼՐԴ ԵՍ զայս ըստ իմում գիտելոյ ասեմ՝ թէ որ զմանուկ տգէտ զտխմար, որ ոչ կարէ կարգալ զաւետարանն 'ի բեմի 'ի լուր ժողովրդոցն, և զբաւոր ուսումն կարգի քահանայուէ ոչ է ուսեալ, զպատիժ քահանայանալոյ նորա նա կրէ՝ որ ձեռնադրեացն զնա զի զհասնոցն և զուսելոցն զհամարս մեղաց անձինք իւրեանց տան : Այլ օրէն է առաւել զգիտունն և զհասակաւ կատարեալս արժանացուցանել զսնձինս, և առաջնորդել ժողովրդեան : Ասն որոյ մեծին իսկ Պաւղոսի ձայնարձակ բարբառովն զբողոք բարձեալ ասեր Տիմոթեայ՝ թէ «Ձեռս յուրուք վերայ վաղվաղակի մի գիցես, և մի լիցիս կցորդ մեղաց օտարաց», և դարձեալ. «Մի մատաղատունկ, զի մի հպարտացեալ 'ի դատաստան սատանայի անկանլիցի», : Այլ զի պարտ է քահանային անարատ լինել՝ որպէս նոյ անտեսի, վերակացու լինել հաւատարիմ բանիւ վարդապետութի : Արդ զոր օրինակ Պաւղոս զՔսիսի միջնորդ նոյ և մարդկան, և երաշխաւոր և փրկանս նամաշխարհի, արդ ոչ ապաքէն նոյնօրինակ և քահանային օրէն է նամանարատութի լինել առաջնորդ և փրկանք քաւուութե մեղաց ժողովրդեանն նոյ : Արդ եթէ մեծին Մովսէսի ասէ գիր՝ եթէ հեզ և խոնարհ և հանդարտ էր քան զնամ մարդիկ և ուսեալ զնամ իմաստութի եգիպտացոց, զի թէ հեզն և հանդարտն և իմաստունն և անարատն 'ի բժոյ՝ հաւատարիմ պատգամաւոր նոյ և մտերիմ տեսուչ ժողովրդեանն ոչ կարաց 'ի մեղաց ողջ պահել զժողովուրդն, և ապրեցու-

ցանել զնոսա 'ի հարուածոցն ւնյ, և ժառանգեցուցանել նոցա զպարգևական երկիրն, իսկ քահանայք տգէտք և արատաւորք զիարդ կարեն ապրեցուցանել զժողովուրդն 'ի մեղաց՝ որք և զանձինս անգամ չկարեն պահել 'ի մեղաց, Թող Թէ ժողովրդեանն ւնյ լինել առաջնորդ և երաշխաւոր, տանել յարքայունն ւնյ: Քանզի գրեալ է և պատուիրեալ՝ Թէ մի յաջխոտորիցիս և մի յահեակ: Ասան որոյ պատուիրեմ առաջնորդաց եկեղեցւոյ զգուշանալ 'ի ձեռնադրու Թէ տգիտաց, և մի կաշառօք արծաթոյ զոր յառաջ մատուցանել յեպիսկոպոսունի, կամ յերիցու Թիւն, և կամ 'ի սարկաւազու Թիւն, կամ յայլ աստիճան, որպէս 'ի սուրբ աւետարանին փրկիչն ասէ առ սուրբ աշակերտսն՝ Թէ «Զրի առէք, և ձրի տուք»:

Արդ վասն զի պահոց քառասնորդ կոչի օր մի ուրբաթ՝ չարչարանք խաչելուին տեառն, և առիթ կոչման չարչարելոցն յաշխարհիս ունել յանձին զօրինակ չարչարանացն տեառն, առ 'ի փրկուի հոգւոց չարչարակցացն տեառն, և առ 'ի պահպանութի անձանց պատուիրանապահացն տեառն, առ 'ի լինելոյ չարչարակից խաչելու[թէն տեառն, և փառակից յարու[թէն, և առիթ կոչման մեղաւորաց յապաշխարու[թի: Արդ յայսմ քառասներորդի որպէս զի օրէն է զչարբաթն և զկիւրակէն որպէս զուրբաթ և զչորեքշաբաթ պահել զՏէտ օրինացն առնելոյ՝, և յայնմ քառասներորդի օր կոչի՝ կիւրակէն կոչի օր առաջին, և սկիզբն առուրց յարու[թէ և ուրախուէ աշխարհի, և աւետիք արքայու[թէ, լի ամ ուրախութե անձանց պատուիրանապահացն արդարու[թէ օրէն է զուրբաթն և զչորեքշաբթին իբրև զկիւրակէն և զչարբաթն ուտել: Քանզի զոր օրինակ 'ի զատկէն մինչև ցվերացումն տեառն կիւրակէ կոչի, այսպէս և 'ի բարեկենդանէն մինչև ցզատիկն ուրբաթ:

Արդ քեզէն զքեզ ամ 'ի հաւան, և զուգեա զայս քառասուն քառու[թէ, և զայն քառասուն ուրախութե. կռեա զքառասուն ընդ քառասնի, և զուրբաթ և զչորեքշաբթ ընդ շաբաթու և ընդ կիւրակէի, և գտանես հասարակ. ոչ 'ի սմա յագումն և ուրախութի, և ոչ 'ի նմին պահք և տխրութիք: Այս քառասուն առիթ քառու[թէ մեղաց տարւոյն, և այն քառասուն յաջորդ ուրախութեանց տարւոյն: Արդ օրէն է զայս պահոց քառասնորդս հար[թիկ պահել 'ի բարեկենդանէն մինչև ցզատիկն. քանզի քառիչ և [թողիչ մեղաց տարւոյն կոչի: Այլ գինի և իւղ²,

1 Յայլում օրին. ասելոյ:

2 Յայլում օրին. իւղ:

ձու¹, ձուկն, պանիր, կոզի, կաղաի, բաժին, շճուկ, կաթն, խեր, և ձկանմորէ, զայս բնաւ ամենեկն չէ օրէն և ոչ վայել է ճաշակել ամ ումեք, մեծի և փոքու, արդարոյ և մեղաւորի: Շատ են մեղ այլ կա մտկքն քառասուն աւուրն, կանեփհատն, կտաւատ, փոխինդ, հատ, սամթաջուր և:

Արդ այսու քառասնորդաւ տէրն 'ի լերինն փոր- ձութէ տարաւ յետո զփորձիչն սատանայ, որ է օրի- նակաբեր յաղթութէ ամ հաւատացելոց. միթէ նոյ պահէլ ինչ պիտոյ էր. ոչ ապաքէն վասն օրինակի մարդկան առնէր զայն: Արդ էթէ զհանապազօրն մեռանել ոչ կարեմք ըստ բանին Պաւղոսի, այլ դո- նեայ քառասուն աւուրքս լինել հաղորդ չարչարա- նացն տեառն ջանասցուք. զի բազ անկեալ՝ մեղք տարոյն քառասուն աւուրքս ընկեսցուք յանձանց: Ոչ գիտես զի որ միտեալ մտօք չարչարակից լինին չարչարանացն Քոի, նոքա միայն կարեն լինել փառա կից յարուեն. քանզի ասէ, թէ ոչ միայն հաւատալ 'ի Քո, այլ և վասն անուան նորա չարչարանս ընդու- նել արժան է:

Արդ այս քառասունք չարչարանք խաչելու թեան տեառն, և այն քառասունք յարութէ կենդանուէ տեառն: Այս քառասունք քացախ և լեղի չարչա- րանացն տեառն, և այն քառասունք խորիսխ մեղու և ձկան խորովելոյ մասն յարութեն տեառն: Այս քառասունք զինուօրացն կնքով պահէլ զգեբեզմանն տեառն, և այն քառասուն հրեշտակացն զաւետիսն տալ մարիամանցն զյարութեն տեառն: Այս քա- ռասուն միջնորդ ապաշխարութէ, և այն քառասուն երաշխաւոր թողուէ: Այս քառասուն քաւիչ յան- ցանաց, և այն քառասուն թողիչ մեղաց: Այս քա- ռասուն լալոյ և արտասուաց, և այն ցնծութեան և ուրախութէ: Այս քառասուն սերմանելոյ ցաւովք և տրտմութի, և այն քառասուն ժողովելոյ փառօք և գովութի:

Արդ այս քառասնորդաւ մեծ մարգարէն Մովսէս

1 Յայլում չէք յո, յորում և գրեալ էր զկնի խաչի, բախ:

2 Յայլում օրինակի բազանիւն:

Էտ զօրէնս ժողովրդեանն . և այն քառասնորդաւ քաւեաց Մովսէս զյանցանսն Ահարոնի և զյանցանս նմ ժողովրդեանն : Այս քառասնորդաւ չոգաւ Եղիա 'ի լեառն սինէական , առնուլ հրաման 'ի տեառնէ զվերանալոյն իւրոյ յերկինս : Այսու պահօք ապրեցան երեք մանկունքն 'ի բարձրաբերձ բոցոյ տոչորական հրոյն սատակմանէ : Այսու պահօք լուծին նինուէացիքն զվճիւ մահուան զտէրունական հրամանին , առ 'ի լինելոյ ընդունելական պահք ապաշխարութեան նոցա , և արագաթող լինելոյ մեղք յանցանաց նոցա :

ՍՐՈՑ և զուգական Երրորդու թեանն երեք ան-
 ձինք, մի անձու թիւն, մի հականու թիւն, մի խկու-
 թիւն, մի ինքնահամու թիւն. մի է թագաւորու թիւ,
 մի է արքայու թիւ, մի է տէրու թիւ, մի է իշխանուի,
 մի է փառաւորու թիւ, մի է բնու թիւ, մի է հաւասար-
 րու թիւ, մի է սրբու թիւ, մի է կամք, մի է խորհուրդ,
 մի է փառք, մի է պատիւ, մի յոյս, մի սէր, մի հա-
 լատ : Մեծ, հզօր, կարող և 'ի վեր քան զամ, ա-
 նեղ, անանց, անսկիզբն, անվախճան, անկատարած,
 անհաս, անտես, անքնին, և ոչ իւրք կարօտ, և ոչ
 իմիք ցանկացող. ամենահայր, ամենասէր, ամենա-
 զու թ, ամենախնամ, ամենալուր, ամենապարզ և,
 ամենահաս, ամենատես, ամենագէտ, ամենափրկիչ,
 ամենակեցոյց : Որ ակնարկելոյն դարմանէ զամ արա-
 րածս, զերկնաւորս և զերկրաւորս, զերեւելիս և զան-
 երեւոյթս, 'ի շէնս և յանշէնս, յամ արարածոց յե-
 րեւելեաց և յաներևու թից, յերկնաւորաց և յեր-
 կրաւորաց՝ նմա փառք յաւիտեանս :

Սիածին Բանն կամօք Հօր եկեալ յերկիր, և 'ի
 սրբոյ կուսէն մարմնացեալ, չարչարեալ, թաղեալ,
 յարուցեալ յերրորդ աւուր՝ նստաւ ընդ աջմէ Հօր .
 և գայ դարձեալ դատել զկենդանիս և զմեռեալս :
 Որ ըստ էութեն անմայր, և ըստ տեսչուէն անհայր՝
 եկն փրկել զարարածս : Չէ հնար և սոսկ այ չար-
 չարել, և մեռանել չէր հնար. արդ էն անձ եկն և
 եղև մարդ, և մեռաւ և փրկեաց զարարածս : Արդ
 այլ ոք արարիչ և փրկիչ և կեցուցիչ իբրև զնա ոչ
 եղև և ոչ եղիցի և ոչ լինելոց է . բայց միայն մինն,
 միածինն, 'ի կուսէն ծնեալ անձ, եղեալ մարդ : Քան-
 զի բազումք 'ի մարդկանէ անձածանօթք, անձատեսք,
 անձախօսք . այլ ըստ բնուէ մարդիկ կոչին, և ոչ անձ :
 Ելին ոմանք մարմնով յերկինս . սակայն և անդ մար-
 դիկ ըստ բնուէ են, և կամ հրեշտակք, այլ ոչ է թէ

անձ : Նոյն օրինակ և Բանին այ եկեալ յերկիր և ե-
 ղեալ մարդ , և մեռեալ իբրև զմարդ , այլ ըստ էու-
 թէնն անձ կօչի , և ոչ մարդ . և ըստ տեսչութենն անձ
 մարդացեալ , և ոչ մարդ անձացեալ : Մարդ յերկինս
 և յերկրի մի և նոյն ինքն միացեալ միաւորեալ մար-
 մնով և անձութի , ՚ի սրբոյ կուսէն ծնեալ կամաւ Հօր
 բան և միտք , և կամաւ Հօր ՚ի սկզբանէ արար զանձ ,
 և ՚ի վախճանի երևեցաւ մարդկան , տէր և տեսուչ
 յերկինս և յերկրի : Որ յառաջ քան զյաւիտեանս
 և ՚ի վախճանի էջ յերկիր վասն կենաց և փրկութե
 մարդկան . միջնորդ այ , և երաշխաւոր աշխարհի .
 պատարագ Հօր , և փրկութի մարդկան . զատիկ աշ-
 խարհի , և տօն տիեզերաց . հովիւ մարդկան , և պա-
 հապան ՚ի թշնամեացն . տուիչ կենաց , և աւետաւոր
 յարութե . յաջողիչ կենաց , և առիթ արքայութենն .
 խաղաղարար աշխարհի , և լուսատու խաւարելոց .
 տուիչ կենաց , և բաշխող պարգևաց . փառք արդարոց ,
 և փրկանք մեղաւորաց . կեանք կենդանեաց , և յոյս
 մեռելոց : Նմա փառք յաւիտեանս :

ԱՍՏՈՒԱԾ սէր է, ասէ որդին որոտման սիրելի աշակերան Քոթի Յովհաննէս . և որ կայ 'ի սէրն յիմ թընակէ, և իմ 'ի նմա : Եւ արդ եղբարք, լուարուք և 'ի միտ առէք զճառս սիրոյ : Զի իմ որ սիրէ զիմ, սիրէ նա և զեղբայր իւր . զի սէրն ինչ սիրով եղբօրն երևի : Զի թէ զեղբայրն զոր տեսանէ՝ ոչ սիրէ, զիմ զոր ոչն տեսանէ՝ զիսորդ կարիցէ սիրել : Այսուիկ ճանաչեմք եթէ սիրեմք զիմ, յորժամ սիրեմք զեղբայրն մեր ըստ հոգւոյն սիրոյ և ոչ ըստ մարմնոյ : Զի այլ է սէր հոգւոյն և այլ մարմնոյն . զոր յառաջ գընացեալ ասասցուք յիւրում տեղւոջն : Բայց արդ իմ որ սիրէ՝ ճանաչի յայ, և ինքն ճանաչէ զիմ . և իմ որ ոչ սիրէ զեղբայր իւր ցաւակցաբար, օտար է յայ, և զչնորհս իմ յայն ոչ կարէ ընդունել : Ամենայն որ սիրէ զեղբայր իւր 'ի սուրբ սրտէ, բնակարան լինի ինչ, և իմ 'ի նմա բնակէ : Զի ինքն տէրն սիրեաց զմեզ և առաքեաց զՀոգին Ճմարտութե՛ բնակել 'ի մեզ : Զի իմանալի հոգիս մեր ընդ անիմանալի Հոգւոյն ինչ սիրով կապակցի . և որպէս նա սիրեաց զմեզ, նոյնպէս և 'ի մէնջ կամի սիրել զմիմեանս :

Տես թէ որչափ համարձակութի՛ ունի սէրն առ իմ, որպէս թէ նման ինչ առնէ զմարդն : Զի իմ սիրովն իւրով նման մարդկան եղև, և եցոյց թէ մարդիկ իւրեանց սիրովն նման ինչ լինելոց են : Զի իմ այնչափ սիրեաց զաշխարհս, մինչև զՈրդին իւր միածին առաքեաց 'ի փրկութի՛ աշխարհի . եթէ մեք սիրեսցուք զմիմեանս որպէս և սիրեաց իմ զմեզ, ոչ ինչ է չար որ խափանէ զսէրն մեր : Ամենայն որ սիրէ, յայտնի է առաջի մարդկան և համարձակ առաջի ինչ . զի երկիւղ 'ի մեզաց մահու ոչ ունի, այլ սիրովն ինչ զինեալ կայ, և անահ յիմ երկիւղական վտանգից : Աւր սէր է, անդ երկիւղ ոչ է . որպէս և Յոհաննէս ասէ . «Երկիւղ ոչ գոյ 'ի սէրն, այլ սէր կատարեալ 'ի բաց մերժէ զերկիւղ» : Զի երկիւղ ընդ տանջանօք է, և սէր 'ի համարձակութի . և զի երկիւղ հա-

լածի 'ի սիրոյ : Եւ ուր սէր ոչ է, անդ է երկիւղ դատաստանին, և ահ կորստեան յաւուր մեծի ահեղ ատենին : Իսկ սէր աներկիւղ առնէ զմարդ յամ տան ջանաց : Սէր զայն ասեմ, որ ամենեւին հեռի է յերկբայութի : Զի երկբայութի և սէր 'ի միասին ոչ բընակէ : և գիտելի է՝ զի սէրն ոչ միայն 'ի կեանսն յաւիտենականս պտղաբերէ զպտուղ խաղաղութե իւրոյ, այլ և յաշխարհիս յայսմիկ զամ թշնամութիւն 'ի բաց հալածէ : զնախանձ և զատելութի, զոխակալութի և զչարակնութի, զչարախօսութի և զհայհոյութի, զտրտունջ և զբամբասանս, զհպարտութի և զամբարհաւաճութի, և մանաւանդ զմայրն ամ չարեաց զարծաթսիրութի և զագահութի :

Արդ որ զսէրն ունի, յայտ ամ չարեացս 'ի բաց հեռանայ, և յերկնային անբոյթ խաղաղական նաւահանգիստն ժամանէ յամենեւին բարին : Զի՞նչ խաղաղական քան զսէրն՝ ազատ լինել յամ խռովուէ և զանային հաճոյսն կատարել : Սէրն բանալի է արքայուն երկնից և ճանապարհ կենացն յաւիտենից : Սէրն ըզմարդիկ որդիս ան առնէ և երկնից արքայութե ժառանգորդ : Սէրն զապականացու բնութիւնս անպական գործէ, և զմահականացուս յանմահութիւնս գերափոխէ : Սէրն զերկրայինս երկնային առնէ, և զհողեղէնս հրեղէն կազմէ : Եւ արդ ո՞վ կարէ պատմել զանչափ մեծութիւն սիրոյն, զի անճառ և անպատում է : Ըստ որում և անեղ բնութի անծութեան անքննելի է, այսպէս և բնութիւն սիրոյն : Եւ որպէս անճառ է, բայց յամենեւինս մերձ է, և բնակեալ է 'ի հեզս և 'ի խոնարհս և յայնոսիկ՝ որ դողան 'ի բանից նորա, այնպէս և սէրն յամենեւեան մերձ է, որ կամին զնա : և ինքն եկեալ բնակեացէ 'ի խնդրողս իւր : Քանզի սէրն սիրէ զսիրելիս իւր, և ատէ՝ ոչ զատելիս իւր : Որ խնդրեն զնա, մերձ է 'ի նոսա անճառս : զի անճառ է և կամեցող սիրոյ 'ի սուրբ սրտէ և յանկեղծաւոր հաւատոյ :

Յ Լ Ն Ա



| | |
|--|-----|
| Վլասն խոստովանութեն վարուց յանցանաց | 1 |
| Վլասն ապաշխարութեն | 9 |
| Վլասն պահոց պնդութեն | 18 |
| Վլասն ընդունելի և անընդունելի ազօթից | 26 |
| Յաղագս ողորմութեն տնանկաց | 35 |
| Յաղագս պողոց և պատարագաց | 45 |
| Վլասն փոխոց և վաշխից | 52 |
| Յաղագս մխիթարութեն աղքատաց | 60 |
| Վլասն քահանայից տեսչութեն | 68 |
| Յաղագս բամբասողաց | 79 |
| Վլասն սիրոյ և մախանաց և նախանձու | 87 |
| Վլասն բարկացողաց բարուց | 93 |
| Վլասն ռխապահաց և քինահանաց | 100 |
| Վլասն սակաւ դողութեն որ ոչ ապաշխարեն | 106 |
| Վլասն չար սովորութեն երգման | 110 |
| Վլասն արբեցողաց անօրէնութեց | 117 |
| Վլասն անօրէն թատերաց զիւականաց | 123 |
| Վլասն կնաթողաց | 130 |
| Վլասն անանամոլաց | 134 |
| Վլասն չսիրելոյ զթշնամիս նյ | 142 |
| Վլասն ահեղ հարուածոց կարկտի | 149 |
| Վլասն զգուշութեն ՚ի խորհուրդն մերձենալոյ | 158 |
| Վլասն մխիթարութեն վախճանելոց | 168 |
| Ողբք | 176 |
| Ազօթք | 178 |
| Յաղագս պէսպէս առաքինութեն խրատու | 181 |

| | |
|-----------------------------|-----|
| ✓ Յաղագս պէսպէս ախտից | 182 |
| ✓ Վասն հմայից դիւ թականաց | 184 |
| ✓ Վանոնք | 202 |
| ✓ Յաղագս քառանորդական պահոց | 204 |
| ✓ Ի սուրբ Երրորդութիւն | 207 |
| ✓ Վասն սիրոյ | 209 |



| Էջ | Տող, | ՎՃԻՊԱԿԻ | ՈՒՂՂԵԱՆՔ |
|-----|------|---------------|-----------------|
| 20 | 12 | պրն. ու թ լ ք | պրն. դ ու թ լ ք |
| 32 | 37 | այնպէ | այնպէս |
| 48 | 23 | շօ. ղէ ալ ք | ղօ. ղէ ալ ք |
| 107 | 19 | արաչին | արարչին |